


*Perloda Zon u Zagonê Kirmanc-Zazay*

# Tija Sodiri

Amor: 3 ♦ Serre: 2 ♦ Asma Gulana '96e ♦ Cereme: 150.000 TL



ÇENA SEY RIZAY LEYLA DÊRSIM U JENQSÎDÊ DÊRSİMÎ SERO QESEYKENA



**Amor: 3**  
**Serre: 2**  
**Gulane '96**  
(Hirê asmu de reê vêjina)

Cereme:  
150.000 TL, 10 DM, 9SF,  
35 FF, 6 GBP, 40 KR, 11FL

### REDAKSIYON

Sait Ciya  
Hawar Tornêcengi  
Mehmet Doğan  
Uşen Laşer  
K. Xamîrpêt  
X. Çelker  
Baki İşçi



### ADRESE

Tija Sodiri  
Postfach 70 12 40  
D-60562 Frankfurt  
Tel/Fax: 0.69-52 45 49



### HESAVÊ PANGA

Frankfurter Sparkasse  
Kto.-Nr.: 886895  
Blz.: 500 502 01



### ABONE KERDENE

(Serrê de çar amori vejinê)  
40 DM, 400.000 TL, 36 SF  
120 FF, 24 Found, 160 SEK



## TEYESTEY

Qese Vert, Fikir eba Zon yêno werte.....	3
A. ÖZGEN ÜTKU, Di Mirçiki Çor Çimi, Binê Vore de Hardo şia,	
Uyo ke Nae nêzoneno Hero Şia.....	5
K. XAMIRPËT, Gola Xamîrpêtı.....	8
SAIT CIYA, Ne Mezelig-Nê Faşizm.....	14
MEMED ÇAPAN, Kilami: Zalimê Na Dina, Ters.....	16
MEMED DOĞAN, Belaê Sarê Mordemi.....	17
DR. PHL. ZILHİ SELCAN, Leza Serbestiya Miletê Zazay/Kîrmancı de Qiymetê Zoni.....	20
ŞERWAN BARIHAS, Çhemî Muzin (Kilame).....	38
FARUK EREN, Sanika Zümrd ü Anka.....	39
CELAL TORNE MILDAY, Surguniye Çika?.....	42
HEQE MERCARIJ, Kilimi: Zu leêka Mina Kewiye Tiya/Perske Hora.....	46
KOYO BERZ, Çiyo ke Şar Vîrizo.....	47
HEYDER, Kose-I. (Sanike).....	52
RÜSTEM POLAT, Tornê Sey Rizay ra Tija Sodiri rê Ju Xete.....	55
MEMED DOĞAN, Ma Parçê Hardê Dewreşime [Mektuba Pilê de İndiyau].....	57
CANDAŞ HOCA, Hêrsê Dêrsimi/Dêrsimiz rê ju Mektube.....	65/68
FARUK YAKUP, Kilami/Sîri: Ray Embaza Mi, Hez Mekî.....	69
BERİN JEL, Şeji Endi Qedday.....	70
HEWES MİRO, Kuçıkâ Adırı.....	73
X. ÇELKER, Şe Şero, Ne Mao, Ne nérol!.....	74
UXANE CEMALI, Meseli: Kesa Cte/Qint/Hire Biray (Sanike).....	79/81/82
HAWAR TORNECENGİ, Folklorê Dêrsimi de Caê Lawiku-3.....	84
MİKAIL ASLAN, Kilami: Turke/Sêrê Mi/Sano.....	93
DR. H. ÇAĞLAYAN, 38 ra Ju Pelige (Çêna Sey Rizay Leyla Dêrsim u Jenosidê Dêrsimi Sero Qeseykena).....	94
RİNDE-RABIJA, Sanika Hesê Geme.....	121
HAWAR TORNECENGİ, Serbestiya (Kilame).....	123
ESİRETA ÇAREKİZİ RA ÇEF, Zerreweşîye ra.....	124
FARUK YAKUP, O Qıştasê Roşna Virêyo (Heinrich Heine).....	125
M. AREYZ, Kîrmanciya Made Namê Asmu Çitûr Darino we.....	127
ŞERWAN BARIHAS, Sivan rê Mektuba de Eskerae.....	131
HEQE MERCARIJ, Hengure.....	133
U. PULUR, Tanja.....	134
H. CANSA, Sanika Wejîr Destanı.....	135
HESEN USEN, Nun u Sole.....	138
KEMAL ASTARE, Gérni.....	148
HASAN DEWRAN, Zonê made Namey-III.....	150
KOYO BERZ, Kilami/Sîri: Dinyay Zurkeran/Pawni/Aziyay.....	151
MEME KOEKORTA, Kami Tezeki Berdê Tamîr?.....	153
X. ÇELKER, Meselê Memê Bomî.....	155
VENG U VAZ, Mannheim: (Elifba Zazaki sero Seminar).....	156
Mannheim: (Veyvî Kitavu-6).....	156
Hollanda: Vakîfe Dêrsimi (M. Duzguni Tarixê Dêrsimi sero Seminar da).....	159
Hollanda: Cemâtê Zon u Zogonê Dêrsimi (Konferansê Zonê Ma, C.M. Jakobsoni da).....	160
Frankfurt: (Prof. Davis'c "Wenden u Nustene çitûr yena werte?" Zazaki sero Konferans da).....	161
PRESSE RA, Kîrmanci-Zazay sero çi vejiya.....	162
MİKTUVİ WENDOĞU, KİTÂV, KASET U PERLODE NEWAY, ELİFBA KİRMANCI-ZAZAKI.....	163
ELİFBA KİRMANCI-ZAZAKI.....	165
ELİFBA KİRMANCI-ZAZAKI.....	167

# FIKIR EBE ZON YÊNO WERTE

Hata nika alaqa fikir u zoni sero zaf  
çi nuşiyio, zaf misawre biyo, na hal  
hona ki dewam keno. Niadame ke iyê  
ke na bab de misawre kenê, na qesa  
sero ju fikir derê: Ju isoni ya ki ju  
qomi ke zonê xo kerd vind, fikrê xo ki  
beno vind. Fikir ve zoni ra girêdayê  
~~Satêzî~~  
jubiniyê. Ju het ke nêbi, heto bin ra-  
vêr nêsono. Ma ke vake Zon, weşîya  
qomi, tarixê qomi, edebiyat u felsefê  
qomi yêna'ra ma viri. Demake zonê  
ju qomi ke dariye we, o be xo ki dari-  
no we, sono.

Taê ci esto ke, ison weşîye ra mu-  
sено. Weşîye ra museane de raştiye  
tenêna rind asêna. İson qimetê  
raştiye dayna rind zoneno. Taê ci ki  
weşîye ra nê, kitavu ra, sanik u hê-  
katu ra yêno museane. Teyna musea-  
na kitavu de raştiye her daym zar  
manena. Gereke weşîye be kitavi ra  
têarê kuyê. Nê qesê ke ma cor vati,  
weşîye ma anê'ra zon. Na weşîye  
ewro ci musnena ma, qesa xiya kilme  
ra vajime:

Her ciê ma binê destê dismeni dero.  
Welatê ma binê lingunê eskerê sari  
de naleno, qomê ma wertê heşireni  
dero. Nika marê tek-teyna ju zon  
mendo. Zon ki nino vatene, nino nus-  
tene. Biyo nêmezet, her ke sono, o ki  
beno vind. Eke wazeme reyna bêri-  
me'ra xo; ci ke marê mendo, gere ke  
sistfe ey bixelesnime. Zon ke xeleşiya,  
raa xo ke kerde'ra raste, tari ra ke  
vejiya riyê roşti, xelesnaêna welati ki  
bena nejdi. Hora, xeleşiyêna zon u  
xeleşiyêna welati jubini ra girêdaiyê.

Hata ke welat nêxelaşıya, zon, zon ke  
nêxelesiya ki, welat nêxeleşino. Coka,  
ewro kam ke fekê xo keno ra, virende  
verêmino'ra zonê ma ser, êyrê hucum  
keno. Çi ke teyna ju o mendo. Bizoni-  
me ke, verêmiyêna zonê ma kerdene,  
dismenêna qom u mülxutê ma kerdene.  
Wazenê ke, na dina tariye de çilawa  
ke marê hona roşti u sewle dana, aê ki  
wesaynê. Hora zonê ma her ca de  
men kerdö. Bingê u dewletiya zonê  
ma dewê ma bi. Zonê ma ucau de pay  
ra bi. Çi hêyf ke dewê ma ki amêy  
thal kerdene. Qomê ma surgın u  
ağmê welatê geriviye kerd. Her juyê  
ma caê ro sarê xo guret şî. Ewro ne  
dewi mendi, ne ki khal u kokimê ma.

Vanê, nika dina biya qize, teknik ra-  
ver şio, biyo newe. Her çê de endi te-  
levizyon u radon esto. Her dewe de  
mektev esto. Koledari teyna welat nê,  
mezgê isoni ki wazenê bicêrê binê  
bandıra xo. Mezgê isoni kenê ağun,  
isoni vurnenê, kenê robot, kenê  
dismenê qom u welatê xo, cira finê  
dürü.

İson çitür raştiya xora kuno dür? Ma  
ke va raştiye, ci yêno aqil? Tabi ki  
ravê zon yêno! Mordem raştiya xo  
zonê xode vêneneno. Thamê rîndekiya  
xo zonê xode cêno. Coka dismen wa-  
zeno ke isonê ma zonê xora dür bima-  
no, zonê xora serm bikero, zonê xo  
qewul mekerô. İson zonê xora ke dür  
mend, zonê xo ke qız di, sari rê  
tenêna ret beno xizmekar. Qomê ke  
hona serbest niyê, iyê ke binê destê  
dismeni derê, qomunê nianenu de

mordemê bêmezgi zaf yêne diyaêne. Ni verva dismeni nê, verva qomê xo vundenê. Dismeni rê benê kole, eke dore amê qomê xo, nafa ki kou pufkenê. Niadame ke mara taê vejiyê kar-gurê xo caverdo, teyna verva ma watenê, jê zaranca surelæ. Dek u dubara dîma vozenê. Sar zonê mara "lehça" vano, zonê ma hûrênda zoni de saynêkeno, nayine ra phuiyê nêvêjina. Pers nêkenê ke, "na çi dismenêna sima 'be ma kenê?'" Í ki jê dismeni wazenê ke vengê ma bibiriyo. De se vajime, hora hardê made zarancê surelay zafê. Se kerime!

Naca de gereke vajime, taê hona besenêkenê ke zonê xo qeseykerê. Qomê xo nasnêkenê, namê welat u qomê xo nêzonenê. Niaderê! Çi çio de xiravino ke, zonê xode nusten u wendene nêzonenê; na halê xode nianêdanê, i ustê ra, vanê: "Ma Tirkiya de çığa qomi estê, inu xelesneme". Ni ki gereke tenê ayne de motê xo bê, xo bivêne ke, endi raa xuya gelete ra decêrê. Xort u çenê ma seveta sari, seveta karê tholi meguriyê.

*yalere*  
Na uri u zulumate de hona çığa ke senik bo ki, hawa Tija Sodiri sewte dana. Na serruniê peyênu de taê roşteriunê ma seveta xelesa zon u welatê xo, gurê de hewli ardi werte. Na kar u gurey wertê adiru de virajiay. Dismeni waşt ke leza serbestiye bivindarno, hona ke phoşta xo rasti nêkerda, bixenekno.

Xojivê ma bo ke, hewsesê dismeni zere de verda. Ewro qomê ma roz be roz yêno'ra xo, leza serbestiye ebe raa demografi ravêr beno.

Çığa ke senik bo, haê zonê made kitavi, perlodi u zobina çiê bini vejinê. Gramatikê zonê ma virajino, sevata musnaêna zon u dezgê siyasi, hao giran giran zon yêno meyda. Raa na kar u gurey de perloda ma rolo de muhim cêna xo ser. Çığaş ke dezgê ma estê, gereke nine rê wayir bivejime. Wayir bivejime ke, caê xo migerrim bo.

### Venge

Tabi, teyna ebe perlod u kitavu ki nêbeno. Gere ke her çeyê ma ju mektev, her isonê ma ju maylumê zonê xo bo. Her çiê zonê ma marê bo, hetê mara bêro meyda. Derd u khulê ma, eşq u sewda ma, muzik u raqsê ma, kilamê ma, kilmek ra weşîya ma, zonê made areze bo. Gere bizonime ke, zonê sarê teveri de ma dayma xam maneme.

Tija Sodiri amora hirêne ki nawa reste destê sima. Eke wazanê perlode tenêna rind u rindek bivêjiyo, -hevê bo ki- çike destibera sima yêno, mara dirğeni mekerê. Phoştdariya xo kêm mekerê. Ebe nuste u mektuve, ebe qese-xevere, bêrê wertê xode ju pirdo de qayim bivirajime.

Bêrê zerreweşîya xo zonê xode saê kerime!

Xorê wayir bivêjime.\*

Perloda **Tija Sodiri**, bêrê pêro-pia bivêjime, biwanime, biroşime, vitakirime.

Weşîye de bimanê.

Hata reyna simara xatir wazeme.

Redaksiyon

# DI MİRÇIKİ ÇOR ÇİMİ, BINÊ VORE DE HARDO ŞİA, UYO KE NAE NÉZONENO HERO ŞİA

A. ÖZGEN UTKU

Jê ewroyeni yeno ra mi viri. Ez ke qız vine, maa mi Elife ma domoni kerdenê top, mära mertali pers kerde ne. Elif Xatune rozê mara jü mertale pers kerde, vake ke: "Di mirçiki çor çimi, binê vore de hardo şia, uyo ke nae nêzoneno hero şia." Eve o aqil qe cüavê na qesa dayino? Pili ke pilê, nêşikinê cüavê na qesa girane bîdê; ma, ma çituri huzmê na qesa vejime. Ma domonu ke ci cüav denê, Elif Xatune huyêne. Huyêne, vatene: "Ero herê m', herê m', di mirçiki çor çimi, binê vore de hardo şia, uyo ke nêzoneno hero şia." Ma oncia fam nêkerdene. Ci ke amene ma fek ver, ma vatenê, hama aê oncia huyêne.

Axir aê kerd, ma kerd, cüavo rast mara va, va. Ma domonu jümini de nia da, bime 'ra sur, bime rişa. Ma ho horê hereni qewul kerde. Ma reê koti me ra Elif Xatunê fek ya, seke çimê ho gineno ra ma, huyna, heri ana 'ra ma viri. Her 'ke ardene 'ra ma viri, u waxt aqil amene sarê ma.

Aqilo işte, kam nêzoneno ke, di mirçiki çor çimiyê, binê vorê de hard şia? Nia asêno hama, dêma ke, her kes fam nêkeno, nêvineno.

Belka ke aqilê taine hona jê aqilê domonênia mino, kam ci zoneno?

Di serri ra avê Estemol deru. Dowa mara Yismayıl esto, pêskarê jü mordemekî biyo, horê hedira ho ano. Vano: "Di mirçiki çor çimi, binê vorê de hardo şia, uyo ke nae nêzoneno hero şia." Cüavdaog ki Pilomoriye rao. Feqirê mi hona dewe ra amo suke, tene ki budelao. Yismayıl reyna sono ra ser, vano ke: "Ero mirçika." Yismayıl huwayis de peqo. "Ero çita." Yismayıl lingü erzeno. "Ero isono, nê, nê, hero." Yismayıl huwayis ra taşèle biyo. Yismayıl ke se kerd, cüavo rast nêguret.

Nika taê qesey estê, giranê, cüavê ho ki giranê. Mordem ke aqilê ho rind gurena, cüavo de hewl dano. Nê, eke aqil ra kêmio, ya ki, jê mi, domono, o waxt ne şikino cüavê ho bido, ne ki şikino hereni ra bixeleşiyô.

Ez nêwazon ke kësi rê hequereti bikeri. Ez ne domonenia hora ayv kon, ne ki nêzonoğu ya ki budelau kon qız. Her isono baqil zoneno ke, domono sowi jê isono pili fam nêkeno, aqilê ho her ci ser nêsono. Taê ki estê, aqil ra tamê, her ci fam kenê, biyê pil u girs.

hama qesa raştiye hona fikrê dinu nêkota. Ça? Taê estê ke, jê pilomoriji budelaê. Hama aqlê budelau jê domunûn sawuno. Tey fesateni, hileba-jeni çina. Raştiye verê çimunê dine dera, hama yi nêvinenê. Taê ki estê, çimê ho hawa ra kaykenê. Raştiya ke esta çina yinu dera.. Ni dormê hode zof nia nêdanê. Belka zerê ninu ki pakö. Hama geletiya ho, çike çimê ho hawaraê, nêşikinê bivinê. Taê zindiqi ki estê, geletiya ho ki, nêqiya ho ki zonenê, hama hereni kenê! Ni hardo şay ki zonenê, hero şay ki!

Jü mordemek bi, vatene ke: "Ez isonê çot nêwazon, isonê raşt wazon. Qeso ke wano ki, ri de, dovra dovra vazo. Ez qesa çarexnaene ra has nêkon." Qusurê mide nia medê, mi ki qese tene çerexna, hama henî icav kerd.

Berime qesa ho ser. Dawa ma dawa de gırsa. Gere ma wayirê na dawa ho bivejime. Na raştı! Hama çituri, eve çiki?

İsu eve aqılı heywanu ra birino ra. U waxt gereke ma aqlê ho bigurenime. Dawa ho eve ilim biyarime meyda. Heni bikerime ke, zofeteni mara vaze, qesê sima qesê heqê, dawa sima dawa heqa, karê sima karê do heqo.

Her kês zoneno ke, fikrê mao viren nia nêvi. Ma siyasetü de guriyêne. U waxt ma vatene ke, fikrê ma raştio. Nika ki vame, no fikrê ma, fikrê mao nikaeni, raştio. Meste-biro ki beno ke qeso de bin vame. Karê mordemi bêli nêbeno!

Ez serva o waxti ki, serva no waxti ki van ke, mordem gune her fikir rê rakerdae vo. Mordem ke vake, fikrê mira qêyr pêro fikrê bini geletiê, u waxt eve ho geletino. Heya, ez raa hora son, hama dormê hode ki niadan, qimetê fikrê bini ki zonon, vind nêkon.

Ma waxto viren de verê çimunê ho nêdi. Zonê ho, zagonê / kulturê ho ho viri ra kerd. Pê isonê ho huyayme. Her kêsi re Tirkî salix da, hometa horê, miletê horê nêguriajme. Viren-de bime internasyonalist. Tavi ke internasyonalist biyane geletiye niya, ayy ki niyo; hama kemiyo. Çike isu gere virende ho naskero, hometa ho, miletê ho naskero, dima ki internasyonalist vo; raa raste naa. Çike isu ke internasyonalist mevo, dawa huya girse nêşikino bia ro werte.

Hama hometa ma hora avê ra internasyonalista, humanista, zerewesa; ni pêro odet u kulturê ma de estê. Pi u khalukunê ma, ma u dêkunê ma 'ke riê ho çarnenê Bimbareki, nia minete kerdenê: " Ya bimbarek, homete rê çeverê rake, koseo jü de ki marê rake!" Çiyo ke made kêmio no niyo, kêmeli uza vandro, no heve made jêdero! Çiyo ke made kêmio, horê, kamiya horê, zonê horê, kulturê horê, hometa horê wayir vejiyaêna. Hama pi u khalukunê ma heto bini ra ki nia vatenê: "Her vas koka ho ser roeno, her tayr zonê hode waneno, kam ke eslê ho yinkar keno, roz erzeno rêca ho sono" Ya ki, ma qese hereni ra kerd ra, zeke jü sayirê ma vano, "aqil ra hero." Na hometa ma Kirmancu re

nêqiya, hemi ki nêqiya de gîrsa. Serê na hardê Asya Veri de qe jû homete hometa mara jêde weşîya ho ramîte-ne heq nêkerda.

Heto bin ra ki jû problemo de bin esto: Virende zof internasyonalist vime, tersa m' ke dîma ki zof nasyonalist vime! Gere hesarâ ho vindime, çike na ki xîravina. Dawa ma zerê çor kounê Dêrsimi de nêmano; şero çor kounê dîna reso!


Nika bêrine qesa virene ser. Ma wazeme ke, her kês desinde na dawa jê ma qewul kero. Nê, no nia nêbeno. Belka her kês "binê vore de hardo şiat" fam nêkeno. Aqlê ho hona ey nêreseno. Ne ninu her kerime, ne ki pê bihuyime. Son u sodir ninu de qeseykerime, aqlê raştîye sarê ninu kerime. Taê ki jê maê virenu siyasetu de

gurinê. Yinu henî inam kerdo, henî sonê. Yinu rê naê tomete mekerime. Yi yê maê. Rozê yena, yenê raştîye ser. Belka ke eve ho raa raste doz kenê, vininê. Ninu ki gune ke biarime ra raa rinde ser.

Taê ki estê, zof zindiqê. Qesa heqîye zonenê, hama menfatê ho mezal ve ci nêdano. Yitiqatê ninu zof xîravino. Zof fêsateni, babağeni, dismeneni kenê. Wazenê ke, tua mevurio; fîkrê mordemi henî cemedin bîmano, ya ki jê bêtoni bo. En zof hawrê ninu vinderê! Yi wazenê ke ma biyare dustê ho; perodais ra has kenê. Ninu ver voz medê, hama eke besekenê ninu ra dür vinderê!

*kelvî = medetik yarını  
zog kerden  
= hayvanlard emociyeleri*

Gulana 1996i



Dêrsim ra ju motifo de khan. Manê xo têdusteni ya. Vêyvê Kitavu-6 de qapaxê pelga silaiye bi.

# Gola Xamîrpêt'i

**K. XAMIRPÊT**

Kam ke Gola Xamîrpêtî nasnêkeno, welatê made hetê Serhedi ki nasnêkeno. O waxt êno zanîtene ke hetê Serhedi ki rind nasnêbêno.


Gola Xamîrpêtî, ne bê koyê Cebaxçuri (Bingol), ne bê koyê Xanşerefi, ne bê koyê Heza, ne ki bê koyê Xamîrpêtî bena. Bê çemê Cebaxçuri, bê çemê Mûrâdi u bê çemê Gola Xamîrpêtî ki isan nêşkino qalê serhedi bikero.

Nê pêro ciran u havalê jubiniyê. Qe ju bê ê bini nêbeno, her roj vera jubi ni vindetê jubini de niyadanê. Va, gujgeleke, puk, ȝedeb wertê xode fetelenê. Hem danêpêro jubini ra qarinê payjo ki, zê wa u biraâ virane finê jubini ra. Çhem u goli wayê, koyi ki bîrayê jubiniyê. Kes nêşkino nina jubini ra bîvisno, ne ki hatani nika kes şikiyo.

Gola Xamîrpêtî wertê dewanê Gimgimi (Varto) dera. Zafêriyê xo ki wertê erazi u meranê dewa Eskenderi dera (Ünaldi) coka tenê ki vanê Gola Eskenderi. Gimgim ra 35-40 km duriya, hetê rojavayı dera. Ebe piyatêne Gimgim ra 3-4 sahati oncenâ. Tijiya şodiri virênde erzena dayê, zerqê şodiri daye serra erzeno dewa. Girsbina xo, ebe texminê mi, 30 hazar m<sup>2</sup> ra zêdêriya. Xoribina xo ki, 10-15m, ca-ca ki 20 mêtro xoruya. Ağwa xo zaf zalala, hatani verê hardlerzê Gimgimi (1965) dewa made hini çinêbi. Ebe serra miletê ma ağwa daye şimitê. Ağwê de şirina u kırêj tede zaf şeniko. Ağwa xo bine ra germika ra girina. Nê germiki zimistani ki cemed nêcênenê. Pilê ma şanika (mitolojik) Gola Xamîrpêtî niya quesêkenê:

"Zaf veri ra hurêndiya gole de, hawt dewi, hawt şeheri/suki biyê. Dewa juye de ju cênike ebe domana nêweş bena (dixazkan) eke kuna ra, cirani kes nêşonê na cênike ser, çêberê na cênike beniyê heqi ranêkeno. Hermete zaf kuna re xo ver, o waxt zawt dana, vana ke; "Eke o corên (Heq) vengê mi heşneno, rojê nê rojê nê dewi u suki pêro bibê gola gozlige" A roje ra têpiya nê suki u dewi pêro binê golede manenê." Ayera dîma milet ebe namê na gole sond weno. Namê Gola Xamîrpêtî ki, onci niya êno quesêkerdene. Eke nê dewi u suki pêro binê ağwe de mendê, beno ke vajê, xan u xirabe, xamîr, xan u xaliye onci beno ke namê ju mordemi ra ki bêro, Xamîr namê ju mordemiyo, onci beno ke ebe nê namî ki şanike bêro gîredayene, dewê ke sukê ke binê gole de mendê, beno ke namê dina ra ki ju bijero, uja ra bêro.

Naye ra dîma, kewta hewnanê miletî, kewta itiqatanê miletî, kerda (biya) ziarge, biya kewra, biya mirad daye. Vanê ke; Gole serro asparê de henên cêreno ke, astorê xo mendo re astorê xiziri, qirro. Kam ke tengê kuyo venga dê dano.



Vanê; "Ya asparê Gola keske ti ma raxelsnê!" Cîra mirad wazenê, cîra xêr wazenê. Sero qurbana sa-rebirnenê, rojê di roji roje cénê. Ma u piyê mi ki he-wnê xo de Asparê Gola Keske diyo, şodîr ustê ra he-wnê xo qesêkerdo. O waxt vato, ma domana berzime pêşa Gola Xamîrpêti. Hêni ki kerdo. Ez u birayê minê pili ma eştime pêşa Gola Xamîrpêti, a kewraa mawa. Waxtê suneti de, ebe namê gole ki, ju kurêşij kerdo ke-fil, yanê pêşa dedê sunet kerdime. Ebe namê gole ki, dewa made, venga juyê kurêşiji da. Lajê Usîkê kurêşiji Hese Usêni bi ke-wrayê ma.

Hatani ke ma bime 14-15 serre ki, her serre aşma gu-lane de ma şiyênê Gola Xamîrpêti ser venga ke-wrayê xo ki dênenê Hese Usêni, di qurbani, juyê mirê juye ki birayê mirê sare birnênenê, uja kerdê vîla. Çimke ebe goranê dina juyo xam nêşkiyênê gole temsil bikero, gereke juyo xas bo. Xası ki, şima ki zanê kurêşa ra, pira rayibera ra vanê; Eke ju kurêşij xame de bize-wejiyo, vanê, a xama nêşki-na "ana" têni bikero. Gereke juya xase de bize-wejiyê. Hetê cêniyanê kurêşija de ki niyaro. Ê ki gere xasa de bize-wijiyê.

*kâğıt yaren (bostan, lazar); hırın alevinde  
dürünen, hesibat Emtîte?*

Mi tu xode arda qurbetiye  
Sewda Xamîrpête,  
Asparê Gola keske,  
Her waxt ginena de,  
gege-gege goni şona.  
  
Heto jude Hebib Babao,  
Heto jude Koyê  
Xamîrpêti,  
Heto binde  
virana koyê Hezay dera.

Kef u kopig ceno serê to,  
hêrsbena.  
Usar êno bena pirr serde  
şona,  
Heni bêhemd oncina ke,  
pili tersenê,  
domani dest nêerzenê to.  
  
Cêrena,  
Oncina,  
fetelina,  
Key ke resta çemê  
Muradi.

Ro kena ci, goni dana ci  
kezebanê ke cîra cêrena.  
  
Kes nêzano  
heskerdena to,  
Hêrs benê tora,  
gege bena kêmi u berz.  
Mosê to,  
dimpistikê to  
oncinê xoriya,  
dinyayê de teziye rê.

Ti jana rê,  
ti derda rê  
mirada dana Xamîrpêta  
mi

Mi se pişta xode ti arda  
ita.

Cavirde çemê Reni,  
Ağwa dêa çamurune  
Herroj meyita onceno,  
Cêno beno  
bahre bakuri  
Hem qetlicyo,  
Hemi ki bêbexto.

Xamîrpêta mi  
Mi tu arda ita ki,  
Zerê kezeba mi dera  
Roşnaya eşqê mi dera  
Omidê mina,  
Qudimê mina.  
  
Ebe roj Qulinqi,  
Şewe mosêy,  
Ordegê Çoli  
oncinê ağwa tote,  
Miradê mi,  
sewda mina.

Ez zana,  
Ti ki hesreta mi onceno  
Destê mi nêreseno to  
Vengê mi,  
ne ki lorika mi,  
Ti kewta miqam u  
kilamanê mi  
Thamê kilamanê mina.

Miqamê mi,  
eşqê mi,  
sewdaliyê mina.  
Welatê mina,  
Çimke,  
ti XAMIRPÊTA mina.

Miletê ma itiqatê xoyo zafê de (zaf heq) wertê xuyo hard u asmên de xêlê çiya pê itiqat ano. Coka ke elewiteniya ma u tirka, her qeyde de jubin nêcêna. Nejat Birdoğan kitabê xoyo "Anadolunun gizli Kültürü Alevilik" de vano; "Elewiyê Dêrsim Gîmgimi u Erzingani eyni zê itiqatê ma şamanistê". Ebe naye ki, ma beno kokera tirka ra girêdano, no şaso. Beno ke itiqatanê dinade ki tenêyê ke, nezdiya madeê ki bibê. No ki nino no mane, ma bero tirka ra girêdo. N.Birdiğan Zazaki nêzaneno. Mîleto ke cira perskerdo u kitabê xo nusno. Kitabê xo turki nüsno. No ki nino no maneke, duê u venga heqidâş pêro turki êno vatenê. Çimke itiqatê made zafêri, pir u raibera duê cemati u gulbangi zonê made dêne. Waxto ke venga heqi dêne zonê made vengdêne. N.Birdoğan Kemalistêni keno. Mesebê şamana de ki ca-ca mendo re êma. Çimke ê ki adir ebe axwe nêşaynenê, ziyara ra lak girêdanê u êb...

Çike itiqatê ma vurna, çepêni biye sebeb, nêmo zafêri ki çepê turka bi. Ebe no fikir, itiqatê ma ebe ninga u lekana kewti werte. Ne ziyari ne diyari vîrdayi, ne pir u raiberi vîrdayi, ne ki şeyidi. Ayera dima galê şeyida kerd. Vake pirê zernanê kiniti, day ra, milet cira fişt duri. Goranê dina nê şeyidi, waxto ke Osmaniya u turka hermeni qır kerdê, o waxt hermeniya ki, kesê dinayê ke, dewleti u wayirê "var" biyê eke nê amê kiştene, çimiyê dinawo qimet dinade kerd mezele. U cayê dina ki onci hermeniya kıvş kerdö ke, payjo eke herb qediya onci bêre radê berê. Hama hatani roja ewroyi qe fersend nêkewto dest, coka niyamê vato. Ebe no qeyde pêro şeyidi u ziyari day ra. Hebib baba, qoli baba, tujik baba, goşkar baba, şeyidê diyari pêro kiniti. Miletê ma endê bi bêomid. Nêzana ke kata şoro. Çepa o waxt vatê "nê çiyê niyanêni, çiyê kanê, çiyê batilê, ma nina peyde berzime, çimke ma sosyalizm ame". Ne pir ne raiber ne ki çiyê maneno... Çi hêf-ke nê çiyê ke eşti vay ver hurêndiya ninade qe çiyê de torelî niyard. Hetê turka de hondayê zayet nîda miletê turka, çimke ê henî rew ebe nîna qan nêbi. Esas derba giranê elewiya werde. Çimke nê çepa eyni ci hetê suniya de nêkerdi. Dinara vatê, ma gereke dinê ke milet pê inam beno gere hurmet cîmusnime. Şonê hec, roje cînê, roj pone dolimi nimaj kenê, zerarê ma çîko wa şorê bikerê. Hama miletê mara nêvatê, çîqa ke batil bo ki, milet pê inam biyo hurmet bikerê nêvatê. Welew ke miletê ma fanatic dindar nêbi coka.

Tawa ma u bîslîmantêni piya çino. Çimke bîslîmatêni de şeriatte, pone şerti estê; Nimaj, hec, roje, zikat u şadete nê poncina kam biyaro ca, o şikino xora vajo ez bîslîmana. Eke ma nê şerta miletê ma şanîme kamci esto, xêrca ju şadette ra zêde ê bini çinê, a ki tersa ra vata ke pê inambê ke nê ki bîslîmanê. Çimke no şerto virêno. Hec ewro kerdö cayê "al u vêr" i postikanê qurbana sero jubini gewxnenê, zikat kerdö vêrgi, bê camiya nimaj nêkenê, her hetê kerdö pirê camiya, şona koti her tağe camiya xo kerda arzi... Ma itiqatê made çiyo niyanêni esto? Niya gocori sero, jubini bigewxnenê. Xêrca wertê pir u talibade tenê qelptêni biya, ê itiqatanê mayê bina de taweyê ma nêmendo re bîslîmantêni... *Sahîckarîz*

Waxto ke ma qalê Gola Xamîrpêti kerd gere qalê Gola qije ki bikeme bê daye ki nêbeno. Gola Qije ki, Gola Xamîrpeti ra gelê berza. Wertê hurdiminede qederê 800-900 m jubini ra duriyê. Axwa Gola Qije ki corde êna resena Gola Xamîrpêti. Na ağıwe de ki xêlê mosê "Ala balık" estê. Hona axwa xo Gola *Kader - nejdîjî* *xeyle*

Xamîrpêti ra ki zalala. 40-45m xoriya, na xoribine de onci ti şikina binde çi esto ê bivêne, henî ke zalala. Dormê xode ca-ca talpê bîri estê darê mozêne, u qawaxê. Kes nêtawreno cikuyo ajne bikero. Vanê, ma onçena binê xo. Hona beniyê heqi tede nêxeneqîyo onci ki milet terseno. Hama çi hikmeta ke, ziarge niya kes qebul nêkeno. Niyamo vatene. Hurdmine gola pişta xo şanita koyê Xamîrpêti, heto çep-te koyê Hezawo. Koyê Heza hona nina ra zaf berzêriyo. Waxto ke vejiyê serê koyê Xamîrpêti nê dewa vênenâ; Serçuge, Eyna, Eskender, Qurçike, tenêna cérde Keralîg, Dırba, Dowa Keki, Gomê Mamedi, Xunis/Khela vênenâ. Onci, Koyê Xanşerefi, Koğa Bingoli, Şeyidê Evdileli (serê dewa Qêrya ra wo). Hetô binde ki, boverê çemi Muradi de dewanê bina vênenâ, Çaxsore, Niftîke u êb.. Boverê Muradi zê sindorê ju dewleto. Degme-degme nê dewê na hetê Muradi, ne ki o hetê Muradi hondayê ninê jubini nêşonê. Çimke pirdi ki çino çemê Muradi sero. Bê daye ki, Waxto ke dizdêni biye eke to na hete ra mal derbaz hetê bini kerd, a dawa merde. Kes derbazê hetê bini nêbeno. Eke o hete ra ki derbazê na heti kerê, qasê hetê bini niyo. Çimke Erzurum na hete ra daha nezdiyo. Rojê ravê resnenê Erzurum onci dawa qedîye. Boverê Muradi pêroyê xo şafiyê, nêmêde dewa gîredaiyî Muşî yê, ê bini ki ê Bulanîg'ı yê. Eke dizdênde mal derbaz boveri Muradi kerdo, juyê de elewiya nêşkino şoro. Çimke ters esto. Dewê ujaya zaf dewletiyê. Pêro asparê. Eraziyê xo zafê, ebe keriya mal nê dewa ra vejino. Dewlete degme cesaret nêkerdo şoro ujaya, o waxt hona mektebê turka hondayê çinêbi. Pirdi ki wertê nê dewade çemê Muradi sero çino.

*300-400 maf (...)*

*hematai* Çemê Gola Xamîrpêti virênde Eskender, Serçuge, Gomê Mamedi, Keralîg, Dırba, Gomê Çawişî, Gomê Xani ra cêrêno hatanike rest çemê Cebaxçuri. Payjo nezdiyê Muşî de reseno çemê Muradi. Tenê çêberê Gola Xamîrpêti ra cêrde, nezdiyê bêbinide waxtê Urarto'ya (2000 Serre verê Isa'yı) de itara yayê de girse onta hatani dewa Çarburi berda. Na vaa ağwe qasê mêtro u nêmi vêrinbiya. Pilanê dewa ma vatê, "Mışone berzê ser rehet şono, henî ke hira da ra. Hona cayê na vaye kîşo siyanê hîniyê kavara ra onta serrê raya cadiro, koyê Xanşerefi ra çarna henî berda hatani dewanê bina". Nîka ki waxto ke ti bêbinde û xîlxîlêde rind niyade, kemerê gilorê gîrsi tede estê, her kemere qasê kemera arayi esta. Wertê nê kemera ki onci zê kemera areyi wertê daye kerdo qule. Benoke no gûgurede virênde arayê viraştê. Hona hatani roja ewroyi ki, dewa made di tenê arê estê. Vanê arê cori u arê cêri. Arê cori kurêşanê dewa ma deste dero, her serre parê kenê, ebe dore her serre ju xebetneno. Arê cêri ki ê mordemanê mawo ê qasîmano/balka.

Eke usar amê Gola Xamîrpêti ginena de. Ağwa ke koa ra heliya pêro resena gole, ayera ki zaf bena berz. Defê ki, payizi ginena de axwa xo sur onçina. Miletî vatê; Gole serrê de ju dolime xo kena teze. O waxt mosê merdê zaf çem de amênê hatani wertê dewe, kesi nêwerdê. Vatê nêweşê. Usar teyna, ya çemde guretê ya ki şiyenê, raştê gole qılıja de guretê. Usari dormê xode çi çino ke; Mendike, cağ, qime, hêlige, kengeri, morşingi, melaco, sungi, enway rengi çiçegi guli, waxto ke boa dina amênê pirnika isani, isan xora vêrdê. Hatani şand qe çiyê xode meberê çol, şikina ebe nê tar u turi pizê xo mîrdkerê.

Veran

dül (şerkeit) (şerkeit) (şerkeit) (şerkeit)

Zimistani serê gole cemed cêno. Amnani mileti wara de çi çinito, kinkor, şirheliz u vaşı. Zimistani nê cemedi ser ra oncenâ anê dewe. Aşma çelê qalindi dê, gereke qasê heystê paka bo ayera dima ki, gere onci vare serê cemedi bijero. Çimke cemedo sayede isan nêşkino ser ra şoro. Ayera têpiya dewe ra di-hirê mordemi şonê niyadanê eke gole sero, rêça ninganê/linge lüye ya ki avrêsi esta. Eke avrêş ya ki lüye na-kobera/derbaz biyê şiyê kobo bjin, hona milet pê inam beno ke, gole cemed gureto. Enê dewe de vanê 'wule ma rêça ninganê lüye u avrêsi diye. Xebere danê pêro cirana, ebe samaxêr u tauga şonê tapola oncenê.

Nika şima vanê ke, se ebe lüye u awrêsi bawer benê ke gole cemed gureto. Qey şorê ebe xo tenê cemed bışıkñê hala çığa qalindo ayê ra têpia pê inam bê. Şima ki zanê isan zaf çiya heywana ra museno. Virênde dewede qesêkerdê vatê; waxto ke kutiki zurenê dewe ra vejinê, şima bizanê ke hardlerz esto, eke qilançike sivigê kami sero bıqıştno, xeberêde rind nina nê çeyirê. Qılancike bêyoma. Leylege ra vanê "Heci leylege" Elewi hondayê hesnêkenê. Fejet a ki dişmenê morana o hetede ki onci cira heskenê. Qulinga ra heskenê, vanê; vengê dina vengê eliyo, zaf cira heskenê. Pir Sultan Abdali ki qulinga sero xelê şieri nûsnê, wertê itiqatê made cayê dina ki esto. Asto ra ke asparê daye ser ra warogino, eke ê aspari sero mevindero, vanê; na çiyê rê nêbena... Miya ke ere varekê xo wayir mevejiyo cira hesnêkênê. Hona heywana sero zaf ci estê. Mesela rêça ninganê avrêsi u lüyê ki nina ra juya. Miheqeq zaf tecrubê dina diye.

Usari, payizi, amnan u zimistan dormê Gola Xamîrpêtî de ti vana dinya bena xirabe u onci bena şen. Vere usari cemedo ko gureto waxto ke helino, beno dingi-naliye u şırqeno eke qlaşino ra, vengê xo hatani Xunis şono. No ki endê nişanê usariyo. Şeyid u ziyarê ke dormê Gola Xamîrpêtî de pêro herroj ruyê xo çarnenê re jubini, ti vana jubin de qesêkenê. Miletê ma roja ke ebe namê nina sond mewero a roje çina. Eke cira bıqariyê ki, benê lakê de siya pira girêdanê. "Ma dawa da to, ti halke" Ebe şewe nina sero kunê ra, qurbana sarebirnenê, sero venga pir u raiberanê xo danê. Miletê ma: "Aşme, nurê Eliyo, Roj, nurê Eli mehemediyo, Asmîn bê bino u bê wayiro hardo dewrêş..." Ebe mezela Mehemedi sond nêwenê, ebe quranê sond nêwenê, beno ke ma biyarime miletê ma ebe zor bisilmatêni ra girêdime. Hama her çiyê siyasi mezeleqnime wertê itiqatê miletê xora. Raştiya dina sero, exlaqê dina sero, gumanê dina sero gere ebe giranêni bêro vindetene. Her ci ebe namê politika mebo.

Ebe eşqê welati, ebe eşqê Gola Xamîrpêtî şîrê ke mi sero nûsnay, eke eşq u zerevêşayêna Gola Xamîrpêtî mi sero nêbiyêni, imkanâ naye çinêbiye. Coka Kitabo ke mi türki nûsna ebe no eşq, Namê kitabı "Xamîrpêtin Sevdası" na pira Sewda Xamîrpêt'e. Uja de mi vato; Mi ti kerda pişt arda ita. Çimke zerê mi rehet nêbeno eke vaji ti teyna zerê mi dera. Coka vato; ti kerda pişt arda ita ki. Beno ke ebe türki amo nûsnayene, Gola Xamîrpêtî zerê xo bijero. Çimke eziki zan ke ne zonê daye türkiyo, ne ki türki fam kena, ne ki miletê dormê daye. Eke henîyo **GOLA XAMIRPÊTİ**, mi ef kero nika ebe zonê dae nûsnen.



# "NE MEZELİĞ - NE FAŞİZM"

*Sait Ciya*

Cit tur ke kotime dewe cêr ra jü dewuz rastê ma bi. Ma selam da jübini, xalxatirê jübini pers kerd. Dewe de keşî ma nasnêkerdêne. Hama, ma wastene ke dewe de di-hirê çeu nasbikêrime. Ma va, apo namê tuyô xêr çiko? Ap riyê ma de niyada ebe zereweşîye ra va, namê mi Temiro. Nafa ki dorê amey bi ma. Hama made qe veng u vac çine bi. Ap Temiri ebe huyais va, çiko sima zonê xu quletna ro? Namê sima çiko? Sima kotiraê?

Herkesi xorê jü name, jü ki dewe diye. Dowa ke ma vate, dowa Temiri ra xeyle düri biye. Ma va, belka ke Ap ucau nasnêkeno. Axsine desinde hal-demi rê sîfte kerd. Na dewu ra jüyê de çêna xo zeweciya. Zobina li uca de mordemê xo biyê. Ap Temir, rew rew şio-amo. Çi hêf ke Ap Temiri qesa ma inam nêkerde. Zurê ma ke bi eşkera, Ap Temiri va; Weê sima 'devrimci'yê!

Newdariyêna ma ebe zur beli biye. No çiyo de rind nêbi. Werte ra jü olvoji wast ke na zuri rast kero. Çarna ra turki va, ma verba dewlete ceng danime. Wazenime ke mîleti na heşireni ra bixelesnime. Dewlete ki wazena ma pêbicêro, ya ki bikişo. Coka gere ke namê ma mîro naskerdene.

Ap Temir hetê ra huyino, hetêra ki qesêy keno: Nêro bîra, dewlete ra marê çi. Made her kes jubin naskeno. Tibarê ma jübini rê yeno. Oncia ki sima zanê. Hêni aseno ke sima vêşanê. Ala şime çê tenê raoroşime, ae ra têpia qeseykenime.

Hetê ra qeseykeme. Hetêra ki sonime. A sande uca bime meyman. Hata sewenême nat ra dot ra qeseykerd. Ma çi ke vanime, cuabê ap Temiri hazırlê. Her çi rê inam keno, dêmداena dewlete rê inam nêkeno. Marê xeyle çi qeseykerd. Taê çi salix da. Heqa dewic u dormêy ra zaf, malumat da ma.

Nae ra têpia wertê made dosteni roz be roz raver şîye. Dorme de en mordemê mao rind bi. Ma, qe ke nêbiyêne asmê de di-hire rîy jubin diyêne. Her rîyde ki Ap Temiri de misawre de xori biyêne ra. En zêde, qalê Ecevit ke bi ra qariyêne. Ma ke vatêne, Ecevit dismenê mao. Wertê ey ve Demireli de zaf ferq çîno. Ap qariyêne. Görê ey; Ecevit hem elevi, hem ki dostê feqîru bi.

Peyniya na mîlawri de fîkrê ma jü nêbiyêne. Hetê ma vatêne, nejdi de rîyê Ecevit tenêna rind vinenime. Ap tek têyna verba ma nêqefeliyêne. Her daim qesê xuyo pêyen de ebe vengo berz gosê ma berdêne; Ecevit nejdi de na duzene vurneno, feqîru ki xeleşine.

Ap Temiri Ecevit rind nasnêkerdêne. Taê fîkrê xo şelet bi. Oncia ki ma cîra xeyle çi musaime. Çimke, Herbê Urişî, Lezê Qoçgiri, hata '38, Dêrsim u

Cemâtê Aşîru rind zanîtêne. Surgın de mendi bi. Fersend ke vejiyo pêyser amo welat. Rast u çewt rind zanîtêne. Jêde ci nêwendi bi, hamâ vatêne; 'mi mektebê heyati qedeno!'. Rast ke, eke qesêykerd, zerê kitabi ra qesêykerdêne.

1978 de faşistü her ca de jê kutiku verdene inleti. En jêde ki hucimê qomê maê Elevi kerdêne. Çê Eleviu vêsnêne, fîrsend ke di kistêne. Erzingan, Şêvaz, Çorum u zobina cau de zaf ison ame kistene.

Niade ke na waxt de Ecevit Başbaqan bi. Ma şiyêne leê ap Temiri, vatêne; 'Apo kuyo Ecevitê to, qêy Eleviu nêxelesneno? Nia de qesê ma rast vejiya. Wertê ey be zobina partiu de ferq çino. Pêro jê jubiniyê. Ap Temiri giran giran şeletiya xo diyêne. Hama hona ki tenê gumanê xo est bi. Vatêne, 'belka ki mordemek rîndö, tornê mew- rani fîrsend ci nêdanê'.

Eke niya va, taê olvoji qariyêne. Ebâ zonê tirku u taê qesunê xamu ra nutuk estene. Ju rozê oncia qesêykeme. Xeyle ceni u cüamerdi amê têlewe. Wertê made ju maylimi ebe vengo berz va: 'devrim nêjdiyo. Her kû bêro partiye de caê xo bicêro. Zaf nêmend, cengê xelki beno têra. Dest kenime ci, kou ra danime dewlete ro, lete be parce hata suku xelesnenime.'

Her kes çiyê va. Tayine vatêne; 'dewlete riznaene zora'. Tayine ki vatêne; 'Bira, serê kou dê ci esto? Hem teyna ma devrim besenêkeme. Kuyo sarê Tirku, qêy lez nêdanê? Hem yi dewleta xora zaf haskenê. Eke ame zor, verba dewlete vejiyâne uca dê bîmano, lewê dewlete de caê xo cêne'. Dore amey bi Ap Temiri. Her kes qesey kero o niado, nêbeno. Xora malimê mara tenê qariyêne. Vatêne no ma sivayneno telebunê xo. Gula xo tenê kerde pak. Vengê xo tenêna kerd ûerz, va; 'Bira-bira, ma vizêr ra hazirime. Hama yi nênen lewê Kîrmancu. Hata ke yi heqa qomê ma nasnêkerê, ma besenêkeme bêrime têlewe, pia lez bikerime. Yi mara vanê kafir, leteker, sima ki naca de xo be xo devrim virazenê! Destê ma nêcêne, made toqa nêkenê, çitür devrim ronime?'

Misawre qediya. Her kes şî karê xo. Hona ki ma neşime. Ap Temiri zerê çimune made nia da. Ebe vengo pak va, 'mebo ke sima bîqariyê. Ez zerê ra wazon ke na dewlete birjiyo. Coka desteg danune sima. Hama terson ke bîne baro gîrs de manemime'. Maylimê ma xo est ver, qese sana Ap Temiri. Hama ma nêwast ke na hal dewam bikêro. Jubini ra xatir wast, 'hata reyna!' va u şime.

Zaf nêverd bi ra, Maraş de faşistü qetliyamo de gîrs kerd. Qomê Elevi wertê gon u laşer de mend. Çitür ke vanê, vergi hewa mizine ra haskenê, Ecevit ki henî kerd. Welatê ma Kîrmanc/Zazau u Kurdistan de taê vilayetu de "örfî idare" ilan kerd. Helbet, "örfî idare" ra têpia riyê Eceviti bi eşkera. İyê ke vatenê "Karaoğlan", nafa ki va kutiko şia.

Nae ra têpia her cade verba "örfî idare" lez ame dayêne. Ma ki pêsera-mayışı, "miting"i u ca'be ca ki ceng kerd. Ju ki beyanname vet. Hora her roz beyanname vejiyêne. Beyanname de dewleta Tirkî ci wazena, ma çitür verba faşizmi lezê xo bîdime, aê sero vindeme. Serê beyannamey de ebe herfanê gîrsu niya amey bi nustene. 'DERSİM FAŞİZME MEZAR OLACAK'. Dêrsim faşizmi re beno mezele.

Beyanname her ca de kerd vila. Şime dewa Ap Temiri uca de ki kerde vila. Sande ki Ap Temiri rē bime meyman. Xo 'be-xo vanime, endi marê inam ke-no. Ebe xo ki di ke, mabenê Ecevit 'be faşistu ra jêde ferq çino.

Ma selam da, jubin pers kerd. Ap di hirê xeberi day. Dewe de ju morde-meki de qewga kerda. Xo nêguret pê, tenê ki lewê made milqi kerd. Ap ke qesê xo qedena, ma thurikê xo kerd ra u zere ra beyannamê xo vet. Jüyê de ma beyan-name wende. Çutir ke ap Temiri, Dêrsim faşizm rê beno mezele' hesna, nêvinet qesê xo resna: 'Nê, nê bira. Ne faşizm, ne ki mezelxane wazeme. Xorê zobina raê bîvinê. Heni bibo ke mezeliç ki, faşizmi ki dûr bo!..'

Goni ra hasnêkerdene. Ju ca ke bi mezeliç çutir beno, rind zanitene. A rozê ma ap Temir rind naskerd. Heni aseno ke ey na rozu, yi rozu ra zanitene. Mordemo de raverniadog bi. Nêzon hayat dero, ya ki şio resto heqiya xo. Eke nêmerdo, cirê canweşîye u amro de derg wazon.

### ZALIMÊ NA DINA

*Ala niadê Haqi kene!*  
*Keki, aspijî thawa nêkenê,*  
*Dinê ra jêde*  
*Zahmê na dina*  
*Pé gonia ma vevve kenê.*

*Qurrebesik hard lone keno,*  
*Hégay sera owe tireno.*  
*Tifongê zahimunê na dina*  
*Gineno isoni do't pereno.*

*Mere ke mereo,*  
*Reê nê, reê vindeno.*  
*Meri ra jêde*  
*Zahmê na dina turiku dirneno.*

*Kesegan!*  
*A na keseganê geme,*  
*Ma, kam dêy ra xirave vano.*  
*Zahmê na dina gême koke ra*  
*vêsneno.*

*Memed Capan*

### TERS

*Germo, germo!*  
*Hardê welati sera*  
*Virarde yeno*  
*Hona qizo domano.*

*Morê ez diyu*  
*Sare dawe, niada*  
*A, ez thiç biju.*

*Eve zonê ma van,*  
*Amu, amune hêga.*  
*Hêga hêgaê nukuno*  
*Awres nişto'ro ser, nuku weno.*  
*Ez cira nêjdiyu,*  
*A nafa ki ey da ra.*

*Siya bonu de astiro*  
*Piyê mi biyo derg, koto ra.*  
*Daka mi mezal nêdana*  
*Vana, "Na lazek kata siyo?"*

*Memed Capan*

# BELAË SARE MORDEMI

**MEMED DOĞAN**

Uyo ke vano, Heq jüyo, o ki Heqê mino, eyra qeyir Heq çino, kam ke eyrê inam nêkeno khafiro, bêyitiqat u bêyi-mano, eyra vozdê, leê dey meşêrê, eyra dür vindê; çike serê na Hardê Dewreşî de mordemo en xiravin nao.

Partiyê en xiravini, qomê en xiravini ki iye ke yitiqatê ho, fikrê ho, odetê ho, torê ho, zagonê ho nia ro niyê. Namê yitiqati ra, namê mîleti ra, namê ilimi ra, namê sınıfı ra, namê kami ya ki çinay ra beno bivo, ideolojiyê en xiravini, felsefê en xiravini naê.

Rozâ ke yitiqatê, dinê, fikrê, ideolojiyê, felsefê nianeni vejiyê, a rozê ra hata-nîka, um sarê mordemi bela ra nêxe-leşîyo; honde ke estê ki nêxeleşino.

Zonunê Ewrupa de ninu "monist" namekenê.

Ni tek - teyna jü Heq ya ki jü raştiye naskene u zovina çiyo bin qewul nêkenê, cirê hurmet nekenê. Nu ki ge "din" ya ki "Allah"o, ge medeniyet"o, — yîlmî"o, ge "milet"o, ge "welat"o, ge "dewlet"o, ge "proletarya"a, ge "dêvrim"o, ge ki "Marksizm - Leninizm" ya ki "Maoizm"o. Hama namê ho çi beno bivo, felsefê ninu pérune ki jüyo. Ni pêro jü cîsn raê; namê ke cor mi mordi, ni ki namê Heqê ninunê; Heqê ninu pérune jü Heqo, hondae ke

dewr ve dewr, waxt ve waxt namê ho vuriyo, formo do newe gureto.

Jüyo ke jê ninu niyo, ninu rê yitiqatê ho nêano, nêvano Heq ya ki raştiyê jüya, ey tore ve tore name kene: "Khafîr", "bêyitiqat", "bêkitav", "bêyiman", "kızılbaş", "vahşî", "pirimîtiv", "vatan haini", "millet - devlet düşmanı", "revizyonist", "oportunist", "parti düşmanı", "önderlik karşıtı", "devrim düşmanı", "sosyalizm - komünizm düşmanı", "karşı devrimci", "küçük burjuva", "ajan", "devletin adamı", "bölgücü" ucb. Mordem beseke-no hona bîmoro. Manê na qesu pérune jüyo. Hondaê ke çağ ve çağ, hal ve hal vuriyê, formo do newe gureto.

Eke namê yitikati ra qeseykenê, tu "bêdin" name kenê; namê medeniyeti ra qeseykerd, namê to "vahşî"o; namê welati ra ya ki dewletê ra qeseykenê, u waxt tu sera "vatan haini"ya ki "devlet düşmanı"; eke namê devrim ra qeseykene, vanê "karşı devrimci"; namê partiye ra ke qeseykenê, "parti düşmanı"; eke namê pilê hora qeseykenê, ya vanê "peygamber düşmanı", ya "Atatürk düşmanı", ya ki "önderlik karşıtı".

Heq ardo hurê ke, zonê made hona na qesê nianeni zof senikê, destê Xîzir u Duzgını henî maneno.

Heq jü niyo, raştiye ju niya. Eke mordem weşiya camati ra qesey ke-no, raştiye qe jü niya, nêbena; hora weşiye de çiyo de nianen çino.

Yiyê ke vanê, Heq jüyo, o ki Heqê mao, kam ke eyrê inam nêkeno, khafiro, bêdin u bêyimano, ninu ke hedil di, olağê diye, iye ke vanê Heq jü niyo ya ki Heqê ma zovinao yinu qırkenê. Mordemê ke yinu ra niyê, yinu rê, hometunê binu rê, partiyunê, sınıf u qelfunê binu rê gezeve u hêşiriye anê.

Dîma ki bene bela sarê mordemunê ho, na raê ki yinu rê zulum kenê, koka yinu ki anê.

Wertê ra jü vejino, pasaunê binu ceno binê bandira ho, vano, mi ver de çok ve, mirê vilê ho ronê. Yîye ke vane, ya, pile ma tektyna tuya, tora gîrs kês çino, esta ke, çina ke tuya, ceza ninu kutikêna - hasa kutik ra - nêkişinê, hama weşiya ho eve lisena lingunê pasay viarnenê. Yiyê ke cirê sare nênanê ro sarê yinu dano pîro, peyniye de namê "Allah" ya ki "pexamberi" ra, namê miletê Almani ra ya ki namê miletê Tîrki ra, namê devrimi ya ki Marksî, Lenin ra ho Heq ilan keno, kuno gonia isoni, hata ke merd, ya ki jüy kist. Dîma beno ke jüo de bino jê dey bêro...

Tarix u roza ewroyêni ney rê saadê.

Çoka iye ke vanê, Heq jüyo, hama yê her kesi Heqê ho esto, ya ki heqê ho estê, ma Heqê her kesi rê ya ki Hequnê her kesi rê hurmet keme, ni rinde; isu besekeno, şikino ninu de pia, tîlewe de weşiya ho biramo.

Hama yê bini, yê virenêni, sarewer u goniwerê, dolê Osman u dolê Mewranîyê, totaliterê, faşistê.

Ni vanê, wazenê ke, serê Hardê De-wresê belekini u rengini de tekteyna ju torê vas birewo, o ki teli bo; vasê bini, sosin u vilikê bini qe mevê, gunê yi pêro biçiniyê we, bionciyê, bêrê qırkerdene.

Made, Kîrmanciye de, Yitiqatê Kîrmanciye de Heq / Wayir jü niyo; deyraê. Yê ma Xîzirê ma esto, Duzgînê ma esto, Kuresê ma esto, Bimbareka ma esta, Jêla ma esta, Buyêra ma esta, Wayirê Çeyi, hemi ki Wayirê her çeyi esto; Ni pêro Heqê maê. Hem ki teyna nêyr niyê, taê nêyrê, taê maykekê. Jiar u Diarê ma ki uza vinderê.

Coka miletê ma zereweso u zereteniko. Pêskarê Heqê keşi, yitiqatê u yimanê keşi nêbeno.

Coka khal u kokimunê ma vatenê "Kîrmanciya Beleke".

Coka jü ke bêro wortê ma, kamiji yitiqat u milet ra beno bîvo, problem nêvejino.

Coka ma Kîrmancu ve Hermeniu ra telewe de jê bîrau vi. Kilisa yinuna pilê, Kilisa Vanki, seveta ma ki jiarge viye; yi ciranê ma vi, khewraê ma vi, zama u vistewrê ma vi.

Coka Kîrmancê ma ke şî wortê miletê de bini, kamiji milet u yitiqat beno bîvo,

problem nêvezedenê.

Coka hometa mara faşist nêvejino, demokrata, laişista, her waxt serva têdu-steni u serbestiya...

Hama nêzu namê kami ra na fîkr u kul-turo xîravino ke ma cor ard ra zu ard kerd wortê ma, domonê ma her jü kot ve niozu kamiji partiye, her jü vake Heq jüyo, rastiye jüya, a ki raştiya mina, tu ke mirê inam nêkena, kafira;

jümin rē bi dismen, koti tē, davē jümiini ro, jümini kışt.

Na kar hemi ki zonê hode nê, zonê Tirku de kerd, honde ke, zonê ma Tirku niê ma eve ho est pey; senik mend ke miletê ma zonê ho caverdo.

Heqê ma pêro hardê mara kerdi tever, Heqê ma, jiar u diarê ma, pir u rayverê ma herednay, Heq kerd jü, marê jü Heq de newe pêda kerd. No Heqi ki hen mirozin u hersin, sarewer u gonîwer vi ke, gune ma namê deyra nozu "diktorenia" kami pêsanime. Namê ho diktorenia, ma mordem çitür seveta çiyenianeni pêrodo, canê ho bido; domonunê ma eve na torê famê ho kerd vind...

Torê musulmanu ard kerd wortê ma. Domonunê ma haskerdene ho viri ra kerde, wortê cüanuk u cüiamerdi de dêso de heneni na ro ke, pêrune haskerdene ho viri ra kerd, keşi destê ho keşi ra nêna. Yaraniye, kuretey, huyayis ho vira kerd, bi mirozin, bi hersin; nurê riê ho şî.

Zon u zagonê ho ke caverda, kamiya ho ki caverdê, ge namê Tirku ra, ge namê Khurru - Kirdasu ra, ge namê Uruşî ra, ge ki namê Çin ya ki Arnavutu ra dapêro, hesiriye u iskence diyê, erjay zere poay, kişay, amey qırkerdenê...

Hona ki henio u henê! Eke namê hora, namê Kîrmanc - Zazau ra bikerdenê ya ki bikerê, mordemi rê hevê biyêne diyâg.

Na qefçileni u xiravineni marê Estemol, Anqara u Diyarbekir ra, ya ki uzau ser ra amê. Uzay ki yiye ke vanê 'Heq jüyo, o ki Heqê mao, ye kami ke

eyrê yitiqatê ho cino, o kafiro, kistena ho bimbareka", suk u paytaxtê yinunê. Uzau ra çiyo de rind nevezino...

Hora sukê gîrsi caê qefçileni u pixarieni, xiravineni u bebexteni, dizdeni u zorbajeni, nîweşeni u pêzevageni, caê qal - qir u toz - gîvîriyê. Dewlete, eskereni u puleseni, hepîşxanê u iskence, qamcur u emeg turtene, dekbaz u hilebajeni, her cîsn diktatoreni, faşizm, her tore yîtiyat u ideolojiyê xerepiy, taviat u heywanu rê dismeneni, xeşirêna cinu u domonu itau ra vejiyê.

Qesê mi - ez ki tede- na azê maê peêni rîo, çike guna jêder yê yinuna. Ma çê huyo pak eve ho dest wortê toz - gîvîri de verda, kerd qefçil u pixarin; gune eve ho ki pak kerime.

Bêrê ma oncia peyser şerimê zon, zagon / kultur u kamiya ho ser; oncia ki internasyonalist bîmanime, çiyo ke rindo ki oncia kulturunê binu ra bijerime. Ma hora internasyonalistme, nu hora kulturê made esto. Serê na Hardê Dewreşî de nêzon çond hometi nia vanê: "...homete rê çeverê rake, koso jü de ki marê rake!" Hama pi u khalikunê ma na ki vata: "Her vas koka ho ser roeno, her tayr zonê ho de waneno, kamke eslê ho yinkar keno, toz erzeno reça ho sono."

Zovina hometa ma binê lingü de sona, zon u zagonê ma beno vind, azê ma birino, bemê mères.

Binê wela Hardê Dewreşî de astê pi u khalikunê ma, yê ma u dêkunê ma zon danê, pir u khalê ma vilçewt mirenê, domonê ma tüye riê ma kenê, mezelunê ma ser ninê...

# LEZA SERBESTİYA MILETÊ ZAZAY/KIRMANCI DE QIYMETÊ ZONI<sup>1</sup>

DR. PHIL. ZILFI SELCAN

## 1. Zon u identita

I. Ez domonenia ho ra ve nat eve zonê ma u piyê ho, eve zonê Kîrmancî/Zazaki biyo pil, qesê ma u piyê mi, yê apunê mi, yê niajniunê mi, yê dêk u kahikê mi, yê xalun u xalciniunê mi ... hona mi viri derê. T'omê ho mîrê jê hemgêni şirêno, jê şir u zerrveti wes yeno. Mi şaxsiyetê ho letô jêde zonê Kîrmancî ra guret. Zon ve ho zu qılıfo, jê pîrêniyo; hama zerrê zoni de zu ȝezna esta: kultur, esq u çêf, şin u şîwan, derd u bela, haskerden u zerrvêsaenî, cüaniken u cüamerdeni, pêro eve zon vajinê. Mordemo ke zonê hora morrîm mend, bêzar u bêzono, yanê lalo; nêşikino derdê ho vazo. Derdê ho ke nêva, derman ki nêvineno.

Apê minê rrâmeti, Weliyê Silê Alê Sodi qesey kerdêne, ez hona zof cênc biyo, aqlî ma hona yi quesunê kamîlunê ma ser, a felsefa Kîrmancîye ser nêşiyêne. Ey vatêne çor berê mordemi (= insani) estê: aql u fam u izan u marifet.

Nayine ra ke zu nêmezet vi, kes hona mordem saynêbeno. Yanê yê zuy ke aqlê ho bîbo, hama famê ho çine bo u/a mordem nêbeno/a. Ya ki yê zuy/e ke izanê ho bîbo, hama marifetê (kabiliyet) ho çine bo, u/a ki mordem saynêbeno/a.

Na quesara bêli beno ke, fam u izan eve zon beno. Kes keşî bêzon famnêkeno. Coka vajino ke; 'Her teyr ve zonê ho

waneno!" Zarrance ve zonê ho wanena, qılancike ve zonê ho qıştnena, mirçike ve zonê ho çiftnena. Yê her keşî zonê ho ero ci wes yeno.

Yanê mordemo ke zon ra morrîmo, nêşikino towa fam kero, ya ki çiyê tarif kero, biaro ra zon, ero ci salix do. Dêmake sertunê mordem-biyaene ra, fam u izan eve zon-zonaene yenê hurendi.

Zuye ki esta ke, zarrance ve zonê ho rrîndeka. Zaranca ke endi nêwend bena lal, rrîndek saynêbeno. Yê mileti ki heñiyo. Zu mileti ke zonê ho kerd vindi, endi beno lal, t'omê ho nêmaneno. Zarrance ke eve wendisê ho nêwend, jê qılancike qıştna, beno tamase. Zu mileti ke zonê ho nê, zonê sari qeseykerd u ki beno tamase.

Na qesu ra fambeno ke, zon rroê mordemio. Mordemê ke zu zon qeseykenê, zuvini dayina rrînd famkenê, yi zu milet say benê. Dêmake zon hem rroê mordemio, hem ki rroê mileto. Zonê zu mileti ke dariya we, rro cira oncino, beno jê dara huske.

Coka, mileto Kîrmanc (Zaza) ke qedr u qiyemetê zonê ho bîzono, qeseykero, ero domonunê ho salix do, mektevunê ho rono, têde binoso, biwano, u waxt hona seveknino, husk nêbeno, kewe maneno.

Ao/a ke teyniya nona vêrirê gurea/ê fayde ho milete ho nêrest, cüamerd/cüaniken saynêbeno/a.

<sup>1</sup> Na nûste, eve elîfbaê Nustoğî amêyi nûstene. Seveta wendoğunê ma, ma oncia ki elîfba ke pelga peyêne de o guret. Hurênda "ç" de, "j", hurênda "r" de, "rr" u hurênda "x" de ki "g" amêy gurete ne. Nustoğ quisur de nia medo, çike na elîfba wendoğu rê hona xamo.

Mordem gunê tek teyniya nôna vêrey  
rê nêgureo, gereké faydê ho miletê ho  
rresso.

Pilunê ma dewa Paxi de her waxt derd  
u bela ke Tirkî ra onta, ey sero dayima qe-  
sey kerdêne. Eve qesey kerdêna moa mi,  
eskerê Tirkî çê ma hirê rrey vêsnö. Hirê  
rrey miletê Kîrmanci hetê Paxi de mal-gaê  
ho gureto rremo, şiyô kou. Leto jêdê şiyê  
hetê Heyder u Demeni. Eke amê niado ke  
dewi, hekûni pêro adir no pira vêsnê.

Waxtê *otuzsekiji* de nejdiyê dewa ma-  
de, Derê Zuğiri de 850 mordemi, cini u  
cüiamerd u domoni, yiê ke bêçek Heyder u  
Demeni ra amê teslim biye, eskerê Tirkî  
evê bêbexteni qırkerdê, dima sungi kerdê.  
Peyniye de ki qaz verdo ra meyitu ser,  
vêsnê.

Mâ ke cêncenia ho de na qesey hes-  
nêne, ho ve ho vatêne na Tirkî çâ dismenê  
miletê maê? Mara çi wazenê? Naê sero  
endi kotûi aqilê mi ke, dewleta Tirkî wa-  
zena ke miletê Kîrmanci/Zazay wertera  
wedero. Hama honde nüfus eve qırkerde-  
ne wenêdarino! Ma çituri beno? Eve as-  
milasyon darino we! Çuturi beno? Naê de  
kolonyaliste jê Ingiliz u İspanyoli hostaê.  
Hama Tirkî ki hondê dinê bi hosta.

1. Virende mektevunê ho nanê ro, tede  
zonê ho ro yi miletî salix danê. Na, ga-  
me ve game bena. Hem mektev de,  
hemi ki eskeriye de beno.
2. Zonê yi miletî qız vinenê, yasax kenê.  
Yanê mektev ronaene, kitav u qazanta  
vetene, her çi kenê yasax.

Netica asimilasyoni henî xiravina ke,  
mordemê ke asimile bi dismêni ra jêde  
benê dismêni miletê ho. Hem ho, hemi ki  
her çiyê miletê ho qız u qefçil u xiravin  
vinenê. Dismêni rê benê şuane, benê kole  
u xizmekar. Xelê nesilê Kîrmanciye *otuz-*  
*sekiz* ra nat niya asimile bi, miletê horê,  
kulturê horê, xelesa miletê hoa siyasiyere  
bi dismêni.

Na hal ra gore indi kotûi vi aqilê mi ke,  
gezna kulturê Kîrmanci (Zazaki) zon u

edebiyato huyo. Zon u edebiyat ke dariya  
we, êndi her çi mireno, rro cira oncinô we,  
her het ra teslimê dismêni beno. Hama na  
gesa Kîrmanciye ki esta ke, vanê: 'Sarrê  
ho da, sîrrê ho nêda'. Yanê xelê çêr u  
sevkanê Kîrmancu (Zazau) seweta xelesa  
miletê ho sarrê sana harrdo şia, hama  
miletê Kîrmanc (Zaza) oncia ki teslimê  
sarê teveri (Tirk u Kurri) nêbi.

## 2. Zon u kulturê Zazaki sero karê mi

Ez 1964 ine de amune Almanya. Sifte  
na serre de Tirkîya ra mordemi amey Al-  
manya. Ez şiyêne mektevê şinata. Ma her  
serre şiyêne dewa ho izne. U waxt her keşî  
teypi tey berdênê. Mi ki u waxt ra gore zu  
teypo dê hewl herina gumano 1968 ine de  
bi, tey berdewe. Ez u waxt ravêr şiyô çê  
zu olvozê ho. Dewa dey nêjdiyê Erzinganî  
de jiye. Mi a dewe de mordemê kamil u  
zonağı day qesey kerdêne, mordemê ke  
lawiki zonêne, vengê yine guret ve teyp.

Uzara şiyô Dêrsim, şiyô dewa ho Pax.  
Mi hem dewa ho de, hemi ki dormê



**WERTÈ ZONU DE, CAË - TARİXE  
ZONÈ KİRMANCKI (ZAZAKI)**

**Die sprach-historische Stellung  
der Zaza Sprache**

**ZAZACA'nın (KİRMANCKI-DİMLİKİ)  
İRANI DİLLER ARASINDAKI YERİ...**

Konuşmacı/Qesekerdoğ/Vortrag von:

**Dr. Phil. Zülfi Selcan**

**YER / ORT:** Zinzendorfhaus Basel, Leimenstr. 8-10  
(6 ve 10 numaralı giriş) Almanca Dîneviğâri ofis lokası

**TARİH / DATUM :** 26 Kasım 1995, Pazar

**SAAT / ZEIT :** 13.30

dewunê made '68 ine ra tepiya çığaşı ke fırsat di, lawîk u sanîkê Kırmancî (Zazaki) gureti teyp. Lawîkê Silê Qîjî, yê Ala Vêrdi, yê Baba Kazimê Xozatiji ... filan gureti bante. Mî hem ki qiyemet dêne qesunê *Otuzsekizé Turku*. Çi ke yi ki dokumentasyonê tarixê mîlete Kırmancî (Zazaki) bi.

Ez ke 1975 de Almanya ra şîyo izne, hokmatê Tirkî welatê Kimanciye / Zazau de sıqiyonetim na vi ro.

U riziko de dayi, ez ve teyp taê dewura feteliyo, zon u edebî-yatê Kırmancî (Zazaki) sero, mî materyal da arê. Hata nika zon u kulturê Kırmancî/Zazaki sero xelê materyal rrest pê. Pêro piya teyp de 250 sate ra jêdero.

Mî wast ke, çığaşı ke mî dest ra ame, zon u kulturê ho merdene ra xelesnan, meste bêrro ke mektevê ma nay ro, tede biwaniyo, kitav u gazantê ma vejiyê, tede binoşîyo. Yanê mesela tek teyniya yê zoni niya. Zon qavo, eve tarix pêda biyo. Hama zerre na qavê tarixi de gezna esta ke, mîrasê pî u kalikunê mîletê Kırmancî/Zazayio, eve qiyemeto, cevayıro. Na gezna tarixi eve zon, az ve az, hata dewrê ma ama. Ma ki gereke wayirê na gezna ho vejime. Çike na gezna kultur u identite, rro dana mîletê Kırmancî/Zazay.

Ez ke Almanya ra şiyêne dewe, mî domoni çê made kerdêne top, nostena Kırmancî/Zazaki ci salix dêne. Taxtê maé nostisi çine bi, mî hurendia dey de sojia noni guretene, tebeşirê ki herina vi, tey berdi vi dewe. Domoni nostena Kırmancî/Zazaki rret misay. Mî vazife ki dîne ci ke, her kes sanîkê binoso tey bia-ro. Domonu eve *hewes* nostêne, tey ar-dene. Waa mina rramateti *Ginase* ki mirê zu *Simika Kerzki* nosti vi.

## 2.1 Karê kultur u siyaseti

Wertê Kırmancun (Zazaun) u Kirdasú Kurru de rrew ra ve nika meselê esta. Na mesela sero dayima qewga u hurêneyis

beno: Na, leza jüane-biyayışa ('eşitlik mücadelesi'). Çike werte de di identitey ('kimlik') estê; identita Zazay/Kırmancî ve identita Kırdaşı/Kurri ra. Kurri wazenê ke, identita Zazay wedarê, yine asimile kerê, biarê identita ho ser. Hama Zazay/Kırmancî ki naê nêwazenê. Cokao ke dayima na mesela sero nanê hurê.

Ez ve ho ki eve Kirdasú/Kurru ra piya wertê karê kultur u siyaseti de biune. Hama mî demgê identita ho ra qe taviz nêdo, seweta serbest-biyaena na identita ez dayima verva şovenizmê Kurru/Kirdasú vejiyo. Na na hal ra gore mî ho ve ho vatene 'tek teyniya dokumentasyonê zon u edebiyati bes niyo. Karo siyasi ki lozimo. Miletê binedeşti eve karo siyasi benê qewetin, verva dismîni vejinê, hata ke binê deşti ra vejiyay, haqa ho gurete, bi serbest. Ez ve ho coka wertê 1974-79 ine de seweta xelesa mîletê Kırmancî/Zazay eve usilê leza demokrasi gureune. Serra 1976 ine de, asma marte de, ma Köln de zu sewa Newroji organize kerde. Sîfe u wuxt eve Kırmancî/Zazaki mî zu beyanname nost. Mî beyanname kağıta momi de daktilo kerd, berd dukanê Pasaê Elaltunbay. Pasa Zazao de Bingoliz bi, bêli kerdêne ke zonê ma ra zof haskeno. Eve ho wayirê dukanê kitavu bi. Mî ve dey ra dukanê dey de piya makina de teksir kerd. Çituri ke qediya, mî pelga virêne gurete, virende eve ho kele kerde, dima ki dé Pasay. Mî va: 'Pasa, tu ki keié ho biburrne. Na sate tarixê mîletê made zof muhimma. Ma ita sîfe hona eve zonê ho zu beyanname vezeme. Na sate demgê ho vira meke!' Pasay ki pelga beyannamiya virêne gurete, kele kerde. Pasa taê serru ra tepiya peyser si vi welat. Mî Pasa par (17-19. marte 1995) Stockholm de Seminarê Terminolojuê Zazaki de di ke, amo uza iltica kerdö. Ma na durim uza dost u olvozunê binu rê ki qeseykerd, a deqa oncia arde ra no viri. Ma na beyannamo Zazakio virên hem Köln de, hem ki xelê caunê Almanya de kerd vilâ.

## Inkarciyê Kirmanci/Zazay verva zonê ho vejiay

Ez u waxt Berlin de Universita Teknik de televe biyo. Asmê ra tepiya şiyo Bochum ke, mî ra vake 'verva yi beyannamê Zazaki zu beyanname veto.' Mî va: 'Kami voto?' Ma da pers kerdene. Peyniye de bêli bi ke, eke gurupê DDKD, sempatizanunê Sait Kirmizitop- raki, veto. Ni kamê? 'Onbaşıyê' nine ki, eke Xîdir Kurumo Dêr-simizo! (Ez ve ho nasnêkan.) 'Tolivê' ho ki eke Memed Ali A. ve taê binu raê, taê ki Kurrê Mardin u yê zovina caunê. Yiê ke kerdo vila ki, ma perskerd ke, leto jêde Kîrmancê/Zazaê Dêrsimiz u Erzinganizê. Se vato beyannamê ho de? Tede nosto ke, ma çâ eve Zazaki beyanname veto. Tede vanê:

*Bunlar Zazaca bildiri çıkarmışlar, Kürt halkın dilini boliyorlar!*

'Nine eve Zazaki beyannamê voto, zonê mîletê Kurdi kenê letey!'

Ma sas bime. Saê ke na zon xiaro, beno letey! Çituri beno ke, zono Kırdaşkiyo ke ni qe fam nêkenê cî rê wayir vejinê, hama zonê ho ki red kenê?! Ni gereke sa bê. Çâ beyannamê zonê ho protesto kenê? Mordem çituri honde beno dismenê zon u kulturê ho, dismenê mîletê ho?

Zu mesela bina de nianene ki, marte 1977 ine biye. A serre mî suka Esseni de zu se-wa Newroji organize kerde. Mî ve ho ki, hem beyannamê veti vi, hem ki a sewe de zon u kulturê Zazaki eve lawiku temsil kerd. Eyaletê Nordrhein Westfalen de xelê nüfusê Zazay/Kîrmanci esto, salon bi vi pîr. Mîletê ma ke zonê ho de qese u lawiki hesnay, zof bi ve sa.

Sewe ra tepiya, rroza bine olvozunê yi waxti ra doxtor KiaziM Taş ve Sertaç Bucaxi ra amey leê mi, vake: 'Şime caê piya samia ho borime, tenê ki qesey kerime.' Mî ki va 'heya, şime.' Ma ke şime

zu loqanta, tenê qesey kerd, KiaziM Taş qal ard ra, vake:

'Sen gel bu Zazacayı bırak, Kürtçe öğren, Kürtçe türkî söyle.'

Ma noni seroimie. Mî henî zona ke, non gula mî ro nêşî, poştia mî ro şî. Ez qariyo, mi va:

'U senê qeso! Sima çituri mu ra çiyo nianê vanê! Turki hetê ra ma ra vanê 'zonê ho caverdê, bêrê zonê ma bimusê; sima ki hao vanê 'Zazaki ca-verde, bê Kırdaşki bimusê.' Yanê Turki ki wazenê ke zonê Zazaki wedarê, sima ki nao henî wazenê. Ma u waxt wertê sima u asimilasyonciunê Turku de ci ferq esto!? Ez zonê ho qe feda nêkan; seweta serbestiya na zon u kulturi sero dayima lez kan. Rreyna çiyo nianê mi ra mevazê!'

Ala rrê na inkarciun u inkarcenia nine de niadê! Hesav kerê. Zu Kîrdas/Kurr ke mira niya vazo, ison vano 'tamam, nu mara has nêkeno, henî vano, şero va vazo.' Hama KiaziM Taş mordemê mino, nasker-dogê mino. Sertaç Bucak Siveregizo, Zazaki zoneno, zonê ma u piyê ho Zazakiyo. Zerrê nine qe zon u kulturê horê nêveseno? Dêmake zon u kulturê mîletê ho ra indi has nêkenê, xîzmekarenia Kurru/Kîrdasu radayina jêde haskenê, indi mîletê ho rê biyê dismên. Peyniye de bêli bi ke, eke Kurrê/Kîrdasê ke 'onbaşı'enia nine kenê, yine kerdê êlçi, rusnê leê mi. Yi kame?: Kîrdaso Dêrsimiz ve Kurrê Xarpêtî rao.

Eke êlçi şuanenia Kîrdas/Kurru kenê, añaunê ho ra emir gureto, amê leê mi. Ho ve ho, zon u kulturê ho, mîletê ho qiz vi-nenê, sarê teveri rê ki benê xîzmekar. Xîzmekarenia, xîzmekarenia. Ha xîzmekarenia Turki, ha yê Kîdaş/Kurri! Qe ferqê ho çino. Hama xîzmekar, xîzmekari ra has nêkeno. Zuvini de qarinê. Zu vano 'xîzmekarenia Turki wesa', uyo bin ki vano 'nê, xîzmekarenia Kîrdasi/Kurri dayina wesa.

(xizmekar 'hizmetçi, işbirlikçi', 'Kollaborateur') Xizmekareni, çiyo de qefçilo ('çirkin'). T'oaê ki jê serbestiye wes niyo.

### 3. Nostena Zazaki

Yi serru de, sifte 1976 ine de qazanta Ronahi (Zurih) de eve Zazaki zu makalê mi vejiya (Leza Ma, Ronahi, 1976, Nr. 18, p. 28). Uza ra tepiya ki 1977 de morê 19in u 21in u 22in u 23ine de, 1978 de morê 24ine de nostê mine Kirmanki/Zazaki vejiyay. Nostê minê bini ki yi serru de na mecmuaun u qazantu de vejiyay: Özgürük Yolu, Roja Welat, Roja Nu, Gaziya Welat, Hêvi (niade cêr, nostê noskari).

Mî 1972/3 ine de taê lawikê Kirmanki/Zazakiê ke kerdi vi top, nosti vi, kerdi vi kitav, hama yayın nêkerdi.

*nîyanbî  
- gîzî*

### 4. Karê muziki

Heto bini ra ki mi lawikê Kirmanki/Zazaki eve t'omir vatêne. U waxt sayirunê ma ho ve ho lawiki vatêne, hama kêsi zu bante hazır nêkerdi vi ke mulet gosdo. Serra 1976 ine de rraa virêne mi kasetê eve emegê ho ita Almanya de vete. Nas u dosti, yiê ke zon u kulturê hora haskenê, yine dormê ho de kerde vila. Mordemunê ma ke gosdene, dina hoa tariye cirê biyêne rroşti, çefê ho amêne, tenê ro amêne ci. Hama yiê ke çimeşiaeni kerdenê, ero ci wes nêamêne, yi ki bi. Hata nika mi 5 kaseti kerdi hazır, veti. Eve sira 1976 u '77 u '78 u '87 u '92 ine de veti. Mî pêro eve ho teyniya veti, piyasa ki nêday. Pêro piya 69 lawikiê (niade cêr, musikiê Zazaki). Nayine ra leto jêde lawikê sayirunê Kirmanciê. Hama taê ki eve qese u qeyde yê munê.

### 5. Miliyetçi Kurru/Kirdasu ve xizmekarunê ho ra verva serbestiya miletê Zazay/Kirmanci vejinê

Ha, hona ke mi viri ra nêsiyo, ita d'-irê quesu vajine. Mordemê vejiyo ho kerdö Munzir Çem, biyo propagandaciê Kurru. Hona ke ez nêdiyo, ez nasnêkerdo, mide qesey nêkerdo, haqa kar u gurê mi de, haqa kasetunê mi de qal u qir keno, vano ke 'Komkari kasetê Zilfi rotê, ... filan bêvan' (Ronahi, 3.9.1995). Na qesa rraste niya. Çi ke waxto ke Komkar 1979 de Frankfurt de na ro, u waxt alaqa min u Kurrun u piyakerunê yine biriye. Hama mi ra dima ke Komelê Kurru kasetê mi rotê, dêmake bêxevere mi, bêizna mi rotê, horê dizdeni kerda. Mî ke Kurri ve piyakerunê yine ra caverdê, uza ra tepiya kasetê ho cinêdê. Dêmâke seweta haskerdena min u zon u kulturê miletê mi nê, hem seweta menfaatê hoê siyasi, mîra mënkiä rotê, pê ticaret kerdo. Na ki dizdeni niya çika?! Na kılamê ke, mi ve emegê serru day arê, kerdi tekeduza, vati, merdene ra xelesnay kerdi wes. Na mordemi ki eve ho berdê rrast u dêlmast sanê pê, namê ho ki no pira, yayın kerdê. Mordemê ke emegê ho rresto ci, ardê meyda, dokumentasyon kerdo, kasete de qeyde ki vato, qalê dine dayi nêkerdo. Rri ke pa çino ison cira sevazo! Zu ke şî bêxevere bostan ra hem ci guret berd, hem ki horê kerd mal, ci ra sevanê, na qesa ki wendoi ve ho vazo. Na mordemi nostê ho ki niya name kerdo: 'Karê mordemi guni hacetê destê dismeni nêbone'. Sima toa cira famkerd? Qesê de Kirmanciye esto, vanê: 'Korr siyo, çumê weşî ra mulqi kerdo.' Kam biyo dismenê miletê ho, kam nêbiyo, meste-bêrro bêli beno. Yanê kam dosto, kam dismenê miletê hoo, nika ra bêliyo. Seminarê Vakifê Kölñi de bêli bi (7.10.1995; niade Ware 9, Gucige '96, p. 84). Hama sevajime! Se ke Kirmanciye de vanê: *Ha vaze, ha vaze; ita ra çiz, ita ra viz!* Dismenê miletê Zazay (Kirmanci) zu niyo, di niyo. Íta vireniye cêna, ha ca de vejino. Taê biyê kermê zerrê dari, wertê mordemunê ho de verva serbestiya miletê ho vejinê, biyê dismenê miletê ho. Na

lone cêna, ha lone ra vejino. *Fekê keşî ki çual niyo ke, gûredime!* Tayine rê Tirkeni biya şirê, tayine rê ki Kurreni. Yiê ke Tirku rê milişêni kerde, peyniya dine ki bêli biyê, yiê ke Kurru rê bi milis, halê dine bêli bi. Taê ki hona cira mirrê nêbiyê, vanê 'tenêna milişênia sari bikeme'. Kurri çâ eve ho ninê verva Kirmancu/Zazau nêvejinê ke, *piyakerun u xizmekarunê* ho t'iz kenê, verdanê ra ma ser? Xizmekarê Kurru, Kurri ra *dayina jêde* benê Kurrik, sola ci ra aferin bicêrê. Se ke Kirmanciye de vanê: *Torjê siyo gême ke dare biburro; dare vato: 'Ti nêskina ma biburñê; dimê to ki marao.'* Nika biyo na fênde ... Mi zof sarrê sima dezna, qusir de niya medê, honde beso; caverdime, bême mesela ho ser.

## 6. Leza serbestiye de wertê

### Zazaun/Kirmancun u Kirdasun/Kuru de hurênayisê jüane-biyası

Ez kulturê Kirmancı/Zazaki de hata nîka ki wertê edebiyate feki ra, yanê sanik u meselun u zovina tore edebiyati ra, caê lawiku dayina berz cên. Çi ke lawike de di şinati rresenê pê. Kîlame ve qeyde ra. İson saniku ya gosdano, ya ki waneno. Hama yê lawike henî niyo. Zu lawike vano, hazar mordem eve meraq gosdano; lawiki gosedari rê zof teşir kenê. Hem finê huayis, hem ki finê bervis. Karo siyasi de teşirê lawiku zofo; qewete danê ci.

Naê ra ki bêli beno ke mi ve ho, xelesa miletê Kirmancı/Zazay wastêne. Seweta na hedefi karê zon u kulturi kerdêne. Hama na leza demokrasi de taê çiyê muhimî, çiyê ke identita u saxsiyet danê miletê Kirmancı/Zazay çine bi:

### Gramerê Zonê Zazaki Tarixê Miletê Kirmancı/Zazay

Mi analiz kerdêne, a netice ra gore ho ve ho vazife dêne ho: 'Ez gereke zu Gramerê Zonê Zazaki hazır kerine'.

Heya, mordem zonê ho qesey keno, hama qeyde u qanunê dey nêzon (eke nêmuso tavi). Hem ki eve gramer identita zu milet iştap bena. U milet ('halk') ci ra qewete cêno hesarê ho beno, wayirê identita hoa kolektive vejino; dima ki haqa demokrasi wazeno, seweta guretena na haqe, seweta serbestiye lez keno, beno qeweta siyasiye.

### Kirdasun/Kurru di kitavê Zazaki 1975 de dest na ro ser, nêveti

Ez hona Berlin de Universita Tekniki de televe biyo. Mi serra 1975 ine de zu Gramerê Zazaki, eve izahatê Tirki kerd hazır. Mi zu ki kitavê de Samad Bahrangi, *Moso Şiao Qızkek* çarna ra Kirmancı/Zazaki. Hurdi kitavi teslimê naskerdoğu kerdî, eke berê, Anqara de mordemunê Özgürlik Yolu dê, uza yayın kerê.

U waxt Kemal Burkay Anqara ra mirê çond rrey eve tayine xevere rusnê ke, ha ewro vezeme, ha meste vezeme, ha bêro, filan bêvan. Na meste u berroê Kemal Burkay u mordemunê dey nêqediya; waxt ame vêrd ra, bi 12 serri. Hama wertê na serru de ki yine çond kitavi eve Kirdaşki veti, pêro meydan derê. Siyasetçünê Kirdasun şovenisteni kerde, yi di kitavê Zazaki nêveti. 1987 ine de na kitavi peyser ardi, Berlin de day mi. Elçiyo ke kitavi mi rê ardi, hona ki vake: 'Eke wazena torê yayın kerime?' Mi ki va: 'Zamet mekerê! Sîma, des u di serri hode vindarrê yayın nêkerdê, niyara tepiya ki lozimiya ho çina.' Waxto peen de çond rreyio ke qazanta u dergiune Kurru de, hem ki eve qeseykerdena K. Burkay heşin pê ke (eve vatisê Usxanê Cemali: U. Cemali ke mesela Zazau Berlinde zu cemat de perskerda, marte 1996), qal ardo ra mi ser, vato 'Zilfi ve ho nêwasto ke, ma kutave dey vejime. Ma ra buriyo ra siyo Zazaceni keno ...' filan bêvan. Haqa kitavunê Zazaki de ita wendoğî ve ho endi qerarê ho ci dê. Ma K. Burkay ke henî vano, rriye ho nêdezeno, ez cira sevajine, ti

vana çerme gayio. Yanê siyasetçunê Kirdas/Kurru ra gore Kürtçenî helala, Zazaceni herama.

*(akın da itmada  
söyler)*

Ez ita qalê zu qesâ muhime bikerine ke, wendoğî bizonê. Waxto ke K. Burkay Mamekiye de bi, ma rreê rrastê zuvini bi vi. Mî u Dêrsimiz zonêne, Kirmanci/Zaza saykerdene. Tenê ki na rriwal ra tivarê mi ci rê bi. Hama waxto ke mesela na hurdi kitavunê Zazaki vejiye, ez hona ginune po ke, mordemê K. Burkay'ê ke ma piya siyaset keme, eve di triyê. Verê isoni de zovina, peê isoni de zovina qesey kenê. Mî ki ho ve ho vatêne, 'ni *zirrié, cuamer-* deni tey çina, eve tore tore fende, eve fizileni *u mizaurenî*, eve dismêneni haqa mide propaganda kenê. Pêro zu fek ra vanê: 'Zilfi, Zazaceni u Eleviceni ke-no.' Mî ki u waxt rraştı ke na meseley mudafa kerdene. Mî va 'ala rreê K. Burkay de qesey kerine, uza ra tepiya qerarê ho dan ci.' Waxto ke 1979 de Frankfurt de 'dernegi' amey pêser, Komkar na ro, K. Burkay ki ame vi. Rreê ez ve dey ra piya şime tever, ma na meselu sero qesey kerd. Ma ke tenê qesey kerd, peyniyede mi qal ard ra *Mesela Zazay* u *Mesela Eleveni* ser. Mî va 'hetê zoni ra qazantu de, se-wunê kulturi de, Zazaki u Kırdaşki jüane ('eşit') vo. Yanê lete ve lete. Haqa nüfusê elevi müdafâ kerime, tomete nêkerime. Ey ki vake ke:

'Biz bunu söylersek ötekiler kızar!'

Mî ki ho ve ho vake:

'Haa, dêmake coka vato 'balık baştan ko-kar.' Sima rê oğır vo. Alaqa min u sima niya ra tepiya çina!'

Ez sas biyo ke, zerrê ho ça Zazaki/Kirmanci rê nêvëseno; eskera nê, hama binê deşti ra verva ci vejino? Mî kokimun u zonağı ra pers kerd ke, K. Burkay ve ho Kirdasunê Muxundiye rao. Tavi ke dey rê Kırdaş/Kurri dayina nêjdiyê, Zazaki ro ci wes nino. Nika mesela tenê biye arrêze.

Coka vato: 'Her vas koka ho sero rroeno.'

Mî alaqa ho indi ci ra birnê, çike her ci bêli bi ke, Kırdaş/Kurri, binê ci namey de benê bibê, sosyalist vê, qominist vê, nêzon ci u ci vê, ma nêwazenê.

Kurri ve xizmekarunê hoê Kirmanci/Zazay ra mira vanê ke, 'Zilfi filan bêvan Komel de gureo'. Komel çiko ke, ni çimê ho de honde kenê berz? Saê ke çivao! Mesela mesela fikiriya. Mordem ke zu fikiri sero ame hurê, komelê nano ro, piya gureeno; nê nê ke quesê de huyo wertağ ke çine vi, zuvini rê tivar nêkerd, xayineni kerde, u waxt ki tavi ke beno ciya. Qey, na siyaset-kerdene hora tek teyniya na Kurrun u xizmekarunê dine sero tapu biya çiko? Mordemê ke, ma dina ro ci salix dêne, nika ustê ra, yi rrae misnenê ra ma!

Ez ke hareketunê siyasetu de gureune ki, seweta Kurru nê, seweta menfaatê miletê ho gureune. Kurri ki oncia seweta miletê Zazay nê, seweta miletê ho gureay. Hama, pilunê ma tecrûbê ho ra gore dayima vatêne: *Kurri made bura nêbenê. Yi zovina miletê, ma zovina miletime.* Yiê ke serrunê mide vi, ma u waxt gos ro ser nênenê, inam nêkerdene.

Wertê qal u qirê siyaseti de ma 5 serri zuvini fetelna (1974-'79). Mî ho ve ho vatêne 'Zazay/Kirmanci ve Kırdaşî ra benê *jüane* ('eşit'), piya siyaset kenê.' Kurru ke sayiya Kirmanci/Zazau de poştia ho kerde qewine, zon u kulturê ma rê binê desti ra dismêneni kerde.

Wertê na 5 serru de yine nêverda ke, se-wunê Berlini de ez ve zu lawike eve zonê miletê Kirmanci/Zazaki vajine. Serra maa peêne de, waxto ke ez ve olvozunê hora circa biriyene ra, nine Kiamil Yeşil-göz ardi vi, verva mi vetêne.

1980 de, sewa Newroji ke organize kenê, salonê Universita Teknikî de, eve vatena naskerdoğê mi Hesen Y. gosedari la-wikunê Kırdaşki gosdanê. Sira ke yena Kiamil Yeşilgözi, gosedari urzenê ra sonê,

salon beno tip-tol, teyniya yiê ke Zazaki fam kenê, d'-irê teney dine ra manenê. Hesen Y. vake: 'Ma henî qariayme ke! Mi va 'hora sérine, na tomur destê Kiamuli, bicéri, qafike de pirodi', vaji 'isê to wertê na Kurru de çiko?'

### Sewa Newroji de seweta zonê Zazaki danê zuvini ro

Verva zon u kulturê Zazay/Kîrmancı wertê her komelê Kurru/Kîrdasû de şovenizm ve dismêni ra estê, rrew rrew qewgâ ~~u hurênayis~~ yejino. Na hadiseu ra qalê jûy bikerine. Olvozunê minê Dêrsimizû ra Ali T. zomonê komelê DDKD de bi, Berlin de mirê na mesela qesey kerde:

'Ma rrozê sewa Newroji kerdi vi hazır. Mi ki zu lazeko de Dêrsimiz ardi vi ke, u ki sewe de eve Zazakî/Kîrmancî lawiku vazo. Ma ki peê sahne de, peê perda derime. Mi venga da ra lazeki ard ke, şero sahne, bicino, vazo. Mi niada ke olvozunê maê yi waxti ra zu Kurru de Mardinîz, Agit, ame, vake, 'bu kimdir?' Mi vake 'Zazaca' türkî söyliyecek' (Ali T. Kîrdaşî nêzono, Z. S.) Agit qira mura, vake:

'Sen Zazacılık yapiyorsun?!'

A, çituri ke henî zırça mura, mi tekê dê piro, da ve hard ro. Milet hetê veri de program gosdano, ma ki peê perda de zing u ting dame zuvini ro. Nêdiyê mikrofoni derime, rapetape so-na mikrofon, milet veng dano, vano: 'U çiko, çivao? U senê vengo yeno?'

Meselê nianeni hona zofê, eve vatis nêqedinê.

### Leza siyasetçinê Kurru, leza miletê Kîrmancı/Zazay niya

Mi niada ke, rraştî ke Kurru de bîraeni nêbena, bime ciya, her kes rraa ho ra şî. Yi rraa hora, ez rraa hora Ezê ho awa na-wa, miletê ho rê indî *baxse* ('bağımsız') gurean. Haqa keş ki çîna ke, nae ma rê tomete kero! Haqa keş ki çîna ke, miletê Kîrmancı/Zazay eye zor Kurr kero, ci rê *siyaseto baxse* ('bağımsız siyaset') tomete kero. Miletô Kîrmancı/Zaza ki mecbur niyo ke, binê bandîra keşî kuyo. Noskar u siyasetçiyê Kîrmancı/Zazay, yiê ke serbestiya miletê ho wazenê, yi ki nêwazenê ke, miletê ho heshirenia Türkî ra bixelesnê, na rrae ki binê bandîra Kurri/Kîrdaşî' kerê. Serbestiye ki keşî sero tapu nêbiya, malê piyê keşî niya, haqa miletê Kîrmancı/Zazay'a.

1982 de ke Paris de Enstitüye Kurdi na-ro, seweta tespitkerdena elîfbey ez ki da-wete kerdune. Serrunê '80 ine de xelê çi vuriya. Nayine ra zu ki, nostisê mino ke Hêvi 1, 2 de (Paris) vejiya, u bi. Çi ke makaleo ke vejiya (54 pelgi), hem wertê Kîrdasû de, hem ki wertê Kîrmancı/Zazau de henî tağvin kan ke xelê teşir kerd. Kîrdasû ve ho mi rê qesey kerd ke, taê cîra qariye ke, Zazaki çâ jêde kerdö ci. Kemal Fuatê Soranîji ki, makalê ho de, u dergi de nosto ke, 'nostena Zazaki ve zeraro u teyniya zonê folklori bîmano!' (Hêvi 1). Yanê qe nênoşıyo! Berlin de ki taê şovenistê Kîrdasunê Şêvaji (Hesen Y.) mi ra qariay, vake:

'Neden Kürtçe öğrenmiyorsun, gidip Zazaca yaziyorsun!'

'Tu çâ Kîrdaşî nêmisena, sona eve Zazaki nosena!'

Çi şovenizmo, ci dismêneniya!

Ti mire xedisia ra, ana fîl êmalo  
xora ne xedisia ra

## Giredae-biyaeni ra ve baxse-biyaeni

Mi Berlin de *Volkshochschule* rê mûracat kerd ke, qursê Zonê Zazaki rakerine, mi rê cüav da, vake:

'Zazaki lehçê de *Kurdisch'iyo*. Zu qursê *Kurdisch* nao esto, u beso!

Ez Berlin de şîyo Enstitüye İranistiki ke, zonê Kîrmancı/Zazaki sero bigureine; uza ki Kurrunê Soranızı ra Omari kerd pîrre zuru, vanê nata *lehça*, bota *lehça*. Na tercübe ra tepiya ez amune na fikir ke, eve na sanika *lehça* Kurri her ca traê ma rê kenê *tomer*, her çêver ma sero cadanê, her fîrstat de inkarci u lehçeciyê Kurru/Kîrdasuvireniya ma birrnenê.

Ez ho ve ho amune na netice ke, ma ke eve *lehçe* şime, siyaset de dayima keme vind. Meste bêrro Kurru ke haqa ho gurete, ma oncia destetol vejime.

U waxt ez Universita Teknik de koti vi Enstitüye Lenguistiki, doxtora Gramerê Zazaki sero gureêne. Mi alaqa ho Kurru ra bîtrna vi, savrê mi tenê bi vi hira. Na hurênayis u qal u qir ra tepiya, mi olvozê ho niya kerdêne temey:

Niyara tepiya *lehçe* mevazê, zon vazê. Kam ke wazeno ke zon u kultur u siyasetê mîletê Kîrmancı/Zazay sero bigureo, xizmete bikero, hata alaqa ho şovenistinê Kurru ra nêbirrno, *baxse* ('bağımsız') négureo, nêbeno. Mordemo ke na meselu sero gureeno, gereke *giredae* ('bağımlı') nêbo, *baxse* bo.

## 7. İnkarceni u lehçeceni

İtade lozimo ke ez virende ferqê ilim u siyaseti bêli kerine, uza ra tepiya simarê vatena alimunê zonun u siyasetçiu sero qesey kerine. Çike zonaena na ferqi zof muhima. İlim ve ispat yeno meyda. Siyaset ki eve iddia. İlim de ispat serto, siyaset de lozim niyo.

Alimo ke zu mesela sero qesey keno, gune a qesa ho ispat kero. Hata ke ispat nêkerde, qewul nêbena, qiyemetê de ho

cino. Hama fikirune siyaseti de henî niyo. Fikirê siyasetu iddia seroê ke, ni rrast ki benê, şelet ki benê. Temelê siyasetu ideo-lojiyo. Zu ke eve na ideo-loji vazo, *hawa ra kutik lawenê*, *'tolivê'* na siyasetu ki inam benê. Ideolojiyê dini de xoçey vanê 'sima ke niya bikerê sonê cenet', tolivi inam benê.

İdeolojiunê siyaseti de ki niya ro. Na ideoloji ci benê bîvê; rrastki vê, çepki vê, dinci vê, karakterê pêroyine na het ra zuyo. Qeydo de bin ki nao: İlim siyaseti serrao. Ya ki eve zovina vatis, siyaset ilim ra cêro.

Taê naê qewul kenê, hama taê estê ke, ni leto jêde siyasetçiyê, 'nê!' vanê. Ma her ci zoneme. Yanê ilimi rê hurmet nêkenê, ilim saynêkenê. İlim ke vano, 2 ve 2 kenê 4, hama siyasetçi iddia kenê, vanê; 'nê, di ve di keno ponce?

Alimunê zoni tarixê zonunê İranki de caê Zazaki bêli kerdî ke, eve ferqê hususiyet u strukturê gramerê ho, zovina zonu ra birino ra. Cokao ho ve ho zu zono (nia-de cêr: literatur).

Hama Türkî vanê, 'nê, nu zu *lehçê zonê Turkiyo*'. Siyasetçiyê Kurru ki vanê ke, 'nê u *lehçê de zonê Kîrdâşkiyo!*' Nika dewleta Türkî hetê ra, siyasetê Kurru hetê ra zeleqiyê yaxê ma ra, Zonê Kîrmancı/Zazaki ve mîletê Kîrmancı/Zazay ra kelaponçe kenê. Ma ki werte de sas bime. Dêma ke, dostê maê Türk ve Kîrdâşî ra ma sero kotê tê. Halví ki postê ma sero danê pêro, hona taê cira bêxeverê. Çituri ke di vergicbinatê bize sero gurrenê ra zuvini, ya ki di mordemi zu hêgay sero danê pêro, henîyo. Hama ilim ra gore ki bêliyo ke zonê Kîrmancı/Zazaki ne Turkiyo, ne ki Kîrdâşî. Eve na durim ki mîleto Kîrmancı/Zaza ne Tîrko, ne ki Kîrdasî (Kurro).

Siyasetçiyê Türk u Kîrdasî/Kurri letô jêde na eserunê alimu naskenê. Hama qal nêkenê, gos ki pa nêkunê; mîleti rê eskera nêkenê, *mîenkia* cêne ke, kes sola cira xeverdar nêbo, nêmiso. Eke misa ki, rraa ho

vezeno keşî rê şüane nêbeno, beno ağaê serê ho. Halvi ke, Türk ki zonenê ke zonê Türkî ve zonê Kîrmancî/Zazakî ra zu nêbeno. Kîrdaşî/Kurri ki rrînd pê zonenê ke, zonê Zazakî u Kîrdaşki zu niyo, ciya zonê.

Cirano ke poştia ho kerdî qewine, ye-no çim verdano hêgaê ciranê ho, vano: 'nu hêgaê mino, ti coleğê morevaê mina, ez ki ağaê tuyol' Wayirê hêgây ve ciranê zorbajî ra ~~kunê tê~~ êndi kami ke zor kerd. *bîbînî e gîşmî*

Mîleto Kîrmancî/Zaza ke hata nîka bêwayîr nêmendêne, yanê temsilcînia hoa siyasiye ra ke morim nêmendêne, ciranûnê zorbazu ki niya sero hukim nêker-dêne. Hama na ki esta ke, ne leza demokrasi qedina, ne ki rroji qedinê. Axiri irozê yena ke, na mîlet ki jê nikay malo bêşüane nêmaneno. Organizasyonê hoê siyasi ano meyda, eve a qewete haqa ho, hêgaê ho qori keno.

Na durim ra gore, mordem dî meselu têwerte nêkero. Neticê ilimi ve iddia siyaseti ra.

## 7.1 Peyniya lehçeceni asimilasyono

Siyasetçiyê şovenisti zovina zon u kulturu ra has nêkenê, wazenê ke yi mîleti biarê zon u kulture ho ser; hama heto bin ra ki wazenê ke zon u kulturê yi mîletê bînedeşti ki wedariyo, vindi bo.

Seweta ney çi lozimo, çituri yi mîleti bixapnê? Ney rê sanika lehça dermania. Eve sanika lehça u mîlet kuno hewno xorî, malê ho, haqa ho, serbestiya ho ho vira keno, beno kole.

Lehçecenia siyasiye İran de ki esta. İran de mîleto Fars hukim keno, zonê hukimdarî Farskiyo. Hama İran de xelê mîletê bini estê ke, hokmat zonunê yine rê vano 'ni lehçê Farskiyê. Ma ki birayme.' Yine ke ho rê haq u demokrasi wast ki, vanê 'sîma ma kenê letey!' Yanê lehçeceni, zu siyaseto de şoven u asimilasyonciyo.

## 7.2 Înkarceni u lehçecenia Türkî

Türkî ke 1921 de şindorê dewleta ho ont, hokmatê ho na ro. Eke hona tengede vi mîletunê binu ra (Kîrmancî/Zaza, Kîrdaşî/Kurri, Laz, Çerkez) vatêne 'bîra'! Hama poştia ho ke kerde qewine, bîraeni qedîye, na rrae ki vake 'Türkî'!

Pilanê Türkî rrew ra hazır vi ke, eve çi to-re rresenê hedefê hoo siyasi. Hama hata u hedef cirê poştî lozîm biye. Yê taê mîletu hemgê kerd fek ra (yanê çi nêda), pê xapiti. Tenge ra ke xelesiyat, koti hirayie, na rrae ki siyasetê asimilasyoni vet: Türk Tarih Tezi, Güneş Dil Teorisi (1932), filan. Zu kitavo muhimo ke, siyasetê asimilasyoni ano ra zon nao: M. Rîza, Benlik ve Dilbirliğimiz, İstanbul 1933. Qesê veride niya noşino:

*"Benlik ve Dilbirliğimiz hakkında birkaç söz"*

Büyük Gazi ve yüce kurtarıcumuzın açıktırıları parlak çığırda öz dilimize doğru yürüken bir çok soydaşlarımız hâlâ türkçe konuşmuyorlar. Millî benliklerini unutarak veya bilip duymuyarak millî çığırda sapan bu soydaşlarımızı doğruya söyleyerek ve göstererek millî birliğê çağırmak her Türkün borcudur. Şu küçük kitabı bu millî borç payımı öðyeceğimi umarım.

3-9-932

*Piyade Miralaylığından Mütekait  
M. Rîza"*

M. Rîza pelga 5 ine de sevevî siyasetê asimilasyoni, yanê siyasetê Türk-kerdene, niya ano ra zon:

*"Yurdumuzda birçok soydaşımız hâlâ türkçe konuşmuyor, yad diller söyleşiyorlar. Bu hal açılmak, deşilmek istiyen millî bir derttir. Bir millet varlığını benlik ve birlik kuvvet ve dercesi ile gösterir ve yaşatır. Bu*

asırda millî varlıklar dil, millî duygular, dileyk <ülkü> birligine dayalıdır. Bunalımların en başı ve göze görüneni dilbirliğidir. Dilde birlik olmazsa diğerleri kolay ayrılır. Millî varlık ufak bir çarpınma ile dağılır ve parçalanabilir. Yakın tarihimize bunu açıkça gösterir.

Yurdumuzun birçok yerlerinde en ziyade şark ve orta Anadoluda dil, ad ve belki de duyguları yad, halk kümeleri görülür. Bunlar bu kitapta yazılı bir çok sebeplerden millî birlikten ayrılmış ve yadırganmış öz türk ve türkmenlerdir. Kendi soyumuzdan olan bu halk kümelerinin çoğunu hâlâ Kürt die ayrı bir varlık olarak tanır ve biliyor. Bir kısmına Lâz deriz, ötekileri Arnavut, Acem diye ier yadırgarız...."

Yiê ke gereke Tirk bê, biwanime, ala kamê (p. 10):

"Yurdumuzda yabancı dil konuşan soydaşlarımız, Kürt denilen dağılı Türkler, Lâz ve Gürcüler, Girit ve Epir Türk muhacirleri, Arnavutluk ve Bosna mültecileri, cenupta bazı halk kümeleridir."

Bira Tirk asimilasyonci eve zono nerm morri dayi lone ra vezeno, her 'sarredeji' rê axiri dermanê vineno. Nîka sira amê 'dağılı Kürt kardeş'i (p. 15):

"İngiliz lûgatları de Kürt kelimesini eskiyâlikla müteradif kaydedelerler. Şu halde dağılı Türk kardeşlerimize Kürt Kürdo demek hem nezaketsizlik ve hem de milliyetimizde ikilik ve ayrılık ifade etmesi itibarı ile vatan aleyhine hareket olur. Dağılı ve şehirli Türk için Kürt sözünün unutulması millî bir borçtur."

Bira Tirk 'Kürt' axırı yasax kerd, gamêna ravêr sono, niadime ala na rrae se vano (devamî pelga 15 ine):

"Dağılı Türk kardeşlerimizin kendi öz dilleri olmayan kürtçeyi artık

bırakmaları ve esas ana dilleri olan türkçeyi aşiret ve boyları arasında yâymaları zamanıdır."

Bira Tirk 'Kürtçe' dard we, nîka ki na 'Kürtçe' ala çiko ci niyo, tenêna biwanime (p. 16):

"Kürtçe Kurmanç ve Zazaca diye ikiye ayrılır. Kurmançça umumidir; Zazaca Genç, Kulp, Diyarbekir ve etrafile Siverek, Palo ve Dersimde Zazalar arasında söylenir. Zazalar Lo Türklerinden Dûmbeli-Yezidi soyundan ve Hati-Halti ülküsünü yaşatan eski Türklerdir. Dilleri de aslini değiştirmiş çok eski bir türkçedir. Kürtçede birbirinden ayrı muhtelif lehçeler vardır.

Eski türkçe ve yeni farsi sözler bütün lehçelerde birdir. Diğer dillerden alınan sözler her boy ve oylumda başka başkadır.

Bira Tirkê Miralay M. Rizay ke 'Kürt kardeş' çerexna ard, nîka ki sira amê inkar kerdene (devamî pelga 15 ine):

"Kürtçenin tarihi yoktur. Çünkü esaslı ve başlı başına bir dil değildir. Ayrı dillerden zamanla bir araya yığılmış sözlerdir."

Bira Tirk Miralay M. Rıza, her ke şî râvîr sono, aslî 'Kürt kardeş'i ci rê tarif keño, biwanime, ala beno koti ra girê dano (p. 23):

"Dersimliler Zazadır. Bnlardan Hor-mik, Çarikli, Lolan aşiretleri soyca Türk olduklarını bilir ve söylerler. Eskiden Dünbelilerle meskûn İranın Seymen Ova halkın Dûmbeli-Zaza-Yezidi-Hatayinejat olduklarını ve havaliye Türkistanı İran denildiğini Cihannüma yazıyor.

Bütün bnlardan anladığımızın kâsası bu gün kürtçe konuşan halkın asıl

ve soyca tamamen Türk oldukları ve bunlarda Türk ruhunun muhtelif an'ane ve ülkü-mefküre halinde hâlâ yaşıyor. Şu halde bugün kürte diye söyleşen halkın Türk olduklarını ve Kürt adında ayrı ve başka bir millet ve milliyet ve buna ait bir işaret dahi bulunmadığını şüphe kalmamış olur."

Sıma di? Peyniya inkarceni u asimilasyonu ke vanê, niyara. Bira Türk 'soydaş'un u 'kardeş'u tek ve tek çituri werte ra dano we! Çimê Dêrsimiz ve rroştı vo. Nika hao aslê ho ki indi misay. Hama ho vira mekerê pencô zu 'Yezidi' yo, eve xêr vo. Na 'Yezidi' mirê toa bêaxki nino, se ke 'bira Kurr' ki 'bira Türk'i ra miso. u ki ge-gane noseno ke. Dêrsimiji 'yezidiyê'. Sarê teveri yeno, ma u piyê ma 'ro ma salix dano.

Bira Tırko 'tolivê Gazi' postê miye onto ve ho, koto ra wertê 'kardeş'un u 'soydaş'u. Peyniya qesey niya girê dano (p. 61-62):

"Göz bebeğimiz Ulu Gazımızın açtıkları parlak dil yolunda öz dilimize doğru gidişimiz hiç şüphe edilmez ki dil sevgisini bütün halka yayacak ve gün geçikçe artarak bizi kutlu bir dil birliğine ulaştıracaktır."

Yanê her kes ke bi Türk, indi rreseno mirrodê ho, sono cenet. Nika geal kerime. Asimilasyoncun u rasistunê Türk na pilanê qırkerden u wedardaena miletunê Anadoliye, tarixê nostena na kitavi 1933 ra ve nat, hata koti berd, tenê biarê ra çimunê ho ver.

İdarê Türkî vake. Miletî Türk hukimdar, sima ki pêro piya gereke Türk vê'. Ao ke Türkî qewil nêkeno, haqa dey çina. Miletî Laz u Çerkez u Aravi tenê ho lewna, hama oncia vengê ho birrna. Tek teyniya miletî Kûrmancî/Zazay ve miletî

Kırdaşı/Kurri heşirenia Türkî hata nika qewil nêkerde.

Biraê Türkî 1921 de çü guret sero vinet. Niada ke ni ve çü nêvindenê. 1980 ra tepiya ki, *Sanika Türkî* ke tey kar nêkerde, na rrae ki *sanika lehçeceni* vete. Samika lehçeceni de vajino ke 'ha Zaza Türkçesi, ha Kurmanci Türkçesi, ge dağlı Türk, ge ovalı Türk, nata Türkçesi, bota Türkçesi, filan bêvan.' Dewleta Türkî axırı xelê seri na sanike vate. Niade ke deee! Kes pê na sanike hewn ra nêsono, teseliya ho ke birriye, êndi texeliy, serê serra 1992 ine de tove kerde. Heya, sanika ho tove kerde, hama çimê ho tepiya mal u milkê gezna Kûrmancî/Zazau dero.

### 7.3 İnkarceni u lehçecenia Kurri/Kırdaşı

Vanê *'hengure hengurede niadana, bena şiae'*. Ti henî zonena, 'bira Türk'i ve 'bira Kurr'i ra zuvini kerdo temey, zonê Zazaki kerdo lehça zonê ho, her kes hetê ho ser oncenô.

1. Alimê zonu Karl Hadank eve vazifê Akademiyê İlimê Prusya sono Suriya u Iraq ke, zonê Zazaki u Kırdaşı sero materyal topkero, sero bigureo. U waxt biraê Celadeti, Kânran Ali Bedirxan Berlin de vi. Eve vasita dey sono Şam, leê Celadet Bedirxani. Mesela zonu sero yenê tîlewe, qesey kenê. K. Hadanki naê sero defterê ho de niya nosto:

"Am 28.November 1932 sagte mir der Emir (beim gemeinsamen Abendessen im Hotel), es kämen mitunter kurdische Hirten aus Damaskus, um Schafe zu verkaufen. Jetzt seten zwei Zázá-Schäfer aus Palu hier eingetroffen. Der Schafhandel sei im wesentlichen in der Hand der Kurden. Als ich den Wunsch äußerte, mehr Zázá-Proben kennen zu lernen, bog er ab; offenbar waltet hier bei ihm nur doppelte Rücksicht im Spiel, vor allem im politischen - der

*Emir rechnet die Zâzâ zu den Kurden und möchte sie alle kurdisiert sehen - und vielleicht auch eine persönliche: er sieht es wohl nicht gern, daß ich ein so lebhaftes Interesse für das Zâzâ zeige. Ob er wohl die Absicht hat, selbst über das Zâzâ zu schreiben? - Mir ist sehr bald klar geworden, daß wir von verschiedenen Seiten aus Sprachstudien betreiben und daß unsere Standpunkte sehr voneinander abstehen. Der Emir bleibt immer ein praktischer Politiker: er ordnet die Sprachbetrachtung der Politik unter, während ich die Politik ausschalte und rein sporadisch verfare."*

'28ê ekime 1932 de, Emuri<sup>2</sup> mira vake ke (waxto ke ma otelde piya samia ho werde), 'taê şüanê Kirdi Sam ra amê ke, miyu birosê. Nika di şüanê Zâzâe Paloyiji amê ita. Tecirenia miyu leto jêde Kurdu dest dera' Mî ke vake 'ez leto jêde materyalo Zazaki wazen', ey rred kerd; henî oseño ke, eve ho di het ra mesela rê diqat keno, leto jêde siyaset ra goreo: Emir Zâzâu Kirdu ser say keno, wazeno ke pêro Kirdi bê<sup>3</sup>; belkia ki mesela de şaxsiye ki bena: ero ci wes nino ke, ez seweta Zâzâki ban honde alaqadar. Acava, ya ki eve ho wazeno ke, Zâzâki sero binoso? Mîrrew bi zelal ke, ma ve zovina tore zoni sero gureeme, hem ki fikirê ma zuvini ra zof düriyê. Emir ve ho siyasetçîyo de pratîko: eve ho karê zoni siyaseti verrâ cêno. Ez ve ho ki, siyaset dan we, henî hareket kan.'

Dêmake inkarceni u lehjecenia Tîrki u Kurri/Kirdaşî saê ke zu tarix de pêda benê. Hora çimê siyasetçîunê Kurru/Kirdasu

Tîrku de bi. Yine ke se kerdêne, nine ki yi texlit kerdêne. Mesela hetê reformê alfabetey de ki henîyo. Hokmatê Tîrki 1928 de sistemê herfunê aravki dard we, sistemê latinkî na ro. Yine dima ki C. Bedirxani texlit ki henî kerd. Seweta lehjeceni ki henîyo:

"der Emir rechnet die Zâzâ zu den Kurden und möchte sie alle kurdisiert sehen"

'Emir Zâzâu Kirdu ser say keno, wazeno ke pêro Kirdi bê'

2. Siyasetçîyê Kurru Cêladet Bedirxan serra 1933 ine de, Şam de eve Mewlidê Zazaki yayın keno. Hetê peyde pelga qapagi sero, eve herfunê aravki niya nosto:

مولودانبى  
Mowlûdâ Nebî

پازارلما  
Bîlâa Biyxıbir  
Biyayışâ Pêxember

بکردى ياخۇملى ، زاراواپى سىورىكى  
Bi Kurdiyâ Dûmili, zârâwâyê Siwerekî

Hetê veri de ki eve Fîransîzki niya nosto:

MEWLÛD  
Poème de la naissance du Prophète  
En langue Kurde, dialecte dumili  
(zaza)  
parler de Siwerek

Çapxana Terekî  
ŞAM 1933

Ita ra oseño ke, C. Bedirxan vano Bi Kurdiyâ Dûmili بکردى ياخۇملى 'eve

<sup>1</sup> K. Hadank, Nachlaß, Staatsbibliothek Berlin (W), H 4, I, peige i.

<sup>2</sup> C. Bedirxan, ho çê pasay saykenê, coka ho verva sarê bêaxki eve Emir 'Fürst, Prinz, 'Prens, Lazê Pasay name kerdêne.

<sup>3</sup> Mi cümlê kerd golind, Z. S.

Kurdkiyo Dumili', dialecte dumili (zaza) 'lehça Dumili (Zazay)'. Yanê ey ve ho ki zonê Zazaki kerdo lehça, dialecte.

### 3. Malimê Kırdaşı se vanê?:

Malimê Kurru/Kırdasu 1985 de Münih de eve yardımê sendika GEW (Gewerkschaft für Erziehung und Wissenschaft) yenê pêser, mesela zoni sero qesey kenê. Asimilasyoncienia ho indi eskera ilan kenê. Na konferanşî sero ki zu dokumentasyon yayın kerdo, tede niya vajino (p.3)\*:

*"Man müßte so die Zaza zur Übernahme von Kurmanci motivieren."*

'Mordem Zazau gereke henî teşvik kero ke, Kırdaşki qewul kerê.'

Yanê malimê Kurri/Kırdaşı Zazaki nêwazanê, niyetê ho anê ra zon ke, werte ra wederiyo. Cor ki ma wend ke, 'bira Türk'i ki peynie de niya kerd. Nika ki 'bira Kurr/Kırdas' henî keno.

Siyasetê Kırdasu/Kurru sayıya miletê Kermanci/Zazay de honde ravêr şî (Ziya Gökalp, Nuri Dersimi, Sait Kirmızıtoprak, Sait Elçi, Necmettin Büyükkaya u yiê bîni), poştia ho kerde qewine, yi ki ağaê hoê Türkî ra misay, nika endi miletê Kermanci /Zazay sero eskera hukim kenê ke, na milet sola haqa ho nêcêro, serbest nêbo, dînerê kole vo. Na dîna niyara. Qesê de Türkî esto, vanê: 'Köprüden geçinceye kadar, ayıya dayı de'. Nika ki biya fêndiia Kermanci/Zazay u Kırdas/Kurri. Milet Kermancı/Zazao feqir çond zorbazi de ceng kero. Lehçeciyo şovenist zu niyo, di niyê. Zuy ra xeleşino, teko bin vejino. Vireniya zuy birrnena, zuyo de bin erjino meyda. Siyasetunê Türkî lehçecenia ho tove kerde, hama bîra' Kırdas/Kurri hona tewte lehçeceni dero, kerda ra ci sono.

Tavi yi ki axiri rozê Haq aqil dano ci tove kenê. Miletê Kermanci/Zazay ke temsilcienia hoa siyasiye arde werte, mal u milkê horê wayir vejiya, u waxt yi ki

teseliya ho ke kote, tove kenê. Hama mal u milk u gezna Kermanciye honde ke bêwayir mende, tavi ke çimê her keşi teder, wazeno ke kerrepul kero.

Biraê Türkî horê di lehçey, yanê gezna kerrepuli ra di hêsey veti vi: Zaza Türkçesi, Kurmanç Türkçesi, Hama bîrao Kırdas/Kurri' dayina pêto, ey horê hirê hêsey vetê: *Zaza Lehçesi, Gur'an Lehçesi, Lur Lehçesi* ... filan bêvan. 'Hemu Kurdin' (pêro Kurdê) vanê.

Hama zu 'bîrao Kurd' ke ust ra, vake ez ki zonê ho qesey kan, lawika ho van, mektevê ho nan ro, na rrae ki tey qarinê.

Taê meselê ke amey mi serde, mi hesnê, sima rê tenê qalê yine kerine: Ez ke serra 1973 ine de Dormund ra seweta wendisê universita ame vi Berlin, gega-ne şiyêne dermegê 'Türk Toplumcular Ocağı', yê mordemunê TKP (Türkiye Komünist Partisi). Yi serru de ki, Türkiye de hokmatê eskeria ame vi ser, xelê mordemi rrema vi, ame vi Almanya. Nayine ra xelê teney ki TIP (Türkiye İşçi Partisi) ra bi. Wertê nine de Rahmi Saltuço Dêrsimiz ki bi, ma gegane, u derneg de zuvini diyêne. U waxt Ahmet Aras ki uza vi, eve ho idara TIP'i de bi. Ma rreê piya feteliyime, tenê qesey kerd. Mi ci rê qal kerd ke, ez Gramerê Zazaki sero gurean. Ahmet Aras céra ra mi vake: 'Ötekiler kizar!' 'Ötekî' ki yanê Kırdasu rê vano, eve ho ki Kırdaso. Manê ho ki, yanê vano 'ez ki verva ci vejin'. Ez sas biyo ke, nu gereke sa bo, çâ verva ci vejino, itiraz ke-no. Ala na 'sosyalist' de niadê, ci mordemê tamasaê!

Rrozê ki sewa de Newroji Bremen de biye, ez ki Berlin ra şîyo. U waxt Şivan (Perver) ki uza vi. Mi ve zu naskerdoğê ho ra qeseykerd, nu erjiya werte, çalim kerd, vake: 'Neden Kürtçe konuşmuyorsunuz?' Tavi mi ki nat ra perna ra ser. Mi va 'ez mecbur niyo ke, zonê to qesey kerine; ti

\* Dokumentation der Tagung kurdischer Lehrer und Erzieher in der Bundesrepublik am 13./14.7.1985, München 1985, 40 p., p. 3.

zonê ho qeseykena, ez ki zonê ho qesey kan. U çiko! Vengê ho bîrrna. Hama peyniyede lawika ke mi kaseta ho de vati vi, *Cani Cani*, bêxevera mi 'tirta', kaseta ho de eve Zazaki vata. Tavi ke seweta haskerdena Zazaki niyo, menfaatê ticaretiyo.

Lehçeceni sero xelê çi qesey beno. To-re tore iddiay erjinê werte. Fikirê ke wertê siyasetunê Kirdas de vajine, naê:

1. Ma na lehçû'ame pêser, cira zu zon vezeme.

Tavi ke çiyo nianê nêbeno. Çike na lehçê ke vajinê, hetê fonoloji u morfoloji, leksikoloji ra xelê ve serqê. Coka kes zonê keşi fam nêkeno. Mordemi ke na zonî kerdi jê zuvuni, yi zoni henî benê xirave ke, êndi kes fam nêkeno. Na iddia nianêne geleta. Rozê ke Berlin de zu cemmat de, na iddia seweta Zazaki u zovina lehçû'nê binu mira vate, mi cira niya va:

Ma vajime ke heyâ, ni hurdemêna lehçê 'ê; de hayde, bêrê ma nine biame pêser. Ez zu cümleo de rret sima ra van, eve 'özne' u 'nesne' u 'yüklem' vo. Ney henî biarê pêser ke, zu Kirdas/Kurr ki sola fam kero.

*Ez son mali.*

Kirdas/Kurr na cümle ra teyniya qesê vireni fam keno: 'ez'; çike qeso wertaço. Hama qesê diyini, yanê 'son' i se kerime? De hayde, vajime ke Kirmanc/Zaza tove kero, 'son' nêvazo, 'terim' vazo ke, sola 'birao' Kirdas/Kurri ki fam kero, hem ki sola zu zon vo.

\**Ez terimi mali.*

Kirdas/Kurr na cümle çituri fam keno?:

\* Ben eve gidiyorum.

halvi ke manê ho Kirmanci/Zazaki de nao:

Ben davara gidiyorum'.

Ma na zu cümlo rret de, tek zu qeso diyin vurrna; oseno ke, heyâ, hetê biçimi ra mordem qesu ra zuy vezeno, zuyê de bini keno ci, peyniya ho sebena? Kes keşî fam nêkeno, yanê zoni benê xirave.

2. Mi ke Basel (İsviçre) de *Tarixê Zonunê İranki de Caé Kirmanci/Zazaki* sero zu konferansê ho de qesey kerd (26.11.95), zu ġerta zoni misnê ra gosadar. Na ġerta de mintıqa ke zono Kirmanci/Zazaki tede qesey beno işaret kerdi vi, zu ki namê sukul u qezu tede noşıyo.

Zu erjiya wertê, vake 'o bölgeye neden Kurdistan diye yazılmamış?' Tavi ke, *welatê her mîleti, eve namê yi mîleti darino we*. Welatê mîletê Aravi ra Arabistan vajino, yê Yunan-i Yunanistan, yê Bulgar-i Bulgaristan' ... filan. Welatê mîletê Kirmanci/Zazay ki gereke eve namê ho wedariyo. Coka namê welatê mîletê Zazay/Kirmanci ra 'Kurdistan' vatene, qe nêbeno.

Mukayesê zonê Zazaki ve zovina zonunê İranki ra biye, her keşî eve çimunê ho di ke, traşti Zazaki ve Kırdaşki ra zovina zonê. Oncia yi mordemi (Kirdasê Qerekoçani), na rae ki niya vake:

'Evet, iki dil olabilir, ama Zazalar ve Kürtler tek ulustur!'

Mi ki vake:

Tırkı ve Kırdaşki ra di zonê. Tamam. Hama, ma şikime ke iddia kerime, vajime 'mîletê Tırkı ve mîletê Kırdaşî ra zu mîleto, ya ki zu ulus' o?' Nêbeno. Ez ke na iddaunê nianenu gegane hesnan, niya van:

Her kes ke çiko, uyo. Tırkı Tırko, Kirmanci/Zaza Kirmanci/Zaza-o, Kirdas/Kurr ki Kirdas/Kurro. Elevi eleviyo, sunni ki sunniyo. Endi ker kes zuvini qewil kero, zuvini rê hürmet kero. Çiko na şovenizm, çika na inkarcenii??!

**Serbestiye haqa miletê  
Zazay/Kırmancı-a**

3. Vanê ke: *'Mordem qesa henêne hesneno ke, gosê isoni benê dergi.'* Olvozê ke Cemâtê Dêrsimi Berlin'i de gureene, siyasetçinê Kirdasu de mesala Zaza' u 'Kürt' i sero qesey kerdö. Mordemunê Cemâtê Dêrsimi ke qalê Kürmancı/Zazay kerdö, bîra'ê Kirdaşî, na manê de vato: *'Tamam ayrı dil olabilir. Kurdistan'ı kurtarınca, Zazalara da otonomi vereceğiz'*. Kurri ke koti tenge, na qesê nianenî vanê qegane heşinime pê.

Mileto Kirmanc/Zaza ne siyasetçinê Kirdaş/Kurru ra, ne ki yê Tirku ra, pars arê nêkeno! Her milet haqa ho wazeno; eve leza ho, *haqa hoa demokrate cêno*. Demokrasi ke ame Tirkiya, gereke her milet têdust ('seviye') de bo. Na ki eve zu sistemo fedaratif bêna. Mileto Kirmanc/Zazay welatê ho sero, Tirk welatê ho sero, Kirdas/Kurru ki welatê ho sero dewleta hoa federale rono; pêro piya ki zerrê na Zuyiya Dewletunê Fedaralu de caê ho bicêrê. Miletê Zazay/Kırmancı ki, zerrê na Zuyiya Federale de, welatê ho sero *Dewleta Zazay/Kırmancı'a Federale* nano ro.

Yanê mileto Kirmanc/Zaza binedestiya Tirkî ra vejiyo, na rrae ki binê bandira Kurri kuyo, nêbeno. *Serbestiye, haqa miletê Zazay/Kırmancı*. Demokratî Kirmancı/Zazay ki, jê Kirdas/Kurru şovenisteni nêkenê: Kidasê/Kurû ke zerrê welatê Zazay/Kırmancı de *cüaenê ('yaşıyorlar')*, hetê zon u kulturi ra, haqa otonomi danê cî.

## 8. Gramerê Zonê Zazaki

Ez 1984 ra tepiya Gramerê Zonê Zazaki sero gureune. Hama çituri kotime na mesela! Mî zerrê ho de, ho ve ho lez kerdêne. Serto virê, ez gereke alaqa ho siyaset u siyasetçinê Kurru ra bibirrnine. Çi ke ez hon de ke wertê dine de viyo, uza

caê ma, caê miletê Kürmancı/Zazay çine bi. Mî ke qal kerdêne, taê jê şîwan Perveri u taê binu eve qesu mî rê çalim kerdêne; yiê ke era mi ser nêkotêne, yine ki peyde fizileni kerdêne, eve u tore dîsmêneni kerdêne.

Mî ke taê mordemu de qesey kerdêne, niya vatêne: *'Kirdasu hata nika mara qesê nêvato!'* Ê tavi, zuy ke fekê ho we nêkerd, zon u kulturê miletê ho aktiv temsil nêkerd, sero lez nêkerd, mesela miletê ho rê sarrê ho qe nêdezna, inkarceniu lehçeceni qewul kerde, ma kami êndi deyra qesê vano? Tavi ke icav nêkeno!

Na hurêneyisu ra tepiya, mî ke ho ve ho vake 'uyo ke ez son wertê Kirdasu de enerjiyê ho qal u qir de dêrs ken, son universita de *Gramerê Zonê Zazaki* sero gurean, qe ke nê, na vazifeo tarixki ken. Mî ho karê siyaseti ra ontî vi. Çi ke karê ilimi rê zof waxt u zof konsantrasyon lôzumo. Hem karê siyaseti, hem ki karê ilimi piya nêbeno. Mî qerarê ho henî davî cî ke, gramero kilm nê, zu gramero eve teferruat bêro meyda. Hem ki gramero de ilmi bo.

Nika ki na eser, mî jê wastena ho ard meyda, asma temuze 1995 de doxtora mîna *Gramerê Zonê Zazaki* Universita Tekniki de qewul biye. Eve vatisê yayinxaney esmer payiz mutlaqa matbaara vejino. Na Gramer de 150 ra jêde yayını tespit kerdî ke, alimê zon u tarix u etnoloji u sosyoloji têde qalê zonê Zazaki kenê. Na eserê ilmi eve almanki u ingilizki u fransızki u uriski u isveçki u farski u taê zonunê binu noşiyê. Gramerde, nostisê alimun u yê Kirdasun u Soranun u Tirku sero qal beno. Karê lengüstikiyo ke eve usilo ilmi u eve metodunê geletu biyo, diskusyonê têdine tede beno.

Tavi ita ez mukayesê zonu sero ki vinetune, çike eve naê zonê İranki (pêro piya 40'e) ke ardi têverver. U waxt beno zelal ke, kamiji zoni zuvini ra düri, kamiji nêjdi kunê. Na mukayese, fonoloji u morfoloji seroo. Rraştî ke na mukayese ra tepiya eve ispat beno zelal ke, caê zonê

Kırmancı/Zazaki. Íta Zazaki wuxtê ne-wey ra eve zonê Farski u Kirdaski u Soranki u Guranki u Gilanki u Mazendaranki u Sangesarki u xelê zonunê binu mukaye-se beno. Taê mukayesey ki hetê morfo-syntaksi ra wertê Zazaki u Farski u Kirdaski u Soranki de beno ke, ita ki zof neticê enteresani vejinê. Kamiji zoni koti zuvini cêne, koti eve ferqê rrind oseno. Fonoloji ki eve teferrauat analiz biyo.

Letê grameri ra jêde caê morfo-syntak-sio. Íta de *Substantiv* u *Deklination / isim halleri, zamir* (Pronomen) tek ve tek analiz kerdo. Hora her cade hem durumê qey-deyini ('kurallı') hem ki bêqeydeyini ('ku-ralsız') tespit biyê.

*Fîil* de ki henyo. Mı itade 487 *filî te-meli* gureti, *strukturê* morfolojira gore analiz kerdi. Na struktur ('yapı') ra gore çond gurup fiili zonê Zazaki de estê vejiya meyda. Çond wuxt u çond *modi* ('kip') bêli bi. *Deklinasyon* ('fiil çekimi') vire-niye ra ve peyniye eve fiilune weçinitu heve ve heve ard meyda. Qeyde u qanunê zovina quesun u durumunê grameri tek ve tek tespit bi. Her qeyde u qanun eve xelê misalu ispat kerd, temelo de qayim virast. Eve qeso kîlm, henî zonan ke zerrê grameri suma rê ard ra çimu ver.

## 9. Nostê noskari

### Kîlmeki

AKSA	Zuyiya Televunê Teverê Kurdistani
DS	Desmala Sure
GW	Gaziya Welat, Frankfurt a.M.
H	Hêvi, Paris
ÖY	Özgürük Yolu, Ankara
R	Ronahi, Zürich
RN	Roja Nu, Stockholm
RW	Roja Welat, Ankara
m.	morre
n.	niade
nb.	notê bini
p.	pelge, pelgi

### Eve Zazaki

1976

*Beyannamê Newrozi,*

Marte 1976, Köln.

*Leza Ma,*

R, Marte '76, Nr. 18, p. 28.

1977

*Çinayrê Kurdki Noseme?*

R, Nr. 19, Şubate 1977, p. 4.

*Milet Çiko?*

R, Nr. 21, Hazirane 1977, p. 4.

*Piyakerê Koledarunê Tirki*

R, Nr. 22, p. 5, Nr. 23, Marte 1978,  
p.7.

Dersim yöresinden iki halk türküsü:

*Sahin, Xozat,*

ÖY, Nr. 30, p. 91-98.

1978

*Çuxure,*

RW, 5 Mart 1978, Nr. 5.

*Politika Asimilasyonî,*

Marte 1978, Nr. 23, p. 7.

*Hirê Binateweri,*

R, Gulane 1978, Nr. 24, p. 3.

*Cani Cani,*

ÖY, Mayıs 1978, Nr. 36, p. 87-94.

*Xelil, Hesen Qala, Şevdin, Pore,*

ÖY, Aralık 1978, Nr. 43, p. 87-95.

1979

Beyannamê Newrozi,  
16.3.1979 (AKSA-Berlin).  
*Hayderê*,  
RN, 7e hazirane 1979.  
Raporê karê AKSA, seweta kongra  
20ine, 21.7.1979, 4 p.

1980

*Daê mi hêfê to guret!*,  
GW, Nr. 2, p. 8, Nr. 3, p. 10.  
DS de oncia vejiya: m. 10, Ocak 1994,  
5-8.

1983-84

*Folklorê Kurdi ebe zarava Dumulki*,  
H, 1.1983, 83-106, 2.1984, 109-124.  
*Ferhengok; Zaza-Kurmanci-Turki*,  
H, 1. 1983, p. 107-123.

1987

*Lawikê Pir Sultani*,  
Berlin 1987;  
16 lawikê Pir Sultani eve tercümê  
Zazaki; Qesê veri hem ki eve Turki u  
Almanki.

### Eve Almanki

1992

K. Hadank, aus dem Nachlaß herausgegeben von Zülfî Selcan, *Zur Klassifizierung westiranischer Sprachen*, Acta Orientalia, 53.1992, 28-75. *Qesê Veri*: Z. S., n.  
Ware, m. 6, Gulane 1994, p. 44-45.

### Eve Turki

1993-94

*Zaza Milli Meselesi Hakkında*, DS, m. 9: Aralık 1993, p. 25-33, m. 10: 'Ocak 1994, p. 17-25; Zaza Kültürü Yayınları, Ankara 1994;  
*Kendi Yayınim*, Berlin 1994.

### **10. Muzikiê Zazaki**

<i>Lawikê Dersimi-1</i>	1976	14 lawiki
<i>Lawikê Dersimi-2</i>	1977	14 lawiki
<i>Lawikê Azadiye</i>	1978	11 lawiki
<i>Lawikê Pir Sultani</i>	1987	16 lawiki
<i>Lawikê Zazaki</i>	1992	14 lawiki

### **11. Literatur**

Blau, J., *Gurânî et zâzâ, Compendium Linguarum Iranicarum*, Hg.: R. Schmitt, Wiesbaden 1989, 338-340.

Mann, O./K. Hadank, *Mundarten der Zâzâ*, Berlin 1932.

Minorsky, V., *Daylam, Encyclop. of Islam*, 1965, Vol. 2, 189-194.

Minorsky, V., *Kurden (-Sprache)*, Enzyklop. des Islam, 1927, p. 1234 çep; hem ki n. nûsha  
Turki, 1955, *İslam Ansiklopedisi*, mad.  
*Kürtler-Kürt dili*, p. 1111-1112.

Minorsky, V., *Les origines des Kurdes*, Actes du XX<sup>e</sup> Congrès international des orientalistes, Sept. 1938, Louvain 1940, 143-152, p. 145.

Minorsky, V., *Notes sur la secte des Ahlé-Haqq*, Revue du Monde Musulman, 39-41.1920, p. 34, nb. 1.

Minorsky, V., *Senna*, Enzyklop. des Islam, 1934, 240-245, p. 243.

Minorsky, V., *The Gûrân*, BSOAS, XI. part 1. 1943, 75-103, p. 88.

Minorsky, V., *La domination des Dailamites*, Paris 1931, p. 17.

Morgenstierne, G., *Neuiranische Sprachen*, Handbuch der Orientalistik, Iranistik, Iranistik, 4.1958, p. 160, 162, 165-166, 175-176.

Oranskij, I. M., *Les Langues Iraniennes*, Paris 1977.



# ÇHEMÊ MUZIRÎ

ŞERWAN BARIHAS

Pulur ra pişkina  
Ca ve ca jê veiyika banoke

Jê çeneka semte

Bezna xuya bariye tadana  
Eve îlvana.

Ca ve ca jê xortê ciwani hêrsina  
Dana şenê xoro

Rext u tifongu girêdana  
Pêl dana cerdu ro,

Dar u ber finara hover bena.  
Adiro sura, helawiua

Jê dewreşî tewto şire dera  
Zonê xo fina kosavi ra  
Lêsenâ lêsenâ kena ȝezal.

Ca ve ca kokim u khala  
Bê derman u bê hala  
Dirvetina hazar u zu ca de

Xori xori nalena,  
Gos u kheruku bena  
Hard u asmên naleno to ver

Berveno, lerzeno  
Mirozniê xo kena tirs  
Herdisa xuya sipyie,

Jê vora koê Jêle fina hurê.

Asma payiza peêne de,  
Hezniya şia giredo  
Bêveng u bêvaza


Kes hawurê biaên u  
Çinêbiaêna to niyo,  
Sinê şehidunê welatiyo

Yi rozu kam nézoneno?  
Şiaê şehidunê welatiyo.

Rozê bivo ke  
Can u goni ve ma biteqime  
Ağme u vila vimie  
Her vizeu, wela welati sero  
veng bêro,  
EZ ve hesreta welati  
Kesreta mi xoriya, bêbina.

Muzir Baba  
Derde to derdê mino  
Dirvetia to dirvetia mi  
Bê, piya ez ve tora  
Vengê xo têkerime,  
Piya bibervime, biçikime  
Piya bîqurime  
Dina kherre,  
Dina hewno şirede,  
Dina hewno xoride,  
Pêhesnime.  
Hewn cirê hesrete kerime  
Sola vengê na bîhesno  
Îisaneteni ra bisermo,  
Sola saredezê ma  
Made bare kero.

Se vana Muzir Baba!  
Rozê rüyê ma ki huyino?  
Vaze, ma ve az u uzê  
Horê rühuayis vineme?



# SANIKA ZÜMRÜD Ü ANKA

*biya  
x*

*se felî  
singiri*

**ARÊKER: FARUK EREN**

Zamanê de padisaê estebiyo. Bağê padisay de say estebiyê. Sonde jü dêv yêno sau cêno beno weno. Hirê lazê padisay estebiyê.

Layiko pil vano emşo ez pinu. Dêv ke ama i kison. Sono a sewe pino. Sewe bena nêmc, dêv yêno. Binê linganê dêvi de herd sanino ra. Hande ke veng yêno, layik terseno, caverdano remeno. Dêv anca sau cêno sono. Na reyê biraô werten vano ez pinu. Sewe bena nême dêv yêno. Hona dêv nêamo veng u tertelê dêvi yêno. Layik seke veng hêshino pê, terseno, o yi caverdano remeno. Biraô qız vano ez pinu. Pi vano biranê tuyê pili nêşikiyay, to çitonbecar kena? Layik vano, 'ti izne bide mi, ez son pinu'. Zaf minete keno piyê xora, pi izne dano ci. Biraô qız sono bağ de xo dareno we. Sewe bena nême, dêv yêno. Layik ~~ercino~~ simseri, saneno ra dêvi keno dirbetin. Beno sodur sérkeno say findetayıyê. Sono biranê xorê vano mi dêv kerd dirbetin. Bêrê şim i bikişim. Biranê xo cêno, goni ramenê, ramenê sonê jü miğara binê herdi.

Biraô pil resenê girêdano xora, biranê xorê vano 'mi qulike ra raverderê cêr'. Tenê sono-nesono terseno. Cazune keno, vano 'ez vêsu, mi/bancerê cor'. Biraô wertênen vano 'ez son'. Resenê girêdanê pira, qulike ra verdanê ra cêr'. Tenê sono-nesono terseno, vano 'mi bancerê, ez vêsu'. Îy ki ancenê anê, vano 'cêr raşt zaf germo'. Biraô qız resenê giredano xora, xo qulike ra verdano ra. Vano 'mi herke va ez vêsu, sima mi raverderê cêr'. Verdanê ra sono kuno cêr ke, cêr çeo. Dêv gino aca ro, meridiyo ra. Simseri saneno ra, dêvi kisen. Dêv ke kiş, odau fetelino. Oda jüye keno ya ke, jü çêneka azebe aca ra. Oda bine keno ya, aca de ki jü çêneka azebe fineno. Oda bine de ki hen. Ni çêneki hirê wayê. Çêneki vanê, 'to çâma amita, dêv to weno!'. Layik vano, 'mi dêv kiş'. Wau cêno ano verê çêberê miğarey. Çêneka pile girêdano, vano 'bancerê! na, yê biraê minê piliya'. Wertêne girêdano, vano 'bancerê! na ki biraê minê wertêni rê'. Çêneka qize zaf rindeke biya. Çêneke vato, 'to raver veciye, peydo to ita de verdanê'. O ki terso raver çêneke veta cor. Çêneke di muy dê Layiki, vato 'to ke ita de verda, ni di muyu jübinkake, di qoçi yenê, jü siso jü qero. To ke binisê qoçê sisi, to veceno howt qati cor. Eke binisê qeri, to beno howt qati binê herdi'. Biray çêneke vecenê cor, sérkenê çêneke rindeka. Vanê, 'niy çêneka rindeke xorê verda'. Resen ancenê i miğare de verdanê. No muyu keno jübini ra, qoçi yenê. Vazdano, keno ke xo berco qoçê sisi ser; nebeno, gineno qoçê qeri ser. Qoço qer ni beno howt qati binê herdi. Aca de sono çê pireke de beno meyman. Pire ra owe waceno. Pire vano, 'na welatê made jü ejderê esto. Hêstê de jü berê cidê ke, o owe bido ma. Meste sira çêna padisay dera. Ae cidim ke, owe bido ma'. No vano 'ez çêna padisay

de son'. Sono rae ra reseno cêna padisay. Rae de muyu keno jübini ra, arabê yêno vano, 'çı wazena?'. Vano, 'simser bide mi'. Simserê xo cêno leê xo. Ejder düri ra ninu vineno, beno şâ. Vano, 'hata nika naşibê mi jü bi, nika biyo ~~dide~~'. Resenê ejderi, no simser saneno ra ejderi kisen. Çêneke destê xo kena goni ra, dana pêşa layiki ro. Ejder mireno, owe bena bol. Layik sono çê pire, çêneke sona çê piyê xo. Padisa telal dano, vano 'kami dêv kişto, bêro miradê i don ci'. O vano 'mi kist', o bin vano 'mi kiş'. Çêneke vana 'kami kişto ez zon. Nişanê mi esto i pêsti de'. Layiki urcenô ra sono. Çêneke se ke layiki vinena, naskena. Vana, 'o wo'. Layiki cêne anê leê padisay. Padisa pêsti de sérkeno ke nişanê findetaiyo. Pêsti gonina. Padisa vano, 'çı wazena ez to di'. Layik vano 'padisaê mi na lingetaba nêwazon, hela finde'. Urceno ra sono, raştê yêni beno. Serê yêni de dara goze estebena. Serê goze de têyra Zümriûd ü Anka ~~cüçiki yetê~~. Jü marê ploşio dare ro, sono ke çüçikanê Zümriûd ü Anka boro. Layik se ke fineno, simser saneno ra, serê dare de mari kisen, ano bine. Owa xo simeno, serê yêni de kuno ra. Tayra Zümriûd ü Anka düri ra layiki vinena. Vana, niy çüçikê mi werdê, ez ni bikişi. Ebe hêrs yêna ke layiki blikşo; çüçiki maa xo finenê, vengdanê, vane 'khîlê nejdiyê i mebe! i ma xelesnayme'. Zümriûde sérkena ke cendegê mari aca dero, yena serê layiki. Perranê xo dana ya, layiki rê şiyekena. Layik hewn ra eşino xo. Vana 'miradê xo biwaze, to çüçikê mi ~~reynê~~ ra. Layik vano 'miradê mi, mi vece ra rüyê herdi'. Vana zaf zoro: Des meskunê owe pîr ke, panz gau sarebîbirne. Ninu berze perranê mi ser, ti ki werte de ronise. Mi ke va 'qaq', ti godt bide mi. Mi ke va 'qiq', ti owe bide mi, henî to bon rüyê herdi.

Layik sono padisay ra waştena Zümriûde wazeno, cêno yêno. Zümriûde 'qeç' vana, no godt dano ci, 'qiq' vana no owe dano ci. Niy vecena rüyê düna. No rüyê düna de beno ~~keçelcê~~, sono leê ostayê zernu de kuno gure. Padisa veyvê lacanê xo keno. Çêneki vanê marê kerga zernine be çüçikanê zerninan ra biya. Kerge be çüçiki ra tizbanê zerninur ser bifeteliyê. Ninu ke ana, veyvê ma bike, -nêana, ma nêzevecini me. Padisa ostau dano arê, vano 'ninu viracerê, nêvirazenê; sima têdine finu dare'. Keçelcê ostayê xorê vano '20 roze izne bice, tenê findiqu biya ez virazon. Osta vano: 'Padisa, ti xora mi kisena. Sêri xêrê xo ni keçelci rê tenê findiqu biyari.

Keçelci rê findiqu ano. Keçelce findiqu weno, kefê xode sérkeno. Roci qêdinê, muyu keno jübini ra, arabê yêno. Arabi ra ninu wazeno. Osta yêno vano 'to sekerd?'. Keçelce vano, 'dolab yake, dolab derê'. Osta dolab keno ya ke, kerga zerne be çüçikanê zernu serde yenê sonê. İne beno dano padisay. Padisa venga veyvanê xo dano, vano 'bicerê'. Çêneki zanenê ke layik veciyo rüyê düna. Na rey vanê 'qatê kincu biya, wertê findiqe de ca bê. Keçelce sono leê terzi de gurino. Padisa vengê terziyu dano, vano 'qate kincunê henenu biderzerê ke, wertê findiqe de caberê. Eke nêderzenê, sima tedine kisonu.

Keçelce vano, 'serê 20 roze izne bicerê tenê findiqu biyarê, ez derzon!'. Vanê, 'no nêşikino biderzo, ma xêrê xo niyrê tenê findiqu biyarm'. Keçelce findiqu weno, kefê xode sérkeno. 20 roze vêrena ra, muyu keno jübini ra, arabê yêno. Arabi ra waştena xo cêno, keno dolab. Osta yêno, vano 'to sekerd?'. Vano, 'dolab yake'. Osta dolab keno ya, kinci aca derê. Kincu cêno, beno dano padisay.

Çêneki vanê 'tamam vevvê ma bike'. Telal birreno, vano 'veyvê domananê padisay beno, hirê roci cirte kaybena!'

Roza cirte yena, osta keçelci rê vano 'bê şim veyve'. Keçelce vano, 'ti so, ez nêyon. Osta sono, keçelce muyu keno jübini ra, arab yêno. Vano 'qatê kîncanê suru, ostorê suri, jü ki simser biya'. Kîncu cêno pira, sono cirte. Ostori serde dano bîraunê xoro, erzeno herd. Ostori perneno, sono çê terzi. Terzi ke yêno keçelce perskeno, vano, 'çî esto, çî çino!'. Vano jükek veciya ame, kînc u ostorê xo sur bi. Da kami ro, merednay ra herd ro. Hande esker kot dime, nêşikiyay pêcêrê. Perra ra şî.

Roza bine muyu keno jübini ra, kîncanê şia u ostorê şiat be simseri ra wazeno. Niseno ostori, sono caê cirte. Dano bîraunê xoro erzeno bine. Ostori perneno, remeno sono. Eskeri kunê dime, nêşikinê pecerê. Osta yêno, keçelce perskeno; 'çî esto, çî çino?' Osta vano, niya niya. Roza hirêine osta sono. Keçelce muyu keno jübini ra, kîncanê sıpiyu, ostorê sıpi be jü simseri ra wazeno. Niseno ostori, sono cirte. Dano bîraunê xoro, ostor ra ercenô bine. Nafa nêremeno. Padisa vano, 'îy pecerê biyarê!'. Cêne anê leê padisay. Padisa vano, 'to caê da domananê miro? Ez celadi rê vaci, to bero dardekero!'.

Keçelce vano, 'heya, domananê to ez miğare de verdu, ti ki mi darde ke!. Naye ser padisa lacê xo nas keno. Beno şâ, vano 'ti lacê mina'. Vano, 'ez ni bîraunê to celadi dest di, kistene di. İnu ti miğare de caverda'. Layik vano, 'nênnê, kiştene mede. Çêneka girse bîraê minê pili de. Çêneka wertene bîraê minê wertey de. Çêneka qize ez cên. Veyvê ma bike'.

Padisa beno şâ, çewres roze vevvê domananê xo keno.

*ze gümüş*

VATOĞ: Aliê EZE  
Ca: MEZRA DEWA BAHARŞIXI-ZARA  
WAXT: GULANE '96

# SURGINİYE ÇIKA?

*febe Xozati*

Cêlal TORNÊ Milday

Cemê ke jü lewê mide qalê surginiye bikerô, sıfte Dêrsim yêno vira mi, sıfte Xozat yêno vira mi, miletê ma, dewa ma Teğer yêna vira mi. Jü ki heqereto ke miletê ma eskeronê Tirkî ra di, ê roci yêne mi viri. 1970'ê ra bîcê hata 1980'ê, 1980'ê ra bîcê hata ewro, her cayê Dêrsim de tayê cênci serba xelesiyêna miletî, serba xelesiyêna xo serba xelesiyêna demokrasi danê pêro. Serba na dawa cênci selam kon cirê. Dewleta Tirkî çend serriyo Dêrsim sero adir varmena. Serba Tirkêna xo, serba zonê xo, serba dinê xo, serba koletina xo, kilmêni ra dewleta Tirkî wazena ke her kesi zê xo kero. Her kesi kole kero, bîcêro binê bandıra xo. Waştena ma awa ke fêl u emelê dewleta Tirkî zerê inude bîmano. Ebe yi derda bîmirê.

Cendermu u qomandaranê dewleta Tirkî se kerd?

Seke mi cor vat bi, heqereto ke miletê ma di, yi roci yenê mi-viri. Nîka Teğer u dormê Teğeri de 1980 ra hata '85 se bi, se nêbi, wazon ke ita de kîlmek ra binusni. Dêwa made miletî xorê 1980 ra têpia bonê newey vîraştı. Dî qati bi. Her jü qonağê sanay bi têver. İsan qemîş nêbiyene ke piro sérkero. Her caê dewa Teğeri bağ u bostan bi. Goze ra bîcê hata tüye, tüyê ra bîcê hata muriye, muriyê ra bîcê hata hengure, hengurê ra bîcê hata vami, sêziki, şilani, erigi, ci vana -ci perskena her ci est bi.

Miletî tore be tore cîte ramitene; wenca, cew, genim, usar lewaji ramitene. Eke biyêne usar mleti ron, toraq, pendir, kelez u tuskê xo

rotene, perê xo kerdene zaf. Durumê miletî zaf-zaf rind bi. Hetu bin ra, dar u ber, kemer u kuç têde pîrrê miletî bi. Her ca pîrrê waru bi. Koê mori, koê Bozani, koê Muzuri usar ke biyêne her caê xo waru ra biyêne pîrr. Miletî veyve kerdene, hirê-çar roci dawul-zurna cînitene. Mal serebirnêne, gosto serpkin, qawurme, bulgur u türlü-tamaşê ci potene. Miletî rê sogis kerdene, miletî werdene, simitene u kay kerdene. Kêf u esq zaf bi. Sireo ke meymani amêne veyve, tifang eştene. Natra ki wayirê veyvi tifang eştene, cuab dêne ci. Ni rocê rindeki, rocê kêfi nika nêkunê hewnanê ma dest bile.

Hata ita durumê miletê ma bi. Nîka xebere açarnime rocanê xîrabînu, yanê zulmê dewleta Tirkû. Eskerê Tirkû 1981 de pîra sıftê operryasonu kerd. Hetu jü ra wali Kenan Güveni heqeretê miletî kerdene: »Sîma caê ninê camiye? Caê roce nêcînê, caê bayram (rozşen) nêkenê?« Çiyo nianen kerdene mane, milet rê heqeret kerdene. Hetu bin ra ki, qomandarê elaya Xozati Osmani emîr girotene, ebe emrê inan u waştena xo muxtari berdene qereqol, vatene; »hetê sîma de cênci estê, bêrê inu made gere kerê. Eke gere nêkerê, sîma saneme'ro çiyyu ver, kîsême«. Se ke kerd, tede raê nêdiye, 1982'e de şî caê ra 'yüzbaşı'ê di, ard (Gosê xuyo jü ki çine bi). Yüzbaşı Atilla, üsteymen Mehmet,

üsteymen Yaşar u başçawuş Seyfi dayardêne. Koti ra ardi nêzonu, hama têde wertê ra weçintey bi. Fekê kamci ke biyêne ya, vatene, »piyê mi 1938 de Dêrsim de kişiyo. Ma amayme ke hêfê inu bicêrime. Ma amayme ke Dêrsim bicêrime binê hukmê xo«. Ni zalimu Teğeri sero adır varna. »Kayseri hava indirme' tugayı« ebe hêligopterunê xo esker varnene kounê ma ser. Asma payiza verêna 1982'ine de roca jüye hona ~~fejir~~ nêşto, ma sérkerd ke vengê teyaru êno. Ma sérkerd ke diyarê Şamoşî ra des u punc tenê helikopteri têver u têpêy ra veciay amay dormê Teğeri de esker na ro. Si, si amay. Endi çend rey ke şî amay nezon, hama hata pê peroci qe nevindeti. Amay dewicê ma kerdi top, verê mektebi de ardi pêser. Vake »kes keşi de qesi mekero!« Fejirê sodiri de domanê sowi, pir u khali, zav u zêçi pêro sande ke çitür hewn ra şiyê hên ebe ê kincu kerdi top, ardi. Tayine ra piren-tuman, tayine ra tumanê kîlmi bi. Cini u cuamerdi kerdi têwerte, verê mektevi de pay ra verday. Qe nêverda ke kês kêşı de qesi bikero. Nêverda ke kês xorê şêro tever. Milet heta sand verê tici de lingu ser maf bi. Tayi damîş nêbi, balmış bi. Jü doxtor wertê eskeri de bi. Nêy iyê ke ginê waro balmış biyê, mîane kerdi u vato »tawaê xo çino. Ni xo mexsuz erzenê herd«. Na rü ra mileto ke balmış biyo, ardene'ra xo, dêne piro, mafkerdêne u vatene, »to çâê xo eşt herd?«. Zırçayis u zibayisê domanunê sowiyu herd u asmên kerd bi qule. Vêsanîye dest de vêyvika Dêrsimi lewê vistewre u visturiya xode, verê çimunê hawtay serru de çıkışê xo vetêne u sit dêne domanê sowi. Hata tici şiyene xoro, millet lingu sero dêne

egle kerdene. Uza ra têpia millet verdêne ra, millet şiyêne çê xo. Şiyêne ke çi bivino, çil-cor, ardi, seker u çay, qatîg têde ağme kerdo, kerdo têmiya ra, qe tawa hurêndi de nêverdo.

Qatê ki esker amêne, mara vatêne, »gerekke sima qayitê ma bê. Su-jê de ma çine bi«. Mara watêne, »sima qey cencu Aliboğazi de kenê weyi?« Eskerê dewleta Tırki, "Kayseri Hava İndirme Tugayı« pesew u peroc dayim Teğer de bi. Hetê Vacûge de ke çiyê biyêne, esker amêne hetê mara millet kerdêne top berde eştene zere. Mabenê ma u Vacûge ki 100 km bi. Hetê Mazgêrd u Puluri de çiyê ke bibiyêne eskeri hetê mara millet kerdêne top berdêne. Ya ki hetê made ke çiyê bibiyêne ine hete Mazgêrd u Vacûge ra millet kerdêne top berdêne eştene zere. Miletî rê heqaret kerdêne, hona verdêne ra. Yanê qe caê kesi rê rehetiye çinebiye.

Eskeri dayim jü mane diyêne, ge vate »sima cêncu kenê weyi«, ge vate »verba ma yenê. Ma türkime, ma girişime, na dina de en mileto girs Tırko«. Manê dewleta Tırki Dêrsimi sero qe nêqediyyêne. Dewlete se kerd ke nêbi, nafa ki manê de bin vet werte. Miletî ra vake, »çhek u hacetê sima estê, inu biyarê teslim kerê«. Homete qesê xo kerdi bi jü ke çhekunê xo teslim mekero. Çi ke ine zanitêne se be-no. Hometa ma "Otuzsekiz" de çhekê xo teslimê dewlete kerdi bi, bado ki hetê dewlete ra amay bi qırkerdene. Esker ke çekî nêdiyyêne, nafa ki zulim varnene Dêrsimi ser. Nafa ki vatêne »bêrê marê ajanêñ bikerê. Sima ke çheku mederê, ajanêñ mekêrê, ma ki simarê heqaret kenime«.

1983 de, asma amnaiya wer-têne de anciya mîletê dewa ma, Teğer de verê mektebi de ard pêser. Sodir ra hatan sonde muxtar u dewicanê mara çheki waştı. Mîleti vake »çinê«. Muxtarê mara vake, »eke çheki veciyê, ez to fin ra dare! Çike ma zanîme ke dewa simade çheki estê«. Muxtari defê peê xode mîleti de sérkerd va tamam. (Muxtarê ma E. L. H. tornê Eziz ağay bi.) Tenê mend Helikopterê ame, circa 3-4 teney mordemi amay war. Binbaşı, yüzbaşı u tegmeni hetê ma ser amay. Jü ki lewê helikopteri de findet. Binbaşı ancia mara va »ez zan çhekê sima estê, biyarê nê çhekunê xo ebe rindêni biderê ma ke simarê hegeret mekerime«. Ser de ki ebe namus u şerefê xo sond werd. Mîleti vake »çhekê ma çinê«. A sate de vake »muxtari wertê ra vecê biyarê!«. Muxtari wertê mîleti ra vet, verê çimanê made da piro, fek u didanê muxtarê ma têde sikitî. Muxtari ancia ki va, »made çhek-meki çinê«. Binbaşı vake »rînd, hela finderê albay bêro o çiton simara çheku veceno, ma vinenime!«. Veng da, jü helikopter ra veciya ama ke lacê Temir Ağay Ali Ekber Sağlamo. Kincê Albay dê pira, pozê dano xu ke qe pers mekerê. Biyo ajanê dewleta Tîrki, heqi rü kerdo şia, hama qe omrê merik de niyo. Wertê kincu de xo kerdo giz u گilar, ti vana raştı albayo. Halbuke qe tawa niyo, jü kutikê dewleta Tîrkon, jü ki dismenê cîsnê xuyo. Zê zerencê kemeri. Binbaşı va »hade albay to bivenim, hunerê xo bîmusnel!«. Ali Ekberi uca de defterê cêvê xora vet ke, çi veco; Heq adirê Ali Ekberi korr kero, eke çend teni qaçağı ke amê dewe, têdine de xebera xo kerda jü, kami çi waxt senê çheke gureta, pêro têde nusnê. Kut wertê

mîletê ma, ê kami çikê xu ke esto, têde vati.

Nay sero wertê mara tayne, va »ê ma çhekê ma estê«. Binbaşı huya va, »Aferim!.. Ê kami ke estê, şerê biyarê bîdê ma, ora têpia şerê çê xode ronişê, ê bini ita finderê!«. Ê ke vat bi »çhekê ma estê«, ê şî çhekê xo gureti ardi, teslim kerdi. Ma, eyê ke çheki nêdê, guretime kerdime rut u rupal, merednayme'ra herd, siftê falaqa kerdime. Falaqa ra ki ciyê neveciya, mîleti vake »çhekê ma çinê«. Nafa ki ma kerdime top berdime wertê hêgayê de kengerini. Vake »xo wertê nê hegay de gîndir bikerê, ya ki çheku biyarê!«. Mîleti ancia taba nêva, hama tenê ke teliyu ra tersa; yüzbaşıyo ke goşê xo çino, emir da va, »herg jü esker jü mordemi sero roniso, iyê bini ki pê pêtkonê ninu pêbicerê, wertê nê teliyu de kaskerê«. Dest u payê ma giredaiyê. Herg jü cemderme, jü de ma sero niş ro u ê binu ki ma kaşkerdime. Siro ke mîlet hard ra kaşkerdene, tokê teliyu şiyêne'ra canê mîleti ra, mîleti ra caê de weş nêmendbi ke teli şêro pira. Endi teli şiyêne teli ra. Her cayê mîleti ra gon recêne. Fek u pîmkê mîleti têde bîbi pîrrê goni. Mîleti oncia taba nêvat, çheki nêveti. Yino niya da ke mîlet taba nêvano, hona mîlet verda ra. Hama mîlet ebe heştu nêweş mend.

Dore amay bi eyê ke çheki teslim kerde ine. Têde kerdi top, kerdi cipunê cendirmu, rusnay Mamekiye. Hequeretê de pil ino rê kerdi u taê hawt asmi, taê ki des asmi eşti zere. Ebe zamat, ebe Peru zor zere ra veciay. Sondê ke binbaşı werdi bi, têde jür vêciay. Çi namus u şerefo! Çi ar u edebo! Yinu de çiyo nianen çi fetelino!.. Verhasıl, na zulmê dewleta Tîki nia ramit şî.

1983'ine de ki ançia yüzbaşiyê gosebirayı cendermey guretê şıyo hetê Hulko arame keno. Xêlê ke cêreno, taba nêkuno dest, beno hêrs. Reyê mu-so goni, roca ke goni meveco lepê xo bîrinê, beno qudiz, nêşikino xo egle kero. A roce ki bêgoni biyo qudiz, verê mali de raştê Bezat Firiki beno. Bezati ra vano »ti ita sekena?«, O vano »ez mali verde ro«. No vano, »nê, to xebe-re da cêncu, yi ki remê şiyê! Mara vace kata şî, koti rê?«. Bezat çiê nêvano. O naye keno mane u Bezati rê "işkence" keno. Bîrayê Bezatiyo pil ki lewê yide beno. Yüzbaşıyo gosebiraye ravêr da-no Bezati ro. Bezat ke çiyê nêvano, nafa ki ebe qasatura hurdi hurdi beçikonê Bezati birmeno. Gos keno cûra, purnike birmeno, çîmo veceno. Peyniye de adir verdano be Bezati, hurdi hurdi vêsneno. Onca ki mîrd nêbeno. Nafa ki bîrayê Bezati verê çîmonê yide qatire ra girêdano, wesa wes erzeno adir, vesneno.

Heqaretê niyanêni miletê ma têdine di. 1985'ina asma ammoniya virêne de eskerê dewleta Tîrki miletê marê des roc waxt bîrna. Vake »wertê des roci de nê cau thalkerê! Dêrsim ra veciyê teber, kata sonê şêrê! Mal u da-waronê xo sekenê bikerê! Bonanê xo bîriznê, ni cao thalkerê! Eke vatena ma mekerê, ême sima kiseme!« Roca hawtine eskerê Tîrki ame, miletî ra va »sima hona thal nêkerdo?« Miletî va »hona rocê ma estê. Jü ki ma hona mal u dawarê xo nêroto«.

Eskerê Tîrki ~~girê~~ miletê ma bi u da-piro, milet mafkerd...! Bonê miletî hetê ra rîznay, hetê ra ki vêsnay. Mal u da-warê ,miletî zaferi serebîrnay, werdi. Sîreo ke bizê daa mi serebîrnay, daa mi serba bîzonê xo, serê xo têde ruçikna. Rey rey eskeri dêne miro, ez berdêne eştêne zere. A waxt daa mi amêne diyarê mi, berbêne. Hama nia sebeta bîzonê xo hona qê neberbiay bi.

Miletê marê dayim hequeret u zulum bi, miletê ma coru nêberbay bi, ne ki berbêne. Hama sîreo ke cender-mu mal u dawar serebîrnâ, bonê miletî rîznay, sîreo ke miletî goçkerd; cini u cüamerdi, xort u azebi, domani têde pia berbay. Milet hêni ke berbêne, ber-biê miletî herd u asmên lone kerdêne. Ison hêni zanitêne ke herd u asmên lerceno.

Miletî herdê xora, dar u ber ra, kemer u kuç ra, teyronê yabani ra, miloçiku ra xatirê xo waştêne. Çike amêne ver, »xatir be sima!« vatêne. Mi a roce zana ke emegê isani, warê isani, dewa isani, welatê isani her ci ra ra-vêro. Sucê miletî çek bi? Manê dewleta Tîrki ci beno bîbo, esaste waştena dewleta Tîrki awa ke, ma Tîrk kero, ma xorê kole kero, zon u kulturê ma wertê ra wedaro, ma xovira kerdene do.

Hama, miletê ma ninu rê razi nêbi. Na rü ra hande hequereti 'be miletê ma kerdi. Bîzonime ke, miletê ma rew ra nat can u ro ra, serbestiye ra heskerdo, heskeno...



Hegie Nergarji

ZU LEÊKA MINA KEWIYE  
TİYA,  
UMIDÊ MI TO DERO

Ez thol amu na dina,  
thol ki sonu  
bira thol sonu.  
Metroê çiftexas belkia mirê nasiv  
nêbeno  
waê nasiv nêbeno.

Ginu 'ro qurvete,  
caê mezela mi bêlû nêbeno  
bira bêlû nêbeno.

Cituri ke rut amu na dina,  
hêñ rut sonu  
waê rut sonu.

Kemerê Duzgini,  
Bağıra sipiye, çemê Muziri  
bira gola Xiziri.

Dest u paê ma giredaê,  
zerê ma girino  
waê zerê ma girino.

Berveme, zureme,  
veng dame Xizirê haziri,  
bira Xizirê haziri.

Tenga de şiae tederime,  
wazeme bêro bireso  
wazeme bêro bireso.

Dismen welatê ma,  
ma destra gureto,  
welatê ma çino,  
1992

Lozinê ma sanay we  
adirê ma du nêkeno,  
bira du nêkeno.

Leê maê kewey birnay,  
qitê ma çino  
waê qitê ma çino.

Zu leêka mina kewuye  
waê tiya, bira tiya,  
umidê mi simadero.  
1996

PERSKE HORA

Nêro bira, ti kama?  
made nêvana, nêhesnena,  
kata sona, made nina.

Zono ke ti qeseykena  
zonê ma niyo,  
thono ke ti kewta ve ci  
thonê ma niyo,  
xevera to çina.

Sewta kami, sewta çinayı,  
çira mirena?

Dina ma sayiya tora tari de menda,  
sayiya tora sar mianê mara nino or.

'Varika ke hak ra vejiya  
eve tholê ho qayil nêbena' tiya

Ti çika?  
kama, kotira ama,  
kata sona, perske hora.

# ÇIYO KI ŞAR VIRAZO

KOYO BERZ

Veri kı ez dest bı vateni u nuştedê xo kera, wazena çand (minaki) misali bıda wendewanandê xo u hewna şira mesela ser.

• **Minak-1:** Demo kı Milla yan zi Mufti çinê bo u jewna do xeşim, mesela Dini rē ğerib werzo u dini ser, yan zi meselandê dini ser seredê xora fetwa vejo u bido, tabi kı a fetwa vejo u bido, ey do cayê xo nêgiro u merdimandê dindaran rē nêbo fetwa. Qandê kı o kı a fetwa dano, ê ci sero nêwahêre selehiyetiyo. O nêzanayeye ê çiyano. Şima zanê fetwa dayene karê Alimandê dindaran u ê kı o selehiyet deyayo ci ê inan o.

**Minak-2:** Wexto kı jew Tıxtor yan zi Tabib nêbo, nêweşyan ra fahm nêkero u werzo jewdê nêweşi rē seredê xora reçetey nêweşi binuşno, yan zi daruyê do şas bido ê nêweşi, o nêweş do seni u ci hesaba a nêweşi de xover bireyo u weş bo. Qandê weşkerdenda nêweşi, vanê tesisê nêweşi roneyo u biro fahmkerdeni kı, nêweşya ci çiçiya u kamcin daru ci keno weş kı, gorey ey daru bideyo yan zi (Eger lazım o) emeliyat bo. Eger tesis nêroneyo, daru şas bideyo ya a nêweşi, yan zi o dari do êy diha vêsi nêweş kero, ya seqet verdo yan zi bikişo.

• **Minak-3:** Wexto kı jew zanayey Zirati nêbo, ramiteni u karitenda ci ra çiyê fahm nêkero, wertedê amnani dı yan zi wertedê zımistani dı (Vist u vistupanc derece serdi bin dı) werzo ci bikaro, tabi kı o çiyê êy do nêruwo. Yan do serdan verbicemediyo u bimiro, yan zi bêawi, bêvaran (yaxer) tijida amnani vera vişk bo. Waxto kı kes nêwiniyo erdê xora, nêramo u filhan nêkero, wextê ci di (demserda ci dı) bı zanayena tey ci nêkaro, kes nêşono cira nan buro. Ti werze berê siyê sero, qıraçê sero, kereyê miyan dı ci do seni bıruwo u bıbo?. Tene, zerzewat, meywe, rez u herwina vanê wextê xodi, harda xodi biro kariteni kı bıbo. Ne erdo salmedi u ne zi bêwimyaye di ci beno. Seni zeriya tay nêweşan çiyo şirin, ê taytaynan tun wazena, ci zi winiyo. Hera xo, demê xo, tijiya xo u awa xo wazeno.

**Minak-4:** Wexto kı jew nêzano ereba biramo, nêzano direksiyoni hetê kotiya çerx kero u werzo şiro Ereba nişo u biramo, ya do çiro cayê qelebiyo, ya jewi pay kero, yan zi pa qeza bikero. Ya do xo bikişo yan zi jewnay bikişo. Yanê zeraře ci do him cirê' u him zi do jewnay rē bıbo. Qandê Ereba ramiteni zi vanê

kes zanaye bo u izine kesi yê ereba ramiteni bîbo.

- **Minak-5:** Wexto kî jew asnavî nêzano, pancan wesarno u şiro xo berzo wertedê Bahri (Dengiz), ya do tey bifetesiyô yan zi do qiri-wirini kero u qandê rîynayenî yardım bîwazo. Eger a awî miyan di Mar zi bîvino do şiro xo ê mari ra pêşo u êyra medet bipawo, bîwazo, qandê vetenî u rîynayenî. Ma nêzeno mar dişmeno u çiwext biyaro fîrsend do ey dîdo, ey pero u ey bîkişo. Labirê fina zi xo pêşeno piro. Qandê kî jewnâ ray u çarenadê cî çîniyo.

Tabi misali zahfiyê, labirê ez nêwazena nuşteyê xo bî misalana pîrr kera. Ez wazena kî bira mesela ser, qandê çîci mî nê misali day. Ez tehmin kena şîma misali fahm kerdi yenê çîci ser.

Wexto kî, ê kî ziwanê ma, edet, tore, folklor, kultur u şarê ma nêsinas-nê u werzê ma ser fetwey bîdê, televizyon yan zi jewbi cayan di pirogrami virazê u bîweşeynê, tabi kî do şasayê zaf girdi bikerê. Ya ma bîkişê u wetera hewa dê yan zi bêling u bêqol se-qet verdê (Kişa nê çîyan ra). Nê ne ziwanê ma, ne şarê ma, ne çiyê ma u ne zi nêweşeya zerida ma zanê u sinas-nê, labirê werzenê marê reçete nuşnenê (pirogrami ma ser virazenê u MED-TV di weşeynenê). Ma ê nêzanê kî ê bî ê reçetandê xoya wazenê kî ma bîkişê? Tabi kî zanê, labirê bî zanayena u qasit nê çîyan kenê. Ê ya bî ma, ya bî şardê ma kay kaykenê. Heqê kesi çîniyo bî zîwandê şarêna, bî folklor, edet, tore u şexsiyetê cî kay kaybikero u ê şari bero poçika şarnay kero u sero bîdo hesibnayenî. Wexto kî bî zîwandê

ma qisey kenê u pirogrami virazenê, ê bî xo zi nêzanê ê se vanê. Xelet u şas çîyan weşeynenê. Ê kî goştarey kenê zi heme şas fahm kenê, ê yê se vanê. Qisekerdenê cî nime ra vêşê cî Dîmili-Zazaki niyê. Ya Kîrdaski yan zi Tîrki kenê miyan u pa qisey kenê. Tabi nê heme bî qasitê. Wexto kî jew goştarey bikero, do bî ma, bî ziwan u Edebiyatê ma bîhuwo u vajo ney rê vanê ziwan. Halbuki Ziwan u Edebiyatê ma him him Tîrki u him zi Kîrdaski ra dîha zahf dewlemend u ronişteyo. Labirê cî heyf heta ewro sero kar nêbiyo u niyamayo nuşnayenî. (O zi gunay ma nê, ê dişmenandê ma Tîrkan u ê birayendê ma yê Kîrdasano. Ê wîrnâ tim ma xorê kar ardê u xo sero hesibnayê. Ray ma ver girotê u nêverdayo ma bî ziwandê xo qisey bikerê u binuşnê. Tim marê vatê çîma ziwanê ma zanê, qandê çîci ma di bî ziwandê ma ya qisey nêkenê. Heta ewro mî nêdi jewdê Kîrdasi ma di Dîmili qisey kerdi, bê istisnayan).

Wexto kî Zazaki-Dîmili pirogram virazenê u MED-TEV. di weşanenê, Kîrdasi kuşatanê xo bî ma kenê, bî ma u bî zîwandê ma huwenê. Wexto kî jew çiyê yan zi meseleyê vano, cîra fahmnêkenê. Labirê lewan bin ra pey huwenê u delgä xo pa ravérmenê. Goştaroxê kî sitidyo di goştarey kenê, weşdê inan nêşino. Teniya pa wextê xo kenê pîrr u ravérmenê. Jew zi bî zeri ra nêwazeno Zazaki ver kewo, bîro nuşnayenî u pa qiseykerdenî.

Heqê kesi çîniyo bî zîwandê ma ya delgä ravérno, pa kuşat bikero, şardê ma bîhuwo u şarê ma werdi bîvino. Şarê ma Dîmili-Zazayan no heq nêdayo kesi, ma bîhuwê, wextê xo bî ma ya delgä xo ravérnê u ziwanê ma

bêqimet bivinê, demokrasi u heqey kotti di, kamcin kuçi bin di manena u fetisêna.. O kî zanayey şardê ma niyo, o nêşono wekiley, serdarey u lidereya ma bikero. Roj biro şarê ma do hesabê nê çiyan pers kero. Wexto kî kewnê heraine marê heqaret kenê u tehditi varmenê ma ser. Labirê wexto teng di ma gênê benê kenê tacê seredê xo. Dirihey u xapeynayenî qet weş niya u serey xo nêgêna. Ewro nêbo, meşti he-me ci do bivîjiyo awi ser u zelal bo.

Kesi o heq nêdayo kesi, werzo sero diktatorey bikero, heqandê cira ci men kero u inan bi zora banco xeta xo ser, bero malê xo kero u wekileya ci bikero. Wekilê şardê ma vanê şardê ma miyan ra bivîjiyê u dahwa şareyda ma bikerê. O kî şardê mara bo u şareya ma inkar bikero, o zi mara niyo, o zi marê nêbeno u nêşono ma temsil bikero. O kî şardê xorê nêbo, şardê xorê wahêr nêvîjiyo, o şarna rê qet nêbeno. Ewro nê meşti do payê êyro dê u ey xo miyan ra biqewnê. Ewro ê karê xo pa kenê, pa vejenê. Labirê meşti ma do bivinê se beno. Hewna na xumxuma ciya, labirê kerameta ci ya hewna peyra. No serê meselano. Şima zanê xeylê şarê ma, dew u sukê ma, zanayey u roşnberê ma xayin amey ilankerdeni u hewna zi êyê ilan benê. Gefiyê yenê wendemi qandê şardê ma, qandê sukan-dê ma di si-siyeri sero nêverdê, hemini xirabê u wêran kerê. Dişmenan bi he-me quwetê xoya, xo bi Dêrsim u Sêvasiya girêdayo. Qomandoyê faşistiyê kol gêyrenê. Zêy heywanandê wahsiyana seydê xo pawenê. Waznenê kî bi her hawaya şarê ma Dîmiliyan u ê Kirdasan werte ra werzanê. Hal no halo. Labirê Kirdasiyê zi biyayena ma inkar kenê u ma xo sero hesibnenê. Ma

yê ewro inan razi tersenê. Ê kî ewro wîna bikerê, meşti hele ê do çiçî biyarê ma sere di. Bi her hawaya wazenê ma cêser bîfinê u wexto kî ma qalê şareyda xo kenê ma tasê awi di bifetusnê, yan zi verdê ganandê pê. Wa şarê ma dinya heme bizano, bêşardê ma kes nêşono wekilê u temsilkareya ma bikero. Ê kî ma temsil bikerê vanê şardê mara bê u şareya ma qebul bikerê. Wa kes ma ya kay kaynêkero, quwet boley u zordeteya xo ma sero nêcerib-no u bi tehtitana ma ser niro. Ma şarê Dimiliyan-Zazayan ne ê tehditanê. Tay-tay qandê kî bivîjiyê MED-TV, qandê kî xo weş nişan bîdê, qandê serok Apo u PKK rê ruwen bancê, qandê kî şar ci televizyon di biveno, qandê kî şari rê hequeret bikero, qandê kî bi zanayena ci şas vajo u banco xeta xo ser, wa kes xo nêroşo. Wa kes ma zi nêroşo u nêbero malê şarnay nêkero.

Şarê ma, vanê şima na juweri bizanê, roja kî ma dest bi vetenda pêserokda KORMİSKAN Bulteni kerdo, a roji ra yo tay merdîm u şîweni-stande Kirdasan rê vetena ci biya derd u khul. Hemini hemver ay cephe girotu u hêriş anê ci ser. Heme ca di waznenê kî, rotena ci men kerê u nêverdê bivîjiyo. Ê vanê qey do bi no şekla ma bîdê tersnayı. Eger hend quwetê ci esto, wa veri şîre dişmenandê xo ser. Dişmenê inan ma nivê. Ê kî ma wîrman kışenê, ê kî welatê ma wîrman visto xo destan bin, ma war u welatê mara sırgun kenê ê yê. Ma zi zey inan şarê do bindestê. Ê yê bi seyana, bi hezara-na Rojname, pêseroki u kitabı vejenê, keso cirê çiyê nêvano. Ci rê wexto kî ma vejenê, ê çumanê xo kenê teng u zorde inan sino? Qandê çiçî KORMİSKAN Bulten?. Eger ê birayeya ma

wazenê, wazenê ma paştı bîdê pê, pê ra wahêr bîvijiyê u piyabigirweye, vanê ê yarmetey bîdê ma u biwazê ma diha vêsi vejê u biresnê şardê xo. Na ju insaney ra yêna. Pexiley u ray girotaney çiyê do weş niya u kes nêşono bî zora jewi verdi ray bigiro. Tepki nişandayenî tûm şideti bî xo ya ana. İnsanbiyayoxey u demokrat biyayeney rê na ju lazima, vanê kes ray kesi verdi nêgiro. Wexto kî jew gamê biro hetê ma ya ma do des gami şirê hetê ey a. Wexto kî jew ju fini bî nêweşiya biro ma ser ma do des fini şirê ey ser. Heqê kesi çuniyo ma vero bend bo, yan zi biwazo qandê menfeetê xo, qandê kar-dê xo qandê meselandê xo ma xayin nişan bido. Tarixê ma çiman vero yo u maziyê ma hemini beliyo, çiman vero yo, kam çiçi niyo. Ê kî şiyê eskereya Tîrkan kerda, ê kî biyê itirafçı, ê kî he-queret kenê, ê kî tehditan varnenê ma niyê. Ma yê zi zey ê şarandê binan, he-qê xo yê serbestey, xoserbiyayaney, xoidarekerdeney, azadiyey, serdestey, namşarbiyayeney, xosinasnayeney u herwina wazenê Kuristan, Ermenistan, Türkistan, Çeçenistan, Kazakistan, Moğolistan, Sîrbistan u herwina bîbê, qandê çiçi Dîmilistan zi nêbo? Eger bibo do heqê kê do biweriyo u kê rê bar bo. Nê ki estê ma rê bar niyê, çi rê Dîmilistan tay-taynan rê baro, ma nay nêzanê? Ma tûm qederê nuştedê çaredê ma şarnaya girêdaye bo u şarna do tayin kero?. Qe kes do Zaza-Dîmiliyan nêsinasno?.

Şîma zanê, hêris anê ma ser u vanê: "Şîma Kîrdaski zanê, çi rê ma di Kîrdaski qisey nêkenê" Ma ma me-jburê jewi di bi ziwandê ey a qisey bikerê. Jowo kî nay vajo u nay biwazo, ferqê ey u ê binan koti maneno. Ma yê

şar u dahwada xorê wahêr vîjêne. Ma sere u heyatê xo dayo na ray. Eger do birê ma bikişê, yan zi nêverdê ma qalê xo u şareyda xo bikerê, wa rocê ravey riyê xoyê tari u taniyini nişan bîdê u şivenistiya xo vejê meydan. O waxt ma diha weş tawirê xo ronanê u gorey ey hereket kenê. Qe nê o wext şarê ma zano, se kero se nêkero. Tîfinga kî heta ewro jewnay rê eşa qe nê neya tepey a xorê erzeno. Paştiya kî heta ewro parti u rayvistandê binan rê daya, ay birnenê u teniya qandê xo u şardê xo gîrweyênê. Ma vetoxanê Kormışkani qerarê xo dayo, ma do qandê şarde xo, qandê jewbiyayenda şarde xo bigirweyê. Eger birayê ma werzê u ma vero bend bê, gorey êy ma zi zanê seni hereket kenê.

Wendewanê erciyayey, şîma zanê ronayena tesisan bol muhima. Nêweşê vanê bizano zeriya ey a çiçi wazena, çiçi nêwazena. Tîxtorê ey zi vanê bizano nêweşiya ey çiçiya u kam-çin derman zeriya eykeno derman.

Dermanê zerida ma rumet, aza-diyyey, xoserbiyayeney, sinasname (hu-wiyet) serbest heyat ramiteni u her-winaya. Waşteni u hewidayeni pêya girêdayêya. Ma wazenê kî heme şarı demokrat bê, hewi bîdê xo u hemver waştenande şarnay har u hutik nêbê. Eger wîna nêbo kes nêşono qonağde demokrasi reso. Vanê heqê şarê esti bo, bî xo raya xo bîvino u qederê xo tayin bikero. Labîrê çi heyf kî, qederê ma kewto tay parti, tay gurubu tay rayvistan dest. Ê şarbiyayeneyda ma sero qerar gênê u fetwa danê u vanê: "Nê, nê şîma do şarê ma bê, şarê ma bîmanê, bî ziwandê ma ya qisey bikerê, birê rayda ma ser, ma ya piya lec bikerê, şehid bikewê, labîrê şîma

do bî Dîmili-Zazayina nirê veynday-  
enî, sinasnayenî u ê nami xo ya nênenê.  
Ma şenê bî kirdaski çi, pêserok, ro-  
jnamê u herwina vejê u weşeynê.  
Labirê şima nêşenê bî Dîmili-Zazaki çi  
vejê u biweşeynê. Ê ma beno, labirê  
vanê ê şima nêbo. Qandê çiçî? Qandê  
kî ma Dîmili-Zazay nirê sinasnayenî.  
Labirê vanê wa heme na juweri bîzanê,  
neya tepey kes nêşono verniya ma  
bigiro, ma vero bend bô u nêverdo ma  
xorê vajê Dîmili-Zazay u bî zîwandê  
xo ya çi vejê.

Finê bî zerida Zazayina be-  
wnirê MED-TV, ra goştarey a dêr u  
pirogramandê ci bikerê qe şima tey  
Dîmlimi vinenê. Ne his u ne zi zewq  
danê kesi. Halbüki wexto kî kes goştarey  
a zîwan u dêrandê xo keno, kêf-  
weşeyê kewna kesi zeri u neşeyi kesi  
di luweno. Ê MED-TV i ecizey u ne-  
weşey dana kesi. Qandê kî ziwanî kî  
kar anê, derê kî kenê dêrê Zazai niyê.  
Ya Kirdaski yan zi Tîrki ra açarnayê.  
Dêrê folklori, dêrê şari vîrnayê u heme  
kerde dêrê bêmaney. Ne kultur u ne zi  
folklorê ma verdayo. Bî asirana  
dişmen gîrweya nêşa inan bîvîrmî u  
vîni kero, labirê ewro ê heme vîrmay u  
kerdi rezil u rusway. Bî no hesaba wa-  
zenê mezgê ma zi bîşuwê u bîvîrnê.  
Wazanê bî nê derana, bî no şekla ma  
bîxapeynê, asimile bikerê. u xo sero  
bîdê hesibnayenî. Tehditê kî ewro var-  
nenê ma ser, nişanê rîndey niyê.  
Dêmak wexto kî dewletêda Kurdan  
viraziyo, do Dîmili-Zazayini do nêma-

no, ma heme do kîrdas bê u bî kîrdaski  
qîsêy bikerê. Şarbîyayeney a ma,  
Dîmili-zazayina ma do inkar bikero u  
ma hemini qerşunan ver şano. Ewro o  
Apo yo Şewregi ser, sukandê ma ser  
gefi weno, meşti Homa (Ella) bîzano o  
do se kero u çiçî biyaro ma sere di.  
Ewro ra wazeno çimanê ma hemini  
bitersno u vejo.

Şarê mayo erciyaye şima zanê  
ma yê bol adiran miyan di yenê veş-  
aneyenî, bol siyan mabên di yenê  
pîloznayenî, bol lingan bin di yenê  
paykerdeni u kîsta bol şaran ra yenê  
karardeni u destan bin di tepişteni. Her  
keso ma ya kay kaykeno, ma zêy xo  
pirogram keno u zey delamiya çarmeno  
xo destâ. Ma biyê robotê pirogram ker-  
dey u werte di çerx benê. Ma vajî ma  
Erebê ê ma qebul nêkenê. Ma vajê ma  
Farisê ê ma qebul nêkenê, ma vajê ma  
Tîrkê ê ma qebul nêkenê, ma vajê ma  
Kurdê, ê yê ewro qandê xo ma kar anê,  
meşti ê zi duz kewê ê do zi payê ma ro  
dê, pay seredê ma sernê, serey ma  
bîpiloznê pêser u roja kî hera kewê a  
roji marê hequeret bikerê, ma xayîn ilan  
kerê u bîqewnê. Ewro wîniya, labirê  
meşti bol ci do bîvîriyo u awi ser ke-  
wo. Na raşteya ma ya. Wa kes xo eciz  
nêkero, nêqahriyo u nêvajo qandê çiçî  
nê yê wîna vanê. Wexto kî ma inam  
miyan di kar kerdê ma tacê seredê inan  
bi. Roja kî ma waşt qandê şardê xo kar  
bikerê, ma tacêy ra, seri ser ra kewti.  
Qandê kî ma zey inan nêvanê u inan rê  
kar nêkenê..



# KOSE-I

ARÊKER: HEYDER

Rozê dewê de dî Kosey benê, ni hurdmêna ki biray benê. Ni hurdmêna biray dewe de her keş maf kenê. Dala-vêrê ninu ver dewiz pêro naleno. A dewe de zu Koseo de bin beno, horê halê hode ro, qarsê keş nêbeno. Rozê o Kose horê gaê ho beno ke biroso! Gay finora've hover rameno hetê suke ser sono. Ayê de hurdi biray kosey vinene, vanê; »Bê şime i Kosey rê dalavêre bikerime«. Hurdimêna sonê virêndiyê de ho danê we, biraô zu vejino rae ser, vano:

-Ma've xêr!

-Xêr've silamet!

-Kata sona?

-Son suke, na gay benu rosenu.

Kose:

-EZ nawo newe bazar ra yenu. Gao ke lengo o zof pere keno, iyê bini honde pere nêkenê.

Kose:

-Se bikeri?

Kose:

-Eke qorê zu gay bisiknê beno leng.

Kose cêno qorê ju gay sikneno, keno leng henî cêno sono. Tabi, tenê ke sono, na raê ki biraô bin yêno rae ser.

-Mave xêr!

Kose vano:

-Xêr've silamet!

Tenê ke hal-waxt perskeno, dora têpia

Kose vano:

-EZ nao newe bazar ra yenu, en zêde gab ke dî lingü ra lengo, o pere keno.

Kose:

-Ma ez na raê se bikeri?

= negâtiye

Kose:

-Qorê bini ki bisikne temamo, hora hao lengo!

Kose cêno qorê gayio bini ki sikneno. Tabi ga besenêkeno şero, kardia gay uza oncenô, Nano ve hera hora, beno bazar de zaf uciz roseno. Tabi zoneno ke Koseu cirê xayinêni kerda, pê xapito. Kose yeno, se ke kuno've dor-nagê yinu, cêvê hora phonc zernu vezeno keno qina hera ho, eve bêçike thon dano. Here ke fisqi kerd, wertê fisqi ra têpia pêyser keno top.

Aê de hurdmêna kosey rae sero ho dar-do we ke, Kose ke ame, gaê ho çığa ra roto, horê pê hedira ho biyarê. Niadanê ke, here fisqi kerd, Kosey wertê fisqi ra çiyê guret est cêvê ho. O waxt hurdmêna biray wertê birri ra vejinê, vanê: -O çiko, to fisqi çâê erzena cêvê ho?

Kose:

-Nê-nê o zerno!

-Zerno?

-Ya.

-Hera to zernu kena?

-Ya, hama ewro hora çar teney kerdi, hata sonde belka jüna kena. Endi gereke çewreş roze bê uğwe, bê simer axura tariye de bivindarni ke têpia serrê mirê zernu bikero.

-To biya na here birose ma, vanê.

Tenê naz u uz ra têpia, çewres zernu ra here roseno yinu. Tabi here uza oncia fisqi kena, zerno peê ki gineno waço, ey ki yi cêne.

Kose sono çê. Uza ra sono birr ra fete-lino, pê di leyrunê awrûsu cêno ano çê, o ki roza çewreşî moreno.

-Hurdmêna Kosey here benê kenê axura de tariye, thawa cı nêdanê, çewres roze se ke biye tamam; hurdmêna gal-mê axure kenê ke here gever biya! Vanê, »şime zernunê ho eyra bijême«

Tabi Kose zaneno ke yi ewro yêne, zu leyirê awrêş tey cêno, tekê bini ki leê cêniya hode caverdano.

Cêniya ho ra vano:

-Yi hurdmêna Kosey badona yêne. Ez enenê, tenê ci-mi wazenê, tenê ki Peru ewro inu pin, yi ke amey ez perskerdu-

Hurdmêna çê de vejinê, eve hêrs vanê:

-Kose kotiyo?

Cêniye vana:

-Çê de niyo, bêrê ronisê eke kotiyo awres sono vêngdano cı ano.

Yi hurdemêna tê ri ro niadanê. Cêniye awrêş verdana ra, vana, »so meymani amê, rew bêro«. Se ke awres sono, Kose eve awresê bini ra yêno çê. Vano:

-Ma've xêr, sima xêr amê!

-Xêr've silamet! Kose, ma ameyme ke tenê hal-waxtê to perskerime.

Tenê ke çay simitene ra têpia, vanê:

-Kose to na awreşî biya bide ma.

-Nê, kesê mi çino, no mirê sono tutin, vasê çay, seker suke ra ano. Ez bê awreşî besenêkenu. Zu qedegê mino ke esto nawo.

To horê jüna vênenâ, to ney birose ma. Tenê heqe-neqe ra têpia, Kose phoncas zernu ra awreşî roseno cı.

Yi ke benê tever o hama lerze keno, ano zu bize sarebirneno, gonia bize ke no qav. Uza ra loqla bize keno pak, goni qav ra keno zerê loqla. Tenê textik cêno, keno peê mianê cêniya hura, loqla sero girêdano. Uza ra cêniye fiştı kena pay.

Vano, »niade, Kosey nika yenê. Yinu hona qese fekê hora nêveto, ez tora vanu "raurze!" to ki vaze "deqê vindé!", ayê de ez eve torjeno qız danu've mi anê to ro. Ti vaze "uyi! ho berz hardi ser. Ez anu qawale (bilure) peê qina tode cinenu, ti bê'ra ho, vaze "ero haq peyniye de to sekono, çâê her roz mi kisena?"«.

Yi Kosey sonê çê. Her zu pusulaê nus-kenê turik finê ra vilê awreşî, vanê »so, ne to vaze, »meke, na awreşî ursnenu marê suke ra naynu biya«. Awreşî ver-(rusnenu) şero, kotiyo cira vano, o danê ra, sono. Tabi awres ko ro sono. Dî-hirê saati ke vindenê, niadanê ke awres niame, vanê; »Koşî ma xapitime, na rae ma nêoz ey se u se keme!« yêne çê koşî...

Kose se ke nayinu vineno, vano:

-Erê raurze maymanî amey! O've cêniye hora nanê hure! Kose beno nalçigi ro »mi de xağê piyê to nêne!« peyra dano cêniya horo. Goni kuna ve zerê çei, cêniye vana; »Wiyy!« ho na-na'ro ve merdene.

Yi vanê:

-To çâê kiste?

-EZ aye badêna têpia kenu wes, sima qe metersê. Sima xêr amê, ronisê.

Sono qawale ano, peyra peê cêniye de tenê cineno, a têpia yêna ra ho.

Vana:

-Ero to çâê mi kisena?

O ki vano:

-Hes! vengê ho meke, so serê ho bıvurne, meymanu rê çay serne.

Cêniye sona bonê doti.

Hurdemine ho saskerdo, vanê:

-Kose o çıkış vi?

O ki yanô:

Na qawala mi sırlıya (eve kırameta). Halê ma hora niaro, mi qarnena, ae kisenu, rîyna ki kenu wes.

Vanê »to biya na qawale bide ma«.

Kose qe qewil nêkeno, tabi cêrenê vero, cêrenê sero, se ke kenê; se zern danê ci, qawale cênê sonê.

Se ke yi sonê tever, hama lerze keno horê ano tawutê virazeno, peê bonê ho-de horê zu mezele kineno. Kuno meze-le, cêniya hora vano, »yi ke amey vaze "merd!"«.

Yi hurdemêna sonê çê. Ju venga cêniya ho dano, o bini ki venga cêniya ho da-no, hurdmêna mane kenê saê; »marê ey biya, nêy biya!« vanê.

Cêni vanê:

-Sima ewro tawa simito, ya ki qafike werda?

Aê de »wêê vanê« thil benê, zu beno dariye ro, zu ki beno torje ro, vanê »hi!« danê piro, cêniunê ho kisenê.

Na rayê ki, qawale cênê, peê cêniu de cinenê, hama wes nêbenê. Bîrao bin vano, »to bide mi«, na raê ki o cineno, cêni oncia nêbenê wes..

Vanê, »wêêê!« eve torjen u hora çê Koşî de kunê zere:

-Kose kuyo? Kose kuyo?

Cêniye vana »merd!. Înam nêbenê, cênike inu cêna bena mezele ser.

»Ma meyitê dey tha nêverdame, beme erzeme çhem« vanê. Meyiti henî zerê tawute ra vezenê, kenê poşt benê fekê çhemi. Bovera vengê dawulu yeno, eke deniškar. Zumini ra vanê, »some de-niškar, dota ke ameyme erzeme çhem«. Yi ke sonê, peyde şuanê miyu eve miyuna yêno, niadano ke, ju tawute ha-wa uza ra. Şuane sono lewe, eve uşira ho reê dano piro.

Kose zere de zirçeno, vano; »nêcênu! nêcênu! nêcênu!«

Şuane vano:

-Çîko nêcêna?

Kose:

-Qey, saê ke to nêzonena ke mira pers-kena?

-Nê, nê.

-Mira vake cêna pasay bijê, mi négure-te. Mi eve na hali benê kenê virana cêna pasay. Hama ez oncia ki nêcenu, nêcenu, nêcenu!.

Şuane:

-To ke nêcêna, ez sonu cênu! vano.

-To ke cêna, mixu bonce, bê hurêndia mi kuye.

Tabi şuane mixu oncenô, kuno huren-dia dey. Kose vano, »eke amey, qe vengê ho meke, hata ke to berda çê pasay. Çike i vengê mi naskenê. Nêbo-nêbo ti vengê ho bikerê!«.

Kose ki suriya miyu cêno, cêr fekê çhe-mi de vindeno.

Yi hurdmêna daniškar ra yêne, benê tawute ro erzenê çhem sonê. Sonê ke çi şêrê, heto binen de zu hao eve miyuna vinetaewo.

Vano:

-Ero Haq belaê hode sima do, sima çinay rê ez tenê cao xori nêestne, naloti şêro sima, vano ke vano.

Yi vanê:

-Kose, to na miy koti ra ardi? Zeke to merd vi, ma ti esta've ugwe?

-EZ zonu, binê ugwe pêro pirrê mal u gauno. Sima ke wazenê badana ez son kunu o golo xori, tenê ki ga u ostoru ken tever.

Yi vanê:

-Nê, yinu ki ma vezeme.

Hurdmêna vozenê, ho tê dîma erzenê gol. Yi ki uza xenekinê.

Kose ki sono dewe, çê ho. Cêniya hora vano:

-Haqo sıkır, ma bê qeza u bê bela xeleşayme!

Sanike şîye reste murodê ho, ez men-dune sima rê.



## TORNÊ SEY RIZAY RA TİJA SODİRİ RÊ JU XETE

Virende iyê ke redaksiyonê Tija Sodiri de gurinê, vêjiyışê perlode de emegê xo vêreno ra, inerê selam rusnon u wazon ke kar u gurê sima rast şero. Hata nika çığa amorê perlodê ke vêjiyê, mi yi pêro wendi u zaf zaf bine sa.

Îyê ke tarixê ma sero sare deznenê u waznenê ke çi ke virendi biyo, ewro bêro zanitene. Hometa ma her ci bimuso ke hetê tarixi ra riye roştiye de bîmano. Ez be xo ki na kari zaf rind vinon. Gere ke na kar her daym bêro kerdene. Zonenê ke; ma virênde ra jubini rê wayir nêvîjâyme, qedrê jubini nêzona, jubini ra hesnêkerd, jubini rê phoştâriye nêkerde, peyniye de zaf zerar ma di.

Lez u cengê 37-38'î de qomê ma zaf êjiyat di, zaf zorbajiye onte, her çiyê ma vênsa u miletê ma her het ra wertê tengiye de mend. Mara, taê kiştî, taê sanay qersunu ver, taê eştî zindanu, jêdeyê ma ki rusnay welatê geriviye. Ez naca de ci bimorine!... Serê na dina de hetê zulum u qefçiliye ra ci ke esto, ame ma ser.

Phoncas (50) serre ra têpia oncia vineme ke, hona ki jê virêno. Îyê ke cumuriyetê Tirkiya idare kenê, karê xuyê khani ra vaz nêbiyê. Oncia dewê ma kerdi thal, bîr u gemê ma vêsnay. Welatê made ison nêmend, her ca kerd virane. Miletê ma yi wertu de pêrsaniye dero. Oncia isonê ma kişino. Mordemunê ma benê kisenê, meyitunê dine kenê vind. Tayê bini ki hona binêcim u hepisu de êjiyet oncenê. Oncia Welat de örfi idare amo ronaene. Heni asêno ke dewleta Tirkî na raa xuya gonine ca nêverdana.

Nêzon ke hona çığa verva na zulumi tabat kenime. Ez vanu, bêrê ju bime, jubini ra hesbikême, letêy mebime! Xora zobina dermanê ma çino. 'Gao ke nêsono cita xo, so-no cita sari keno', jê dêy mekime. Virende xo bixelesnime, ayê ra têpia quwete ke mende hona sari rê yêrgateni bikime. Eke nia mekime, ra u olağı de per-persian manenime.

Ez nêwazon ke nika na mesela sero dergaderg qesey kerine. Xora sima na mese-la sero wayirê zonayisi yê. Na mesela sero nusnenê. Doskari kenê, perlode u zobina çiyu vezenê. Perlode u kitavunê made xêyle malumat esto.

Tija Sodiri amorê 2'ine ke mi wende, uca de, pelga 85'ê de binê ju fotrafi de nia nuşyo: "Seyit Riza ve di lazunê xo ra". Gereke mordem ke ju kari ser guriya, rind şero ser, her heti ra bizano. Şero bînge u çime ra perskero, ayê ra têpia binusno u bivezo. Hama na xeta, ez zonu ke yê sima niya. Ci ke na fotrafê taê kitav u qezetu de nia vêjiyê, coka. Sima ki uca ra guretê, vetê. Simarê rica mi, na amoro ke vêjino, uca de na xeta rastkerê.

Tertelê 37'î ra raveri Dêrsim de, wertê qomê made xêyle aşiri est bi. Sima ki zanê, yê her aşire ya ju mordemê de xuyo pêt u çêr, ya ju ağaê cematu, ya ki ju morde-mo de zanoğ est bi. Naca de taê namu ke biari ra xo viri: Sey Riza, Baba, Sahân Ağa, İdare, Alişan Ağa, Cibê Kezi, Xidê Alê Isme, Aliyê Gaxi, Silo Sur, Zeynel u hona neçe teney.

Dostê delali!

Fotrafi ke nia  
rast bikeme,  
rind beno: Uyo  
ke hetê rastê  
**Sey Rizay** de  
niseno ro, **Tes-**  
**limo**. O lazê  
Heyderio. Hcy-  
der lazê biraê  
**Sey Rizay**; Sey-  
dağayio. Uyo bi-  
ni ki **Mistefao**.  
Mistefa Halvori  
de aşira Abasu,  
ezbeta Suru ra  
lazê Albegi yo.  
Mistefa kistêna  
Alişeri de ki tey  
biyo. Teslim ki  
tertelê 37'i ra  
têpia rusno sur-  
giniye. 15 serri  
zere (hepis) de  
mendo. Cêza xo  
ke qedena, amo  
welat. Dewa xo  
Xeçeliye de şî  
rest heqîya xo.



Heto çep de Mistefa, werte de Sêy Riza, heto rast de Teslim aşeno.

Nika ju  
çêna xo esta,  
namê xo Meneş'a. A ki welat ra kerde tever, nika Xarpêt de zaf tengê dera. Xebetiyêna  
weşîya xo kena. Ez be xo ki na hali rê zaf pêrsan bon, ci fayde ke destebra ma çiyê  
nino. Faydê kêsi ci nêreseno.

Oncia ki vanu: pêro pia ju bime. Qonê ma, roştberê ma va ju bê. Sondê xorê  
wayir bivêjiyê. Çike destebra ma yêna, pêyser memano.

Pêroyine rê hurmetê mi esto, wazon ke karê sima her dayim ravêr şêro.

20.05.96

Rüstem Dolat

# MA PARÇÊ DE HARDÊ DEWREŞİME

SERRA 1855'INE DE, REISCUMHURÊ HEMİLKA RÊ

MĘKTUVA PILÊ DE BEZNÉSURU:

Alamanki ra çaruoğ: **MEMED DOĞAN**  
(Eve phoştdaêna Heyderi)

*Qesê ke mi'fek ra vejinê, jê astarunê...*

Qesê Veri

Suka Washington-

toni, şıwar-zımê Hemilka Zimi de-ra, welatê jü aşira Bêznesuru

Duwamishu viye. Na homete, jê pê-ro Beznêsuru, ho parçê de tavyiyati saykerdêne, ey rê hurmet u minete kerdêne; az 've az hora her waxt zerê ey de weşiyêne, wertê ey de eve heng u reng, eve belekêna ho manêne, uza weşiya ho ramitêne.

Serra 1855'e de Reiscumhurê Hemilka (Dewletê



HÄUPLING SEATTLE

Jübaiiyê Hemilka), Demoqrat Partiye ra Franklin Pierce wast ke, hometa Duwamishu hardê hora goçeriyê, beznêsurê ke Ewropa ra amê yinu rosê; eve ho ki gunê şêrê caê surgını.

Beznêsuru nu fam nêkerd, aqlî yinu çiyo de nianeni ser nêşi. Mordem çitûr Hardê Dewreşî roseno, ya ki hêr-neno? Famê yinu ra gore mordem besênêkeno waryê hardi vo,

çitür ke mordem nêşikino ke wayirê asmenê khêwêy vo, pakiya heway, ya ki bereqiyasê uwe vo.

Pilê Duwamishu Seattle eve jü qeseykerdene cüav da've "pilê beznêcipêu". Na quesu de xevera ke ey avêra seveta ewroy da, yanê dewrêsenâ dey, gere u kritigê dey, omudê deyo dewresin ewro, 140 serre ra tepiya, ma hona sas keno, cêno binê têşirê ho; qesê dey halê maê ewroyê anê'ra zu.

"Qesê ke mi fek ra vejinê, jê astarunê, bereqinê u qe nêsonê we", vato pilê beznêsuru.

Hometa dey biye vind, azê ho birriya, biye mères, qesê dey nêamey gosdaêne. Nêzu ma yinu hesneme, gos name'ro dey ser? Ya ki, ma ki beme vind, some?

\*\*\*

*Qesê Verio ke coro, têde mi na nustê alamanki ra çarna kirmanci-zazaki. No nustê di-hire rey çarno'ra turki. Hama çarnoğu pêrune ki hem xêyle kêm, hem ki xêyle gelet çarno. Hora mordem gunê çiyo ke zonunê binu ra çarniyo'ra turki, cirê letê ra jêder tivar mekero; na tim zonina. Na nustey wazon ke hem ki biçarnı'ra turki u perloda Ware'ya ke vêjina, ae de ağme bikeri. Ma, hora ma hata na nejdi teyna Tirk u miletunê binu rê guriayme, hevêna bugurime; dina nêrijina!..*

*Çike, no nustê weşîya pilê beznêsuru zof muhimo. New serri ra avê ke mi wendi vi, ez ho've ho sas bi vi. Qesê Karl Marksî u iyê binu nê, yê na mordemi, -rama Heqi cirê vo-, vejiay vi. Vijeri ra ewro, peyniya cemâtê endustri/sinayı di vi. Ewro endi peynia dey biye areze; ne namê kapitalizm, ne ki namê sosyalizm ra kes besekeno ey rastkero, bixelesno. Zerê sinayı de, na sukunê xerepiyawu de kes nêşikino ke cemato de rind pêşano. Kamo ke vano, ya budalao, ho've ho xapneno, ya ki zuru keno, mordemi xapneno.*

*Mi cor vake, mi ke sifte wend vi, sas bi vi, çimunê mira herşî amey vi. Çike ni qesê zerrê mi vi; ti vana qesê khal u bilanunê Kirmanciye vi. Mi hên zona ke jü khalê de Dêsimi qesey keno. Xizir u Duzgi rê sıkar vo ke, mi yi di u gosday. Odet u torê ma, yitiqat u felsefê ma, taviyatê ma, qeseykerdene ma, qeder u weşêna ma çixa şiyêrê jüminî; saê ke jê jüminî viê. Ma hora Kirmancê Dêrsimi sarêsurê. Nê, gelet bi, beznêsurê na heti niyê ke?*

\*\*\*

## Qeseykerdene

**P**asao Pilo ke Washington de nisono ro marê xevere rusna, wazeno ke hardê mabihêrno.


Qalê dostêni u zerepakiye kerdo, Pasao Pili. Heya nu çiyo de rindo, hama ma zoneme ke, o motaze dostênia ma niyo. Hama ma wastena dey sere sare qefelneme. Çike ma zoneme, ma 'ke meroşime, belka o waxt mordemo beznêşipê eve tifongunê ho yeno, hardê ma ma dest ra ceno.

Mordem çitûr besekeño asmeno khewe biherno, ya ki biroso?

Ya ki germiya wela Hardo Dêwreşî?

Famê ma çiyê nianêni ser nêsono, aqilê ma ney nêceno.

Ma ke wayirê pakiya hewa u bereqiyena uwe nime, sima çitûr besekeñe ninu mara bihêrnê? Ma qararê ho dame.



Ciyo ke ez, pilê beznêsuru Seattle vanu, Pasao Pilo ke Washington dero yinu rê tivar bikero; çitûr ke oncia peyser amaena chorwaxtunê serre rê inam keno, qesunê mi rê ki hen tivar bikero, biraê mao beznêşipê.

Qesê ke mi fek ra vejinê jê astarunê, bêreqinê, qe nêsonê we.

Her lizna na dina seveta hometa mi jiargeo, cismê jiar u diaruno. Her bereqiyena pelgê merxo boini, her qumê verê uwu, her qiro ke binê çengunê birr u gemunê tari dero, her polo ke wuzaro, her mês-vizika ke çizêne dera, ni pêro ğeal u weşîya hometa mi de jiargeyê, bimbarekê.

Uwa ke zerê thomorunê dar u beri de bena berz fetelina weşîya mordemê beznêsurî hode tey fetelnena.

Merdê mordemê beznêşipi eke binê astaru ra gira gira vêrdi ra şî, hardo ke tede amê dina uza ho viri ra kenê. Hama merdê ma na dina rindek u sırlıyê qe ho viri ra nêkenê, çike dina mua maa. Ma parçê de hardime, hard ki parçê de mao. Vilikê ke boa rindeke danê, yi waê maê, malo pesk, ostor u heli - yi ki biraê maê. Aşeê berji, mergi, germiya lesa ostoru u isoni - ni pêro pia ju çêi raê.

Pasao Pilo ke Washington dero mara 'ke hardê ma wast, tavi naynu pêrune ki pa wazeno; yane o mara zof çi wazeno.

Pasao Pil xevere dano ke, caê dano ma, ma ki uza ret keme, besekeème omrê ho seveta ho biviarnime. O marê beno pi, ma ki benime domonê dey. Hama ciyo nianen qe beno?

Heq (Roo Pil) hometa simara haskeno, çira nêzoneme, hama domonê huyê beznêsuri caverday, ho vir ra kerdi. O makinu rusneno ke, karê mordemê beznêsipi ret kero; eyrê dewunê gîrsu saneno pê. Hometa sima roz 've roz herke şî hewena keno qewetin. Çitûr ke çhemî siliya de xafila ra tepia phêl danê ve tever, bendu riznenê, her ci finê ra ve ho ver, nejdi de sima ki hen na hard kenê pir, cenê ra ve ho ver.

Hometa mi je pêluna uwuna, sona, hama peyser amaena ho çina. Niyê, ma 've sima ju cîsn nime, zovinaime. Domonê ma u sima piya kay nêkenê, sanik u hêkate ke khal-kokimunê ma u sima vanê jê jümin niyê. Heq u Tala koto hetê sima, ma sey u bêkes mendime. Çiyo ke sima mara wazenê, hardê ho rotaene, ey sere saré qefelneme. Hama no çiyo de ret niyo, çike no hard seveta ma jiargeo.

Na birr u gêmu ra ma hez cême, eve yinu beme sa. Nêzonenu - ma zovinayme, odet u torê ma jê yê sima niyo. Bîzone ke, uwa bereqiyaiya ke zerê deru u çhemu ra vêrena ra tek teyna uwe niya - gonia pi u khalikunê maa. Ma ke hardê ho rot ve sima, sima gunê bizonê ke, o jiargeo. Sima gunê domonunê ho rê ki bîmisnê ke, no jiargeo; her sewqo ke wortê uwa zalala ke golu de reqeşino hêkat u sanikunê weşiya hometa mi ano ra zon. Xulena uwe vengê pi u khalikunê mina. Çhemî bîraê maê, yi têsania ma birnenê. Khêlekunê ma fetlenenê çhemî, domonunê ma kenê weyiyê.

Ma ke hardê ho rot sima, gunê sima naê biarê ho viri, bîmisnê zov-zeçê ho: Çhemî bîraê maê -ye simaê ki -, sima gunê yinu rê u bîraê maê binu rê çimeşiaeni u dirgeni mekerê. Mordemo beznêsur vervê tertelê mordemo beznêsipi ra her roz ho peyser oncenô; çitûr ke kou de qirê sodiri verva tijia sodiri ra ho peyser oncenô. Hama wela astunê pi u khalikunê ma jiagea, mezelê yinu hardo bimbareko; oncia niya, ni puli, ni dari, na parçê Hardê Dewreşî seveta ma bimbarekê.

Mordemo beznêsipê kultur u odetê ma fam nêkeno, ma naê zoneme. Seveta ey her parçê hardi jê yê binuno, ferqê ho çino. Çike o mordemê na Hardo Dewreşî niyo, pesewe jê dizdu yeno, ci ke cirê lozumo hard ra tireno, ceno sono. O hard rê bîra niyo, dîsmenê deyo, ey ceno, mîrd nêbeno, her ke guret, boyna avêr sono. Mezelunê pi u khalikunê ho ho peyde caverdano, cirê wayir nêvejino. Hardo Dewreşî domonunê hora tireno, cirê wayir nêvejino. Mezelunê pi u khalikunê ho u haqa biyena azo ke peyra yeno ho viri ra keno. Wela Hardê Dewreşia ke mua deya, asmeno kheweo ke bîraê deyo çiyê rotiş u tolakerdişê seveta ey; ya ki jê miy u inciye ke berekinê çiyê hernaisê.



Wêsanîya mordemo beznêşipi dina cena ra ho ver, qedenena, ho dima çol ra qeyir thaô nêverdana.

Nêzonenu, ma zovinaimê, zagon u torê ma jê yê sima niyo. Şerkerdena sukunê sima çimunê mordemê beznêşuri daznena. Beno ke mordemo beznêşur, çike yavâno coka, fam nêkeno...

Sukunê beznêşipiu *ia* sukuteni, bêvengeni çina. Mordem besenêkeno uzau ra vengê rakerdaena pelgunê wusari ya ki vizên u cizêna mês u viziku bîhesno. Hama benoke teyna no sevet ra fam nêkeno, çike ez yavanu. Hay-huyê sukunê sima gos-kherukunê ma beno. Eke mordem wendisê mirçiku ya ki pesewe diarê gol u hopu de qurquruka bequ sukutiye de nêhesna, na dina de endi çi mendo ke? Ez mordemo de beznêsurine, ney fam nêkon. Beznêsur vao homiko ke riyê golu liseno yeno sawda deyê nerdi ra haskeno. O boa vay ra haskeno; vao ke eve siliya peroji biyo pak u boa merxê boyin fişa ra ho ver tey ano. Seveta mordemo beznêşuri hewa qimetina, çike bine guretena her çi jüya; heyva, dare, isu - ni pêro piya bina ho jü hewa ra cenê.

Hen osono ke, mordemo beznêşipê hewaa ke cîra binê ho ceno aê ra bêxevero; ju mordemo ke çond roj avê merdo, endi besenêkeno ke bounê qefçilu bijero, jê deyo. Hama ma ke hardê ho rot sima, gune sima naê ho viri ra mekerê ke, hewa seveta ma qimetina; hewa roê ho her çiyê weşi de barekena, weşîye cena zerê ho. Vay bina vireni dê piyunê ma, bina yinunê peêni ki o ceno. Va, gunê roê weşêni domonunê ma do ki. Hora ke ma hardê ho rot sima, gereke sima ey cao de bêemsal u bimbarek bizonê; jê caê de heneni vo, mordemo beznêşipê ki pirro gino ke, uza, va çiçeg u vilikunê sipêra bo a wese tey ano, dano.

Wastena mordemo beznêşipi, hardê ma hernâne, sero sarê ho qefelneme. Hora ma 'ke vake ya, qayıl bime, ju sartê ma esto. Gunê mordemo beznêşipê heywano ke serê hardê ma de fetêlino, dêy de jê biraê ho, biraeni bikero.



Ez yavanune, ney zovina fam nêkonune. Mi nioz çond hozor gaê yavani di. Yê sima serva çefê ho, -tirena ke sona, aê ra, no pa qirkerdê u peyde caverdê, xerepnê.

Ez yavanu, besenêkon ney fam bikeri, çitûr jü ostoro asnêno ke (lokomotif) düyunê şiau vezeno, ju gaê yavani ra qimetin vo?

Ma ey seveta weyikerdena hora qêyr qe nêkiseme. Bêheywani ison çîko ke?

Heywani ke mordemi caverdê, mordem rüwalê teynabiyyena roê hora mireno. Her waxt çiyo ke amo sarê heywanu ser, yeno sarê mordemi ser ki. Her çi jümin ra giredaeo.

Çiyo ke yeno sarê Hardê Dewreşî ser, yeno domonunê Hardê Dêwreşî seri ki. Sîma gunê domonunê horê bîmîsnê ke, hardo ke binê lingunê dinu dero, wela astunê khalukunê maa. Zerê na dina eve roê pi u khaliki, ma u dêkunê ma biyo ve pîr, naê domonunê hora vazê ke, yi na hardi rê hurmet bikerê. Domonunê horê bîmîsnê, çiyo ke ma domonunê horê misneme: Wela Hardê Dêwreşî mua mawa. Çiyo ke yeno sarê Hardê Dewreşî ser, yeno domonunê Hardê Dewreşî seri ki. Mordemê ke tüyê Hardê Dêwreşî kenê, tüyê riyê ho kenê. Çike ma naê zoneme ke, Hardo Dewres mara nêbiyo, ma Hardê Dêwreşî ra bime - ma nae zoneme. Her ci jümin ra giredaeo, çitûr ke goni ju çei jümin ra giredana, kena jü. Her ci jümin ra giredaeo. Çiyo ke yeno sarê Hardê Dêwreşî ser, yeno sarê domonunê Hardê Dêwreşî seri ki. Mordem lesa taviyati niyo, o ey ra tek-teyna jü lizgeo de qızkêko. Sîma ke lese rê xiravîneni kenê, horê kenê, nu her waxt nia ro. Nê, roze 've sewe ra têlewe de nêmanenê. Merdê ma zerê çhemunê rîndekunê nê Hardê Dêwreşî de her waxt weşiye de manenê, eve gamunê giranu usar de peyser yenê; roê yinu zerê vay dero, o vao ke uwa hopu pêl keno.

Wastena mordemê beznêsıpi u hardê ma hernaene sero sarê ho qefelneme. Hama hometa mi perskena, 'na mordemo beznêsıpê ci wazeno?'. Mordem asmenê khêwey, germiya Hardê Dêwreşî, ya ki pêt vostena antilopi çitûr besekeno bîroso? Ma çitûr besekeme naynu sîma roşime? Ma sîma çitûr besekenê ninu bîhêrnê? Yanê ma ke ju pelga xetê mor kerde, dêve ci, mordemo sıpê canê ho ke wast, eve naê şikino hardi rê her ci bikero? Ma ke wayirê pakiya hewa u bereqiana uwe nime, çitûr nayinu sîma roşime? Eke gao yavano peyên ke kişiya u azê ho birriya, sîma endi çitûr ey peyser hêrnenê? Wastena sîma sero sarê ho qefelneme. Ma zoneme, ma 'ke meroşime, belka o waxt mordemo beznêsıpê eve çhekunê ho yeno, hardê ma ma dest ra ceno. Ma yavanime. Hama hukmê mordemê beznêsıpi hukmo de daim niyo; o ho Heq zoneno, hêz zoneno ke dina pêro yê deyia. Mordem çitûr mua ho ceno, beno wayirê mua ho?



Ma, wastena sîma u hardê ma hêrناene sero sarê ho qefelneme; Nêê, roze 've sewe ra têlewe de nêmanenê. Wastena sîma u surgin şiyaâne sero sare qefelneme. Ma tek-teyna eve haştiye uza maneme. Rozê maê ke peyde mendê, yinu koti viarneme ra, muhim niyo. Domonunê ma piyê ho vîleçewt u waroginae di. Sefkhanê ma sermnay. Yinu pêrodais vindkerdene ra têpiya rozê huyê peêni qerez ra viarnay ra, canê ho eve werdisê şireni u sîmitena alkholi ra ağu kerd.

Rozê maê ke peyde mendê yinu koti viarneme ra, no muhûm niyo. Hora yi jêde niyê. Endi satê peênê, di-hirê zimistoni omrê ma mendo. Honde aşirê pilê ke serê na hardi de weşiyêne, ya ki nika eve qelfunê qızkêku wertê birr u gemu ra biyê ağmey, nêzonê ke na'ra têpia kata şêrê, yinu ra ju domon nêmaneno ke, bêro mezelenê hometa ma ser, marê şia giredo. Na homete ki jê hometa sima qewetin u pîrrê omidi viye. Hama çâê vindbiayêna hometa horê bibervine; hometi isonu ra yenê meyda -çîyo de bin ra nê. İsoni jê pêlunê dengijîe, yenê, sonê. Mordemo beznêsu ro, Heqê ho jê jü olvoji tey fetelino u qeseykeno, besenêkeno qederê maê wertağı ra wozdo, ho cia kero. Beno ke ma oncia ki birayme. Vineme...

Ma some, hama zoneme ke, belka rozê mordemo sîpê ki ney doskeno: Heqê ma u sima jü Heqo. Beno ke sima vazê, çitür ke wazenê wayirê hardê ma vê, hêni ki bivê wayirê yi Comerdi; hama, dest u bera sima nina, sima ney de sernêvejinê. O, Heqê isonuno; hem yê beznêsu hem ki yê beznêcipêuno. Na hard seveta dey qimetino; mordemi ke Hardo Dewres dazna, kerd dirvetin, wayirê dey ki dazneno, keno dirvetin, ey thuway ra saynêkeno.

Rozê yena beznêsi pi ki na dina ra benê vind sonê; beno ke pêro hometu ra avê. Mevindê, cilinê ho ağukerdene rê dest pêkerê!.

Jü sewe yena, sima wertê toz u givirê hode xenekinê.

Hama peyniya sima ke amê, sima ho dima jü rosta de bereqine vezenê.

kila naê ki Heq nano pa; o Heqo ke sima ardi riyê na hardi u qarar da ke, sima na hardi u mordemê beznêsu sero hukum bikerê, yinu bijerê binê bandira ho.

Ey çâê qararo nianen da, nêzoneme! na seveta ma jü mertala.

Eke pêro gaê yavani amey kistene, pêro ostorê yavani kerdi amal, eke her kose u komê gem u birru eve boa isoni bi've pîrr, asaêna diyarunê rîndeku eve têlunê qeseykerdene (têlunê têlefonî) bi've qefçil, niadanê ke reê, riyê asmeni ra hêli nêmendê, birr endi qedîyo.

Ostorê ke pêt wozzenê, yinu ra u sayd ra sima destê ho şütê, teseliya ho gurêta.

Zonenê, manê ney çîko?

Na, peyniya weşîya, sıftekerdene di-hirê rozunê binu u na dina sero dayna jêde mendaêna.

Ju sevevo husisi ra Heqi heywanu, birr u gemu, mordemê beznêsu sero hukumkerdene dê've sima; hama kamiji sevev rao, aqlê ma ser nêsono, na seveta ma jü mertala.

Beno ke ma besekerdene no fam bikerdene, ma ke bizonêne mordemo sîpê hewnê hode çinay vineno, ci wazeno, sewunê dergunê zimistoni de sene omid dano've domonunê ho, sene گýyal fikrê yinu de pêdabeno; yi eve çor çimu roza ke yena aê ser vinderê.



Hama ma yavanime - hewnê mordemê sipi, çiyo ke o wazeno, marê areze niyo. Çike ni marê areze niyê, coka ke ma horê gereke raa hora şerime.

Her mordem ke çitür wazeno, va henî weşiya ho biramo; çitür ke o biraunê hora zovinao hên: Na heqa her isonia; ma, her çi ra avê, na heqe nas keme, cirê hurmet keme. No çiyo de jêder niyo, çiyo ke ma jümini ra girêdano, uwo.

Ma wastena sima sero sare qefelneme. Hora 'ke ma qayil bime, no teyna hardê surginio ke sima marê vad kerdo, seveta qarantikerdena deyia. Beno ke ma besekeme rozunê huyê peênu, uza eve odet u torê ho biviarnime ra.

Beznêsuro peên 'ke na dina ra şî, tek-teyna weşiya dey hondaê ke jê jü şiya hewri, serê mergunê bêuzu de mende. Oncia ki roê pi u khalikunê mi verê na çime u zerê na dar u beri de maneno, uza weşiya ho rameno. Çike yinu na hardi ra haskerdêne, çitür ke jü domono de sowe vengê zerrebela mua hora haskeno, hên.

Ma ke hardê ho rot sima, ma eyra ke çitür haskerdene, sima ki gereke cîra hên has bikerê. Ma ke ey rê çitür wayir vejime, sima ki gereke cirê hên wayireni bikerê. Sima ke o guret ho dest, eke o ewro çitür diyo, ey coru ho vira mekerê, sima viri de hên vindero. Ey seveta domonunê ho, eve pêro qeweta ho, roê ho, zerrebela ho biseveknê, Heq çituri ke ma pêrune ra haskeno, sima ki ey ra hên hasbikerê. Çike, ma rind zoneme ke Heqê ma u sima jüyo.

Mordemo beznêcipê eve ho ki besenêkeno qederê mao wertağ ra vozdo, ho eyra cia kero. Beno ke ma oncia ki biraime. Vineme.

\*\*\*\*\*



Dêrsim ra ju Haqve, serra 1924e de Pax de amo virastene.

Arşiva H.Tornecengi ra

# HÊRSÊ DÊRSIMI

(Kurmanç)

CANDAS HOCA

*yazık, solone → hewli*

Çemê Muziri jê veri nêzingêne.

Çemê Muziri ve koê Muziri ra wa u biraê jubiniê khan bi. Taa se-serru ra nat pia huyiyêne u pia bervêne. Kamo ke remêne amêne ci, bertengê dine de sevekiyêne. Îne na weşiya xuya derge de coru qe bêbextiye nêkerd vi. Sahadê xo Duzgin Baba bi, Çewres Aspor bi.

Jiargeyê ke na kou derê, têde sahadê xo bi. Na koê xuyê ke sero coru vore kêm nêbiêne, nêzon ke se bi cîrê! Veng era ci nêkotene.. Çemê Muziri -ti vana- hêrêdiy vi biraê xo ra?

Hey koê Muziri!

Hey Bira! Biraê minê khal u belay! Na bêvengeni çika?  
Malê tuyô pezkio ke koy've koy sera çîngdano kuyo? Zarancê tuyê rîndekê ke her roz wanenê kuyê?

Kuyê milçikê tuyê ke serê na dinade zobina caê diayêne ninê?

Vorekê tuyê ke qirrenê, miyê tuyê ke çerenê kotiyê? Birrê tuyô morjên ki hao endi kêwe nêbeno! Kuyê çênekê tuyê bezne bari, vêyvikê tuyê sermoniki, xortê tuyê semt u çêri. Kuyo qomê to? Kuyo vengê tuyê dowul u zurna.

Kuyo vengê çhekê tuyô ke veyve de zingeno? Kotiyê apê maê ke phonc sey metro düri ra haku de nanê pira. Kuyê i dewuzê tuyê saf u pakê delali? Çaê endi nêhesnonu vengê dewuzunê tuyê derdepirru, lawik u suwarunê dine.

Ez ke sodir fêjir ra hêsarbiyêne, her roz eve vengê suwarunê Zazaki ustêne ra. Jê mae gos nêne'ro na domanunê xuyê gilêkoy ser. Îne ke çığa zerre ra vatêne, ez ki honde nalêne, jivêne. Îne ke çığa lawikê çêfi vatêne, ez ki honde biyêne sa, cêriyêne de.

Nîka na merdena bêvenge çika?

Ma, birr u gerisunê ma sero ke isonê ma sa nêbi, nêmaneno ke qedrê taway!

Hukmê ma çinayrê lazimo ke o waxt!  
Îson ke şî, o zon, i lawiki, o kultur, i mirçiki, o malo pesk u i zarancê neqesiayı ke bi vind, şî; çitür yêno zonaâne qedrê to?

To sero ke tamiri nêciniay, kam serva to kîlamu nusneno? Kam lawiku vezeno to ser?

Bira Ko!

Zonena ke 38'ra nat dezê mi kêm nêbiyê! Coka, tip-teyna, nia xorê geriv eve jivayis qurrais sonu. Na qedero şia sîfte 38'de ame ma sare, yaxê ma ranêverdano. Hata 1948'e ma na dejîye, na bêkeşîye pia onte. 37-38'de ti qomê xorê wayir nêvejiy vi. Deshazaru ra jêde kês kewt vi binê perr u pêse to ke, uza bixelesiyo. Çel-çuk, cêni u çêney pêro-pia amêy qirrkerdêne. Cêni u çêneku nêwast ke dismeni dest kuyê. Coka, xo tirr u gerisu ro est. Gereke namusê xo dismeni dest biseveknê. Aê ke goneweru dest ra xo

sevekna, sevekna. Aê ke pêye mendi des serri surginê şıwari kerdî. Dêrsim des serri mintiqâ mene ilan kerd vi. Qulê Haqi besenêkerdêne ke bêro Dêrsim. O waxt ki to bêçare mendi vi...

### Bira Ko!

Ma pia zaf dezê girani ontî, pia zaf berbay me. Bîzone ke na hal, tarixê tode vindkerdêna diyina. Des serri surginêna qomê ma tivana ma vira şîye? Çi bi ke, o waxt birr u gemê ma kewê mendi vi. Teyr u turi, heywanê yavani ma têyna nêverdayme. Eve qomê xo ra çewres u hêşî de (48) reyna piloşayme jubini ro, jubini ra has kerd. Kesreta girane pêye mendi vi. Ma pêro-pia şime Duzgın Bavay u Çewres Aspor sero sondi werdi ke, qetiya reyna jubini ra cia mebime! *Sak = Pê şîye vîra = Karşılık*

De vaze, çîra nême se-serrio ke ti qomê xuyê delali rê wayir nêvejina. Zerr u cigerunê xorê, mircikunê xorê, malê xuyê kirr u bîrrê xorê wayir nêvejina? Birrê to haê bi sakil! Niade! Gemê kounê binu halê marê çîpür huyinê. *zede*

*Bira eve male*

### Bira Ko!

Sermayime sarê teverî ra. Nêzoneme ke ma kami rê bêbexteni kerda! Guna u xeta ma çike bie. Çaê wela merdu sana ve ma ro! Çîko ȝezevê na Haqi ma sero!.. Reê niade, ma nao oncia têyna mendime! Oncia qomê ma dîrbetino!.. Oncia miletê ma surgino!.. Oncia qersuni rişinê ma sero! Oncia mintiqâ yasaxa... Zîmustono, serd u pukoo! Çel-çukê ma oncia ra u wolağu ra pêrsano! Oncia no çi şin u şivano gino wertê qomê maro.

De hey Bira! *Derdepirr* bira.

Sew u sodir nalais u jibais ra çimehêstir bira. Ezo ke berz u rezê kou

têdineu. Ezo ke wayirê ewliya u jiarunê. Mîno ke verva na têde jiar u diaru sondi werdo, od kerdo. Coru qe yena'ro mi, ez qomê Dêsmu rê bêbexteni bikerri. Mi hata nika qe kêşî rê bêbexteni kerda? Ez hêñ berz u rezune ke, eskerê Yavuz Sultanio ke pêro Elewiyê Anatoliye qırkerdi, o bile nérest ve gîle mi. Ordiyê Osmani hata 38'i des u ju rey verremiyara mi ser, hama besê-nêkerd ke Dêrsim kuyo, ey bijero ra xo ver. Her rayê ki koê minê berji u qomê mi hover da, cengê xode ser vejiya. "Dêrsim rê sefer beno, zafer nêbeno" dove vatene Osmanij rê. Coru beno ke, ju birr mirçika xo sevekneno, ju ko qomê xo binê perrunê xode nêsevekneno? Ez honde bextesiau, tivana? To qe diyo u hesno ke mi qulo bexteyaro çêr binê perrê xo nêsanô? İspotê ney çond rey hetê mira amo kerdene? Saê ke zerê mira goni nêsona! Tivana na merdena bêverge zerrê mi nêkoçena ha! Hama ci fayde ke, dewrano korro. Se bikerime, dina hometa khane niya. İson, isoно viren niyo. Dem, demo viren niyoo! To ama derdunê mirê bervena. Ya ez derdunê kami rê bîvêsi?

*fedelekar  
ve falci*

### Hey, çemê Muzîri!

Tî binê pêse mira dana piro, ververê miro, wertê der u *derxulu* ro sona. Hêñ sona ke, -hey Bira! ju xo sero mi, ju ki asmênê kêwi vênenâ. Ezi ki serê xora dina u homete vênon. Hem pêynia dina, hemi ki axiriya xo u yê cuamerdiye vênon.

Qul-oli endi na serrunê peyênu de biyo jê robotu. Tivana aqilê xo kerdo vind. Hiroshima de se kerd zonêna, jukêke bomba atomi?

### Hey Bira!

Tî nêzonena, nêvênena hala jukêke bomba atomi çond hazaru ra

jêde ison, çêl-çuk qirrerd. Eve hazaru ra milet seqet verda. Jukêke bomba atomi, hazar qat mira jêder dengizу erzena têwerte, kena pixarin u qilerin. Tede mosu wes nêverdana. Çemê dina-hometê ke cêraê, ovau derê, pêro bi agün, bi qilêrin. Endi zerê i çemu de weşayı nêweşinê. Mosê i çemu endi ninê werdene, xevera to cira esta? Hona ke ağwa to berreqina, kewe kena. Hona ke mosê paki zerê ağwa tote kaykenê, na hal qedrê berzêna serê mirao coka.

Ri de vatêne zora hama, na berzêna serê mi hata 38 dewam kerd. 38 de dismeni eve tiyaru phoşa mi sera perray ra, corde bombez rîsnay mi ser. Hata na waxt, ne mi, ne ki qomê mi çiyo nianen di vi, ne ki amey vi ma sare. Hazaru ra miletê ma; çêl-çuk eve na bombe u qersunu ame kistene, ame kok kerdene.

Dima amê serra '90e. Hewera eve tiyaru ağu çarçê serê ma kerd. Na ağu ki, -welatê demokrasiyo- ke vanê; uza, yanê Awrupa ve xo pêda kerd. Na ağu yo ke rîsna ma ser, her caê mi jê he-wrê şiyay minit vi. Piloşay vi her caê miro jê dirike na ağu. Vorekê minê ke xorê qirrêne, mirçikê minê ke çivnêne, zarancê minê rîndekê neqeşiyê ke wanitêne, têde kok ra amêy qirkerdene. Malê minê kirri têde vêsay şî, bi wela adiri. Dewizê mi merdi na ağu ra. İyê ke mendi ki surginê geriviye kerdi. Na dejiya mina girana diyine biye, weşiya tarixê mi de. Coka, neyrao merdena bêvenge..

Hey çemê Munziri!  
Hey biraê mino delali!

O koê Munzuriyo ke her waxt kêwe kerdene, nika çâê biyo jê cendeg, çimê to qe eraci nigineno? Koê Munzuri sermayino xora. Verba dismeni sermayino. Oncia ebe kesreta qomê xo mendo. Oncia hêrs kuto'be zerre, bio pîr.

Hey biraê m`!

Eve herme u bojinê xuyê dergu, xevere bîrasne qomê mi! İyê ke gegane yêne diyarê to, yêne çimê to ra agrave simenê; gosunê dine de kurr ke. Vaze: Munzur endi Munzuro viren niyo!

Zerê Munzuri ra goni sona. Koê Munzuri zerrê ra jiveno! Derdê xo giranê, bêçare o. Qomê mira vaze ke, ebe hazaru ra şiyaêna cêncu nêbeno. Ebe usilunê khanu xeleşiane nêbena. Xeleşiane kou de niya. Bêrê war endi. Bêrê ovau, bêrê suku, pawulku kuyê. Bêrê wertê milionu qeleviyê ke, na barbareñ u na zulim ra bixeşiyê ra.

Seveta nêheqiye gereke milionu organize kerê. Ebe miliaru ra sarê teveri de qal bikerê. Eke ke nia nêbo, endi peynia ma u dina-hometa.

Na nustê, roza 06.04.96 de  
gezeta Evrensel e de eve türki vêjiya.

H. TORNEÇENGI çarname zazaki

- kullaksez leisa hayvan (bize)  
biza kolle = koc'şme -  
kunze = kullaksez boyan

## Waenê! Biraenê!

Ez Dêrsim raune. Mi hereketê maylimunê TÖS u TÖB-DER i de caê xo gurêti vi u xêyle serri maylimên kerde. Ebe serru ma wertê nas u dosê xode surginê 38'i sero dizdeni qesey kerdêne. Dejiya na surginu hona zerê made jê kergane vinêtayia. Ez wazon ke, na qirrkerdêna sarê ma u surginu sero çi ke amo qomê ma serde, ju ve ju bêro eskera kerdene. Khal u kokumê maâ ke çond rey surgin diyo, eve o zonayisê xo goçeriyê şiyê a dina. Nê têde qesyê ke inu zonitêne, çi hêf ke ma dest nêkoti. Hora ma ki o waxt fam nêkerd ke, era na qesu u xeverunê dine kume. Çixa senik be ki, belka hona wertê made taê kokumê zonağı yêne diayêne. Çio ke i zonenê, beseke-me qeyd kerime. Serva qirrkerdêna qomê Dêrsimi gereke her çi bêro nûsten u zonaêne. Ez vajî no ju firsendo, ma dest dero. Eke ke sima mirê ardim bikerê, belka ebe na saadunê maâ wesu, raştiya Dêrsimi beseke-me vejime riye roşti.

Ez wazon ke surginiye, tarix u kulturê Dêrsimi, weşîye u nêweşîye, raştiya qomi ebe çimo raşt dokumentar bikeri. Mi nawâ na cor romana Dêrsimiya dokumane sifte kerda. Zonayisê ke mi hata nika ardê pêser, jêder hetê Dêrsimê şîwari seroyê. Romana dokumane gereke ebe qeseykerdêna muleti u çérûnê qomi ra bêro meydan. Ju hetê Dêrsimi nê, gere saadi têde hetunê Dêrsimi ra çi ke zonenê eskera kerê. Îne çi ke diyo, çi ke amo sari ser u çi ke zonenê gereke vazê, çike ma motazê na zonayisu me.

Kilmek ra, na temayê ke cêr de asenê, derheqa inu de phoştdariya sima wazeme.

- 1938 de kamo ke surginde mendo, wertê birr u gemu de xeleşiyô, zerê vor u vortisi de wes mendo, xattrâ dîne binusnê.
- Familayê ke serru ra ravêr jumini ra dür kewtê u têpia jubini diyo, inu sero binusnê.
- Pêrodayışê wertê aşiru u xayinu sero binusnê.
- Dewê ke vêsnê inu, kokum u domanê ke amê sungi kerdene, ine sero binusnê.
- Çêrêni sero, bêbextêni, ters u xofu sero, komedi u trajêdi sero binusnê.
- İyê ke eve qersunu amê qirrkedêne, iyê ke binê meyitu ra wes xeleşiyê, domanê ke virara maa xode wes mendê, ine sero binusnê.
- Eke ke estê, esker u zobina kesê ke simarê ardim kerdo, sima, ya ki kesê sima xelesno, derheqa inu de ki binusnê.
- Surginê şîwari de kami ke simarê rindiye kerda, sabiyaisê xo u hesreta xo sero binusnê.
- Eke ke nustene zorê simarê sona, veng bijêrê kaseta teyipi ya ki videoy. Miletî qeseykerdene dê.
- Jêde ke besenêkenê, adres u telefonê inu madê, ma şêrime tey qesey bikerime.
- Kaset u dokumanê ke kunêra sima dest, cira ju qopiya ki marê bîrusnê.
- Destebera ma çi ke ame, ma ki ame hurêndi.
- Koti ke sima qeyd kerdo, name, tarix u ca, pêrune binusnê. Bîrusnê ddresa Tija Sodiri rê.

## RAY EMBAZA MI

FARUK YAKUP

Tı bi vayana amey  
tozan kerd zere yê kêye yê mi  
verşani (horisont) ra  
ti bibya Demeter bê girêdaye yan-  
zi çiyê...wunasin...  
Senin wext şayê bi bo bîhal qes-  
ba mi di?  
u senin ez şayê bibya dêyindar  
a heşi hesret bibyayeni rê?

Nika, gere Helios ra rica kera  
hez kerdeni di nêwazena tareyey  
a şanan vay,  
lay wazenê jin kerê  
bi dest dayena min a,  
bi bonê to ya.

Dima, wuni biya wêhêrê hêşan  
mi darê mura arêkerdi  
a tewayış ê hezkerdeni bi?  
Laberê ez a vana; edo fina wuni  
hez nêkera  
u fina edo wuni nê şima  
qesbayê kesi ra heta vira kerdeni.  
Laberê fina zi hêrsê mi vêşiyê  
qandê ki birijina...  
Heger newedera hezkera..

Mi êf ki hezkerdeya mi,  
rew ez misaya  
heme çira şupe kerdeni  
hewnê jiyanê mi biyo zey dê çoli  
u na ray embaza mi bi.

Bi virarê akerdeya mi  
dans ke werteyê vayê çoli  
u mi nameyê to  
bi dêriya va verşani (horisont) di

bi hêrsiya mi müşna nameyê to  
ser érdê siyayeya azmîni.  
Şêna ez vaca zelîmeteya  
giranbiyayen qandê darê min o  
enguri?  
Yanzi ze piyarêna awê ci  
mîçiğêno bi lerzayena  
ki to nezdiyê xu hiz kerdeni  
hewnêno  
u wuni nezdiyo.  
Mi to girêda,  
tenya biyayena min o bê dumî.

## HEZ MEKI

FARUK YAKUP

Bin payan di mend  
o ki kes nê vina  
mi hewade érd ra  
qesbayê min o lete-lete

Wuni nê beno  
dêri bê adır,  
adir bê nota  
dans bê slow  
orquestra bê koro...  
Nê beno...

Biberme!  
hêrsanê çimanê mi  
qandê ki ez nê watena.

Heger jewo ki to hez nê keno  
o ki, ti, ti yê  
hez meki ina  
ki ina hez kerdenê to rê  
layiq niyê.

# ŞÊJİ ENDİ QEDİAY

**BERFİN JEL**

**W**axtē de, ju cēnika chêre biya. Mal u mulkē naē jēde çinēbiyo. Xorē seqire via. Mērdē xo ki biyo, hama thoway rē nēbiyo, dest-bera ney ra thowa ki nēamo. Des, des u dide ki domanē xo biyē. Jēdeyē xo qiji biē, pili senik viē. Eke biyo usar, hata payiz cēnike çi ke kerdo arē, eve dest çipēn ra na çiyē werdene idare kerdo. Mērdē cēnike ki, coru kar u gure nēkerdo, xo nēdezno. Hama aē çi ke kerdo arē ardo, xorē mordemek ki verē dēsu de hem xezeliyo hemi ki pizē xo kerdo mird, vineto. Destē na mordemeki de halē na cēnike her waxt nia vio.

Oncia rozu ra ju rozē, xorē cēnike şia dormē dewe de wērtē birru de di-hirê roji têey u şēji kerdē arē. Eke xéyle kerdē top, berdē hini de ni pak şütē, kerdē çaluu arđe çé. Eke bi verva soni, tiji xo çarna, pêro-pia sa-miya xo wenê dima ki cēnike, mērdē u domonunê xo ra verē çêverê xode nisenê ro u oroşinê ra. Tenê ke vindenê cenike urzena ra sona dunike. He-vikê têey u şezu kena pirozine ana verē domonunê xo. Jēde nêdanaci ke, şēji zerrê domonu nêdaznê. Xorē gegane domoni nainu ra bixezeliyê.

Na qeyde ra rozē yena ke şēji qediyê. Cēnike domonunê xora vana, ine idare kena. Hama mērdē xorē tersu ver nêthowrena ke vazo. Morde-mek, şēji qediyay! Çike na' ra averi, eke çé de çiyê ke qediyâ, seweta werde-ne cēnike seqiri hetê mordemeki ra ama kuayêne.

Xorē na cēnike her heti ra mordemeki idare kena, çi esto ke hetê werdene ra nêşikina ke ey idare bikero. Waxto ke domon u mērdē cēnike eve şezu xezeliyê, o waxt payiz vio. Nika ki usaro.

Rozē siliya usari vora. Peyêcoy ke tiji est, hard ra boa wele wes yena. İson qayilo ke xorê binê dēsu de roniso. Tenê ke biyo germ, morde-mek kurşîe xo gureto şio binê dêsi de nişto ro. Qêrtisim eke binê dēsu de niseno ro, desinde werdene yena aqîl. Çitür ke werdene yena viri, zuqu-mat jê pelga dare pelmeyino ro, sono.

Veng dano cêniya xo vano:

- Erê cena Qaşı, tu kotiya?

Cēnike tersu ra vengê xo nêvezena. Peê cağunê ağıle de ho nana ro beweng vindena. Xo nana' ro kherriye. Xo-xorê vana, nêzon ke no Qêrtisim mira çi wazeno? Nika ney pizê xo kerdo mird, nafa ki ez vajine dore



Foto: X. Çelker

amo têey u şezu. Ez çitür vajine ke nêmendê!.. Werté de ke zowtu dana piro, veng dana Haqi vana:

- Haqo, Haqo çê vêsa! Tı kotiya, na Qêrtisin mira düri bere! Vile de bin ra ke. Ez na ci hêşirêna tederune. Kes u kusê mi çino ke, ez xorê domonunê xo bijerine şérine. Kerdena neyra bixeşine!

Mordemek, reyna vengê xo keno berz, vano:

- Erê çêna kutiki, ez tora nêvan, çâe vengê xo nêvezena?

Cênike pe cağunê ağıle de urzena' ra pay, vana:

- Ero çîko, oncia mira savana?

Mordemek vano:

- Erê tenê şezu pirozine ke biya xorê borime.

Cênike eve ters çitür ke vana 'i qediye'; dina mordemeki vurina, çim yenê 'ra ri. Vano:

- Wiy bao! Nê' rê i sene qeseyê tu kena? Şêji tu key qedenay?

Cênike oncia vana:

- Mordemek-mordemek o ci waxto, no ci waxto? Waxto ke tu şezu ra xeziyêne, o waxt payiz vi. Nika usaro..!

Cutür ke henî vana-nêvana, xafilde mordemek kursiyo ke sero ni-seno ro, ey cêno dano qafika cênike ro. Cirnu keno ci. Goni verdano ra ser. Cênike feqire hê sona gnena hard ro.

*iyara acımat*

Beno zelemela domonu. Serê mua xode benê topi. Der u cirani haylemê domonu heşinê pe, yenê. Eke çi bêrê, niadanê ke cênike wertê gon u goñaşêr dera, hawa harde ramerdaiya.

Domonu ra pers kenê, vanê:

- Mua simarê se vi? Nu çi halo?

Domoni vanê:

- Ser-sewetê na halê mua ma têey u şejiyê.

Cirani cênike cênê, benê zere. Goni qafike ra kenê pak, tenê ki melem kenê tira, paç vêsnenê kenê dirvete. Sare pulesnenê piro, benê kenê cile. Peyniye de vajinê mordemeki de, kenê noletme.

Cênike hire roj u hire sewi nêna' ra xo. Dî hire hêsti ra têpia ke urzena' ra pay. Eve domonu ra pia qesê xo kenê ju. Qêrtisini erzenê tever. Mordemek, çığa ke vano 'ez poseman bine, reyna nêkon', cênike ve domonu ra qerarê xora vaz nêbenê.

*hers bene*

*verolene | verd- | vereken- |  
Lp geçmər  
vacəmər*



Foto: H. Tornecengi

# KUÇIKA ADIRİ

*Pelep rez = becerikler  
destlaf - becerikler  
manzur  
HEWES MIRO  
geçim etmesi  
çöle yarınca*

Jü dewe de mērik be cēnīkā xora her timi danē pēro. Mērik cēnīka xo dest beno zar, tēsere nēkenē. Mērik timi zibeno; ma her roj dame pēro, cēnīka mi her timi jü cēnīkē de şiretede hevaltēni kena. Herçi cēniyē ke tēy hevaltēni kenē, pēroyē xo hatani şand wertē cirana de kur u pus kenē, dēdi-qodi kenē. Jüyē de ser u paye, ya ki toreye tede çina. Jü ki, cēnike mi qe ciyē ra say nēkena.

Rojē merik xo-be xo fikirino, vano ke; Ez se cēniya xo biyari raye. Zaf ci ênē sare, pēyjo vano ke; ez çiqa ita bimani xelasa mi nina dest çinā. En çiyo pak ez çē xo barkēri, na dewe ra şori. Bēki pēsirê mi nina dest raxelesiyo.

Rojē cēnīka xora vano:

- Cēniki ti zana ma na dewe ra barkeme şome, şome dewe de bine, uja kar u gure ki zēdewo. Uja ma bēki mal-mēlalē xo keme zēde. Hawo ma çand serriyo ke na dewe derime, hama ma des pese hona nēkerde vist pese. Ti bē ze mi bike, ma barkeme şime.

Tawa nēkuno sarē cēnike, vana:

- Ez dewa xo canēvirdan nēşon dewē de ğeribe, ti biya xēğ ma se dewa xo cavirdime şime?

Ha ewro, ha meşte werhasil mērik cēnīkā xo dano inamkerdene. Rojē erebe oncenō verē çēberi. Çi esto, ci çino pēro bartenē. Erebe kuno raye, benē serraşt. Mērik vano:

- Cēniki hala tenē vinde, mi kuçika adırı kerda xo vira, ez şori kuçika adırı biyari.

Cēnike cērena mēriki ser, vana:

- Qey? Cao ke ma şome uca kuçikē adırı çinē ke; ti ita ra kuçikanē adırı bena?

Mērik vano:

- Cēniki ma barē xo name ro.

Cēnike şaş mamena, perskena:

- Nafa qey barē xo name ro?

Mērik vano ke:

- Ma şime koti ki, ti xorē oca kuçika adırı vinena. Eke hēniyo ma qey ita ra Barkerime, şime!

# ŞÊR ŞÊRO, NE MAO, NE NÊRO !

X. ÇELKER

**V**anê ke na vatene Zarifa Xanîme arda re zon, aye vata. Qesa minasiba, ayera gore ki raşa. Çike a şêrê de welati biye. Zarifa Xanîme ebe fikur u kerden-anê xo, têdüştîya cêniye u cüamêrdi ser ra emsalê de hewle biye. Aye no torê ma weşîya xode bêqese ramit. Ewro no torê ma endi hama hamâ ke werte ra dariyo we, şêre şertina xo caverdo şiya mérde. Coka ewro mordem ke vaco, şêr şêr biyo ne may ne ki nêr biyo tenêna beno raş.

Ma vake torê de ma. No tore çîko? Wertê hometa made rew ra nat cêni u cüamêrd jü amo guretene. Ne zê taine çênê weşa-weş erziyê mezela, neki cêni zê hegayê cüamerdi amê diyene. Qimetê cüamêrdi ke çi biyo, ê cêniye ki o biyo.

Zaf din u itiqatanê bina de, hela hela êwê ke wairê hukmiyê, zê misilmaniye u xiristiyaniye, inadé têdüştîya cêniye u cüamêrdi çîna, nêbena ki, çike gorê famê ine cêniye parçê de cüamêrdiya, xoser çiyê niya. A (Hewa) parsüyanê Ade-mi ra viraziya. Coka ke cüamerd cêniye ser ra wairê hukmiyo. Heqe ke esta a ki heqa cüamerdiya.

Xora gorê taine ki nuspetiya serê na dina têde cêniye ra pêda bena. A qe liheqê çiyê niya. A ê kêfiya, tek jü lazımıya xo ke esta, a ki zê kupê turşiya. Nê dinu de vacino ke cêni hegayê şimayê, seke wazenê henî biramê.

Mesela misilmaniye de cêniye mahluquatê de bêqimeta. Wairê çei cüamerdo. Cêniye wairê heqê de niyanêne niya, coka ke cirê mîras nêmaneno. A besenêkena gorê waştena xo kinca xorado, caverde sereqot cêraiş hebê rûyê xo ya-kerdi bile besenêkena bicéro, hama cüamêrdi misilman domanêni yaki xorteniya xode wertê cemati de sunet beno, ebe daul u zurna hacetê xo musneno. Wertê misleti de caê cêniye çîno, a besenêkena lewê cüamerdê xode bo, cêni cüamerda ra dûri ênê guretene. Çar cêniye de zeweciyene cüamerdi rê tomete niya, hama jü ra zêderi zewaj cêniye rê zina saybeno. Kîlmek ra din u itiqatanê niyanêna de her çi cüamerdi rê minasib êno diyene. Heqê ina ki cüamerdo, pexamberê ina ki.

Made cêni tam ki gorê namê xo wairê qedr u qimetli biyê. Manê cêni zonê made wairê rame u baqliya. Pirike, vîsturiye, mae, wae, cêniye, çêna, cêneke, amoje, xalcêniye, yare, berbiye, veyve, xanîme, xatune, kewraye, misayibe, kôkime, ana u ê.b. kîlmek ra qic ra heyan pil pêro piya wertê qomê made daim wairê qedr u qimetli biyê. No qedr u qimet ki teyna qesa de nêmendo. Her ca u her waxt amo zanayene.

Made caê cêniye ya kişa ya ki düştê cüamerdi biyo. Çike cüamerdi rê minasib amo diyene cêniye rê ki o minasib amo diyene. Îsan bese keno vaco, cêniye made tenêna wairê rumeti biya. Eke amê vatene, vanê "Heqa ma u pi zaf



Foto: Xeyri

girana". Verde mae ênare zon, şithelaliye esta, mae gere şitê xo helalkêro, heqa mae tenêna girana. Çike mae doman ana serê dina, a şit dana ci, a kena pil, pêda biyena eslê mordemi zede karê da o. Coka made vanê ke: "Doman mae ra beno sé, pi ra nê." Yaki "Jü mae haut sêy kerdê pil, haut domana jü pi nêkerdo weyi."

Cem u cemata de ki hal henî biyo. Cêniye u cüamerdi piya sema şiyê. Cem u cemat bê cêniye nêbiyo. Mîsayib ke hetê raşt de vindeto misayibe ki heto cepte caê xo gureto. Çixa ke cêniye vevvêtine kerda, ya ki cemata de şenik qesey kerdo, a anciya ki wairê nê heqanê xo biya. Cüamerdi hala hala ke bêvatene u persê cêniya xo çiyê kerdo.

Made cêniye besekerdê gorê waştena xo kinca xorado, sereqot bicêro, wertê misleti de caê xo biyo.

Heqa merasi seke ê cüamerdi biya, henî ki ê cêniye biya. Çêneke ke şiyêne mérde, çê pi venga ci dêne, ardêne zeytiye. Taine milk u mal dêne ci, taine ki eke dest de çiyo henên ke çino, cirê kînc u khol guretê, ebe a qeyde zerê ae kerdê weş hêñ ruşnêne çê. Zewaj cüamerdi rê ki cêniye rê ki jü rey minasib amo diyêne. Mîsilmaniye de mérdi bese kerdo ebe jü qesa "Boş ol" cêniye xo caverda, jîyê de bine bicêro. Hama made no hem tomete biyo hem ki ayvê de pil biyo. Ê kultiranê bina de cêniye malê rotişiya. Resmê cêniye ke çinay sero bo, zê şekiri êno rotene.

Hama hama sukanê pila têdine de kerxanê estê. Nê made ne rew ra biyê ne ki ewro estê.

Seke zonê mara ki aseno, made hetê qesa ra bile têdüsteni biya. cêniye-mîerde, cüanîke-cüamerd, hermete-merik, xan-xane, pir-ana.

Teyna hetê rindenî ra nê, hetê xiraviye de ki hal henêno, yanê xiraviye ke esta ae de hem nêr hem maykekên ca cêna. Zê ê bina xirabiye teyna maykeka ra pêda nêbena. Xiştike ke esta, tofan ki esto. Milqi kerdene de ki jüyê. Mesela çêna dele ki esta, lacê kutiki ki esto. No bile her zon de nêno vatene. Çike zonê bini zede zonê cüamerdaye. Mesela turki vanê "Eksik etek", hama besenêkenê vacê eksik pantolon. Made qesa "hermete" de çıxa zere pêvêşayene (negasyon) ke esta han-dâe ki qesa "merik" de esta.

Zonê made isan besenêkeno zê ke turki de êno vatene, vaco "Erkek gibi kadın", ebe isani hunê. Çike nêno vatene ke mordem vaco cênika zê cüamerdi. *Zon, teyna têarê ardena simbolanê bêmana niyo. İsan ke se fikiriya, xo heni ki anore zon, yanê weşiya isani bena resmê qesikerdena isani.* Zono ke weşiya dê de cênikê bêqimet bo, xoser çiyê nêbo, ebe giraniya cüamerdi bero sentene, ê zon de isan helbet besekeno vaco "Erkek gibi kadın", hama made isan ancax besekeno vaco cênikê de xirte. Made cênikê ebe giraniya cüamerdi nêna sentêne. Emsalê



Foto: Cansa

nao en rind ki made domani; hem namê mae ra hem ki namê pi ra ênê vengdayene.

Verde qimet u rumetê cêniye henî ke zêde biyo, pêrodadişê aşira yaki ci-rana ra dime, cüaniki şiyê kewtê werte, ardê werêy. Zobin ki yaraniya ke made wertê cêniye u cüamerdi de bena inam nêken ke wertê jü qomê de bini dê bibo. Mesela, Almani her het ra ravêr şiyê, hama mordemi ke zonê inade qaytkerd, vi-neno ke zonê ina ki zonê de nêr o. Tede têdüştîya cêniye u cüamerdi çina. Jü em-sal ke bidêrime; cêniye ke kewte ra, cîra doman ke bi, è vanê "Die Frau hat ein Kind bekommen", manê xo "Jü doman diya be cenike" o. Yanê hên êno vatene ke, ti vana nê kar de qe gurê cêniye çino, tip teyna cüamerdi ra doman biyo u ê o doman cêniye rê kerdo *xelate*. *ludige*

Almani vanê "Frauen Politik - Siyasetê cêniye", (Männer Politik - Siyasetê cüamerda) nêno vatene çike cüamerdi rê siyaseti ser ra guriyaene karê de normal o. Hama cêniye ke siyaset de ca guret beno karê de anormal u beno siyasetê cêniye.

Ya ki vanê "Frauensprache - Qeydê quesikerdena cêniye", çike qeydê quesikerdena cüamerda normalo, hama ê cêniye hên niyo, coka ke ebe namê cêniye darino we.

Zobin ki nêzan wertê çend qoma, zona, yaki dinanê bina de cêniye merte-bê heqî de êna diyene, yaki heq be xuya. Hama made emsalê niyaneni zafe. Mesela çıxa ke hetê itiqat ra êndi biya vindi ki made hem Ma' (heqe) esta, hem ki Homa (heq) esto, hem waira çei esta, hem ki wairê çei esto. Xızır ki esto, Anahita ki esta (rama ağwa). Made Duzgın ke esto, Jêle ki esta, bava ke esto, ana ki esta.

Teyna hetê itiqati ra nê, weşiya qomi de ki cêniye u cüamerd têkhaleke de biyo. Cêniye teyna çê de nêguriya, hega de ki guriya, merge de ki. Cüamerdi rê ki karê çei kerdene tomete nebiya zê qomanê bina. Kar u gurê idari de ki caê xo gu-reto, made zaf tene cêniye muxtariye kerda, hem ki ebe senê şan u şoret.

*metnamek*  
Kilmek ra felsefa made isan biyo, cüamerd teyna çinebiyo. Made çimê isani ne hewa ra şiyê, ne ki harde mendê. Isani çimê xo çarnê re xo u na dina xo, her ci xo u taviat de diyo. Nê isani ra goje, tek jü çiyo ebedi biyo, o ki aqil u taviat be xuyo. Aqil gama, *taviat ki ramha* Raa aqili mordemi bena kamîlêni. Kamîlêni ki heskerdena, zerreweşîya, têdüştîya. İta de zorê çiye perenêkeno, ita de qesê weşi, zanitene u heskerdena esta. Coka ke cüamerd mertebo de berz de niyo, cêniye de jüyo.

Ewro ma tenê olvazane xode ke niya danime, vinenime ke ê halê xo cêniye ra gerreçiyê. Vanê ke ma cêni cüamerda de têdüştî nime, cüamerdi mara zêde wairê heq u qesaê. Coka ke ma cêni cüamerda ra cia, xoser komanê xo vira-zime u cüamerda ra cia cengê xoserbiyena xo u welati bîdime. Ma çıxa ke cüa-merda de piya bigurime, hondayê ki kunime binê bandıra ina.

Ez nê olvaza ra vana ke, no hal ewro çıxa ke niya aseno ki, na raştiye u biyena qomê ma niya. No hal kulturanê bina ra *pesekekare* ma biyo. Ma verba na *Karsîmî*

<sup>1</sup> Ma, heqanê ewla ra jüya. A simbolê rame u bereketiya. Bado ca be ca namê na Heqa ma vuriyo biyo Kubaba, Lidya de biyo Kybebe, Phrygia de biyo Kybele, Hitita de biyo Hepat, Arinna, Misir de biyo Isis, Süméra de biyo Mariemma. Qayıte kitabê Azra Erhati "Mitoloji Sözlüğü" kêrê.

têduşte nêbiyene bîdime, hama çiyo biyağki ra ki mexapime. *Biyeña qomê mao verêndê, raştiye u roştiya têdüştêna ma şewle dana.* Ma gere nae sero bigurime, nae reyna biyarime weşiya xuya ewroy. Çiyo bin mara hem duriyo, hem ki raşî niyo. Qomê ke tede cêniye u cüamerd piya, têduşte niyê, merterbê cüamerdi cêniye râ coro, ya ki ê cêniye cüamerdi ra coro, qediyê, inede endi çiye de rind nêmendo.

Êwê ke lejê feministêni danê, wazenê ke hurendiya cüamerdi bicêrê. Êbe qanun u quralanê ke cüamerda caê xo pê kerdo mokem, ebe ine caê xo mokem kérê. Wazenê ke ebe na qeyde têdüştênêbiyena cêniye u cüamerdi werte ra wedarê. Na rae, raê de rind u raşte niya. Xora eke rind biyêne ê verba nê qanun u quralanê cüamerda niyamêne. Çike cüamerda qanun u quralê henê samitê pê ke, têdüştîye nê, morê hukmi gureto xo dest. Cêni ke nê mori bicêrê xo dest, nêbenê xoser, bibê-bibê benê wekilê cüamerda. Pêyniye de ê ki şonê re cüamerda. Hama cêni hetê fikiriyâne u hezi ra cüamerda ra zobinaê. Na zobina biyena ina rinda, taviya, nêşîya're cüamerda, gereke meşo'ro ine ki. Cêniya ke bêmorê cüamerda çiyê ard werte, taviyena xo ke qori kerde, cüamerda de benê têdüşt.

Coka ke hayderê piya serba têdüştîye bigurime, piya verba nîheqiye bîdîrime! Niya de Zarifa Xanîme ceng dana, Mamaxatune nam dana, waa Xelil Begê Fême veng dana, vana hayderê bêrê teare, şenatiye biyarê na ware!



Foto: Arşiva H. Tornecengi ra

# KÊSA CITE

**ARÊKER: USXANÊ CEMALI**

Zimistano xeylê vore vora, Dêrsim de dewa Sağşêge ra phonc olvoji; Çetin, Silema, Mistefa, Ali u Zafer urzenêra ke şerê dewa Deste, çê ap Temiri. Kunê ra arê, hem horê qesey kenê hemi ki sonê. Eke kunê verê bonê Budi ( bonê Budi ju jiara).

Çetin vano:

- Bêrê topa vore kay bikeme.

Vore bia yorgice: Çetin ve Silemani ra jü het cénê, Ali ve Mistefay ra ki jü het cénê, vore ra tope virazenê sanenê zuminî. Zafer ki doskarêna nêheqên keno (sai-dê hortiyo). Tenê ke topa vore sanenê zuminî, Mistefa zaf hewl (şışman) beno. Vora yorgice binde damis nêdana linga Mistefay tiro sona bin. Çetin ve Silemani ra ey sanenê tope ver. Mistefa wertê vore de maneno, huyinê xecelinê, verva sondi sonê Deste ( Desta Wusivu) çê ap Temiri. Çê ap Temiri de nisenê ro hal-hatir personê. Na phonc albazu ra Çetin, tornê Ağaê Wusivu beno (ap Temir ki hem birazaê Xîdir Ağaê Wusivu no, hem ki hurmetê ap Temiri Xîdir Ağay rê esta). Ap Temir, tornê Ağay rê ki hurmete keno (tornê Ağay Çetin, maylimo). Ap Temir meymanu rê vosn sarebirneno. Pêro piya oda meymanu de nisenê ro gostê xo wenê. Silema çim sîkneno ra Mistefay, Mistefa tornê Xîdir Ağay Çetini ra vano :

- Ero Çeto, urze mirê awe bia!

Mistefa ke nia vano.. Ap Temir qayde kuno. Cêreno 'ra Mistefay, vano:

- Ero to kama ke tornê Xîdir Ağay ra vana "urze mire awe biya!"?

Çetin zoneno ke Mistefay bergeshiya hen vake ke, ap Temir tenê bîqariyo i ki horê bihuyiyê. Mistefay jü fanila kerda pay binê gule qerbelekino.

Ap Temir vano :

- Niade binê gula ney belekino. Ez ke van " Leyrê lüye lüye dîma, leyrê kuji kuji dîma sono! No, şîyo 'ro lüy, piyê ney ki lüy vi!". Huwayis gineno pérune ro. Hata sewe lete qesey kenê, xecelinê. Çê ap Temiri, oda meymanu de phonc cili kerdê ra, Silema, Çetin, Zafer Mistefa, Ali sonê oda meymanu de cile sero nisenê ro qesey kenê. Mesela yena jü cinike ser. Silema vano:

- Jü cinika Wusvize bêzerî hetê Alu de da mîrde, zerra çêneke çinê biya, eve zor da mîrde. Veyve kenê, çêneke kenê veiyike, benê hetê Alu. Veyvike benê peyê péruge (Jü oda) Zama ke yeno leyê veiyike, veiyike zamay ra vana :

- Bê "kêsa cite" kay bikeme.

Zama vano:

- "Kêsa cite" çîka?

Veyvike zamay ra vana:

*is kelesiz*

- Bê ez misnen ra to.

Veyvike tira miri ve sirte ra ana, zamay ra vana:

- Ronise zoninê xo bonce verê xo, hurdemêna destunê xo verê zoninê xode girêde.

Zama hard de niseno ro, hurdimêna destunê xo verê zoniunê xo de girêdano. Veyvike tira miri hortê boju u polunê zamay ra kena pede dot vezena. Destunê zamay ki verê zoniu de girêdana. Paskhulê kuna zamay, zamay cêrre zerê oda kena. Bena tever, darina we sona çê piê xo. Zama hata sodir ke sê keno, -sê nêkeno, besenêkeno destunê xo rakero, -ya ki xo tire ra bixellesno ra. Sodir ma u piyê zamay yenê ke çi bivinê; Zama koto roy ver, solixo peyên de mendo. Veyvike ki horê şiya.

Mistefa vano:

- Aê de çi esto! Eke ez biène, mi destê xo xelesnêne ra.

Jüê Mistefay ra, jüê Silemani ra, kunê base.

Silema vano :

- Na olvoj ki saidê ma bê, ma to keme "kêsa cîte", hora ke to destê xo xelesnay ra, od bo ke torê vosn sarebirnen, se kağıte ki perê Tîrki sero dan to. Hora ke to xo nêxelesna ra, to mire jü vosn sarebirnena, se kağıte ki perê Tîrki dana mi.

Mistefa qewul keno, yêno cile sero niseno ro, zoniunê xo oncenô vêrê xo, destunê xo ki verê zoniunê xode ano pêser. Silema tira miri keno wertê boju u qoru ra, destunê Mistefay verê zoniu de girêdano. Silema, paskhulê kuno Mistefay de, Mistefa -hora vozdino)- zerê oda de gîr beno. Mistefa ke jê loğe gîr beno, huwayis gineno iyê binu rê. Mistefa hard de besenêkeno solix bicêro, kaleke ser demdiyo ra ci. Hasa sima ra, hortê polu de pantolê xo ki çhrr biyê, herzê xo pantolu ra amê tever. Olvozu ki na diya, diha xori huyinê. Her jü gino caê ro huwayis dest perç biyê. Kês hayrê ci niyo ke, Mistefa solixo peyên de mendo. Zafer niadano ke Mistefa bio'ra sur, koto roy ver; xelesino ra, destunê Mistefay keno ra. Mistefa hard de sagu keno ra derg, gira gira yêno'ra ho. Mistefa of keno kuf keno, Silema vano :


- Çitûr apogor!.. Ça destê xo nêxelesnay ra? Vosn ye se kağıte perê Tîrki ra dana mi.

Mistefa vano:

- Ero, ez zeke merdune! Solixê mi biriya, vengê mi nêvejino ke qesey bikerine, sima huyinê! Çimê mi amey tever, omrê simade niyo! Roê mi vejiya şî, sima hona huyinê!

*Sapîki = pantolon  
tuna = altçamması*

VATOĞ : ZAFER  
TARİX : 1984  
CA: BERLİN



## QİNT

ARÊKER: USXANÊ CEMALI

**W**ahto vire, hetê Pêrre de kuji virastêne. Kuzê Pêrre zaf kuzê de hewl bi. Hortê (wertê) Zazaunê Dêrsimi de kuz zaf qiymetliyo. Hala-hala hêga u vas çinîtene de, velg biranaêne de, cüyn çarnaêne de ison zaf beno têsan. Domani sonê henî ra uwe (ağwe) kenê kuji, anê binê şiya dare de -ya ki hega de-hata vîle kuji kenê hard, zerê kuji de awe tede serdin manena. Tija amnoni vera awa kuji can u cigera, isono ke qefeliyo! Mordem ke na awa serdine ke keno xo serde, oncia ro yeno ra isoni.

Mordemê dewa Basi (dewade Mazgêrdi ) ra sono Pêrre ke xorê kuzu bîhêrno. Soно Pêrre de di kuzu hêrmeno. Keno turik, erzeno'ra xo doşı, cêreno ra yeno. Yeno, caê kuno oroji, oroji ro ke vejino ser, binê jü dare de oroşino ra. Turikê kuzu ozneno'ro dare, mianê xo ozneno'ro turiki. Amnoniyo, zaf germo. Mordemek ki qefeliyo.. Eke şiya dare de oroşino ra, uza sono hewna. Hewn vineno. Hewn de gêal keno.

Xo-xorê vano:

- Mi na kuji di meciday ra gureti. Nîka ben çê, domani raa awe ra sîknene. Di mecidayê mi ki hên sonê. Ez ke na kuzu berine Mazgêrd, jü kuz mi jü meciday ra gureto, di meciday ra rosen. Di mecidayê mi benê çor meciday. Son Pêrre, çor mecidau ra çor kuzu cen, ine ki ben Mazgêrd de rosen, çor kuzi kenê heşt meciday. Kara mi her ke şije sera zaf. Mazgêrd de duka ken ra, kuzu rosen, ben ağler u dewleti! Her roze perê mi benê zaf. Jü çeneka rindeke de zewejin. Lazêde mi beno, name Qint nan pa. Perê mi ke bi zaf, nafa ki eve karvane kuzu ben welatunê şerivu de rosen, dewe de xorê jü qonağ virazen, xorê xîzmekaru cêñ, her ci tede bivo. Eve karvane kuzu ben welatunê düru de diha pahali rosen, belka ki eve serru çê ninu. Eke welatunê düru ra cerine ra, hata u waht lazê mi ki beno pil. Yen verê qonağı, lazê mi vozzeno verva mi yeno. Ez ki verva lazê xo vozzen, ken virara xo....

Mordemek niya gêal keno, xo-xorê beno sa, huyino. Huyino, peyde sono... Qintê dare yeno ra kuzu, kuji sîkinê. Mordemek hesarê xo beno ke, kuji şikiyê.

Qarino, vano:

- Ez de maa qinti ni, qinti kuzê mi sikitı!..

Mordemek urzeno ra tip-thol sono dewe.

VATOĞ: KEWRA HEYDER  
TARIX: 1986  
CA: BERLİN

# HIRE BIRAY

(SANIKE)

ARÊKER: USXANÊ CEMALI

*M*ordemê beno hire lazê xo, hire çenê xo benê. Mordem ke kuno canten-giye, lazunê xo rê weşiya xo keno, vano :

- Kam ke ame serê bonê lozina ma ser wayê sima waştı, cîdê.

Rozê, heso bîr yeno lozine ser, birau ra çêneka pile wazeno. Biray waa(waya) xo danê cî. Xeylê ke werte ra vêreno ra, onciya jü heso bîr yeno lozine ser, waa wertiye wazeno! Aê ki danê mérde. Oncia xeylê kuno werte, nafa jüna heso bîr yeno boni ser, lozine ra çêneka ( waa ) qize wazeno. Biray waa xo ya qize ki danê mérde.

Mordemek gineno piro (ecelê xo yeno) mireno. Hire laji piê xo benê kenê mezele, mezele serro her roze jü bira noveti ceno. Sîfto (raa virene) vire, bîrao pil meza-la piê xo verde novete de vindeno. Bira niadano ke dota ostorê (astorê) yeno, asparê sero wo. Ostor yeno nejdi, bira tifang nano pa, mordemê serê ostori kisenô. Ostor yeno ra zon vano:

- Qarsê mi meve, tukê mira hire muyu bonce, to ke na muy munay ez yen.

Bîrao pil qarsê ostori nêbeno. Tukê ostori ra hire muyu ceno, ostor çimu vera beno vind sono. Roza bine bîraê werti sono mezela piê ho sero novete ceno. Niadano ke dota qayimê amê, asparê sero wo. Bîraê werti sesadir nano pa, mordemi kisenô. Ostor vano :

- Qarsê mi meve, tukê mira hire muyu bonce, to ke na muy munay ez yen.

Bîraê werti, qarsê ostori nêbeno, tuk ra hire muyu ceno, ostor çimu vera beno vind sono. Roza hirêyine bîrao qiz sono mezela piê xo serro novete ceno. Bira o qiz ki mordemi kisenô ostori ra hire muyu ceno.

Rozê suke de ostoru voznenê, virre, diye hire e rê (kam ke virniyede hire cay gu-ret) hire çênekê rindeku danê cî. Na hirê biray, hire muyu munenê hire ostori yenê. Nisenê ro ostoru, voznenê. Hire biray ver de hire cau cene. Na biray i çêne-kunê rindeku cene. Bîrao qiz ve bîraê werti ra zewejinê. Uta dime bira o pil zewejino.

Jü mordemo qiz yeno veyve, zaf rindek kay kaykeno, reqeşino. Peê coy kuno ve veyvîke ra remneno, ceno sono. Bîrao pil mordemeki poêno (pino) sono rastê heniyê yeno. Heni sero kuno ra destemale ki erzeno ra riê xo ser. Waa pile yena ke henî ra ağwe (uve) bero. Niadana ke mordemê henî sero wo, destemale ri sero wa. Waê destemale ri sera erzena ke bîraê xo yo pilo. Cerena ra bîraê xo, vana: "

Tika ra so, nika mérđê mi hes yeno, hem to weno, hem ki mi weno!". Bira nêsono, vano; " mi weno va boro, ez nêson". Wae, biraê xo bena çê xode dana we. Sonde heso birr yeno çê. Ciniya xora vano " na çê mara boa qulê xami yena. Ey era mi misne ez ey borine". Cinike sona biraê xo ana, hes vano; "Ey waa xo da mi, ez ey nêwen!".

Bira uza terk keno sono, zaf ke sono senik ke sono rastê jü henî yeno. Heni sero kuno ra destemale erzeno riê xo ser, sono hewna. Waa wertiye yena ke henî ra ağwe bero, biraê xo vinena. Vana; "Nu kamo? Destemale ri sera biceri, meceri".

Destemale dana we, niadana ke biraê xuyo pilo. Vana;" Tikara so, nika mérđê mi heso birr yeno, to ki weno, mi ki weno!". Bira vano; " ez nêson, weno boro!". Wae u biray ra sonê çê. Wae, biraê xo dana we. Sonde heso birr yeno çê, vano; "Na çê mara boa qulê xami yena, ey bia ez xorê borine". Cinike sona biraê xo ana. Hes vano; " Ey waa xo da mi, ez ey nêwen, rew tika ra şero!".

Bira darino we sono, onciya rastê henî yeno. Uza kuno ra destemale erzeno ra riê xo ser, sono hewna. Waa qize yena ke henî ra ağwe bero. Niadana ke mordemê henî sero hewn dero. Destemale ri sera cena ke, biraê xuyo pilo. Vana; " Rew tika ra so, nika mérđê mi hes yeno, to ki weno, mi ki weno!". Bira vano; " Ez nêson, mi weno, va boro!". Wae biraê xo bena çê de dana we. Sonde heso birr yeno çê. Vano; " Na çê mara boa qulê xami yena, ey biya ez ey borine". Cinike sona biraê xo ana. Hes vano; " Ez ney nêwen, ney waa xo dêve mi, rew tika ra şero!".

Birao pil heşî ra vano:


- Jü mordemê qızkêki ciniya mi remnê, to towa o di, kata şî?

Hes vano:

- Ez ey nasken. Zaf pêto, hayrê xo vinde. So filan ca de, binê pirdi de xo weda, o yeno.

Birao pil sono binê pirdi de xo dano we, niadano ke ciniya xo've mordemê qızkêki ra dota amey. Çutır ke yenê serê pirdi, birao pil qılıncê (şimşêrê) xo oncenô mordemê qiji kiseno. Ciniya xo ceno sono reseno mirodê xo.

VATOĞE: DERYA  
(TORNA HEMEDÊ WUŞEN)  
TARIX: PAYIZO WERTE '92  
CA: BERLIN



# FOLKLORÊ DÊRSIMI DE CAÊ LAWIKU

-3-

## Hawar Tornêcengi

Tew dilo, tew tew dilo  
Zerê ma adiro, zerê ma khulo

Mi va ewro, tu va meşte  
Cêncêni amê şije, khalêni nawa reste

Tew dilo, tew tew dilo  
Welatê ğeriviye marê aşêo  
No sene gedeve na qurvetiye de  
Çino marê hewnê sewu?

Tew dilo, tew tew dilo  
Zerê ma pirro, zerê ma khulo  
Haşt u heredani amêy pêser  
Min u to hona nêkerdo têsar'

Kîşkîn Tew dilo, tew dilo  
Usaro gurro, teyr u turo  
Kou ra vore şije, viliki vêjhay  
To ke şiya nêşıya, rozê mi têde bi şiat.  
(H.Tornêcengi)

Lawikê ju miletî, edebiyat u tarixê i miletî anê werte, kenê eskera, caê kulturê i miletî kenê berz u mîqerem. Eve lawiku gureten u daêne, qomi jumini dayna rind naskenê. Ju kulturo ke waxtê xode nêâme doskerden u nustene, o kultur hona ke nêamo naskerdene wertê ra darino we sono. O kultur çığa ke hewl bo ki, ison cîra bêxever maneno. Qedrê i kulturi nêvêneno. Lawikê

ke wesê, manê u melodiyê dine wesê isoni ro sono, i lawiku ison zerre ragosdano. Kamci zon de benê bivê, wazeno bîmuso ke, hala hetê mani ra yenê çi ifade. Kamci zon de vajinê va bivajiyê, eke amey nustene; biayên u qedrê dine rozê vénino.

Kulturê her qomi eve lawikunê xo dewletiyo. Çituri ke W. Shakespeare vato; "İyê ke lawikunê miletî vira-zenê, virastoğunê qanunê i miletî ra qewetinê". Raşt ki taê lawiki tarixê i qomi de zaf çi kenê rast, zaf çi kenê eskera. Weşiya i qomi eve lawikunê i qomi tenêna jêdina, bena rindek. Wertê qomu de ke juaneyên çinêbiye, yanê qomu ke têdust ra nêbi; kulturê dine ki juane u têdust ravêr nêsono. Qomo ke hoser niyo, kulturê xo ki binê bandıra de pexelino. Ravêrşayêna kulturê qomê bindesti, tesirê yê miletê hukumdarî ra nêvêjina.

Heto ju (hukumdar) ke bi hira u berz, heto bin (bindest) her ke sono, peyser maneno, beno zar u war, hata ke rozê wertê ra dariya we. Kultur ke bi xirave, -çığaşî ke kamiya miletî têra bo ki peyniye de çiyo de temâse vejino

werte. Na ci ra ne o milet tham ceno, ne ki zovina mileto de bin. Ci ke kulturo de rowal nê, ciyo de têwerte pêda beno. O waxt tivarê qomu jumini re beno kêm, her ke sono wertê qomu de dismenenê jêdina. Bizonime ke; biraêna qomu, têdust de ravêrşayêna kulturê qomuna.

Ewro ki Tirkiya de hona nia ro. Her ke sono, kulturê mara her ci roz ve roz beno vind. Zorê politika asimilasyoni qomê ma u zon u kulturê ma sero kêm nêbeno. Ma ke hover medime, cirê wayir mevezjime, beno ke na zon u kultur endi verva na asimilasyoni taqete ra bikuyo. Oncia zoneme ke, zon u kulturê miletê bîndeşti ra ciyo hewl vişino. Her ke sono kulturê miletê (qomê) bîndeşti heleşino ro.

Dewleta Tirkî isonê ma dest ra têde çarey guretê. Hazetê raverberdena zon u kulturi wertê ra dardê we ke, na zon u kultur hover medo.

Hama ciyê esto ke, gere eyi ki vajime: Ma ke hover bîdime, huzmê zon u kulturê xo ke bivejime; nara têpia kês endi besenekeno jê vatena xo zon u kulturê ma wertê ra wedaro, ey asimile kero. Gere ke sifte roştberê ma, doskar u zonağê ma na rae de hover bîdê. Haqi ra sıkir ke hona ro binê gula ma dero!

Lawikunê made zaf zaf ci esto. Zaf ci tede vajino. Gereke ilimdar u doskari na ci sero xêyle sare bîdaznê. Hetê so-syoliji, ethnoloji u muziki ra ju've ju bêrê saêkerdene. Lawikunê made haskerdêna yabu u heywanu esta. Birrê yavani ra xevere danê. Rîndekiya tabiyati, roza rosti, nuna potiye, tija qulvíke, adîre lozine, mineta Xızırı lawikunê mara dür niya. Lawikê ma ki jê qomê ma zerrewesê. Jê ağwa Munzuri zelalê, delalê, derdê isoni re dermanê...

Na lawika cêrêne de rind vêname ke, Sayir haskerdoğa xo eve "Meleme"



Sayir Aliyo Tik thamir cineno, lawikut vano. Na resim ve resmê Sayir Silemanê kemaneci ra (Niade: Tija Sodiri-1, pelje 29) arşiva Daimi ra amê guretene. Seveta emegê dêy, circa Haq raji bo.

namekeno. Esqê ci biyo. Çimê dêy de, a ge *tija sodiri* ya, ge *homa omediya*. Ge bena *dirêga zerri*, ge ki *beşliyê hermiya*. Hardi keno *dewres*, *xojivê* dêy bo vano. *Hardê dewreşî* sero feteliyêna Meleme rind ke biya nasiv. Çimê dey de Meleme endi jiargewa, a pay ke kamci hardi no, uza be-no *kêwe*. Asmenê kêwi rê beno *heyran*, ke ey Meleme xo bin de diya, feq kerda. Gegane ki beno gerreçiyê maa çeneke, çike a mezal ey nêdana ke tenê lewê yara xode egle bo. Xorto, wazeno ke yara xo dayma lewe ra dür mekuyo, jê bêşli herme ra bo. Çike çimê dêyde beşli çiyo de qiyetino.

Qalê esq u sawda xo keno. Esqê dinêra velg u vas beno sa, *beno kewe, beno têra*. Eke yara xora kuno dür, dina xo bena tariye, çimê xo ra u *wolağû* de manenê. Haqi rê minete keno ke, ey u yara dêyra *mirodi verde* meverdo.

Na lawikê de ki Sayiri (Kami sifte yimis kerda, pê nêzoneme. H.T.) hem hetê vêzini ra, hemi ki hetê maney ra çekuy zaf hewl ardê werte.

### *Melem Tiya Tiya<sup>2</sup>*

→ *örgün*

*Melem tiya tiya, rowala mi tiya  
Tija sodiriya, homa omêdiya  
Dirêga zerriya, bêşliyê hermiya  
Sumarê ke kottiya, mirê zaf nazliya  
Xojivê hardê dewreşî bo, ti sera feteliya  
Heyranê asmenê kêwi bi, ti xo binde diya.*

*Ezo şiyu çêverde, rinda mi soji verde*

*Mi wast ke lewê pirani, maa xo vêjiye çêverde*

*Miva, "Heqo, Heqo! min u na yare mirod verde meverde",*

*Melem tiya tiya, omêdia mi tiya  
Tija sodiriya, homa omêdiya  
Dirêga zerriya, bêşliyê hermiya.*

*Melem vaê yêno, miva vaê veri*

*Çêunê ma Barkerdo, siê warunê Serkemeri*

*Son ke beno herkes kuno virara rinde-kunê xo, ezo bêkes sekeli,*

*Melem tiya tiya, omêdia mi tiya  
Tija sodiriya, homa omêdiya  
Dirêga zerriya, bêşliyê hermiya.*

*Melem destê xo'ra mide, bê pia şime ko ra*

*Esqê min u tora, na kou ra velg u vas beno kewe, beno têra*

*Çêne ti ke mide nina, çimê mi menenê ra u *wolağû* ra,*

*Melem tiya tiya, omêdia mi tiya  
Tija sodiriya, homa omêdiya  
Dirêga zerriya, bêşliyê hermiya.*

*Melem vore vorena, miva hurdi hurdi  
Reyê hetê mi ser vinde, xorê lew keri murdi*

*Haqê comerdi dê ma, melem rozê delalê rindi*

*Melem tiya tiya, omêdia mi tiya  
Tija sodiriya, homa omêdiya  
Dirêga zerriya, bêşliyê hermiya.*

Tertelo viren (Hervê Urişî, 1917) ra têpia beno. Rozê Koê Seri<sup>3</sup> ra Baba Cafero Kudiz yêno dewa Harşîye<sup>4</sup>,

<sup>2</sup> Ju varyantê na lawikê ki Baba Zeynelê Xozati vano.

<sup>3</sup> Koê Seri, Dêrsim de wertê Nazmiya u Têrzan de ju mintiqawa. Caê xo berzo. Koê seri ra xêyle mordemê Sayiri vêjiyê. Dawut Sulari ki nine ra juo. Lawikê dêy zonê made ki vajinê.

<sup>4</sup> Dewa Harşîye bêştiyâê Pilemoriya. Ju dewa de aşira Loluna. Eskerê Tirkî hirê rey na dewe vêşna. Reyê

uza beno meyman. Çimê xo gineno ra çêna Şêlimi Elife. Elife zaf rîndek u semte bena. Zerra xo kuna cî, vano; "esta çina awa!" Çond rey ke yenê wazanê, sarê dewe çêneke nêdanê Bava Caferi. Dewe de camat cêrino. Ge ağa (Mursa Ağa) raji nêbeno, ge ki pi. Her kes hêshino pê. Hêñ beno ke, rozê Elife ki bena bêzerre. Yanê texelina. Naê sero Bava Cafer esqê xo u Elife eve lawike vano. Thamîr cêno xo dest, na lawike ero cî vezeno. Milet ke nat-dot na lawike hêshino pê, hona inam keno ke, lazêk raşt esqê Elife biyo.

Teseliya Sayiri ke kuna, tenê ki ba-vaâna xu u wayirê xo Khureşî ano'ra zon ke, va Elife cîdê, xorê bero dewa xo, veyvê xo bikero. Gegane ki zawt dano xayin u çimeşiau ro. Hata Bava Cafer Elifa xode zewejino ke, axiri diasê serri vêrenê ra.

Dêy ra têpia lazê xo Bava Sey-Qemeri zamanê na lawika piyê xo vano. Tik-mu ra ju derezaê mî na lawike 1975 de Bava Sey-Qemeri ra hêsiyo pê, gureta bante. Mî ve derezaê xora ke lawik u sayirunê mara qal ard ra, derezaê mî na nesela sero vinet u 1984'e de na kasete mirê dê ardene. Vatêna derezaê mûra gore, Bava Sey-Qemer<sup>5</sup> ke na lawika piyê xo vata, o waxt Anqara de 'emekli' memur bio. Eve na usil ewro na lawike vêjiye rosta roze.

*Elif Xatune*

*Elif Xatuna mi, berz meso alçağ kuna  
Ero sawda to cêrenu, ezo feqîr na ver u  
viraduna*

*Sona quesunê sari gosdana, ama mira  
herêdina*

*Çêne zawtê dan to ro, bena ~~sosrete~~ na  
wertu ra fetêlina*

*Rozê yêna dewa made pars kena arê  
Tasê ardu danu to zaf sermayina.*

*Elif Xatuna mi ez ve tora, ti vilika verê  
vora*

*Sawda to sawdaê da zora, nêvêjina mi  
zerre ra,*

*Mesela dê cênu esta, 'kerga kora'  
Mordemê hewli nêvînenê dustê xora,  
Cêron ve Xizirê Harşîye<sup>6</sup> vero, mi ve  
Elife ra nêkero cêra.*

*Asme vêjiya asma zerde, gilê kou u  
gêrisu serde*

*Xevere amê vake; 'vergi hawa biza kole  
remnê berde!'*

*Çêl u çhuki dave ra şî çêverde*

*Ez hona mendu teyna sosina xo verde,  
Mîva; Xizir mordemê nêçari de bexto,  
dest keno'ra ma hûrdêmîne serde*

*Mîva; 'qurvanê tuyâ biza kole, de bijê  
bere ra meverde!'*

*Harşîye dust de sonê kaşı, nao ame  
waxtê velg u vaşı*

*Îsê marê qayil nêbeno, na Mursa Ağaê  
Îlaşı<sup>7</sup>*

*Mîva; 'mavênê made têlu mevisne,  
Wayirê mi Khures fino'ra hermê to  
thûrikê parşî'.*

1930 de, hereketê Pilemoriye de eskerê xo kuto na dewe têde vêsnâ. Reyê ki 1938 de, reyêna ki na di-hire seru ra ravê tholkerdêna dewunê Dêrsimi de vêsnê.

<sup>5</sup> Bava Sey-Qemeri tertelê Urişî sero ki ju lawike vata. Niade: "Tayê Lawîkê Dêrsimi (Şîvari)". Çapxanê Berheme, Ankara 1992, pelge 314. Ez guma, a lawike ki piyê dêy Bava Caferê Kudîji yîmuskerda.

<sup>6</sup> Îtiqatê Dêrsimi de namê Xizirî ra zaf caê jiargey estê. Xizirê Harşîye ki binê dewa Harşîye de ju cao de Jargeo. Namê xuyo binu ki "Xizirê Thuzike" o.

<sup>7</sup> Niade: "Kıştêna Mursa Ağayê Îlaşı", H. Tornêcengi, Berhem, More 3, Eylül 1992 (Türkiya).

*Qeyretê ma keno Memed Ağaê tornê Paşı  
Mi bojiyê Memed Ağay do'ra wayirê xo Khureși.*

*Bonê piê to vera sona rez muriye Heyranê to Elife, bezna rindek u tenika bariye*

*Mi niada ke hawa cêro vêjiye,  
'Çenê bezna torê kenu qırvan, des u di vêyvikunê dewa Harşîye'*

*Miva; 'Hala reyê hetê mi ser niade  
Serva rindekiya to, roza ke mi diye!'  
Elif Xatuna mi reyê hetê mi ser niada  
Uste ra lewê mira dariye we, herêdiye siye,*

*Miva; 'hata ke tê virare mîkume, na dina marê bêfaydiye'.*

*Harşîye verde neçe kemerî  
Ezo budelaê Khuresê Koê Seri,  
Piyê to, to mi nêdano, çenê biyo kiafirê boverê deri,  
Ez ke corde Lonaliye<sup>8</sup> ro amune, miva;  
to xorê tey berî,  
Ez ke viradê hetê suma ser amune, to çâê ama verê çêverî?  
Mi ke vake; 'ti mide bêrê!', to çâê deşti fiştî serê zerri?  
Erê ti ke yêna, to cênu benu wertê milet u muhitê cêri  
Aşira Lolu u Arêzu yêna pêser, cemâtê min u to beno xori  
Piyê mira cêne, danê piyê to çar tapoli-unê kunkorê Koê Seri,  
Xelasa min u to ke çinebiye  
Erê to kon quiya şêmene corde xorê kon sérê zerri.*

*Na lawika haskerdena bine de Sayir hem yara xorê vano, hemi ki namê yara xora qese erzeno xo ser. Jêde cêni na lawike vanê. Cuamerd ke şî*

qurvetiye, beno ke rew ramecêro çêi ser. Kuto'ra yare vir, yara xo kuta'ra vir. Yare wazena ke o rew bêro.

### *Yaro Yaro<sup>9</sup>*

*Yaro yaro yaro yaro  
Xızır vezo mûrê biyaro  
Melem qida vezô biyaro*

*Ezo şiyu na çêver de  
Yara rindeke soji ver de  
Ruşiya puşîye ser de  
Surota gulere ver de.*

*Yaro yaro yaro yaro  
Xızır vezô mûrê biyaro  
Melem qida vezô biyaro*

*Kou vera sona kare  
Usar yêno some ware  
Ez u to sosina yare  
Kume têver, -têvirare.*

*Yaro yaro yaro yaro  
Xızır vezô mûrê biyaro  
Melem qida vezô biyaro*

*Usar ke ame velg u vas beno têra, her ca vilik dero, her ca kêwe keno. Miletî çelê zimustoni xora têpia do, endi esq u çêf dero. Tenga girane ra newe xeleşiyê ra, mal u gay kerdê tever. Hewesê weşiye reyna jêdiyo. Çemu de lezgê usari sokin kerdö, gurre gurra... Vengê usario yêno, boa vilikunê kou her ca gureto ra xover. Hewesê kou ra, hewesê waru ra destê mîrîki kar u gurre nêcêno. Wazeno ke kou de yara xode bifeteliyo. Coka yara xora vano Sosine. Eyrâ gore a sosina kouna,*

<sup>8</sup> Lonaliye Harşîye de ju mala wa.

<sup>9</sup> Ju varyantê na lawike ki Sayir Zîlfî ju kaseta xode vata.

sosina verê vora, sosina verê hêniu na.  
Kam nêwazeno ke..! Lawike de serê  
kou de wareguretena usari anora xo  
viri.

### Sosine<sup>10</sup>

*Erê koê serê mao  
Sosina mi usar bo,  
Rindeka jê to bijêro  
Kounê mara cêzamis bo,  
Sarê xo mavêne cizunê to serno  
xorê pa bolmisbo.*

*Erê bonê piyê tuyô  
Sosina mi rast u duz de,  
Nisanê ma jumini de esto  
Taa par u payiz de,  
Vana lao, "Na zaman de, uyo ke yara xo  
çina, maneno duman u muz de"*

*Erê serê koê mawo  
Melema mi jiar u diari,  
Bezna bariye pişta têra  
Vale u puşî sanê verê çari,  
Vana, "Lao mi sera xayinên meke  
Çim meverde dost u vilikunê sari"  
(...)*

Lawîkunê Dêrsimi de gegane çekuyê  
peyêni jê jumini vajinê. Hama gegane  
ki di-çekuy tê-juane yê. Tede poyêzi  
esto, eve kafiya vajinê. Na usil lawika  
cêrene de rind asêno.

Sayir Baba Bedri lawika *Can Gülliye*  
vano. Cira perskerdêna mura gore na  
lawike ki *Bava Sey Qaji*<sup>11</sup> vata. Hama  
lawikera ki asêno ke waxtê '38 i de  
ama vatene.

### Can Gülliye<sup>12</sup>

*Cana mi Gülliye, sosina mi Gülliye  
Çenê leçege berze xo ser, vera ma  
bifeteliye  
Gulangonê xo berze xo verde, bê şime  
vera suma jiariye  
Çenê mirodê min u to bikero, -kivara  
mi- Ana Fatma sıpiye  
Çenê semtêna to zafa, -kivara mi- bezna  
derga bariye  
Qeymaqami resmê mi onto, berdo sano  
çêverê sarayıye  
Çenê qeymaqami resmê mi onto, ardo  
sano çêverê sarayıye  
Avdile pasa amo, dina ma sero kerda  
tariye  
Vana, "çêkê xo bere Pilemoriye de  
têslim ke, serfiraz bifeteliye",  
Cêncêna to marê lozima, pay nanaro  
ondêra Tosiniye<sup>13</sup>  
Cêr şiliye vora, qum kerdo fekê çemu,  
kivara mi gul u sosini dê've arê, ardê  
kerdê zerê qavu  
Vana "lao ti ke yêna dewa ma, dewa ma  
bena suk u çef u veyviye  
Çor roji ke dewa ma ra vejina, dewa ma  
bena xan u xiraviye  
Nê lao, ti ke yêna dewa ma, -ez ke Haqi  
ra dilegu- vore bivorô soa zoni sano,  
çor roji çê made bimanê meymaniye.*

<sup>10</sup> Hetê usulê vaten u ahêngi ra şiyaro lawîkunê Sa Heyderi. Beno ke, na lawike hetê Sayir Sa Heyderi ra  
bêro yîmiskerdene.

<sup>11</sup> Serva Baba Sey Qaji niade: "Sayirê Dêrsimi Baba Sey Qaji", M. Dütgün, Berhem, mare 10, çêle, 1992,  
pelge 62.

<sup>12</sup> Zovina varyantê na lawike ki estê. Sire ke ame, inê ki dame naskerdene.

<sup>13</sup> Tosniye (Tasniye), ju dewa de Pilemoriya. Verira tede Pir u Bayav niştene ro. Baba Sey Qaji rew rew amo  
a dewe, gêna de xo ki a dewe de zewejiyate biya. Dewlete '38 de sîfe qereqol na dewe de sano pê.

*Çêne bêşli dinade zafê, namulê xo  
Elemano  
Xojivê yê kêşî bo, fino ra xo herme, herme de sus dano  
Feqirê de jê yêma ki, baxabax dima têy niadano  
Çêne reê lew nan sirota to ra, jê gostê qirvanu tham dano  
Çêne sermê to zafo, -kivara mi- aqilê to girano.*

*Cana mi Gülüye, sosina mi gülüye  
Çêne kume têvirare, jê zama u vêyvika newiye  
Dewr u dewranê dina rameme, jê pasa u sultaniye.*

Lawikê haskerdene têde hetê cuamerdu ra nê, hetê cêniu ra ki amê vatene. Na lawika ke ita de dame misalo de rindek musnena ma.

*Vanê vore vora*

*Silâh  
yepen*

*Vanê vore vora esto gilê kou  
Yarê mi silêciyo sono duwelu  
La-lao ti ke sona peyê duwelu  
Comerd Oli to marê rew vezô biaro.*

*Vanê vore vora, vora khane sero  
To ju mordema na xanu sero  
Tij biya şiren warunê ma sero  
Gul u sosini biyê têra, ağıwe kota deru  
Ez munete kenu, mordemê jê to ro  
La-lao herêy mekuye waxtê viraro.*

Na hewa **Fide**, Mi Qemerê Areyizi ra qeyd kerde. Hama vatêna dêy ra gore na lawike sıfte **Memê Pîtê Milê Uşenî** yimiskerda, xo sero vata. Cao ke mese-la biya u na lawike vajiya, uza Gomê Mirçi (Mışi), Peyê Vili (nejdiyê Mamekiye de) bio. Pazapun (Q. Areyiz

vano: "Pazafin") dewa ke Piyê Fide (Fidane) tede biyo uza ro. Jêde era dergkerdene minasiv niyo. Çike na lawike de her ci eskera vajino.

### *Fide*

*Erê Fidê Fidê Fidê  
Tew-tew Fidê Fidê Fidê  
Heqo to na yilde mi dê  
Comerd to na komete mi dê,  
Çi qida u quisirê Fide esto  
Arêde biya kokumê piyê mi de  
Arêde biya kokumê piyê mi de.  
Piyo kokim vano; "biko biko!  
Sima ke gos nanê'ro mi  
Yê sima dina de cigera zure  
Yê sima dina de cigera zure".*

*Pazafino Pazafino  
Tew tew Pazafino Pazafino  
Heq bo golê ordeguno  
Heq bo merkezê gogerçino,  
Heq adirê Mili wedaro  
İlam Mile derdê axpinuno.  
Yê mayê ma axpini çinê  
Ju qatiro qirro, piyê di guluno,  
Heq adirê na feqiri wedaro  
Fida mu baxse gelirê ma çino  
Sosina mu baxse gelirê ma çino.*

*Vanu, "bao haq`ra minete bike  
Mile mi esmu hewnê xode diyo  
Vazo; biyarê na çêneke na cayil dê  
No ki isê göyül u muroduno"  
Bao, no ki isê göyül u muroduno,  
Heserê Fide zaf zor kerdo  
Aql mi sare de çino.  
Cerune kokumê piyê xo vero  
Vano; kês ewladê xo nêerzeno  
Kokimo nêçar tawayê dest de çino  
Ondêr tawayê dest de çino.  
Heq adirê Mili wedaro  
Mile derdê zern u axpinuno,*

Miva; Heqo ti ke heqêñ kena  
Qeresawda biya na Xoci rane,  
Qedr u qiyemetê göyüli belka bizonon,  
xoro gino, Mile xoro gino.

Terkut şine Mamekiye  
Cêro amune ke Fida mina binê tüyü de  
Dota qayitê yara xo bine  
Çêna uzağşêni mezurê altun u axçu de,  
Çimê mi ke gineno'ra a meleme  
Ro vejino hirê se u ses xağunê mide,  
Mi va; bao feqir! Ti ke sekena nayê  
mirê biya,  
Eke néana, sonu gerê to konu vali u  
qaymaqamu de.

Qeydê xo u yara xo vezenu  
İlan kenu wertê ejnebu de,  
Resmê xo u yara xo oncenu  
Kenu darde oda vali u qaymaqamu de  
Kenu darde oda vali u qaymaqamu de,  
Fidê destê xo bide'ra mi, to remnenu  
benu  
Sosina mi wertê na aşiru de  
Sosina mi wertê na aşiru de.

Vana lao; "yanasê mi mebe,  
piyê mi sono, gerrê to keno, to benê er-  
zenê hepis, çurmusbena peyê yê cau de,  
Feqir çurmusbena peyê yê cau de".  
Mi va; heqo heqo heqo!  
Diyağ u kunete mi de, diyağ u kunete mi  
de.

**Ismailê Îmami** (Cira Sey Qajiyo Qiz ki  
vajino) ju lawika de Bava Sey Qaji va-  
no. Na lawike hetê edebiyatê mara cao  
de hewl cêna. Hêñ asêno ke zaf-zaf  
khana.

## Rinde

Erê rinda rinda rinda, ti juya ilvandiya,  
Soê rindi dina de zof biyê, ti cira juya  
ilvandiya,

Yara rinde persêna, dismêna Comerd-  
Oli ya.

Vana: Ê zaracê mira vazê, gilê koê  
Dêrsimi ra vore çina, -sosina mi- home-  
te min u torê merga kêwiya,  
Vana: Ez hêñ zonu ke gilê koê Dêrsimi  
ra vore çina, -sosina mi- homete min u  
torê merga kêwiya!

Vana: Ê žarancê mira vazê, cêncêni çê  
xo bar kerdo, khaliye nawa reste,  
çêrçegê cênciye rê hewiya!

Vano: Cêni de verê çêveri de biyê top,  
hêstir de mezal mi nêda ke hala sosina  
mi wertêra kamciya,  
De damay damay damay, sosina mi  
wertê ra kamciya,  
Vana: Lao, korra ve korra xo mi nas-  
keno; zeke çiçêga usariya ke hona ker-  
tugê vore vera newe vêjiya!.

De rinda rinda rinda, ti juya de wêjira,  
Rindi dina de zofiyê, ti darê ciğara ha-  
kim u mira,

Vano: Rindiya ke haqi da've to, ez ke  
nêbi -na Oli bone- kuna vireniya mewli-  
ja to, torê jêde barê to kena giran,  
dina na Comerd u Thalay de to nêvêjina  
binê gunu ra.

De rinda rinda rinda, to juya de ar u  
namuse,  
Guçkê sari ra made, miano bari bipise  
Vana: Lao, qidaê to bijeri mira duri  
vinde, dewa ma dewa de pise,  
Ti qutiya bafine veze veze, marê ciğarê  
têrapise.

De rinde rinde rinde, rinda kivara mi  
runde

Rindi dina de zofiyê, ti zaranca mina  
Hindi,

Vana: Weyê! çiçegê mi ke koti wertê to  
çiçegu, ine sera naê binu rê ko u gêrisu  
verde mendi,

Vano: Torê to ke na tore bo, qeydê to ke na qunde bo; to ma fina'ra jêvegu rus-nena koê Muzir begi.

Vano: Cêni verê çêveri de biyê top, hêstir de mezal've mi nêda, çismê mi tora mendi.

De qêda qêda yaro, de yaro yaro yaro  
De yarê mi persêna, beznêra rindek u kivaro,

Vana: Ti ke sona koti, Haq keder de virêniya to nêaro,

Vano: Çênen çite surota sise serde mîerze,  
qulê na zamani eve çismo, cênciya torê zeraro,

De damay damay damay, cênciya torê zeraro.

Vano: Erê wele ve sima cêniuro bo ke,  
sima cêni ke parşuya çewta,  
yê sima ne sozo ne tivarо.

Na lawika cêrene ki-yê Sayirê ma Sa-Heyderi ya. M. Areyizi arda pêser, kerda rast, çekui sanê pê.

Çê-rêrê, ti ke koti ronisê uza beno ke-mera qori

Çeu barkerdo, dormê ma de ðewi biyê tholi

Zincile xemelna esta ve wertê pori  
Cuanika jê torê, çimê mordemi benê ve kori

Çê-rêrê kelpê mîrdê tote esto famê heri  
Torê saate nêgurêta, kostek bêro bari

Çê-rêrê, usar amo koy biyê ve borı  
Goçê ma barkerdo some yêmê dori  
Erê ez ve tora zumin ra kume ve düri  
Dawêy benê girani, qesêy benê ve zori  
Lewê liska to, tham dano fekê mordemi  
Kirig de jê qerpuza bostanê Qemerê Pori.

Çê-rêrê, mi hawa to sero vata na hewa  
Goçê ma ustö ra, kewto verê kerti Uskela

Lingê mi nêsonê, mi ho çarna tode niada

Zerrê miro ci vêsa, mino lewê na 've pira

Çê-rê, Haq bivêsnö, çê pilonê hetê sima  
Têde haletu wazenê, kês nêkeno camatê ma.

Çê-rêrê, goçê ma ustö ra, some kounê Heydera

Dem u dewran destê mara vêjiyo, kewto destê xorta

Gos'ro ma nênanê, ramenê virêniya veyvika

Zumin ra kume düri, kês quesu u xeveru nêano uza

Zar u zonê mi çino,  
torê esqê ma bivisnine eve perrê teyra  
Rozê yenu, çê simade benu ve meyma.

Goçê ma ustö ra, kerti Uskela de davacêro

Cuanika de jê to, ververê goçê made bêro

Dest berzo destê mordemi, vaxo pêbijêro

Ververê nênikunê mara, va şero goni bêro

Şero destunê ho uwa hêniyê serdini kero

Verê nênikunê mordemi vaxo uwe bijêro.

A sewe rakuyo, vaxo hewnê mordemi nê'ro

Derdê goyili zoro, belka mordemi viri ra şero. (...)

Mikail Aslan

TIRKÊ

ŞÊRÊ MI

Erê tirkê tirkê!  
 Mi tora hezkerd, tirkê  
 Ez xorê Kîrmanciya ra  
     amaybi Qeyseriye  
 Hêñ ebe tîrkiyê xuyê nêmcetiya  
 Mi ke tezene kerd temburê  
     xora  
 Mi ke şuware kerdi berc  
  
 Çimê to bi pirr.  
 To a sîre Kîrmanciya mina  
     bêkese naskerdi  
 To vat: "Khalikê mi tertelê 38'i  
     de nizam bi Dêrsim de"  
 Xo'be xorê servde kerd.  
 Na rêy ti wertê kutikunê  
     Qeyseriye de  
 Zerrya xo eskera kerdi,  
 Mirê biya perrê Ana Fatma.  
 Ez sallêtiyê canê to  
     Mi tora adir tirt,  
 Mabenê saqonê tora.  
     To mira hezkerd,  
 To Kîrmanciya mira hezkerd  
 Siro ke mi Kîrmanciya xora ar  
     kerdêni.

Ti heqberê na dawa nêvecina  
 Şêrê mi,  
 Kami rê çik qarmis kena!  
 Ma ti riskê domanunê ma ~~kiras~~  
     kena.  
 Yanê:  
 Ronê ma, thoraqê ma, pajdoê ma  
     wena.  
 Ar nêkena têi ki  
 Newdariya Kêmalizm ra kuna sor,  
 Hêştay hazar merdunê ma sera  
     Pay nana herdê ma?

Ti heqberê na dawa nêvecina  
 Şêrê mi,

Çi ke dar u berê ma saado,  
 Ti hem vereki de gêra  
     Hem ki vergi de nişta ro, werd!

SANO

Hetê de mi qisiê Xozatio  
 Hetê de mi koo Berz  
 Owo ke asmên lone keno  
 Pêştiya mina timi  
 Zerê xode,  
 Ebe nêweşiya destê minê çhepiya  
     findeteo.

# 38 RA ZU PELGE

*ÇÊNA SEY RIZAY LEYLA*

*DÊRSİM U JENOSİDÊ DÊRSIMI SERO QESEYKENA*

DR. H. ÇAĞLAYAN

Hona ke çêna Sey Rizay qesê ho sifte nêkerdo, ez wazon ke ju di qesu vajine. Ez van 38 ra zu pelge, çike isono maê kamil u kokimê ke 38 de verva qirkerdêne u kolledariye do pêre lete jêde merdê. Xêle pelgê ma ki eve na isonê ma pia merdê. Yanê zonaêna isonê ma nêamê nustene, xanê kutavu nêkotê, eve isonê ma kotê binê hardi. Her merdena ji apê kokim u najniya kokime merdena ju pelga mawa. Hona gênerasiyonê vurenîra tek tek isonê ma weso. Gunê qeyret bikeme, di-hire pelgunê ho bixeleşnime. Raştiya ho biame verê çimunê miletê ho u dina ke, na zulum keş vira nêşero; isonê made ju kolektivo hovirardene pêda vo.

Jénosidê Hermeni u Yahudiu sero xêyle nustey amê nustene. Perloda Almanu "Der Spiegel" Nr. huya 16/15.04.1996 de sero Steven Spielberg u komela iy "Survivors of the Shoah Visual History Foundation" sero ju nusteo de girs nusna. Steven Spielberg Hollywood de rejisöro de pilo. Hemikâ de niseno ro. Ey xêyle filmi virastê. Steven Spielbergi na serrunê peyenu de ju film virast. Namê na filmi "Schindlers Liste" o. Na film zulmê faşistunê Almanu müsnêno. Temia na filmi niara: Schindler ju kapitalistê Almanyao. Schindler wayirê ju fabrikao. Risvet dano Nazi, taê Yahudiu cêno firma ho, na halra ine qırkerdene ra xelesneno.

Steven Spielberg vano, filmê "Schindlers Liste" hayatê mü kokra vurna. Spielberg na film ra têpiq cevê hora 6 milion Dollar dano, na komela ke mü cor name kerde, saneno pê. Eta (gezna) na komele ju serre de 20 milion Dollaro. Na komele de 100 cini u cuamerdi profesyonel gurinê, 5000 tenê ki eve zerra ho bêpere gurinê. Los Angeles ra qeyr, dulgerunê teveri de büroê na komele estê. Na komele payiz '96 de karê ho sifte kerd. 40 tene kameraman lingu sero seyar fetelino, isonê Holocaust cêne kamera, intervü kenê. O waxt ra nat na komele 10.000 cini/cuamerdê ke makina zulmê Holocaust ra xelesiyê, ine de intervü kerdö; i ontê video. Komele hem ki seveta televizyon u mektevu dokumentar film virazena.

Materiyalo ke na komele onto video 20.000 sate waxt cêno. Na komele wazena ke hata peynia 1997e 50.000 intervü bikero. Yanê o waxt ju mordem ançax besekeno 40 serre de na materiyali 100.000 sate video de şérkero. Spielberg vano, hedefê mi uyo ke, isonên na barbarêna Holocaust ne 40, ne 400, ne ki 4000 serre

*de hovira bikero. Her intervü ju raştiya. Gereke raştiye bêro zonaêne ke, ison ver-va barbarên bêro.*

*Tabi ma zoneme ke yê ma sarê Dêrsimi ne 20 milion Dollar perê ho esto, ne ki hona ju instituyê ho, ne ki universita ho esta. Faqat sarê Dêrsim gira gira yêno'ra ho, pelgunê ho saye keno; wazono ke tarixê ho arazekero. Taê cau de komelê ho sane pê, zon u kulturê ho sero gurinê; sarê Dêrsim wazono ke, ho hove ho temsilkero. Nu çiyo positifo. Faqat çiyo ke sarê Dêrsim seveta ho kerdo, hona kêmiyo. Gereke na rae de xêyle emeg sarf bîbo. Gere herkes karê bijero hoser, qenê ju di pelgê ma bêrê xelesiayêne. Zövina darê maê kokimi endi tek ve tek ginene waro, pelgê ho ki eve ine pia ginene waro, benê wele.*

*Pelgunê hora ju di tenu bixêleşnime, tarixê ho bizonime, biame werte. Hêñ vo ke iştiriyê çimunê kokumunê ma peyde memanê. Neqêñ ve haqêñ ra hurinda ho bivino. Jênosidê 38 de Dêrsim de nêjdiyê 100.000 cini/ciamêd/domon ame qırker-dene, telefkerdene.*

*Sey Riza di reyê zewejiyo. Namê ciniya huya virene Elifa. Elife çêna Diyab Ağayia. Namê ciniya huya diyine Besa. Elife ra ses domoni benê: Bava, Şix Hesen, Uşen, Menese, Esna, Dilife. Bava qırımu 38 ra avê Şine de amo kistene. Uşê ve Sey Rizay ra Xarpêt de fiştê dare. İyê bini ki eve bomba kiştê. Bese ra ki howt domoni amê dina: Leyla, Selviye, Qiymete, Ali Asker, Ali İsan, Qereman, Ali Riza. Domonunê Sey Rizay u na hurdi cinu ra hora ju Leyla binê meyitu de wes menda. Leyla çêna Sey Rizayia qiza. 1937-38 de Leyla o waxt 8-9 serru de biya. Leyla sur-gunê İzmir Seferhisar, dewa Bademler kerda. Leyla jenosidê Dêrsimi hem eve çimunê ho diyo, hem ki têde meseley u hadisey ciniya biraê ho Bavay ra, yanê Sekina ra gosdê. Leyla ke jenosidê Dêrsim sero qesey kena, hêñ zonena ke na meseley, o zulum ewru biyo. Her ci jê ewrûyên yêno ayê vir.*

*Leyla surgun de des serri menda. Des serri ra têpia cêra ra welatê ho Dêrsim. Nika wesa, 68-70 serre dera.*

*Ez şiu Leyla diye, a naskerde, tey bine dost. Ayê derdê ho, tarixê ho, zulmê ke amê familia Sey Rizay u miletê Dêrsimi ser, têde qeseykerdi. Na qeseykerdene 19.02.1996 de Almanya de biye. Mi itina musnê ke, her ci, her çeku jê vatena Leyla bêro qeydkerdene. Çekuyê ke wertê nentki "( )"derê, yi hetê mira biyê ci. Taê çekuê senikê ke nêamê araze kerden, ya ki cümlê ke tam nêamê vatene, mi eve"..." kerde ci.*





## NIKA ÇÊNA SEY RIZAY LEYLA QESEY KENA:

*H. Çağlayan: Ho marê naskerdene de; namê tu çiko, tu çêna kamiya, key ama dina?  
Ho naskerdenede ke, ma tu rind naskerime.*

Leyla: Ez'o... Yaşê mi zafo.

*H. Ç.: Yaşê tu... Heya çond serri dera niajni?*

Leyla: Nê ma cond serriyo? Nika 65 liyo, iştê.

*H. Ç.: Yanê şest u phonc serre dera?*

Leyla: Heya.

*H. Ç.: Heya, heyा. Xêyle waxto.*

Leyla: Na çêna mi Sevle ke zewejîye, ez 46 serre de vine. Nawa 20 serriya a zewejîya.

*H. Ç.: Niajni (Ana), namê tu çiko?*

Leyla: Leyla'wa.

*H. Ç.: Leyla'wa, nê?*

Leyla: Namê moa mi ki Elifa.

*H. Ç.: Elifa nê? Namê piê tuyô rameti çek vi, cirê çitûr hitap kerdene?*

Leyla: Domonênde piê mira Ali-Riza vatê. Bado ke dosegê piê ho sero nişto ru -pi-kha likê ho merdo ya- piê ho vato, Ali-Rizaê mino. Caê mi yê Ali-Razayio. Brao qizo. Namê Sey Rizay dardo we.

*H. Ç.: Uza ra nat endi namê ho Sey Riza mendo?*

Leyla: Ya, Namê birayê pil Seyd A ao. Braun  binu ra ju Sey K ko o, ju Sey Xidiro. Nam  ney ki Sey Rizao.  or ten .

H. C.: *Sey Riza en qiz  huyo?*

Leyla: Ya. Pi  ho waxto ke mireno, we iye keno, vano: Ali-Riza  mi hurinda mide niseno ru, niy  bini t de sefkan vejin . Na laz  mi (Sey Riza) hurinda mi c no. O rind vejino, o islam  emin keno, waneno.

H. C.: *Yan  Aleviy n?*

Leyla: Ya. Vano, waneno, baqilo, herke i ogut keno. Endi uza de biray ki raijy . Vato, va roso, ma n wazeme hurinda pi  ho.

H. C.: *Suma  ond way ,  ond biray , niajni? Sey Riza zu rae zewejijo, yaki d  r y?*

Leyla: D  r y.

H. C.: * ond domon  ho biy ?*

Leyla: Ciniya virene ra berde biyo.

H. C.: *Berde? Des u d ?*

Leyla: Ci des u d ! Hiris teney biy , merd .

H. C.: *Hiris tene?*

Leyla: Ya, ya.

H. C.: *Ma nine ra  ond teney merd ?*

Leyla: T de merd . Endi ke ten  biyo kamil, biyo hiris serre, eve xanima hora siyo jiara Horiya Xidiri. Siyo Horiya Xidiri. Uza hewn diyo, vato; c neka tu ke biye, name Dilife pane. Endi Wayir  tu ano hur , y na c , serra bine p manena, waa mi yena dina. Dilife. 'Ondan sonra' Baba beno. Nam  pi  ho nano pira.

H.C.: *Yan  pi  tu -Sey Riza- nam  pi  ho nano laz  hora. Nam  pi  Sey Rizay Baba beno?*

Leyla: Ya. Vato, "nam  ho Bavao". Ciniye qayil n biya, vato, "mireno onci, tu ver  mi ki nam  merdun  ho nay pa, p ro merdi. Ni ez nam  kon". Vato "n , ez Baba nan pira, o (Xizir) to  n keno. Mi hewn diyo, doman  mi h n n mirene". Endi Bavay dima Six-Hese beno. Six-Heseni ki, Malatya ra ju Dede ama c  ma, amo c  pi  mi. Vato, "xanima tu kotiya?" Vato, "n wesa, 'do um' kerd".

"C k biyo?" Vato, "lazeko". Vato, " ylese, nam  mi Six-Heseno, ezi ki Dedeo, oca e ra yen, nam  mi pan . Nam  mi Six-Heseno". Vato, "ma Six-Hesenu n name pa". Vato, "Bavay ra t pia Sa-R stem nanime pira; t ne namo rindek name pira, ma Six-Hese se-bikeme! Six-Hese n name pira". Yi mormeki ardo gulvang do anal ga mi, vato "nam  niy Six-Heseno". Vato, "nu ki Rayver vejino". Lew no pira, vato "wayir  mi vo, wayir  sima vo ke, nu j  tu doseg  khalik  ho sero niseno ru. Nu ki y no c la tu sero niseno ru".

H. C.: *Yan , hur nda pi  ho c no.*

Leyla: Ya, hur nda pi  ho c no. Endi qurvanu, mirvanu ken . D  hira roji maneno, so-no dewu ra  iral g keno ar . Mal keno ar , Peru. Malatya ra amo. T pia c reno ra y no c  pi  mi. (Pi  mi) Vano, "Dede endi tha vinde".

Vano, "ez endi ci zamano amuno, oho!. Ez amune Ferhatu, amune her kos  D rsimi, mi fit hur , mira raji ve". (Pi  mi) endi ano 500 mejda dano ci, tey beno rast, hata Hozat

tey sono. Goliguraê, zonena? Endi 15 goligu, çiyê yi, malê yi danê arê cenê sonê Xozat. (Dede Şix-Hese, Sey Rizay ra) vano, "tu meymanê mina". O vano, "hona zaman esto, hona ez nin". (Dede Şix-Hese Sey Rizay ra vano) "Bê vano, bê!. Buruğe çê mi dera. Ez buruğa Dêrsimi to di. Na memleket de ez fetelio, ne Ferhatizi ra, ne Qoziçi ra, ne Laçiniji ra, ne Demenizi ra, ne ki Asurizi ra kes hurênda tu nêceno. Bingê na Dêrsimi tote maneno".

#### H. Ç.: O Dede vano?

Leyla: Ya. (Dede vano). "Ez Buruğe todi, tu Buruğî ra gore hêreket bîke. Buruğe çê ma dera. Tu payız bê!" Endi nu (Sey Rıza) payız isê ho vineno, olcegê gozunê paku anê, sîknenê kenê dendik; çike niazo, vano bon çê Şix-Hesen Dedi. Cêno sono. Birayê ho ki Teslim Dede, Vahit Dede esto. O (Sey Rıza) nêzano. Şîyo ke, dî hire birayê. Vato, "sona koti?" Vato, "son çê Şix-Hesen Dedi."

Vato, "pilê ho Vahit Dedeo. "Sey Rıza, bê çê ma!, wertenê mao Şix-Hesen". Ma vato, "neyse, neyse ala ravêr son uza. Çike o ki jê mî bîrao qizo, son çê yi."

Tekito şîyo. Şîyo uza, endi topê dormi biyê. "Sey Rıza işte devata mao, Sey Rıza bê çê ma, bê çê ma, ma birayê pilme". (Sey Rizay) vato, "endi neşib hende bi, ez sima nas-nêkon, simaça nêamey Dêrsim. "Niade weşîya mî simarawa, mîron, manon, az u azi rê Dêrsimi vazê!"

#### H. Ç.: Yanê namê welatê ho Dêrsim panê?

Leyla: Ya. "Namê memleketê ma Dêrsimo. Yanê belka zamanê yêno vurnenê, belka... isê Haqi nêzan. İşte mara têpia Dêrsim medarê we".

#### H. Ç.: Sey Rıza vano?

Leyla: Ya. İşte yi Dedi rê vano.

#### H. Ç.: Ya.

Leyla: O ki vano, "wayirê tora xêre!" Vano, "isalla ke Dêrsim xirt beno, beno namo ne-we! Dêrsim hora, yanê Aleviyê, Dedeyê u Pir-Rayverê Dêrsim dera. Nê ma, o kamjiyo ke, namê Dêrsimi (werte ra) dareno we, bê Pir, bê Rayverio!"

Vano, "ez hewn vinon, kitav de seyrkon ke, mî finê dare."

#### H. Ç.: Sey Rıza vano?

Leyla: Ya. Vano, "domonunê ma qîrrkenê. Hora belka ju tornê mî xelesino. Domani mira nêmanenê. Qe, çêneki lazeki..."

#### H. Ç.: Sey Rıza i Dedi ra vano?

Leyla: Ya. Hêñ, yanê Buruğe de qesi kenê. O ki vano, "Haq nêkero! wayirê to nêkero! Ça?" Ma vano, "ez hewnê ho hêñ vinon. Yanê hewn Cebreyilo."

Vano, "ne falci rê inam beno, ne fali rê inam beno. Yanê kitavê tu fikirê berjinê tuyô, qîlawuzê berjinê tuyô. Ez vinon. Mî benê dare ver, erzenê dare. Finê dare. Kam mî fino dare? Elêziz de mî finê dare.

Dêrsim de howt têni, heşt têni ağleri mîde rê. Ez vano, boyâ Haq de ninê... caê ninê... Ni zewalsizê, çâ mîde finê dare? Yanê, ne demek? (Hade) Ez heqsizo. Ni feqîr fikarey çâ mîde darefiyê? Çâ guna kenê vîle mi?" Hakimê Haqe ra vano. (Hakimê Haqe) vato, "nu ki havalê tubi, nu ki havalê tubi, nu ki havalê tubi. Ni têde adirê tote vêsenê." Vano (Sey Rıza), "nia hewnê ho vinon."

#### H. Ç.: Vato, yanê sarê Dêrsimi ki tote pia vêseno?

**Leyla:** Ya. Yi ağleru rê vato. Vato, ça hên vato? Vato, "ma sond werd. Ma sond werd domonêr ra hata nika. Nika ki u sondê ma ki yêno meyda, mao gereke sondê ho ser bême meyda, berime ser. Vatena ma gereke kewe bo. Jê, se ke vaş jil dano, jê vaş jil do. Vake, vatena isoni ke çurre şije, ça qesikerê?"

Endi uza de o Dede haq dano ci. Vano, "sîma ke domonêr ra nia vato, rînd kerdo. Ezi ki sima deru. Ezi ki sima pê cén. Ezi ki sima pê cén..." uza da işte, endi sono yi bırawunê binu, Vahit Dedey de görüşmus beno yêno, yêno çê. O serra Haq a Burûgê cêno ano, ano dano wendene.

#### H. Ç.: O Şix-Hese her serre yêno çê Sey Rizay?

**Leyla:** Ya. Yêno, sono. Çike khalikê ma ki Meletiya ra biyo, Meletiya ra amo. Vano, "Rayver tu na Burûgê sekerde? Burûgê her keşirê mewane, anlamis nêkenê. Yiyê ke çheke qulamis kenê, yiyê ke dizdiyê, yiyê ke her ci de fetelinê, yi Burûgê de anlamis nêkenê. Yi sonê kotiligina ho yazmiskenê. Tu honde qesi juye ke jê tu hên aşirede ileri geleno inere buwane, yine ra vaze niao, niao, felan ca de nia Dedi estê, felan ca de Burûga, Hacibektaş ra ama Meletya, Meletya ra ki arda da mi. Nika ki bêrê gos sernê, Burûgê ra gore hareket bikere, rosê rawurzê. ... Nu Yejid ... eslê İmamu ke çitür qırkerdi... Esle İmamu birna, zaman yêno ke esle ma ki birnenê. Yanê mavazê ke ma yasamis be-me". Burûgê hêni vana. Musliman gereke ruyê İmamşen ra. İmamşen'i seviyor... İmamse'nin xerini veriyor, o gerek u yansın, cezasını çeksin. Eke hên vano, "vano lokmê nêvêreno?" U Dede vano. "Loqmê nêvêreno, qurwa nêvêreno, Rayver". Vano, "Ala bilir, ez nêzon." Endi uzade işte "isalla ke Wayir tu qurwa qewul keno... loqmê vêreno." Eke endi hên vano, nisenê ru non monê ho wenê, çayê ho simenê. Nê vano, "Rayver o çikvi tu...? Hêni çiziyê kote zerre mi. Tu ci zonena ke, (tu) finê dare? Yanê kamji Pasa ma fino dare? Ci zarar reseno ma?"

Vato "işte, ez hên van. Burûgê de mi serkerdo. Wend mi, kitav de mi serkerd, burcê ho-de mi serkerd. Ez, la erjino qırkıka mi."

#### H. Ç.: Sey Riza vano?

**Leyla:** Ya. "Ez gunasız, cinasız." Yanê çiko, işte "Dêrsim" vato. Çiko işte, "ça uza vineto? Ça nino fese nênano ru? Ça tifong nênano ru? Tufongi ki; "zararê mi hukumat rê çino. Horê ho gori kon, hes-verg... A ha, na ju beşli tha fito dare, peki kam mi kışto, vaze?" Vato (Dedi), "hasa haşa!"

Vato (Sey Rizay), "mi hona linga tufongi nêdarda we. Şixê mi ki kot des u di serri, ezu Şixê horê, Bavayê horê -her jurê- ju beşliyê bijeri. Mi vad kerdo. Çike honde domonê mi hên şî, nari ki Haq ni dê mi. Ma sar giredano, va domonê mi ki girede.

#### H. Ç.: Sey Riza "Otuz Sekiz" ra avê şıyo Malatya, amo?

**Leyla:** Ya, ya.

#### H. Ç.: Xêle ave şıyo, ya ki?

**Leyla:** Ya, xêyle raver şıyo. Endi Şix-Hese zewejîya (biyo), bi wayirê domonu.

#### H. Ç.: U Şix-Hesenê Malatya herwaxt amenê, şiyêne?

**Leyla:** Ya. Ya, ya. Xora haqa huya, yêno sono.

Endi Şix-Hesen seke beno des u di serre, cire beşliye cêno. Hewes ra. Bava ki, hora birayê pilo, Bava ki daa rew gureto, hona qulamis nêkerdo. Nêtörêno, vano "piyê mi Rayvero." Vano, "tufong gulanmis meke!. Hêni nano zerancura, nanu têyr u turu ra, zöv hona neşîyo havalude nêfeteliyo.

Endi yeno Urfa, piyê mi. Piyê mi ospor beno, yêno çé Şix-Hesen Dedi, yenê Urfa, yiê binu ra pia.

**H. Ç.: Yanê eve Şix-Hesen ra pia yênenê Urfa?**

Leyla: Ya. Yêne Urfa, uza hire serri manê. Serre sona serre ser ke hona lete nêbiyo. Talîviyê têde. Têde, têde Elviyo. Têde Eleviyo, wayirê Pir Rayverunê, têde agayê ho esto, pirê ho esto, dedê ho esto. Endi piyê mi ve i Dedi ra hire serri uza manenê, hona letê nêbena Urfa. Letê manena, nêqedina. Devam kenê, qesi kenê. İşte her ci anê meyda. Vanê işte na memleket têde hete toderime. Nia Şevazre bize...

**H. Ç.: Şiye Şevaz yaki şiyê Urfa?**

Leyla: Şiye Urfa.

**H. Ç.: Urfa de Alevi biye ke?**

Leyla: Ooo, ne demek.

**H. Ç.: Zonaena mura gore Urfa de Alevi çine?**

Leyla: Estê, estê.

**H. Ç.: Estê vana?**

Leyla: Zafiyê. İşte o ağa uza vano, Rayver çıraklıç çi wazena? Şix-Hesen ci wazeno, tu ci wazana? Vato yanê "seni cîsnî sima dine?" Peru meru nê, pere hêç.

Vato (Sey Riza), "ez mayina cîsnîye wazon. Na mayina ke jên kene, kay kenê, Bavaê hore bon. Thowa xame." Yi vato, "Rayver tu çâ ez teng de pê gureto! Yanê mayin estê ama, dî serriyê, phonc serriyê.

**H. Ç.: Sey Rizay toluyunê hora vato.**

Leyla: Ya. Mayîne wazeno, beno Bavaê horê. Endi neise. O vano, "mayina phonc serrenê esta, kaykena, cirit kaykena, nianena, nianena." Vano, "namê ho cuko?" Vano, "namê ho Dilbera. Serra Haqi ki zêna. Thowa xame made çina, yanê Wayire tu zano. Ez bari mayina phonc serrînê zên keri to di. Kaykêna, cirit kaykena."

Endi anê finê cirit, niseno ci piê mi. O, Şix-Hesen -Dede- ki niseno mayina de bine. O, mayina ke Şix-Hese nişo ci, danê yi, ao ke piê mi nişo ci danê piê mi. Pê qayıl benê. Vanê, "tu ke raja, ninu bide beri lazê horê." Endi nisenê ci yenê Meletiye. Yi birayê Şix-Heseni uza kunê tê, vanê, "ma çâ bê hesayme? Ma vato, 'sima ki şerê talivu ra buwazê'. Talivu danê. Yi mayunu beslemis kenê." Urfa tu zonena... vato, "ma Urfa de hirre serri tey mendime, hona letê nêqedîyo, ma ameyme. O leto bin ki simarê." Vahit Dedi u Teslim Dedi ra vanê, "na oste de hini esto, ma hini ra dot nêşime. A mala bine têde taliviê, têde wayirê goligunê, sima ki şerê jê ma dî serr, hire serri tede vinderê, qesikerê, vaze 'ma filan bêvanime', a sîre mayîne peresiz pulsuz danê sima, cenê yenê." (Piê mi) a mayîne arda, yi birayê mi sero kotê tê. ...zenê ho ki biyo.

**H. Ç.: Birayê tu Bava ve Şix-Hesen ra sero kotê tê?**

Leyla: Ya. Ey vato, "ez con", ey vato, "ez con". Piê mi vato, "layem, çê de sat ju cinisê! Hurdminerê! simarê rusno, ama kurriyê ho ke bi, tu bizê!. Awra, mayîne zaf ciritte mefiyê!. Ça danê pêro? Nu beşli niyo ke, tu vazê; juê torê, juê ki yirê. Na mayina cîsna, kaykena. Ez kotira uza ra di-tenu bizeri biar! Feqir-fiqara gunao, peru nêcenê." (Piê mi) phoncsey mejda do wayiri, (yi) nêgureto. Vato, "toveler olsun, ez Peru nê, ez duwaunê tu wazon!".

Endi yi birawu ke hêñ kerdo, birayê mi Şix-Hesen rê ki vato, "tu Rayvera.

Ez ke merdo, tu tha de nisena ru." Ardo resmê khalik Sey İbrahimi secere ra veto -têde gümüsö- vato, "lazê m' nu ki eminê tu. Bere peê caê hode darde ke. Resmê Sey İbrahîmo. Verde caê ho rafiyeye, rakuye."

#### H.C.: Sey İbrahim piê Sey Rizayo?

Leyla: Ya. Ey vato, "ja (bao) vatena tu kon". O tenê milayim biyo. Bava sert biyo. Bava çığış ke verva piê mide veng nêkerdo, seno havalune horê vano. Vano, "babam 'bunu vermiyor', apê mi 'bunu vermiyor, demiyor ki ben bir yere gidiyorum!'", yanê hiç...

#### H.C.: Yanê vano, (mayine, secereo şemen) dano burayê mi, mi nêdano?

Leyla: Ya. Vato, "va o secero gümüş bîdene mi, va mayine Şix-Hesên dêne". Havalê (Bavay) ho ki yeno cîra vano. Vano "Rayver! Bava vano, o secere bîdene mi, wextê piê mi, pîra vi, khalikê mi pîra vi. Va mayine Şix-Hesên dêne." (Sey Rıza vano) "Layê m' layê m' mayine zêna, jê aê mayine bena. A zêna, phonc serren mayina!" Resmê Khalikio, wextê mayina Khalikio, tey fotograf veto. (Sey Rıza) Ecem berdo, nia zerre çe ho têde ... mor, aslan, qaplan têde emin ra veto, nekesno. Kamke yeno tey niadano, ... (oda) hêñ berreqina!..

#### H.C.: Oda ho hêñ zern u şem ra meqesna?

Leyla: Ya, ya. Ecem berdo, mor tey veto, aslan veto, qaplan veto. Çi têyr ke dina de esto, resmê yine veto boa. Boa kerdo. Endi têde mîlet yeno, vono, "Sey- Rıza ecem ardo, Urfa ra lazê horê mayine arda. Acem ardo oda ho suslemis kerda, hêñ zonena ke yapmê Haqîyo, yê quñ niyo."

Ju mormek Khalu ra -Saycan aña vanê, pile Khalu no- yêno; seke yeno vano, "bowo, bowo, bowo (naza) ceneto! Nu kam nia virasto?" Piê mi vano, "Saycan aña 'maşalla!' vaze, 'maşalla!' vaze." Hama dustê caê piê mide, kose de (dês) qilaşino ra dot vejino. Endi vano, "duwar (dês) şî!" Vano, "thowa nêvi, thowa nêvi, shağê ho vi." (Sey Rıza) vano, "Saycan Aña, tu duwar pîzkhî! ... çengê duwar hao qilaşya ra ama tever!"

(Saycan Aña) vato, "çimê mi nêbi. Wayirê tu zano ke, hora şimşer tu da piro. Çimê tu ki estê. Çimê mi çino. Tu oda (sarayıya) nianene çitür nia kerda (virasta)?" "Nê, ma.." vano, "... Alla bilirki, yanê hurênda mi Ağdato, name Bağdat vejino! (Welat) Dêrsimo. Herkes yêno. Ez Pasu ki dawet (silayiye) kon. Ez hangi aşire vana, dawete kon, bêre eminê mi bîdê. Ezî ki kokumo. Heq mide yardım kêno!" Endi o Saycan Aña vano, "ez çaa duwar bipiskhnine; çaa duwar aqilaşîyo!". (Sey Rıza) vato, "endi çi beno bîbo, hao şî". Sero zaf herc bi. Vato, "na honde emeg ra gore, ma hona serrê tede nêniştme ru, nia bozmış bi." Endi o Saycan sono çê, mal rusneno, vano yanê "rêyna o Ecem biaro virazo". Mali, khaviru rusneno, vano, "Rayver, qırvana Wayirê tuya. Malê tu esto, ez zon. Reyna xebere birusne, o Ecem bêro, a çenge virazo."

#### H.C.: Ecem kot biyo? Kot ronişte biyo?

Leyla: Suku ra ano. Suku ra, na Sevaz ra yeno ke, endi Meletiya de viyo ke...! Nia, roz kiloyê çig-kifte weno, zöv thowaê nêweno. Nê nan veno, nê pêşare weno, nê ki biçika thawa veno, o mormek. Nia honde qîyme rinê ra, işte endi werde ho uyo. (Sey Rıza) vato, "ala şero hêñ vîndero. O ki nisanô."

Beno usar, lazê apê piê mi nia yi ra dot bon virasto. Aliyê Sey-Laşer vanê. İşte bîrayê piê mino pil biyo. Uza bon virasto. Şindoro mao Khalu ki yi ra çêro. Rozê cewres têni çenê yênenê, yi torzenu ra kisenê.

#### H.C.: Lazê apê tu kisêne?

**Leyla:** Ya. Ali kîsene. Nia, hona safaqo, milet perskeno, vano, "Ali tu sona koti, na lêlra, çiko, sebiyo?" Vano, "son Sey Laşer va di-hirê daru bido ma, ban horê virazeme. Ma sebkeme dare ma çinîyê. Yi zimelê qawağı ardê verê çêverê ho, vişt hiris qawağê bido ma". Endi uza de seke yênê, hama u lazê apê mi ki cilede biyo. Safaqê sodiriyo. Vato, "birayê tu nao ame, birayê tu". Yîqrar biyo. Vato, "birayê mi kamjiyo?" Vato, "Pir-Hesen. Zaruge raê". Vato, "ma helê vinde, ez ho têrapişi. Şêrê bon de ronisê, ez ho têrapişi, destunê ho buşı, hona bêro".

Terso cîra. Tav zano. Tav zano, hama paltoê ho cêno pira, fisegunê ho erzeno mianê ho, tufengê ho nia keno ho dest, seke çêver kêno ya, hama zing tha de (peê vili de) danê piro torjen. Nê verdanê tufong bijero ho dest, nê thowê. Hêç çokmîsê hardi kenê.

Endi xebere nêsona. Kes nêzano. Piê mi nêzano, birayê mi nêzano. Kes nêzano. Beno cemê son, milet mali bîrneno ra. Vanê, "zanê, Sey Laşer kisto?"

#### H.C.: Name ho çik viyo?

**Leyla:** Sey Laşer. Vato, "kısto Khalu". Bêbextiye amê, vato, "sonê daru anê, amê kişê şiyê". Yêne xebere danê piê mi, endi (piê mi) buxu nêseno. Bavay rusneno. Sono seyr keno ke, duman bijero, çinike ki ho do sero. Endi o torzêna ra nêmireno, lete ju koto care, lete ju koto ve şêmige, mormek wes mendo. Xebetiyo, tufong kerdo thol, di-hirê de-stey fişegi kerde thol, gize çi biye, test ra cênen. Çike dirbetuno. Çinîyê ho do sero, cewres kardi kerda çinîye de. Endi nu (Bava) milet dano arê, vano, "bêre şerê, hêfê apê mi bijerê. Hem weyva mi cewres kardi sana ci, hem lazê apê mi kışto" -dismeni amê zere-,

#### H.C.: Lazê apê Sey Rizay kisto?

**Leyla:** Ya. Aliyo Sey Laşero. Nâmê ho Aliyo. Piê ho ki Sey Laşero. Vato, "ni çêvesayı ça nia kerdo?" Vato, "işte amo daru, torzenu ra kışto şiyô". Çaa hêñ keno? Yanê şindorê ma gureto. Vato, "yanê bonunê Sey Rizay ra nat yê Khaluno". Yi ki tenê ravêr şiyê. Vato, "ita nêbenê Khalik". Corde ke yêna, hata owa Zaruge yê mao, naver yê mao, bover ki yê Pir-Hesenio. Ju lazê huyo. İşte ardo lê piê mi. Nia qiskêk biyo, vato, "koto ra mi vir, Zeynelê mi biarê, Zeynelê mi biarê tha, tha domonu de kaykero". Ardo, işte o uza xeleşîyo. Endi domonê ho çinebiyê, hora Zeynel biyo.

#### H.C.: Lazê yi Ali?

**Leyla:** Ya. Nia qız biyo. Zeynel urzeno ra çê piê mide beno pil. Lazê birayê apê huyo. Beno pil, endi beno gîrs, beno jê Bavay. Yi rê ki tufong cêno. Yi rê ki mayinê ano (Sey Rıza). (Sey Rıza) vano, "lazê m' Bava şî koti, tu ki tey so! Şî Xaçeliye tey so, şî Xozat tey so, şî Vacûge tey so. Bîfeteliye horê! Hama xîravînên mekerê. Koti ke vezenê ki, sosegê ho mevîrnê. Horê Rayverên bikerê. Çike miletê mao. Dismen dismeno, dost dosto. Sîma cêncê, sonê xeveru geletnenê. Vacûge de her aşire esta: Gêwu estê, Laçinu estê, Feratu estê. Herkes qeyretê ho keno. Sîma hêñ bikerê ke baqîl qesikerê!". Vato, "xevere nina ma, ma tu esta! Xevere hata bêro ma, ma baqîl qesikeme, endi is is ra vêreno ra".

Yine caê kışte? Nu milet endi beno dismen, ho pino. Endi, Bava çheke girêdano, serbest. Ju ki rozê urzeno ra -eve yi hirê teneyê ke tey kışiyê- zamaê ho, ju ki morebaê ho. Ağa, ju ki Weli Ağa. Yi hora havalê huyê, nia cêno, fetelino. Cêno vejino a qula diari.

#### H.C.: Bava, birayê tuyê pil?

**Leyla:** Ya. Safaqê sodiriyo. Eke sono ke, vişt tene nia tufong azno thaê (şenê) hora, Khalunê. Amê ke, Bavay bikişê. Tufong nia azno tha, hêñ...

Nia çêverde vinetê, vato, "wudê wudê wudê (wiy daê!), ni çâê nia kenê? Hama xafilde veng finê ra ho, vano, "Memli Ağa?" Vano, "o çîko, sima amê, kami kisenê?" Bava vano. Vano (Memli Ağa) "Wayirê tu ma kerdime rişa". Tufongu endi top kenê, pê cênenê, anê kenê axure. Yi ki Ağlerê Khalunê. Yanê jê Ali kisenê. Yenê Bavay kisenê, piê mi kisenê. Tabi uza ho darenê we," vanê, "key ke meyman - çiyê ho ke çinê bi, ma hucumê zerê çeyi keme -ma vişt têname- yê kokimi (Sey Rizay) hora destu girêdame, va hora caê ro meşero, Bavay kisême, vejime some. Ma hêf nêverdame. Va hardê made bon nêvirazê. Oda neqesna, nuzo se kerdo. Ecem ardo. Ni zaf isu kenê. Çalgiye arda cinenê." Daha na emine çina, plaqe?

#### *H.C.: Ya, ya. Qeremafune.*

Leyla: Ya. Nia emin nanê ser, vana. A arda, vato, "tüh!.. ma Sey Riza ve Bavay rê eke na bîmano -Khalu vato- bile demir finto jan.

#### *H.C.: Demir bile fito zon?*

Leyla: Ya. Demir fito jan. Nia jê mordemu tey bağırmış benê, qeşikene. Xızır. Vato, "oda neqesna, u honde ban, hîris u di çimêy ci hêneqesno?"

#### *H.C.: Hîris u di çimêy?*

Leyla: Ya, ya. Binê hardi de khomete virasta, ma berê hêne butun têy ronê. Ma herkeş, Peyxamberi kerdê werte çimentoy. A naê ke yenê Kerbala... Çond reyê a veyva ma amê na Kerbalaê lê Anqara.

#### *H.C.: Haci Bektaş?*

Leyla: Ya. Hacı Bektaş. Ma têde nia kenê çimanto, (paço) kesk erzenê ser. Yine binê hardê kesme taşı ra (khomete) virasta, aki neqesna: "Na het yê Şîxê mi, na het yê Bavaê mi, na heti ki yê mi".

#### *H.C.: Yanê hurênda mezele, türba virasta?*

Leyla: Ya. Nia bere hêne tede ronê, astuku -hasa tora- gejikerê, tede ronê. Uzay sero danê pêro.

Endi piê mi vano, "uyo ke sima sero danê pêro, horê tawutê virazê, kunê hard". Çaa danê pêro? O vano, "yê mi", o vano, "yê mi". O vano "ez to nêverdan", o vano "ez tu nêverdan". O vano, "piê mi mirê virasta", o vano "piê mi mirê virasta". Hêne nîza kuna werte, piê mi oncia qapa keno. Vano, "kesê ma ki isala nêkuno ci. A sona hêne manêna". Kesi ki nêkot ci. Tobe bo endi. Di têni domonê Şîx-Hesenî sureku ra merdê, ju howt serre biyo, ju çor serre biyo. Sureki amê zaf giraniye, zaf giraniyê. Ne ilazo, nê thoweo. Domoni endi tenê benê wes, hona zayıfekê thowe nêwenê. Birde mirenê.

Yi nêkotê ci. Nêkotê a khomete. Yi domonê bîryê mi. İşte hêne bi ha!

#### *H.C.: Ma mesela Khalu sebiye?*

Leyla: Mesela Khalu dewam kena, têw!..

#### *H.C.: Peki, mesela Sey Rizay ve yê Qırğu ra çitür biya?*

Leyla: Ma Qırğu -seke Bava kişiya- Şîne vesnê, ha. Mîleti vesnê: Abasu, Laçinu. Aşuru wesnê. Piê mi horê hurênda hode bi. Piê mino kokim!

#### *H.C.: Ma heyâ, yine çâ vesnê?*

Leyla: Çâ vesnê? Bava kişi, zamayê ma kişi; mîrdê waa mi, mîrdê Dilife.



Resim de, Emina, Sekina, Leyla u Hecra asenê. Leyla 38 sero qeseykeng.

Foto: H.Cağlayan

H.C.: Yine çinikê Qırğu ra berd vi, ya ki sekerd?

Leyla: Nê, nê, nê.

H.C.: Ma çutur?

Leyla: Nê çinike çık?

H.C.: Werte de -yanê van- cinike biya, yan çinêbiya?

Leyla: Cinike Rayveri gureta, çiniya Bavay. Rayver lazê apê mino. Rayveri gureta.

H.C.: Qırğu ra gureta yanê?

Leyla: Nê, nê, nê. ...Nu zewejino Sekina sero. Hêz zayfeke viya.

H.C.: Kam zewejino?

Leyla: Bava. Bava zewejino.

H.C.: Bava reê zewejino, ya ki di rey zewejino?

Leyla: Dî rey zewejino. Dî rey zewejio. A Elifa Abasiza, Sekina ki Feratiza, Feratu rawa. Çêna Qaraman Ağay vanê, çi vanê. Feratiza. Hêz zayfeke viye, çinê viye. Hora a hêz zere de howt serri mendi vi, sirê Bavay de. Qe zere ra nêveta tever. Ya bêro meymane rê xizmete bikero, ya bêro meceris! Hêz oda dera. Ju ke yêno, vano, "Ana kotiya?" Cinike yêna, çêneke yêna, vana "Ana bivinime". Xizmekarê ho vajinê, vanê "Rayver izine nêdano. Hawa oda de". İşte vanê, "nao simare yemeg anmê, xizmete kênime, borê şerê".

Endi uza de Khalu benê dismen -o vişt teno ke pê gureto- Aşkerê huyê ha: Lazê Pasê Gulabi Ağayio, lazê Sile Boji, Memli Ağao. Çizon zafiyê! Bava cirê yemeg beno axure, vano, "mi sima jê heru axure de gireday, tufongê sima ki gureti". (Yine) vato, "Rayver

Wayirê ho kena ke ma raverde şime, Wayirê tu endi ma ferc kerdime, endi rişjayina ma arde ma serde. Pêro nişt ve ma, tu ki ama tufongê ma top kerdi. İşte demeke kırâmetâ Wayirê tuyâ. Ma merdena torê ameyme. Ma ameyme ke jê Aliyê Sey Laşeri kerime. Seke Pir-Hesen Ali kiş, ma jê nêy bikeme".

Ma vato (Bavay), "Şix-Hemed Dede isala esto. Çi zina u guna ma esta? Ma amayme na şundor de bani vîrastê, owa Zaruge ra dot simaê, naver mayme". Yanê: çaa yenê haqaretu kenê. Ma têde kewrayme, têde birayme. Nu çiko? Na kewrayên çok, na birayên çok, na dismenayên çok? Eke madem ke sima dismenayên kenê, o wuxt kewrayên u birayên caverdê. Ma o çiko? Sima mara bira vanê, amey apê mi kiş. Na rayê ki amey ez kişto. "Uskîra Erzingani ra uskîre oltunu bîarê -Pasê Gulabi ra vano- dina alem pêheşîyo, vazê, risvet cira gureto, Pas verdo (ra)". U vano, "uskirey mide çinê, wayirê to bo!". "Ma çina çina. Sekena bike? Kotira ana biya? Çekunê tu ki tu nêdanme. Bîterknê şerê! Na memleket reyna tobe kerê. Endi reyna tufong mîerzê qula ma. A raa bine af nêkînme, kisenme sima".

(Pasê Gulabi) vano, "vad bo, wayirê tu verde vad bo! Eke ma endi tufong çarneme sima, wayirê tu tufong biçarno azê ma!" (Bava) vano, "azi rê zowtu mîde. Canê horê, bîrawunê horê zowtu bîde. Az sebikero? Tuya, birayê tuyê, aşira tuyâ. Tu pilê Khaluna. Tu Ağau rawa. Peki tu çira yêna? Tu endi lazê apê mi eve torzêni kişto. Ma thowe mor demê de sima kiş? Ma thowe tufong guret ameyme dewa simarê tecawuz kerd?" Hêñ qesi kenê ke, vanê "vad bo ke, ma ke tufong çarna sima, o tufong bêro ma u azê ma!" Oncia hêñ vano.

(Bava) dê vano, hayde! Ano oda corene, nanê ho wenê, qesi kenê. Piê mi sono oda de vano, "nika Paş meverde ra. Pas moro bê apsuno. Yiyê binu raverde, yi feqirê. Nu Paso cêno ano. Seke bê bextiye Ali kişto... Pir Hesen ki birayê tuyô. Peki tu çâ vişt têni cêna yêna qula lazê mi? Yanê, lazê mi ke cêrê qula ra vejiyo ser, tu ki uza tufong sanena ci. U tufong -vato- azê to gino. Tu herke vana azê mi, salê ezê togino!" Howt laj pira viyê, seke çeku giredanê, seke endi biyê wayirê weyvike (mirenê). Domonê ho qe nêbiyê, nêbiyê nia roz vejino, lîlikâ Mihemedi de tufong oncenô. Phonc têney kerdê thol.

### H.C.: Yi Paş?

Leyla: Ya. Vato, "tu Mihemedi, tu Cibraila? A nia non tora ke, howt lazu bîdê mi! Howt fisegu nan tora!". Nia çengê bani de vineto.

Heq terefinde ciniya ho hirê serri domoni niardê. Uzay dîma endi têdîma nêm serre de lazê ho benê. Howt laj bênen tamam. Hire tênenê ho nia domon biyê. Nia işte vazi, phonc serre, ses serre, howt serre. Yiyê huyê bini ki tenê pil biyê. Namê dewa ho ki Qawaxîğ vanê, çok vanê? Nia dewa de rîndeka ha! Dewa Khalu na. Zaruga name. Namê a xatuna pilê Seydi Xatune biya. Veciya serê boni, vato, "çêvesayêne, el-qomo, der-cirano Pas şîyo hem kiştena pi u laj rê, hemi ki têpia sond weno, vano "fisega ke nan tora, salê azê mi gino!". Domonê mi hirmena nêweşê. Berê boa Mihemedi qırwa bikerê, nêvereno? Nêvereno, juê de mi bixelesiyo, hirê lazunê mira!". Milet têde dewu ra -dûr mür- têde top benê yêne. Nê vanê, Xatu Xatu sebiyo, çiko?

Vana, "wes u war vi". Vana "Pas şîyo qula Bavay ke, Bavay bîkiso, pi bîkiso, Rayveri. Yi ki amê hesir pê guretê berdê, berdê êşte axure de biyê, nari ki kerde tever amê. Têpia Rayver rê sondi weno, vano 'ez ke fisege çarnon tu, azê mi gino!' 'Bî Xu qesi keno. Naê domonê mi hire tenê nêweşê! Qe vîle sero nêvîndeno, mirenê! Têde yêne ke endi ro verderê, ju thomore erzena! Haq dür bero!' Hire têni nêweşê, çar têni manenê. Yine cêno, yêno çê piê mi. O Pas. Piê mi çêver ra nêkeno. Vano, "yi 'bî xu vato, 'fisega ke

çarnon tu, bêro azê mi'. Mî va, az rê zowtu mede. Yi bi-xo pox pulesno azê horê. Mirê sevano? Endi ez nêşikun ke savaj!". Endi cirê vanê, "cirê xete bike, kitav de niade". Ni mirenê. Piê mi vato o Şix xeleşino. Şix xeleşino, yiye bini sonê. Yi mirenê. Endi roz ju, roz dide, çê Paş beno thol, sono. Beno thol sono... Anê, Şixi kenê Kewrayê piê mi. Piê mi qewul nêkeno. Vano, "Pir-Hesen ki Kewrayê ma bi, çaa lazê apê mi kiş? Çaa çinikê cewreşî kardi sanê ci?". Vano, "xiravên simara vejiya. Ez Mihemed nêcon. Horê dismen; her kes çê hode vindo. Eke ho bîpiyo. Eve dostêr sima ma qur kenê. Yê mi hirê lajiyê, yê tu ki howt lajiyê. Vaji, hire tenê tu, hire serre vi, çor serre vi, phonc serre vi, yiye binê ho besli giredo. Zerê tode esto ke, tu qersune çarnêna ma. Tu ama kota qu-la lazê mi ke, lazê mi bikisê, mi bikisê. Ma birayme, ma kewrayme!" Endi uza de qew-ğä Khalu visnenê. Milet yêno, aşır yênenê, zonena. Vanê, "Rayver dawa Ali mekel!". Uza ra têpia qewğä cêvişina. Qewğä cêvişina...endi Khalu her kes çê ho dero. Yi boveraê, ni naverâê.

Na raê ki endi hetê Xozat re fetelinê. Vacuğ-macuge ra nêfetelinê. Vanê, "Khalu yênenê rawu ser, zona? Endi hetê Xozat ra... na Xaçêli u dewu ra hêñ sonê Xozat. Şine ro... Birayê mi aspor beno, des phonc têni tede aspor benê, terkinê sonê. Terkinê sonê Xozat. Hona vore nêvora. Yılbaşıya. Vano (Bava) "piê mi mira vake, rozê Xızırı de bê". Rozê Xızırı ... dê nêverdanê ke. Feratu nêverdanê, milet nêverdano. Ma piê mi mirê bıvatêne, usar bê. Ez çi na asma ... ha Yılbaşı, ha zemperiye! No vejiyo. Hire heştiyo. (Bava perseno) "Ağa tu sevana?" Vano, "Veli Ağa tu sevana?" Vano, "kermê piê tuyu. Mao vatena yi ra roza çarsemiye vejime, phoseme mao uza reşime! Qırvanu reşime!". ... O çêo ke birayê mi tey weşto, çê amika mao. Waa piê mi uza ra, yi Dursun Ağay gureta. Uzara têpia, (Bava amika horê) cirê tutin ano, cirê puşiyenano, yimisano. Heqve goligu ra nano ru, vano "amiki niyo tuyu, na goligê bini ki yê maê! (Bava) vano, "o sene gosto?" Vato (amika Bavay), "qedayê tu bijêr, qırvana Xızırıya ma sare birna, sodira qawu:u onceme". (Bavay) vato, "havalenê non borê, ma qotmis bime!" Lîl muğurbeo, zonena?

**H.C.: Ya.**

**Leyla:** Havalê ho vato, "wiy zerê mi!" O Welo ha! Vato "zerê mi dezeno, ez nêşikun golige ser vinderine. Wayirê tu zano, çokê mi şikiyê. (Bava) "Nê lo-lo ca cokê tu şikiye? Bê mayına mina jêne nise! Linga tu ca nêlewiyo? Mî xatrê Haqi de!" Nia naym doymo.

**H.C.: Biryê tu vano "bê cinise, şime"?**

**Leyla:** Ya. Ağa ve Veli Ağay ra vanê, "ma nêweşime. Ma tha ra nêlewime, sodir some".

**H.C.: Kamji dewe derê?**

**Leyla:** Şine derê. Şine derê.

**H.C.: Nisene ci ke şerê koti?**

**Leyla:** Nisenê ci ke şerê çê. Şerê qırvanunê Xızırı resê.

**H.C.: Koti ra yenê?**

**Leyla:** Xozat ra yenê.

**H.C.: Bava şıyo Xozat, Mudiri vengdo ci şıyo Xozat, nêke?**

**Leyla:** Ya, Mudir vendo ci, vato "bêro Bava".

*H.Ç.: Bava şijo Xozat, Xozat ra cêro ra amo, yeno sono çê?*

Leyla: Ya. Ya, milet têde heşiyô pê ke, Bavay wezirina Dêrsim gureta. Sey Rıza nêlewino çê hora. Nari ki Bavay şila giredo, sono Urfa, sono Xozat, sono her ca ro fetelino, sono Eleziz. Eve a mayine. Ey milet fito teyne. Vato, "Sey Rıza şijo Urfa nêşiyô, hurênda hora nêlewino. Endi Bava fetelino.

O Mudîr ki mi temi kerdo, vato, "bêro, ez Reisina koê Dêrsim dan ci". Xorâ nia sexsa Bavay keno memur ke, uza Dêrsim de qorimis bo. "Qe fisega ho mebero, qe cêpxanê ho mebero. Ez cirê rusnon".

*H.Ç.: Vato kon pilê Dêrsim?*

Leyla: Ya, vato, "kon pilê Dêrsimi. Kon Reisê Dêrsimi". Eke piê ho yaşıyo, eke piê ho derdê cigere diyo. Vato, "Bava bêro, şero". Yi Şineiz ki made hastiyê. U pilê ho Hesen Ağa qewşa Pozvanki de biyo dirvetin. Biyo dirvetin. Destê mara nêbiyo, işte kam çizano, Laçinizi no pira, Khalizi no pira! Pozvank sero do pêro. Pozvank ki nia hora dewa mara nejdiyo. Qozuno (Yê Qozuno). 500 hazar do. Altın do, sanat (senete?) viraste, o Pozvank piê mi gureto, rameno. Qırğu aşira ho top kerda rusna, vato, "emser ki sima Pozvank bıramê. Teyna danê Sey Rızay? Merê dewo! (Yê) Qozu biyê, çaa Sey Rıza bijêro? Ma ki 500 mejda dame. Yine 500 oltun do, ma ki 500 mejda dame Qozu".

*H.Ç.: Qırğu vato?*

Leyla: Ya, Qırğu vato. Yi Hesen Ağay vato, yi pilê ho.

*H.Ç.: Yanê Qırğu vato, na dewe ma bijeme.*

Leyla: Ya.

*H.Ç.: Name a dewe çik viyo?*

Leyla: Pozvank.

*H.Ç.: Namê dewan sima...?*

Leyla: Cao ke piê mi ban tede virasto, mekeno.

*H.Ç.: Namê ho çiko?*

Leyla: Ağdat o, Ağdat. Namê dewa khalik ki Xaçeliya. Uza de Rayverê Seyd Ağay vindeno. Uza de o lazê apê mino.

*H.Ç.: Yanê Qırğu vato, Pozvank ma bijeme, naê sero yinê ve Abasu ra do pêro?*

Leyla: Ya, Pozvak sero do pêro. Qırğu ve Abasu ra. Do pêro. Tabi Abasu zafiyê, aşır zafiyê, yiye ke hetê piê mi cénê. Qırğu senikiyê. Sewe do pêro, sewa bine o Hesen Ağayê Baji biyo dirvetin, ramê şiyê. Ramê şiyê. Têpia Abasu, Laçinu gaê piê mi berdê fitê ci, Bavay berde ramitê. Ramito esto ser, toxum esto, o Qoziz amo. O pilê Qozu, Ağayê Qopi. Ağa amo. Cûre Ağayê Qopi vanê. Amo, vato, "Hesen Ağa 'geçmiş olsun', tu çaa bila sebeb sona puluşına Sey Rızay ro? Pozvank yê mi vi, mi da Sey Rızay. Mira düriyo. Ez taa lê koyê Mori dero, ez Çêmışgêşak dero. Şindorê Abasuno. Şindorê tu ki niyo. Ça sona mîrsku de dana pêro?"

*H.Ç.: Pilê Qırğu ra vato?*

Leyla: Ya. (Vato) "uza tu haqsijen kerda. Hay ke cigera toginêne! Ça bojiyê de soyi şijo". Vato, "mi a qersune darda we ke, oncia a qersune ra yinu bikişi". Qersuna besli viya, darda we. Bojiyê ho ki biyo seqet. Namê ki Hesen Ağa biyo.

**H.Ç.: Pilê Qırğu?**

**Leyla:** Ya. Endi seke o mormek hêvano...o Ağayê Qozu yêno çê piê mi. Yêno çê piê mi, vano, "Rayver mi sanate virasta, Pozvank do tu. Wayirê tu ki hawo o dest ra kerdo seqet, reyna ki ya ginena qafê, ya ki ginena çigere. Têy, Qırğu de tufong m'erze. Qırğu korriyê. Korrê verê çêverê huyê. Lazê tu uza ro sono, çêna tu uza de fetelina. Verê çêverê simao, sima koti ro sonê Xozat?

Tu wayire ho kena ke, Qırğu de dismenayêne meke, mide bîke! Ez cuavê Qırğu dan. Vaze 'wayirê ho hao'. Ağayê Qopi, va Qoziz bêro, xevera ma bîbo. Ez wayiro, ez Qırğıji tora finu düri. Tu Qırğıji de dismen mebe, dost be!"

**H.Ç.: O pilê Qozu vano?**

**Leyla:** Ya, pilê Qozu vano. Ağayê Qopi yo, zaf rind biyo, zaf rind biyo. Piê mi vato, "ez vinderi, Bav nêvindeno. Bav vîndero, Wel nêvindeno". Cêne sonê. "Some Şine vêsneme, some Şine nia kênme. Yi çâ bêrê made müdafa bikerê?, yi çâ bêrê cîta ma bitexelnê? Serre ra nat ma Qoziji ra herino. Sanata ma esta". "Buko, buko, Qırğız korê verê çêverê huyo, fersan vineno, bêbextiya yêno vireniya tu, yêno vireniya zamayê mi, yêno vireniya mi. Nêverdano bifetelime". "Raa Xozatia uza" (Bava) vano, "thowe ki nêkenê". Suro ke sono Xozat, piê mi vano, "hetê Bextiyaru ro so. Sodge re so. Şine mekuye. Va waa mi uza vo". Zama sebikero, zama pere keno? Ağaê (Hesen Ağa) ho esto. O dirvetino. Ey hawo destê fisegi dardê we, ho sero darde kerdê ke -estê çirpi- "ez rakuyi bivini, raurji bivini ke, mi vira nêşero dirveta mi. Ez Bavay bikişi". Hazetê Bavayio. O sono. Sono nia doğu zerê Şine ra vêreno ra.

**H.Ç.: Bava?**

**Leyla:** Ya. Ostoruna, mayununa.

**H.Ç.: Mordemunê ho cêno, sono?**

**Leyla:** Ya. Sono. Hesen Ağa nia verê çêveri de ronişteo, vato "Hesen Ağa, sima ki bêrê şime Xozat! Sima ileri geleniyê, bêrê şime! Mudir xevere da, vato, 'Bava her aşire ra ison bijero bêro'. Nîka ki ez simarê van, yêne bêre, ninê m'êrê".

(Hesen Ağa) vato, "çî isê ma esto mudir de? Eke mudirê Xozatiyo, bêro Deste. Jê muxtari marê oşı bikero, ma terbiya kero. Muxtarê ma vo. Eleviyo, o mara sa vazo. Lazê Hemil marê aqil tokmus keno! Lazê Hemilio axiri!"

(Bava) "Wendo, mîrik biyo mudir. Nîka sima çâ cîra vanê 'lazê Hemilio!'. Mudiro işte. Thowe kes simara mudir esto?" (Bava) vêreno ra sono. Ju Qırğız -dewuz- aspor beno yêno, Xozat de reseno Bavay. Vano, "lo-loo Hesen Ağa nêame?" Vano, "nê nê". (Dewuz) vano "Bava? (Hesen Ağa) vano, 'ez nêy (Bavay) çitür biari firsan (bikişi)?'" (Bavay) vato, "lo-loo mevaze mevaze! U çâ mûrê hêvano. U ri tulego marê. Çâ thowê mi no pa? Qursuna mi viyêne, nat kotêne cî dot vejiyêne. Haq vineno ke, ez qula Qırğu qe nêkotne cî. Fisege mi nêesta".

**H.Ç.: Bava vano?**

**Leyla:** Ya. "Mî qe fisege nêesta. Ez nia hawa ra sanon hêli, hêli yêno war. Mî ke (qurşune) biestêne yi, u tav şiyêne. Hama mi nêesta yi. Qırğu salmêki niştê ru, Abasu ki qu-la derê. Abasu no pira. No Qırğu ra. Ez ver dan cî, van Haq kenê, Pir kenê, Rayver kenê, sima Xızır kenê Qoziji biarê! Qewşa çina. Qewşa mekerime, bêrime hurê! Na dewe -Pozvank- yê Qozijiya. Ne yê mina, ne yê tuyu. Ma horê perunê hora sanate virasta, gureta mormeki ra.

Nika ki so Qoziji biya, perunê ma pêyser bido, sanata ma bozmiskero va todo? Ma raji me Pozvank ra. Mî tufong négureto, qula nêşinc".

(Bava) Xozat ra pêser yêno, xete Hesen Ağay rê yazmis keno, dano havalê ho, vano, "naê bierzê verê çêveri bêrê. Meşerç zere!" Vato, "Pozvank sero ma ça pêrodime? Sîma talibê minê, ez Rayverê simao, sima Rayverê minê. Yême hurê". Havalê Bavay (Weli) xete beno erzeno verê çêveri, sono kuno zere ke, hawa ciniya ho zere dera. Perozo. Vana, "nê Uşen Ağa Haq kena ke -di namê huyê- ça Baba nêame ze-re? Hesen Ağa hao şiyô meterisu, khavir herineno ano, cirê sarebirneno". Vato "ewru yêne". "Uşen Ağa u çiko tu nia kena, xete tha nana ru cêrenâ ra?" (Weli Ağa) vano, "tobe bo! Baba hao vêrdi ra. Haê têde vêrdi ra. Aspar vêrdi ra, ez son". Vana, "(Weli Ağa) Bavay ra vaze, Hesen Ağa vano, 'lêw nano lingunê tora, made hast bo! Ma jê Khalu mîkero! Ma bero axura hode nan mado, ma terbiya kero! Ça vêreno ra, amika ho veyva mawa. Ergane ra Abasu veyvê maê. Çêna Uşen Ağayı Abasîza veyva mawa. Hirê têni çenê Abasu dewa made veyvê minê. Ça seva Posvank...? Seva Posvankiyo sa, ez son axure de vindon, texalet bon... Ez dawa bojiyê ho nêkon. Abasu no mira, Gewu no mira, kami ke no mira no pa. Qewga Abasu de hêñ biyo. Dawa mi kuna çê Rayver'."

#### H.C.: Kamo hêñ vano?

Leyla: Hesen Ağao hêñ vano. Endi uza de vano, "yon kun axura tornê Bavay, haqa nêqa ma bêro meyda".

#### H.C.: Pilê Qırğu vano?

Leyla: Ya, u Hesen Ağa vano. (Bava) vano, "vanê, (Hesen Ağay) deste fisegi corde çırpi ra darde kerdê, vato 'ho vira nêkon, qersuna Bavayia'. Posvank te herkes zonono, mi koti tufong giredo amu?"

#### H.C.: Bavay vato mi qursunê ci nêsanâ?

Leyla: Ya, vato, "ez polon biyu, ez feteliyêne, têde mîlet qewga de bi. Mî vêng da sima, va 'lao Haq kenê, Pir kenê ke, bêrê teqelet bime, qewga mekerê, mordem mîkişê, goni mîrişio; wayiri anime, sanatunê ho bozmis keme, herkes çê hode'. Nê, ma sima qebul nêkerd. Vist u çor saatı sima da pêro". (Hesen Ağa) Endi nişto ro golige ke aspar bo, nêpira..."

(Hesen Ağay) vato, "ez Abasu kisen, Baba qe yêno kistene, Baba yê merdeno? Haq dûrb ero!"

#### H.C.: O pilê Qırğu vano?

Leyla: Ya, Hesen Ağa vano: "Ez Bavay verde nêvineto. -Ala göstermesin-, Şîx-Hemed Dede nêero verê çimunê mi fisega ... Ez çi yi bikişi, erzailo o. Haqi ki bile nêverdano. Khalu ardê, vişt têni pê guretê. Ezî ki tek ju mordemune zerê Şine de. Mî laf Bavay ra nêwerdo, hama Abasu ra werdo, ez hêfê ho cên!" Endi a xetê ki wanenê. Xevere rus-nenê Bavay, vanê "îşte, serrêna beno, serrterêna beno, cîta ho ke darde we, Silaman Ağa ve laji ra -yîqrarê, misayibê piê mino Selman Ağa-..

#### H.C.: Kamji aşire rao?

Leyla: O ki mordemê Hesen Ağayo. Çê Satoğlu raê. Selman Ağa misayibê piê mino, vato, "lazinê ho hirêminê con, yême çê misayibê ho".

Piê mi temey kerdo, vato, "çüyê Haqîyo ke hetê mira mero! ... Ça hirêminê ceno yêno? Ez yon". Hona Şine nêvesa. Baba weso. "Ça misayibê mi nia keno?" Vato "îşte fisega Hesen Ağay wes kerê!". Yanê boji cirê wes kerê. "Dirvête yi ke wes nêbiye, seqet

mende, o ho vira nêkeno ke" Mîsayibê to nia vano. (Sey Rîza) vato, "Bavay; mî çond reê cirê vato". Şîyo Şine verê çêveri de cirê vato, cinike rê vato. Vato, "piê mî tufang mî nêdo, nêverdo ez qewga Pozvank kune. Milet dest de têde tufongo, ez nia boydan amo!" Mi vênda va, "Hesen Ağa, tufong patlatmis meke, Qoziji; Ağayê Qopi ame, sâna ta ho rizneme, perunê ho cême, va biroso tu". Vato "ma 500 oltun ra gureto, tu ki 500 Mejda ra bizê". Xevere thowe marê nêrusna, thowe cuavê ma nêdo. Dêma morde-mu kisen!".

Endi na Rayverê Seydağay ki biyo dostê Hesen Ağay. Çike Heme kista. Endi Rayver ciniye arde. Aşiri top bi, şî cira gurete. Endi Jiarê ki ramita arda. Vato "Jiare ki biarê çê Bavay ra!". Aşiri têde top biyê, vato, "mekisê Hene! Rayver (Rayverê Qopi) mekisê!"

**H.C.: Hene kamjiya?**

Leyla: Hene ciniya Bavayia.

**H.C.: Hene rema şiya Rayveri?**

Leyla: Rama şiya Rayveri. Hire serrio (Bavay de) zewejiyaiya, laz çêna pira wo...

**H.C.: Laz çêna Bavay ra biyo.**

Leyla: Ya, Bavay ra biyê.

**H.C.: Rema şiya....?**

Leyla: Rayver gureta amo Xaçeliye. Endi piê mî esker do arê, ardo Xaçeliye serde, vato, bonunê Rayver, çê me têde vesnon. ... Aşiro nêverdo. Vato, "ça vêsnenê, ça tufong peqnenâ? Tu ke veyva ho qewul kena, veyva ho bizê". Vato, "ez qewul nêkon, lazê mî qewul nêkeno. Nîka ki veyva mî bide, teslimê Begê Aliyê Memedi kerine, pio. Dêwa ma goniya. Rayveri ki çuyê Haqiyô ke, qanê ho mara dür bero! Ya şêro Eleziz, ya şêro wertê Feratu, -moa ho Ferhatîza, ciniya apê mî Seydağay Ferhatîza- şêro çê xalunê ho. Çond birayê -yi hire birayê- bini zerarsızê. Nu Rayver bîrao qizo, nia hora adiresuro!" Lafu weno, vano, "ciniya mina, mî gureta, hire asmiyo di caniya ciniya mî". Eke hê vano, "piê mî birklemis beno. Vano, "lao şêrê bikisê! Şêrê bikisê ni Yadoy! Nu çîko, neyi neşîya? Nu verva mî nia vindeno, zirçeno, vano, 'ciniya mina'. Hire serri xanîma lazê mî viya, laz çenê cîra biyê..." Herkeş cirê vato, "Henê nia meke!" Nia dijdia ardo berdo. "Henê nia meke, Henê nia meke!". (Hene) vato, "hazetê mino ke, dî birazay kotê tê. Qe, va juvini bikisê!" Hora eskera vato, vato "va Bava bivino!". Yanê serr roza Haqi nia viyo.

O ki (Bava), Khalu yênenê çê piê mî serde, yênenê ke piê mî bikisê -yê Şîx-Heseni tufongê ho çîno- o ki yine pino. A ki vana, "niy ez verdu ra, çâ nino? Çâ nino, şêro. Çâ mirê ci nêrusneno, çâ mirê wayiriye nêkeno?"

**Hecira (Gosedaru ra): Çê pi dera?**

Leyla: Ne nê, nê, hora dewa ma dera, moreba lewe derê. Mal u mangeyê lewe de. Xatuna. A dest thowe ra nênnana. Hire moreba lewe derê. Her ju howt mulxuti -laji- estê. Endi ne ise, piê mî vano, "çêna Beg bîdê, teslimê pi kon! Ez (ae) ne bon çê ho, ne ki çê ney de vîndero, çê Yadoy de".

**H.C.: Çê Yadoy, yanê çê Rayveri rê vano?**

Leyla: Ya, ya. (Sey Rîza) "Nia ruyê ho nêcêno, Yejid mirê vano ke, 'xanîma mina. Dî cana'. Peki tu hirê asmi tey kaykerd, nu hirê serri ra ravêr ciniya lazê mina, her aşire heşîya pê, cîra laz çenê estê. Haq riyê tu şakero! Çitûr riyê tu cêno?"



Qenê na xebere mavaze! Vaze 'mî hersunê simara remîne arde' Qenê hên vaze!"

**H.Ç.: O waxt Şine hona nêvesna?**

Leyla: Nêvesa, nêvesa. Bava weso.

Endi camat kenê, cinike danê çê pi. Benê İksor, benê İksor çê Begi. Benê uza, piê ho şyo malê koy. Hazar mala ho esta.

**H.Ç.: Beg namê piê Heneo?**

Leyla: Ya, ya. Hazar mala ho esta, sono malê koy kisenô. Malê koy seke verek de biyo, corde sano ci, vereki corde amo gino ci, mordem esto bine. Vato "Begê Aliyê Memedi malê peskufi amo gino ci, o ki zindan ro şyo. Lesa ho gina ci, erjiyo, biyo pirtle". Merdo. Tabi çêna ki berda. Haq dûri bero! Endi a moa ho berva, vato, "dikê tu çâ nia kerd? Dedê tu (tim) şiyêne malê koy, çâ nia bibiyêne? Nu têde zowtê tuyo! Tu çâ şêrê jiare bijerê şerê? Tu çâ şêrê Rayverê Seyd Ağay...? Bava çêvîsaye nae mirê verdano? Kokê ma ano!". Yê a (yê moa Hene) ki dî lazê ho bi; ju İbrahim Ağao, ju Hemed Ağao. (Hene) Vana, "dirvetê Bavay naê mîra beli benê. Eke o ke ez saykerdêne, heşt de reê amêne (çê). Des roji de amêne. Tu honde mali sekena, çâ kena weyiye? Yiyecegê na mali, nu xatanu çi çinena? Têde mî sero caverdo, sono. Eke ciamerdêna ho mirê çina, çâ ez ardu adırı? Qenê biberdêne caê mağara kerdêne, miğara mirê rete biye!".

**H.Ç.: Ciniya Bavay (Hene) vana?**

Leyla: Ya. "Çâ ez ardu kerdu dewa ho? Herkeşî ez diyo, herkeşî mirê va, 'çêna Begi Bavay arda', halbu ke mirê ki wayirên nêkeno!". Endi uza de, o ki vano "işte piê mî teynao, Khalu dismenê maê, amay lazê apê mî torzen kerd. Nari ki yêne birayê mî Şix-Heseni -hora tufonge ho çino- yêni yi sarebirnenê, Khalu. Bi sürü Khalunê. Ezî ki riyê Khalu ra nêşkinu bêri çê. Çâ nêri? Ezu yon, son. İla ez dî roj de reyê bêri?".

Ondan sonra (Hene) vana, "uyo ke tu hên mirê jêde vinena, yi rozu ki nêwazon.

Rajiyo, Dede Sileman rajivo! Herkes linga huya darde bo. Bize sarebirnenê, linga huya darde bena, miye sarebirnenê linga huya darde bena. Guna mî vilê mide, guna tu ki vilê tote!".

#### H.C.: Cinike (Hene) hêñ vana?

Leyla: Ya. Seke hêñ vana, o boji pê cêno, nia ho sero çerexneno. (Bava) vano, "ne demek! Tu çi wazena?" (Hene) vana, "şila bizê, şila! Şila bizê, mirane!"

"(Bava) Kam tu temey kerda, kam tu fistirmis kerda? Tu fekê ho yanêkerdêne, nu kamo xeberu resneno tu?" Haa vano, "kota vira Yadoy! Yado vano, 'nia bike'." Vano, "tabi, bize ke bêwayir mende, ya vergi de sona, ya wayiri de sona". Vano, "tamam". Vêndano i marabayê ho, vano, "Memo mayina mî bonce! Bonce, ezo yon!".

(Moraba) vano, "Rayver çiko, hona roze derga, na germ çiko qotmis bena?" Vano, "vinde havalê tu hayê non wenê!".

(Bava) vano, "havali non ra mird nêbenê. Xızır sole ağu kero, yinu ra çarno! Son koti, ni qelebendikê! Ni mî kisenê, kisenê! Ala bê, Hene sevana? Hene vana, 'mî hurêndi beli kerda. Ez vergi de son!' Verg kamo? Yado. Rayvere Qop rê vano. (Hene) vana, 'tu ez caverdo, ça Yadoy çinê? Dustê torawo, o ki lazê apê tuyol!'."

Nu (Bava) beno puro, nia çerexneno.

#### H.C.: Pê porri cêno?

Leyla: Ya. Pê porri cêno, nia çerexneno. Vana, "bojiyê mî pêbîzê, en nazik qafika mina, ça porre mî pêcêna? Bikise hora! Bikise, tu ke nêkisenâ, qe tora Bava mevazê! Hora na linge de mi bikisê, ez merdena hora rajiyo! Eke tu ke wazena, Yadoy dest nêku... O zor ra vo ki yêno mî beno. A ha, na jiare ki torê sanate bo! A nawa, nawa itara. Jiarê, jiarê! Jiarê sola destu derk kero, mî bikiso! Mî bikise, bikise! Bikise ke, ez bixelesine! Nêkisenâ, Yado mî beno!"

(Bavay) vato, "ez tora nênan, hama tu ke kota evriya Yadoy! Erê" vato, "nia cêra cor tu têde qersun kon ke, qe cênaza tu nêro meyda!" Bavo vano: "Ez tu hêni beşli versani, komur fekê tora berji! Hama tu esketega, aqilê tu seniko, vanê 'porê ho dergo, aqil seniko'. Tu qan kerda, tu qan kerda! Yadoy tu verde vendo! Çi zamano o yêno, ez zon!"

A vana "wiy, mî riyê yi mormek nêdiyo! Xevera ho mirê yêna. Elçiyê ho mirê yêna. Cini yêne lê mî sonê. Vanê: Rayver vano, 'zera mî cirê esta. Ez seva aê titirmis biyo, yon na dewe. Ez seva aê nia kon. Bava aê rê ciniye nêvano'. Mordemê Sekina (Ciniya Bavayia virene) têde Ferhatunê, o yinu ra nêtorreno. Ferhatu, tu zona, di sey, hire sey çeo. Têde apê huyê, xalê huyê, o çitür Sekina caverdano, yêno leê tu? Nê-rê tu Abasiza, tu sekena? Tu mî bizê!". Qan keno. Na (Hene) nêtorrena ke sevazo. Vana "o ki mî kisenô", zana? Vana, vana "Rayveri rê vazê ke, keyke (Bavay) destê ho sera dard we, keyke vat, cinik horê kamji rae ro sona so, eke domonê ho guret şî, ezî ki o sira halê hode şer kon". (Bava) "Nika nao moreba leê miderê -howt têni- tora sevaji ez, tu biya goni? Tu biya goni, ez torê savaji? Tu biya goni, Haq tu Mara dür bero!"

Endi Bava ke na havadis heşino pê, sono leê piê ho. Sono leê piê ho, Weli Ağay cirê qesi keno. Nia vineto (Sey Rizay ra vato): Weli Ağay vano ke, "işte Hene nia va, nia va, nia va. Hene nia lafi werdi". (Sey Riza) Vano, "a cêna Beg yawase biye, zan fek de çinebi, lao aça hêñ biya?" Vano, "vato: bize ke bêwayir biye, ya verg weno, ya..." "Kheçê, mî kot tu bêwayir werda? kheçê nao howt moreba leê toderê, di sey mala leê tote, domonê minê leê tote, ezu yon son". (...)

Piê mî vano, "laê m' dusmis meve, ez Beg rê temey kon, piê aye rê. Ez niyaz rusnon.

Niyaz rusnon, sebebê nat doti mebero! Linga Rayveri Derê Arêyi ra biburno. Seke Rayver bêro Derê Arêyi, yê mao Beg. Hora raver sono lazunê Begi. Beg hona malê koy nêşîyo. Hona malê koy de nêmerdo. Hona Beg weso.

Begi ra vaze, ya bêro ita, ya ki ná niyaz boro, agyptê ho kero, ver ra şero Xaçeliye. Şero Xaçeliye, vazo, "Yado tu sevana çêna mirê, tu çä kota qeda çêverê çêna mi? Çä namê çêna mi veto?" Zowt ke gina Sey Rizay, Bava vengê ma birmeno. Yê mi dî pincê mi estê, yêno yine ki erzeno owuke. Ez hora gilê dare rao. Ju azo, horê çênu Haq veru, di çêni dê mi. Tu xamê birayê ho niya? Bava hêrsino, Bava ne piê ho say keno, ne birayê ho say keno. Nika ki ciniye veta riyê Bavay; nia vana, nia vana, nia vana." Rayver temi kerdo. Beg vano, "va Sey Riza, va Bava bêro çê mi. Bêro çê mi va cuavê Bavay bido". Oo, dema ke Begi ki wazeno çêna ho hên bikero, arsjê. Tuaf tuaf qesi keno, hên vejino rie lazê mi. Ez hên zon, yanê vevvê ma, ciniyê ma, kes hên qarşı de qesey nêkeno. Na çä vejiya ri? Vato, "va Bava bêro çê mi".

Piê mi vano, "izina Haq ke, tufongê tora çêza torê yêna! Sevaji ez tora? Bava bêro çê tu ke, tu vazê, so ciniya ho teverke! Eke temeykerdena, vaze; va Bava haqber vejio. Ki-seno, verdano? Şero ogut kero, mirê mendo! Ciniya yiya. Mira sevana? Mirê çi! mi çêna da sima, nika ki vejiya riyê sima. Xeveru vana, dema ke suçê sima esto ke, vana. Ma a çä hên bikero? Jua dê ho zona".

A endi, Hena tu hama a sewe çêno sono, Rayverê Qopi. Çêno sono Xaçeliye. Peyde haziro ha. Nisono ostor yêno Qendu, seke roz şî ko ra, vozeno uza çê yine. Ostorê ho çêno, uza vindeno. A esta pê ho, gureta şiya. O sodir xevere ama, vato Hene berda. Vindbiyaiya. Rayveri berda, şiya çê piê ho, kam cızano? Vindbiyaiya. Ya ki ho fito dare. Endi dos kenê ke çê Rayver dera. Ciniya Rayveri ki têpia çêna apê mina. Ju lazek pirao, di çêney piraê. Hona vevvika newiya.

### H.C.: Ciniya virene?

Leyla: Ya, ciniya virene. Na veypa ma ki ayê sera çêno. Ciniye cîra vana, "lo-loo tu Haq ra nêtersena, veypa apê mi arda? Bava tu nêkiseno?"

(Rayver) vato, "ça? Yi verda ra! O cirê wayirên nêkeno. O heşte de reê yêno diyar. Ez roza Haq nan şenê ho ser. Ez leê aye ra nêlewin. Ez qewul kerdo". Endi xevere danê Aşuru, endi danê Laçinu, danê Qozu, danê Vacuge. Bile hetê Mercani ra Aşuru-maşuru yêne. Camatê Xaçeliyo. Vanê, "hêfo, Rayveri çä bikise? Ciniye cîra bijerê, teslimê pi kerê, sono sebeno bibo". Rayveri rê duway kenê, vanê "vêsnenê çê, nêzu sekenê..."

Piê mi vano, "vêsnon ez, Xaçeliye vêsnon!". Vano "vêsnon, çä nêvesni? Na paga piê ma biye, marê kerde zeyir, ma kerdime tever, kerdime Ağdat. Khalu amay lazê apê mi kiş, ma şindor de bon virast. Pêro daway çêverê na Yadoy derê. Nu ke ver nêbiyêne, ma nêkutêne, ma çä nia bikerdêne!. Ma ju birlik çond biray bime? Ju ca de vinetêne. Xaçeliye qocê dewa, hondê Xozati ya".

A endi, cinike veze, veze, veze. Cinike veze teber, adir kenê bonu. Cinike veze, adir kenê... Ferhatu yênenê, hona cinike vezenê teber. Vezenê teber, anê teslimê piê mi kenê; piê mi elde yi camatkeri ra vano, "6-7 serri çê piê hode vindero, howt serri ra têpia, lazê mi ke seva, ez vatena lazê ho kon. Nika vatena lazê mi çina. Na vatena mina. Van, goni mevejio. Çä bikiso esketege? Zorê ho esto, gureta, nika ki camat keme. Aşir camat kenê, howt serri şero çê hode -çê piê hode- vindero, uza ra têpia ki lazê mi hora gurete gurete, nugurete ki surgin kon, va sona kamji memlekét de zewejina va bizewejo". Eke hên vato, Rayver (Qopi) qewul nêkerdo. Vato, "dêma boa mi cîra yêna, aê ra surgin ke-no? Nê ila berê çê ho. Nêbeno çê ho, bero teslimê pi kero. Endi aşiri vajiyê pede,

milet vajijo pede. Vato, "tu qars mebe, rusneno kot, va burusno". Vato, "ez rusnon çê pi. Malê feleki sono çê piê ho". A endi nina çê piê ho. Endi domoni dewe de caverdê, 'bi xu ama. Laz u çêna ho caverdê". Vato, "tu endi sewunê ma caverde! Endi a ça bêro çê ma? Şero çê piê ho! Berda çê pi, roza hireyine Rayver desinde.. (sono lewe)". Honde sond, honde niyaz-qirwa. Aşire de sond werdo ke, "ez nêson, ne ez son diyar, ne o şero diyar. Ma hurdmena ki çê hode vindeme, howt serri ke bi tamam, a sîre ki Haq kérîmo, halê beno. Ya, vato "hiya". Roza hirêyine terkê imisi cêno, niseno ostori, havalu keno ho dima sono İksor.

### H.C.: Kam?

Leyla: Rayver. Sono İksor. Letê de İksori -milet- hetê Bavay dero. Eke Rayver ama, sonê Bavay rê vanê, eke Bava ame, sonê Rayveri rê vanê. Yenê xevere danê Bavay, vanê, "Rayver ewru pesewe İksor de bi. Çê Qilaçi de bi. Hene, nêberd çê ho. Ciniya Begi nêverda çê ho: Vato, 'ma sondê Bavay derime, sondê Sey Rizay derime. Ma nêtorrênme. Ça yêno, ça yêno? Zeke sond werdo, kerme no ru. Nu ça keş tede nêkeno? Nika çêna mira dür videro. (Rayver tu) ça biya qada?' Cinike ki hetê cira nêsiya. Hene şiya pençere ra vêndo, ama. Vato, 'lo-loo nê, nê!' O amo çê Hene. Bavao vano. O ci nino! O hora sifte şio çê Qilaçi."

Vato, "nê, nê, Wayirê to bo. Hata sodir kes nêkot ra. Dewizi têde leê Rayveri de bi, sodir ki uşti ra aspor bi şî. O terkiyê (imis) ki serê hini de kerd ru". Vato, "domonenê bêrê bipisknê, ci ke tey esto, berê borê!" Vato, "ca tey beri! A moe (moa Hene) vê do, vato, "Rayver çêna mi kisenê, tu ça ama?"

(Rayver) vato, "ciniya Begi, seke Bava dest çêna tora no; mi Bavay verde, khalikê ho verde, vad kardo, nia ez kokê yine birnon! Ju muya sarê Hene, ju mordemê yinu no. Kokê yine an. Tu mavaze ke, ... Va bikiso, va bikiso! Yanê boa mi cira yêna kiseno, nê? Va bikiso! O wes bo, bikiso! Kokê dine an. Ez sifte Bavay kison. Uza ra Khalku. Lazê Qiji, çêney têde. Nia isala Haq dest dano mi, destê Mudiri ra kison". A vana, "Haq dest tu nêdo. (Vana) Tu sene lazê apiya, tu çıkış? Tu ne'qa, xayina. Tu çêna bena remnena, têpia defi ki vana, 'ez yine qırı kon, Bavay kison'. Xirabo, xirabo, fekê hora meveze! Sê (sîr ke) Bava qemisê tu nêbeno, tu nêkiseno! Nao wesa wes çêna mi ki arda tha ra. Têdine vatene, 'Hene ke diye, kisenol!' Hama têpia merametê Bavay zafo, yê piê ho zafo. Vanê, 'Aşiri tü kenê ma. Aşiri mara xeveru vanê, kurşî ma nêdanê. Ma ke cinike ve lazê apê hora bikişime, endi marê 'mereval' çino'. Vanê, 'wela miro simarê vo! Sima ke mordemê rind biyêne, ho ve ho nêkotene juvini, cinike sero juvini qırı nêkerdene!'"

(Rayver) vano, "erê erê tu vinde! Vinde tu meve zere, tu çêna ho pê ho sane, tu Bavay biya! Izina Haq ke, Hene mirê manena!" Sono. Sono, kuno rae.

Bava endi lîl ra qopmis beno, sande reseno İksor. Eve yi Ağay u Weli Ağay ra. Yenê İksor, lîl u muğurbeo. U heti deri ro yêno. Mayına hora yêno war. Sîrp, sîrp, sîrp goligi yênenê be hini ser, têde topê dormi benê. Vanê, "na mayına Bavayia, Bava kuyo?" Vanê, "Bava made niyo, Bava nêamo. Ez nişto ci amo. Amo ke ogutu bikeri. Ciniya Begi rê, Hene rê. Ez zamayê (Weli) huyo, nu ki morebaô huyo. Bava nêame. Goliga ho dê ma, rusnê".

O ki yoxro ke u het ra amo -bonê ho hetê sereniye de biyê- çêna gorre de biya. Vato, "da dayê, Bava nao ame! Mayina yi biye, nia ame, ala bê so hini". Vana, "nê, ma ça some leê Rayver? Ma ne some leê yi, ne ki some leê yi. Morebaê ma çino. Ma sondi werdo. Sîte lazê mino, mi sondi werdo ke mereva ne Bavay rê kon, ne ki Rayveri rê kon".

Vato, "çêna mi ki çê mide vindero howt serri, bon teslimê Rayverê pili kon".

### H.C.: Teslimê Sey Rizay?

Leyla: Ya. "Teslimê Sey Rizay kon". Seke a (Hene) buros cêna gore ra urzo ho ser -nia beno çêveri ro, çêverê gorre de- hama pê dest cêno (Bava). Pê boji cêno, hên pişto ke- no kişte'. Endi hên vanê, zuro rasto, vanê vato (Hene), "tu mi ke bikisê puan cêna, bena gûrs? Tovevo, tu ayni o tip de manena. Bikise, haqli, haqsız Haq zano! Haqa mi tora pers bena!".

### H.C.: Bava Hene uza kisenô?

Leyla: Ya, kişa. Bava Hene uza kisenô, havalê ho endi goligu cênenê, hini sera qotmis benê. Muğurbeo, sono. Raa ho dewam kenê, nêvindenê. Sonê, (Bava) yi havalunê hora vano, "nê la-lao sima lal vi? Kherr vi? Sima bîvatêne, na cinike mekise! Belka wes mendâne. Ju pişto ra a mirena? Sale miane rawa, pêş (kinci) piraê, têrapiştiya! Fisega piştoy nia honde ra. İmkani yoxtur, belka Şîx Hemed Dede korr kerol (Bava) Ez inam nêkon. Hata ez amune, nia dest est bi çêver vinet bi".

A nêmerda, Dêma ke diyagliye biya, vato, "megini wertê gorra mali". Endi moe resta: "Dikê! dikê! Henifa mi! Henifa mi!" A seke kuna vîra ra moe, hên tey sona. Vana, "Bav! Bav!" A vana, "kam tu kişa?" A vana, "Bav ez kişti!".

(Moe) vana, "domonu vake, goliga ho thole biye. Ağa nişto ci amo, Weli Ağa nişto ci amo. U kot ra vejia?" Va, "se ke mi bures guret ke şeri cor, pê thayê -pê bojiê- mi guret hama kaleka mide ont, va ke, 'tu sona Yadoy cêna, nê? Tu nia kon, çimunê tu nia hawa ra verdan'."

### H.C.: Hama Bava pêcoy posema biyo?

Leyla: Ya. Posman biyo. Endi amo çê de merediyo ra, ne weno, ne qesi keno. Gino binê orğane ro, bine ra nêvejino. Piê mi vajino, bêxevera piê mi şiyô, kişa. Bêxevere şiyô kişa, vato, piê mi nêverdano, bikişi. Eke Apê mi (piê mi Sey Riza) ke heşîyo pê, o (Rayver) şiyô, leê Hene, vato, "va şiyô, şiyô, sekero sene ci werdo? Şiyô çê ciranu!".

### H.C.: (Bava) bê xevera Sey Rizay şiyô?

Leyla: Ya, ya, bê xevera piê mi şiyô. Sey Riza ke bizonêne, verdêne şero bikiso? Nêverdêne. Vatêne, "esketega, yanê tu ke kişa, milaket tora kuno dür. Mara kuno dür. Ma niyaz qurwa werdo".

"Ma aşiru de, çê piê ae de, dest nêname çêna tora. Bere çê hode beslemis ke, 5 serri ra têpia camat keme, ala o cêno... Yaki surgin kon, sona cao bin de zewejina. Ma hên kerme kerdo". Ağa sono (Sey Rizay ra) cîra vano, "Bavay Hene kişa ewru sande. Ma şime ameyme. Rayvero Qop sewa vîrene amo uza. Hene nêverdo zere". (Sey Riza) Nê lo-loo, eke nêverdo zere, çâ sono kisenô?" Hene ki vato, moe ki vato, Bîrau ki vato, çuyê Haqîyo ke, mero çê ma". Vato, "nêverdame (çê ho). Ciniye, ciniya Bavayia, howt serri ra têpia beme teslimê Sey Rizay keme".

Endi (Sey Riza): "lao, lao, lao buko tu çâ hên kerd? Buko tu çâ hên kerd? Lazê mi tu gere ke pers mi fitene! Tu ke koti ro şiyêne, vatene ez na filan rae. Na rae torê şeletiya! Milaket tora ki kuno dür, mara ki! Endi kefenu têpia cêno rusneno, nan rusneno, ro rusneno, medağê ae bide!".

### H.C.: Sey Riza?

Leyla: Heya. "Veyva mi wedarê, adam aqilli!". Wazenê ke biarê ve Ağdat, biarê Pir Bavay de wedarê, nêdano Begê Aliê Memli. Vano, "ez çêna ho tha dan we".

**H.Ç.: Piê ho (Hene) hona o zaman nêmerdo?**

Leyla: Ya, hona nêmerdo. Pi uzay dima merdo. (Pi) vano, "çêna mîna, Yadoy bêrda, - sima arda teslimê mî kerda, nîka ez wazon çêna ho leê hode wedari". Endi kefenu mafe-nu, non mon hetê ni ra (Sey Rizay) danê. Xoci rusneno dewa ma ra. Xoce Seydalîyê Rayveri piê mî do wendene, xoceo, meytu dano we.

**H.Ç.: Piê tu do wendene, derse da ci?**

Leyla: Ya. Tew, nê piê mî neçeler dê wendene!

**H.Ç.: Yanê eski yazi zonene?**

Leyla: Ya, ya. Eski yazi, yeni yazi. Bile na bîrazayê mî wendo! (Sey Riza) "Ax, ax, aax!" vano. "Endi milaket mara guret! ..Mî va, 'lazê mî (aye) meki-se, va uza howt serri vîndero, camat keme, ala kam cêno?' Mî ke goni bîvetêne, a deqa de Rayver ve aye ra kiştene. Ma, ma çâ niyaz de vineti me? Ma çâ camat de vinetime? Nu çâ şî sond sikit? Nê buko buko, tu na rayê Haq rizna! Urze so Xozat! Kîncunê ho bîvurne..."

(Bavay) Ri-miyê ho nêterdo. Vano, "ez asê ciniya ho oncon". Vato, "ez çî qemis biyo, fisege nê pira?" U pişto esto adir.

**H.Ç.: Bavay?**

Leyla: Ya. "Malê kutikê şiat, a linge medariyêne we. Mî linge çaxmis kerde, posema biyo. Eke linge nêdariyene we, xeleşiyêne şiyêne!" O (pişto) esto adir vêsnö. Çâ wanena? Ma, Hene kişa, o dişmeno. Nê Rayver, Rayver tu ciniya ho kişa, thowe pişto kişto? Ma, tu meşiyêne, tey beçike meontene. Ma, nari çiko?

(Bava) "Ma nari ki, adir koto mî, nêşikün. Ezo seke tiram sereo, nêşikün. Ezo nao tha... Ez ya ho kison, ya ki caê ro son". Endi na ciniya huya Ferhatize vana, "so çê piê mî, so çê xalunê mî, çê Cêmşî Ağay, so çê Miçi Ağay, so çê Hemed Ağay. So Ergane, so Ser gedige, so dewunê çê piê mî bifeteliye, Rozê Xızır de bê". Ma çiko, tu kişa. Guna dayê vîle Rayverê Seyd Ağay de bo. A ke ret bîvinetêne, tu ki nêkiştene. Mira sevana, çâ honde efkar kena? Riye ho bîtere, kîncune ho ravurne! Dêe!

Sono. Nisono golige sone. Hata Rozê Xızırı vore nêvorenä. Nia de taliyo. Vore ke bîvorêne, o (Bava) Xozat de mendêne, o (Bava) ki nêamene kiştene.

Endi ke nêvîndeno (Bava), havalu cêno sono Xozat. (Leyla kesrete oncena) Sono Xozat, vono "vînda piê midê ala". Vano, "apê mî ala sevano, ez key bêri, belka vori vorenê".

**H.Ç.: Natra sono Xozat?**

Leyla: Ya. Vato, "key bêri?" (Sey Rizay) vato, "Rozê Xızırı de tha be. Rozê Xızırı ca meverde, bê. So uza vinde, car heşt".

**H.Ç.: Cor uza kot vîndero, yanê?**

Leyla: Xozat de.

**H.Ç.: Kam cira hêñ vano?**

Leyla: Sey Riza.

**H.Ç.: Piê tu hêñ vano?**

Leyla: Heya. Vano, jêde mevîndero, asmuna, çar heşt vîndero, bêro. Endi o ki qewul keno.

**H.C.: Mudiri vêndo ci coka sono, yaki?**

Leyla: Heya, heyah, mudiri vêndo ci ... heşye pê, vato, "xanıma ho kişa".  
 (Bava) vano, "belka mî dane cêza, belka mî rusnene Elaziz". Vato, "mudir thowe nêke-no, tu so cirê hemiye anlatmis ke, o tu nêrusneno Elaziz". Endi sono dayra mudiri, me-reva keno, yi goligunê ho bêno giredano, endi zere de nisenê ru qesi kenê, rozê hata son, beno verasani, niseno ci sono çê Cêmşî Ağay.

**H.C.: Şiyo Kozat, Kozat de mudiri de qesey kerdo, uzara sono çê Cêmşî Ağay?**

Leyla: Ya.

**H.C.: Cêmşî Ağa kot vindeno?**

Leyla: Dewunê Ferhatu Qelecûge de vindeno. Zankirage de vindeno.

**H.C.: Kamji aşire rao?**

Leyla: Ferhatizo. Xalê ciniya huyo (Bavay). Xalê Sekinao. Ciniya ho ki hora çêna xala huya. Ciniya Cêmşî Ağay. Endi sono çê aye (xala ho), vana "tu çâ nia kerd, tu çitür qe-mis biya? Rayverina tu çike vo?" Ciniya Cêmşî Ağay vana: "Tu endi şila gureto, ciniya ho kişa. Dî domonê ho sey verdê. Tu endi kam nêkisena? Bê ma ki bikise!" Vacina pe-de. Dusmis beno. Vano, "mî ki şeletite, endi ez nêşkiyo gotürkeri, Narxatu". Name ci-niya Cêmşî Ağay Narxatune biya. Vano, "mî endi gotir nêkerd, mî mordemê ho (Rayverê Qopi) nêkiş, zorê mî şî bedenê mî. Ez qayt biyo ke, honde qırvani, honde aşi-ri top biyê, qe tobe, têpia roza bine niseno (Rayver) ostor sono uza (leê Hene). Uza ki nêverdo zere. Beno goni kuno çêver. Ewru nêşero, meste sono. U ri pêto heneno ke! Mî ki, şiyu kişte ciniya ho. Bê vatena piê ho. Mî keş ra nêva, mî cinika hora nêva, mî moa hora nêva. Bê veng ez terkuto şıyo, mî kişte".

(Narxatune) vato "tu rind kerdo! Tu ki mirena!" (Bava) vano, "ma kuyo? Ça nêmuri? Nişa hêdele nêkuna mî, adiro khila. Çimunê mî verde dina biya felekê mî, van ho bi-kişi. Ez nişto mayine, İqsore ra qopmis biyo -se ke mî a kişte- nia honde topê adir fekê mîra pera. Ez nia verde seweşîyo, versimşero nia mayine yêna, mayine ki eve lingu hêç çokmis biye, nia honde adir fekê mîra pera, uza vergi guret şî. A lêl de". Vato, "Cêmşî Ağa nu çiko?" Vato, "hora mî nia eskera di, servê wayirê to bo!" Vato, "milaket mîra kot dûr". Vano, "rind biyo! Ça sona a esketegê kisena? Belkia heqlîya? Haq zano. Ha-ma berda, belkia zore berda. Belkia vato, tu kison, zora berda. Belkia vato, çenê tu ki-son, esketega, tersena tey sona".

"Mî qe inam nêkerdêne, mî vatene, eceba jê a cinike qul esto? Yoxro ke temey kerda veta mî ri ser. Bize ke yaban de mende, verg weno. Ya ki wayiri de sona. 'Tu ez yaban de caverdo. Tu nîka çâ kota mî dima. Mîra dûr kuye! Mîra dûr kuye, ez endi torê qule nêvon. Ya ki mî bikise!'. Ez biyo porr re, mî sanê ra, qe vat 'mî bikise!', juna nêvatêne. Deste mî ki nişt ci. Qayt biyo ke, Rayver hao aê de şî, a, mî ki şıyo kişte".

(Narxatune) "Nê ma tu çâ u nêkiş?" (Bava) vano, "piê mî nêverda". (Narxatune) "E, piê tu nêverdano, vaze 'bao, nu nao dismeno, ma na nîka cîra gureta, u aê verdano ra?" Na rae ke dima fetelino. O canêverdano? Bikistene!" (Bava) "Apê (piê) mî nêverda". Endi nu (Bava) Ferhature qesi keno, oxroke nu Rayver mavenê Hesen Ağay u ho vira-zeno. Dismeniya! Aspar beno, yêno uza.

**H.C.: Rayvero Qop?**

Leyla: Ya. Yêno Şine, vano "sanate virazeme. Şeşt oltunê pilu torê kon senate, Bavay bikise! (Bava) yêno tha çê amîka ho. O zöv caê nêvezeno". O vano, "ez areo, o hevo. O

na raê ro yêno. Raa dür ra nêseno. Na rae nejdiya, keme wa". Yêno çê amika ho sewê vindeno, ...

**H.Ç.: Bava endi çê Cêmşî Ağay ra yêno Şine?**

Leyla: Zimistano endi, qopmis beno yêno. Yêno, vore çina. Linga goligu gurina. Keska a vore buvorene!...

**H.Ç.: Bivorene! O zaman niamêne?**

Leyla: Niamene. Golig niamêne, eve lungu ki nişkiyêne biamêne.

**H.Ç.: Bava yêno Şine çê amika ho?**

Leyla: Endi goligu bêne zere, vano, "amiki, nu haqve hêsa tuya, yê ma ki uza rone, têy bon. Niyazê Rozê Xızırı yo tey, kincê domonu-momonunê mi guretê".

(Bava) vano "nê amiki o çi gurvano?" Vana, "ez gadaye tu bijeri, gîrvana Xızırı ya. Sodir qawute xasêneme". (Bavay) vato, "hervi nan meymanunê mirê cike, Ağay u Weli Ağay rê, yiyyê bin va şerê vinderê. Nan nanê cide va tevera borê. Ma qotmis bême. Lîl muğurbeo, ma qotmis bême some. Ma ewru şime Qendo, meste hama rozestene de ez Ağdat dero". Ağa ve Weli Ağay ra dane horo, vanê "ma gost nêwenime, nêweşime. To-be bo, gost çîko ma çıkışme? Zaniyê ma ninê ma ver, qorê ma ninê ma ver. Pepug marê veng nêdo ..." Nêweşiyê.

**H.Ç.: Yiê ke leê Bavay derê?**

Leyla: Ya, yiê ke Bavay derê.

**H.Ç.: Mordemê Bavayê?**

Leyla: Ya. Ju zamayê huyo, uyo bin ki morebayê huyo.

(Bava) vano, "nê, lo-loo simarê se vi, qotik sana sima? Mayına mi nise, qatire ke torê xîravin yêna! Zaniye tu çâ bisikiyê, zere tu çâ bidezo? "... Vato, "loo çarixunê, lastikunê hu mevezê, ma some, ma tha nêvindeme".

Ferhatu vato, "meyma meve! Tore terso. Lafunê tu wenê, nêvanê ke Rayver sanate virasta, nia risvet do Qırğu". Vanê, "nia tevera vinde, Şine de mîvese! Dîsmeno! Hêfê qersuna ho cêno. Lazê apê to ki dîsmeno, o ki tu kiseno. Tu cinika ho riyê eyra kista. Tu wes nêverdanê, tu kisenê. Yêne dijdia tu kisenê. Tu se ke nişta mayına ho peyra nanê tora, sona". Vano, yaw çâ dina kenê heser meser!. Yanê, qe çim keş ra çinê? Sebiyo? O kamjiyo thorreno yêno kuno peê mi, nano mira?"

Ya, ... Haqi ra bêxfilo. Amike vana, "Weli Ağa! Ağa bêbextiye mekerê! Nanê ho borê, nêwenê urzê ra! Urzê ra birazayê mide qotmis vê!"

Aê ki şife dardo we. Aê ki şife dardo we ke, (birazayê hora vana) "qedayê tu bijeri, so tul!. Tu bê vatena apê (piê) ho cinika ho kişte, nari ki qırvanê Xızırı cameverde, so! Xızır tu bixelesno belu ra, qedu ra, Dîsmen ra!" Crê duwawu kena. A, nêwurzenê ra. (Bava) "Nê lo-loo çâ nêwurzenê ra? Ma vato, tu so. Ma, o (Bava) sono?" O ki cizmunê ho vezeno, niseno ru. A pilake vezenê, cinenê.

**H.Ç.: Lawiku vana, cinena?**

Leyla: Ya, lawiku vazo. Endi cizdanê ho vezeno, "çewres altun mi (Bava) qulp kerdo ardo. Hene rê. Mi taa usar rusno ve quyumci, qulp kerdo, nika ki, mi şine, nao ard. Ha-la se kere, Hena mi nia serrao. Mi Hena horê masalla virasto".

Endi taê berbeno, taê vindeno, taê milet yêno lêwe berbeno, cini-mini.

Vanê, "Rayver! Rayver milaket herediya, tu ca cinika ho kişte? Okê a cinike! Xatuna henene yêna kistene? Tu ci qemis biya?"

(Bavay) vato, "kerd şî! Sebikeri?" Ma têpia roza bine terkuto şîyo (Rayverê Qop ker-mêe muleti say nêkerdo, desinde şîyo leê Hene), mi ki qarunê yi ra, kişte". (Vanê) Ma tu Rayver bikiştene, xêr-qewul!

Endi hên hurênda hode hewn ra sono. Urzenê ra ca finê ra, kuno ra. Beno safaqê sodiri, vano, "lao urzerê! Zerê sima nêvinet? Çokî nêamey sima ver? Sima Tasnage de nan werd, sima Kırnige de nan verd, sima hona mird nêbiyê? Ya ki ma ameyme îha metterisu. Eee? Na ki Şina. Ma, nu çiko? Ling ve linge nan wenê. Têpia sima vanê, çokê ma şikiyay. Urzerê, na rae ki urzerê qopmis vê! Safaço, safaq! Tij estene de gerek ez Xaçeliye ra raveri".

A, urzenê ra. Endi goligu ki pesewe ci keno ver. A, sonê zêñ nanê puro, gêm kenê fek, anê nia doğru verê çêveri.

#### H.C.: Sodiro, endi urzenê ra ke şerê?

Leyla: Ya. Sodiro. Urzenê ra, goligu ancenê, zêñ kenê, gêm erzenê vile. Yoxro ke, a nika na çêverê axuro, u ki qatê seri dero. Corde yêno.

#### H.C.: Kam qatê seri dero?

Leyla: Bava. Eve havalunê hora. U wayirê çeyi ki şîyo, goligi ontê verê çêveri, zêñ kerdê, palon kerdê, ardê verê çêver. Nia kişa çêveri de honde mağzala da ya (ra). Nia waxto ke -balkono, şîya yanê- (cêr binê balkoni de) goligi tey fetelinê, berzo. A, hên uza de, yine nêzano, takip nêkerdo, nêzano ke duwar do ra. Nia honde duwar do ra ke, uza ra Bavay ra no. Eke se ke Bava "ya Şîx-Hemed Dedel!" vano, linga ho erzeno zengi, ho erzono (mayine ser), hama 'taql! fisege erjina. Nia yêno war, vano "lao (na fisege) koti ra amê? Pepo!" Vano, "Bextiyaru amey!", zana. Nia qarşı ki koo. İ havalê ho vanê, "itara amê, na dêñ ra amê". Vanê, "Wayirê to bol!".

(Bava) vano, "mayine pêyser bonce! Duwar ra se yêna, kamo? Lao defê axure kuyê!" Yi havalê ho, Ağa ve Weli Ağay ra hama çutêna çêver kenê ra, kunê axure, nia sêr kenê ke, hire teneyê gerekmezi haê zere de, nia tufong dest dero, verê qulike de vinetê. Yanê "Bava mayine niso, tey bos keme". Hama a linge de, o vano (Weli Ağa yaki Ağa) "Bava hirê teniyê!". Vano, "ju Rizê Al-Bavayio, ju Silê Alte, ayi bin de nêşkino sevazo, hama nano pa. O Silê Alte nano pira. Yiê bin sas biyê, vanê "çimê ma nêvinene!". Vanê, "qılatet nêvineme!" U Silê Alte vano, "lo-loo bidê mi, bidê mi!".

#### H.C.: Uza de nano pa (Bavay ra)?

Leyla: Ya. Qersuna juye ginena mayine, juê ki ginena bêrikê çepi (bêrikê Bavay) (Bava) yêno war, a tamam! A, yi eminê ho -havalê ho- ki uzarê. (Bava) vano, "lo ca vinetê? Nê lo mi pine? Qersuna mi fenawa, hetê çepo. Qersuna mi nêperra. Sima mi pinê, ne goni vejina, ne thowe vejino.

#### H.C.: (Qersune) gina Bavay)

Leyla: Ya, gina Bavay. (Bavay) vato, "mi caverdê, şerê ha qarşı ero! Şerê, nika têra bêñê, yêñê sima ki kisenê. Sima endi derdê ho bijerê, ez endi şîyo! Welo!" vato, "bivozde!" Vato, "Ağa bivozde!" Vato, "na bin ro, na bin de kes çino!". Yi hirê têni ki axure derê. (Bava) vano, "ni havalunê ma (mi) ke na pira, yi ki hora tufong dot ra haziro, nanê nine ra". Vano "loo qarsê uzay mevê!". Kam kamo? Cirê morenê. Filan, filan, filano. "Tamam" vano. "Nê, çê Satogli ra niyo? Rayvero Qop niyo?"

"Nê, nê". Vano "yox". (Bava) "Hîmm!" vano, "kutikê qoli! Destê hora ninê mi nêki-senê! Eve kutiku ra mi danê kistene!. Rîşvet do, rîşvet do!" vato.

**H.C.: Mordemê Satoğliyê, hem ki ...?**

Leyla: Ya, ya. Ciranê huyê, ha!

**H.C.: Hem ki Rayverê Qopi temey kerdê, pê guretê (kira kerdê)?**

Leyla: Ya. Rayverê Qopi sanate virasta -yi Hesen Ağay de- vato, "ez şêşt oltunu dan tu, ni felan, felan rawurzne, ma nêşikime yi bikişime. Nêkume ser" zana.

"Destê ma nêcenê. Ya ma dest de xeleşino, ya ki ma mireme. Hire tenunê gerekmezu, dame cı di oltunu, şêrê bikişê". Ni şêşt oltunu ki kerdö sanate: "vad vo ke, nia torê bûmori! Verê dosegê tote nia moron, dan tu". Şine ke vêsnê, a sanate...

**H.C.: Bava uza xeleşiya, yaki?**

Leyla: Nê, nê. Merd ha!

**H.C.: Merd?**

Leyla: Ya. Rozestene de can dano. Yi havali endi lewe de vindenê. Amike yêna, doseg ana fina ra, sero nana ru. Wel ve Ağay ra vozenê a bêro. Sonê, sonê a şuya qarşı. O misayıb vejino yêno. Vejino yêno. Çê yi düri yo.

**H.C.: Misayıbê piê tu...?**

Leyla: O ki çê Satoğli rao. Cira "Selman Ağa" vanê. Selman Ağa yêno, - ju moreba, horê uza nişto ru, "Seydê Khuni" vanê, Seydali ju çimê ho nia kardi ra cira veto, o çimê huyo bin weso, horê morebao- dana yi ro; "ero Seydali! Seydali sima têde her ju caê de horrenê, se kerê, sima bi sebebê nat doti! Adirê sima wedaro salê! Ça sekerê, kutikunê jê sima xeleşinê!. Nao lazê misayıbê mi kişto! No kam kişt, ero?" Vano "hire teni ita ra na bero do ra, amê axure, kotê cı a quluke ra, da ra kişt". "Nê loo kam bi?" Vato, "ma nas nêkime!" Amike mordi ke têde tharaê, têde Şine raê. Têde Şine raê; yêrgatçiyê simâê, pere do cı, ame kişene.

(Salman Ağa) vato, "ma Ağa ve Weli Ağay ra şî kot?" Yanê hona yinî kî kisenê. Yi layik vato, "Ağa ve Weli Ağay ra na bin ro şî". De lazê kutuki ça hên vana? Endi o yıqrarê ma sono ha peê boni -dêma eskerê ho uza biyo- vêndano, vano "lo-loo sima mor kerdö dirvetin, yiye bin xeleşinê!".

**H.C.: Yanê, o misayıbê piê tu wazeno ke yine ki bikiso?**

Leyla: Ma çiko? Vano, "lo-loo ça vinetê, Wel ve Ağay ra haê şî Qela gurete! Tamam endi. Endi Şine têde qırı kenê". Vato, "o ke şî uza endi -qewşa Khaluna tha, şêşt têni ju rae, ju qula de kişti- tu zana" Wel Bavay ra hewlo. Endi khav benê, khav benê. O endi şîyo resto verê meterisi. Endi payizo, zumistono, (hard) cemediyo, nari ki biyo nerm, eve çarixu biyo, çik viyo? Zumusto biyo. (Ağa ve Weli Ağay ra) Linge erzenê tiro, sîrmis benê. Çapulki, çapulki, waxto ke ho berzê meteris, a nanê pa. Nanê pa, hurdmîne zeleqnenê (hard ra). A nia bulkî -hasa toşa- qina mora miani, hên tey mendê. Ju qersune ki nayvi pira. Anê merednenê têvera. Endi xeverê danê Xaceliye. Rayvero Qop nêlewino çê hora.

(...)

# SANIKA HESÊ GEME

<sup>+ am = dayanabileceğim</sup>  
<sup>xam = haksızlık</sup>  
<sup>- debil</sup>  
<sup>-> zorlu</sup>  
<sup>perte</sup>

ARÊKERE: RINDE-RABIA

Mordemekê beno, hirê çenê xo benê.  
Mordemek feqir beno. Wayirê dadesê malu beno. Her roz sono mali. Malê xo beno geme de çirayneno ano. Rozê mali keno tever, sono birr, wertê geme de raştê hesê beno. Hes vano:

-Ma've xêr şüane!

Şüane vano:

-Xêr've silamet hesen ağa!

Hes vano:

-To çâê mali ana wertê birrê mi? Ti nêzona ke geme yê hesuna?

Vano:

-Ma se keri hesen ağa, ez feqiru ne. Malê mira qêri tawaê mi çino. Xorê an itau ra çiraynen. To nêvana kata beri, se bikeri!.

Hes vano:

-Torê qeseyê van.

Şuane vano:

-Vaze hesen ağa.

Hes vano:

- Çêna xuya pile bide mi, na birr u gemu ti bicê, malê xo tira bicirayne. Eke nêdana ez to wen.

Beno son, tici darina we, mali cêno ano çê. Çêna xuya pile rê qal ano ra, cirê hal-mezal qeseykeno. Çêneka pile xo ancena ra:

-Ez jede bomune ke şeri hesê birri bicêri?

Çêneke qewul nêkena. Şuane o sonde ne nun weno, ne ki hewn ra sono. Sipêdêra urzeno ra, mali keno têra, beno

hurêndia vijêrene. Tenê maneno, hes corde sengelino ra yeno. »Ma've xêr, xêr've silamet«. Hes vano:

-Şüane, to isê mi di -nêdi?

Şuane vano:

-Hesen ağa, mi çêneke rê qal ard ra, qe zerrî nêkena.

Vano:

-Eke heniyô ti ke meşte ama, mirê çêneka xuya wertiye biya. Eke nêana, to wen.

Şuane veng nêkeno, sono mali rameno ano çê. Veng dano çêna xuya wertiye, ano lewê xo, cirê qal ano ra. Çêneka wertiye yimu nêkena.

Vana:

-To pê ma xapnena. To vijêr vake, »simara ke jûyê mero, hes mi weno«. Kuyo, heşi çâê ti nêwerda?

Sevg

Xo nana re husir, vana »Ez heşi de neson«. Tesela şuani kuna. Ne non weno ne ki hewn ra sono. Sipêdêra mali keno têver beno. Onci raştê hesi yêno. Hes vano:

-Şuane to yisê mi ard hurê.

Şuane vano:

-Bira hes mi qal ard ra, sekerd qan nêbiye.

Hes vano:

-Eke heniyô çêna xuya qize mirê biya. Eke niyana na raê endi to wen.

Şane vano:

-Vad bo ez ke şinê çê, cira van. Beno san, şuane mali saneno xo ver ano çê.

Lozine verde niseño ro ġeyal keno.  
 Çeneke xuya qice pers kena, vana:  
 Bakilê m' çâē honde ġeyal kena? Derdê  
 to çiko?

Vano, Cigera m', hal mezal nia. Cirê  
 hurdi hurdi qesey keno. Çeneke qize  
 qewul kena.

Vana:

-Bao canê to wes bo. Hes ke to boro  
 ma sêy maneme.

Sipedêra urceno ra mali keno tever. Pê  
 bajiyê çêna xo cêno sono a hurendi.  
 Hes yeno vano:

-To çeneke arde?

Şüane vano:

-Ya, mi arde. Çeneke dano hesi. Hes  
 cêno sono. Şüane ke mal cêno yêno çê,  
 Werte ra roci vêrenê, asmi vêrenê şüani  
 rê beno qisawate. Vano, »hela hesi na  
 çêna mi berde se kerde. Ez reyê şeri  
 niyadi, bivini«. Kuno ra rae sono. Sono  
 gemu fetelino. Xeyle ke feteliya caê de  
 raştê miğareyê yêno, hona lewê miğari  
 nereşto. Çeneke miğare ra bena tever.  
 Niyadana ke jü nawo dot ra yêno. Xo  
 xode vana, »Selela na mordemekî men-  
 da'ro selela piyê mi«. Mordemek beno  
 nejdi ke raştı piyê çeneko. Çeneke u  
 piyê xora virarı finê pêra. Persu-mersu  
 kenê. Piyê xo bena zere, nisnena ro.  
 Cirê non-mon ana. Nonê xo ke wenê  
 çêna perskena, vana:

-Bakil to na kou ra çi fetelina? To çitür  
 rae arde mi ser?

Vano:

-Çêna mi sekêri, mirê qisawate biye!.  
 Hewn çimanê mi nekutêne, coka. Axerî  
 no hesê yabaniyo. Mi vatene hesi çêna  
 mi berda koti werda. Çeneke huina,  
 vana:

-Nê bakil bakil xêre Heqi ro toro vo!  
 To hona nêzana o hês niyo. Mordeme-  
 ko, postê hesi onto'ro xo.

Piyê çeneke şos mot beno maneno.  
 Vano:

-Dikê no ke mordemeko, çâē nêame  
 eve ricatiya Heqi ti mira biwazo?

Çeneke vana:

-Bawo dêma xêra Heqi hondê biya!

Vano:

-Dikê no ağaê to kata şî, çi kar keno?

Vana:

-Şiyo koli, waxto ke bero. Eke ama cira  
 yamu-yamu here biwaze.

Vano:

Dikê dikê ez here bicêri se bikêri? Here  
 mirê lazime niya.

Vana:

-Bakil bakil na here neşîya'ro heranê  
 binu. Son sodir alaf verke, eke werd xo  
 kerd mird, vaze »çooş hera mi, zernu  
 bike!« Here peyê xode zernu erzena  
 pêser.

Senik waxt vêreno ra, zamaê mordeme-  
 ki yeno. »Ma've xêr, xêr've silamet«.

Nastiya xo danê'ra jüvini. Hal mecalê  
 züvini perskenê. Maneno roza bine,  
 piyê çeneke beno raşt ke şero, zamayê  
 xo vano;

-Vistewre to dest thala. Çık cêna, çıkış to  
 di?

Vano:

-Çimê mi zovi tavayê de niyo. Eke da-  
 na mi, here mide. Ben pê koliu ancen.  
 Endi nêşikin ebe hermi koliu bionci.

Here cêno, gîran gîran oncenô yêno çê.  
 Sere ra çike vêrdo ra, çenurê hurdi hur-  
 di qeseykeno. Beno san samiya xo  
 wenê, hewn ra sonê. Sipedêra şüane  
 urceno ra sono diyarê here. Çiyê here  
 dano ci, here keno mird. Vano:

-Çooş, hera mi zernu bike!

Here desinde zernu kena. Her roz zernu  
 beno suke de roseno. Endi saiya here  
 de beno maldar. Beno mirê a dewe. Na  
 millet re bena qisawate. Vanê,

Lozine verde niseno ro ğeyal keno.  
 Çêneka xuya qice pers kena, vana:  
 Bakilê m' çâê honde ğeyal kena? Derdê  
 to çiko?

Vano, Cigera m', hal mezal nia. Cirê  
 hurdi hurdi qesey keno. Çêneka qize  
 qewul kena.

Vana:

-Bao canê to wes bo. Hes ke to boro  
 ma sêy maneme.

Sipedêra urcenô ra mali keno tever. Pê  
 bajiyê çêna xo cêno sono a hurendi.

Hes yeno vano:

-To çêneke arde?

Şüane vano:

-Ya, mi arde. Çêneke dano hesi. Hes  
 cêno sono. Şüane ke mal cêno yêno çê,  
 Werte ra roci vêrenê, aismi vêrenê şüani  
 rê beno qisawate. Vano, »hela hesi na  
 çêna mi berde se kerde. Ez reyê şeri  
 niyadi, bivini«. Kuno ra rae sono. Sono  
 gemu fetelino. Xeyle ke feteliya caê de  
 raştê miğareyê yêno, hona lewê miğari  
 nêreşto. Çêneke miğare ra bena tever.  
 Niyatana ke jü nawo dot ra yêno. Xo  
 xode vana, »Selela na mordemeki men-  
 da'ro selela piyê mi«. Mordemek beno  
 nejdi ke raştı piyê çêneko. Çêneke u  
 piyê xora virari finê pêra. Persu-mersu  
 kenê. Piyê xo bena zere, nisnena ro.  
 Cirê non-mon ana. Nonê xo ke wenê  
 çêna perskena, vana:

-Bakil to na kou ra ci fetelina? To çitür  
 rae arde mi ser?

Vano:

-Çêna mi sekêri, mirê qisawate biye!.  
 Hewn çimanê mi nekutêne, coka. Axerî  
 no hesê yabaniyo. Mi vatene hesi çêna  
 mi berda koti werda. Çêneke huina,  
 vana:

-Nê bakil bakil xêre Heqi ro toro vo!  
 To hona nêzana o hës niyo. Mordeme-  
 ko, postê hesi onto'ro xo.

Piyê çêneke şos mot beno maneno.  
 Vano:

-Dikê no ke mordemeko, çâê nêame  
 eve ricatiya Heqi ti mira biwazo?

Çêneke vana:

-Bawo dêma xêra Heqi hondê biya!

Vano:

-Dikê no ağaê to kata şî, ci kar keno?

Vana:

-Şiyo koli, waxto ke bero. Eke ama cira  
 yamu-yamu here biwaze.

Vano:

Dikê dikê ez here bicêri se bikêri? Here  
 mirê lazime niya.

Vana:

-Bakil bakil na here neşya'ro heranê  
 binu. Son sodir alaf verke, eke werd xo  
 kerd mird, vaze »choş hera mi, zernu  
 bike!« Here peyê xode zernu erzena  
 pêser.

Senik waxt vêreno ra, zamaê mordeme-  
 ki yeno. »Ma've xêr, xêr've silamet«.  
Nastiya xo danê'ra jüvimi Hal mecalê  
 züvimi perskenê. Maneno roza bine,  
 piyê çêneke beno raşt ke şero, zamayê  
 xo vano:

-Vistewre to dest thala. Çık cêna, çıkış to  
 di?

Vano:

-Çimê mi zovi tavayê de niyo. Eke da-  
 na mi, here mide. Ben pê koliu ancen.  
 Endi nêşikin ebe hermi koliu bionci.  
 Here cêno, giran giran oncenô yêno çê.  
 Sere ra çike vêrdo ra, çenurê hurdi hur-  
 di qeseykeno. Beno san samiya xo  
 wenê, hewin ra sonê. Sipedêra şüane  
 urcenô ra sono diyarê here, Çiyê here  
 dano ci, here keno mird. Vano:  
 -Çooş, hera mi zernu bike!

Here desinde zernu kena. Her roz zernu  
 beno suke de roseno. Endi saiya here  
 de beno maldar. Beno mirê a dewe. Na  
 millet re bena qisawate. Vanê,

»Kirameta na here çika ke, no şüane honde bi maldar!«.

Waxtêna dîma çêneka pile vana:

-Bakil tenê hev uca ra bere arê. Şüane sipedêra urceno ra hev barkeno beno arê. Rae ra qefelino. Sono reseno arê. Sono tezika zerê arê de verva çualu de kuno ra Afsanci heví keno tira. Hev ke qedino, tezika sono heru vurneno. Yêno vengdano wayire ardu. Vano, »mi hevê to rido ra«. Şüane ardu nano piro beno raşt, yeno çê. Sipedêra urceeno ra sono ci dano here. Vano:

-Çooş, hera mi zernu bike!.

Reye vano, di-reyê vano, dee! Here ne zernu kena, ne ki tawayê! Desinde afsanci ano xo viri. Roca bine tekneno sono lewê afsanci. Afsanci raf sogir ke-no. Afsanci inkar, cêbar benô. Şüane thal cêreno ra, yêno çê. Vano, »Se bikeri, se mekeri«. Roza bine urceno ra oncino sono çê çêna xo. Vano:

-Hal mecal niya. Hera ke sima daybi mi, biye vindi.

Çêneke vana:

-Nîka ağayê mi ke ama, cira çakuç biwaze.

Piye xo huyaïs ra tegino, vano:

-Nê çêna m' çêna m', ez tawa hostane çiko. Çakuç biceri sebikêri!

Çêneke vana:

-No çakuço ke ez vana tilismê xo esto. Se ke va »çakuç pirode!« desinde dano piro. Eke va »çakuç finde!« çakuç findeno.

Piyê çêneke beno şâ. Sonde ke zamayê xo ama, cirê qal ano ra. Çakuç cira cêno, yêno çê. Tenê arişino ra, ancino sono arê. Çakuç keno mianê xo vero, afsanci ra perskeno:

-To hera mi se kerde?

Afsanci inkar beno, vano, »mi hera to nêgirota, nêzanu.

Şüane vano:

-Çakuç pirode!

Çakuç herke dano piro, her reyê de hetê mordemeki ra cira keno. Afsanci minete keno, vano:

-Çakuçi bivindarne! Hera to dan to. Şüane vano:

-Çakuç vinde!

Çakuç vindeno. Hera xo cêno sono çê. Resenê çê, hera xo keno mird, vano:

-Çooş, hera mi, zernu bike!

Here zernu kena, zernu beno suke de roseno. Beno wayirê mal u milki. Safaiya xo rameno.

VATOĞ: MEMEDÊ TOSINI  
CA: DEWA SILEZU-DÊRSIM

## SERBESTİYE

*Ju loqmê guda  
hewnê serbestiye vindkerdoğu.  
Serbestiye ser-restene ra  
tham bena.*

*Serbestiya mirçiku  
firdayis ra jêdina,  
Toxum ke reyê gina've hard ro;  
serva weşîye sarê xo dano we,  
Xo ser ra erzeno  
kemer u kuç, rewino.*

*Weşîya xo sero beno sa  
berregino  
surela,  
kêwela,  
sipêla.*

*Hawar Tornêcengi*

## ZERREWEŞİYE RA

*Konfiçyusi ra rozê perskerdu:*

- *Serba serdarenia ju qomi ser ki vênda to derê, sîste kamcin kar ana hurendi?*
- Famkerê berzi nia vatu:*
- *Bêguman mi ravêr zon ardene vera çimu, henî kar sîste kerdeni.*

*Motbiyêna qosedaru di Konfiçyusi qesê xu nia ravêr berdu:*

- *Zon de ki zof quisir bi, famkerdêna qesu fikur rind nêana vateni. Fikur ke rind nêame vateni, bidayêna wazifey raşt nêvirajina. Bidayêna wazifey ke raşt nêame hurendi, zagon beno xirabin u hukum sono raa gelete. Hukum ke kot raa gelete dest, qom sasbeno, nêzaneno ke se bikero. Karê xo sono reseno koti pê nêzaneno.*

*Serba nêyio ke zon 'be qedro, qe tewa jê zoni caê de qedr nêvêneno.*

*Delal Albaze, Eziz Albaz!*

*Zonê Dimili (Zaza) mebu vind. Zonê ma, zonê yabu, weşin (tabiyat) u zonê Heqio.*

*Zonê sarê bini dî nêdivêna ra jubin hal u xatir yêno bî vateni.*

*Made hal u xatir "Sewa Heq ti ser wes bo - Sodîre Heq ti ser wes bo!" ra yeno vateni.*

*Pêro êjatunê serru ra bu ki, na zoni xuver do u rindekiya xu hewl sevek-na, arda na roze:*

*Weşin, yabu, haskerdene, zerr, hard, asmên, dar u ber, awe, têyr u tur u qeydey pêro zonê Dimili de zaf rindek yenê be vateni...*

*Qaytkerdene de vênilo ke, zerê zonê made vengê arabki u turki tim ra çinêbio.*

*Lî, ci hêyf ki hata nika nu zon nêamo nusteni! Leti turki, leti ki zonê Arab u Farsu ra yeno bî qesikerdene.*

*Uncia ni zoni de çinêbiyêna nustişê xasi sermayisê ma pêruneo. Nu serm harmê hemu Dimili (Zazay) serde ro. Na xusis de ma şerpesim(e).*

*Xususo de bin ki, famêna nustêna Dimili, ewru ebe turki bena eşkêra, dimili u turki pia yenê bî nusnayêni.*

*Zerrê ra wazenu ke Dimili (Zazay) verêndi zonê xu qesi kerê u binusnê, ura têpia hona zonê xu biçarnê zonê Tirku, Alamanu, İngiliz u Fransızı.*

*Bizanê ke, fîzileni, çimeşiyenî keşirê feydi niana.*

*Eki ma zerrêweşie ra biwajime, mara hemu kes axiri çiê ano werte.*

*Hezretê Eli se vatu?*

*"Kam ke ju qesa musneno mi, hazar serri ben kolê dey"*

*Ju herfi zanitêni u na herfi juyê bini musnayêni, dênenê isani yu.*

*Zerrêweşie, haştên u rindekên yê ma pêroyını bu.*

ZERARI/ZARA RA,  
EŞİRÊTA ÇAREKİZİ RA CEF

# O QISTASÊ ROŞNA VİREYO

**Heinrich Heine (1797-1856)**

**FARUK YAKUP**



**N**uşkar her wext wêhêrê waney o. Zaten bê waney zi nuşkar nê beno. O kî nuşkar ke no wêhêrê waney zi vinayışe ciyê. Heger nuşkarê hetê wendayenanê xu niro wendenî, nêy rê sebeb çici yo?

Tabi tiya dî ez şena qiyasê vinayışı xu vaca u eyra zi rîndey u xîrabey a nuşkar biya ra zîwan. Laberê, o wext qistasê ?mî çici yo? Qistas helbet nuş, mesajê nuşkar u qalitê yê nuş o.

Dînya di her roj bî milyarana gezete u kitabı neşir benê. Nina ra qismê resenê waneyanê xu, qismê ziwananê binarê yênen açarnayeni u qismê zi yenê eşteni. Kamcin yenê eşteni? O kî, nêreseno hisê waneyanê xu u kamcin yeno açarnayen? Şîma do pers kerê. Helbet o kitabı kî, vinayışe kî resayo waneyanê xu u literaturê dînyay rê ciyên do newe dayo u biyo zenginay a literaturê dînyay. Xora no esasiyet ser 1901 ra yo (ser 1901 di nuşkarê Firansız renê Sully-

Prudhomme Nobeli girot) xeletê NOBEL yêno dayisi. Tabi ze kî Jean-Poul Sartre vano: "Xeletê Nobel zeyde kayê qaçek a no u no xelet, nuşkari pê ra abîmeno. Yani nuşkari rindi u nêrindi. Heme nuşkari teyna ser ci yê nênenenê u merdim nêseno nuşkari u nuşkarey biyaro jew xeti ser". (1964 di komitâ nobeli J.P.Sartre nobeli rê layiq vina, laberê J.P.Sartre nêşî Swed u xeletê nobeli nêgirot.)

Heger Heinrich Heine wextê Nobeli di heyati bibayê, cirê xeletê Nobeli bîdayê? Nêzana. Belki zi xelet nêdayê ci. No zi niro no mana kî Heinrich Heine nuşkarêno bêwaney bi. Bî ekis, o nuşkarêndo verê wextê xu bi. Zaten wuni nêbiyayê se qiralyetê Almanya, A. Hitler dişmenê ci nêbiyê u heme ciyê Heinrich Heine tomete (yasax) nêkerdê. Bî taybeti, Hitler circa hendi tersayê kî ze kî ecrihi rayê ci ser vicyay bi.

Qandê coy vatê: "Heinrich Heine, riy siyayey a Almanya yo. Meşeyê şîiranê Almanya di mirîçikendo bileyim o. "Heinrich Heine sekerd kî bi riy siyayey a Almanya. Heinrich Heine şîiri, kitabı nuşna. Kitabê ci yê "Deutschland. Ein Wintermärchen, 1844" (Almanya. Jew istanikê zimistanî). Na kitab di Heinrich Heine Şîiri tuji ze isota nuşnayo. A tujey vek u zerya kapitalistê Almanya vêşnayo. Ser 1835an di tomete bi. Şîiranê xu di, şarê xu rê wêhêr viciya, xu nênimîtê, sistemi rê nêbi qulp u qulp da heme circa zi nêtepîştê. Hozanwananêno (şayırêno) gird, bêsinor bi. Heinrich Heine bi fikiranê xuya bi rayverê bol nuşkar u filozofê Awurpa. Misal: K.Marx bol qiyemet dayê êyrê, fikranê êyrê u enbazê ciyê nezdi bi. Ser 1830 di ci wext rema şî Paris u wuca di bi enbazanê xuya bi u her wext bi Karl Marx a pê vinenê. Hita K.Marx vatenê xuyê "Diyolan qandê şaran ze afyon o." Heine ra girot o. Qandê Nietzsche, Heine zeyde homa bi. Nietzsche vatê: "Hozanvananê no heri gird."

Sistem u kihanparezi Almanya Heinrich Heine rē vatē: "Xayin, welatē xu roteye, dişmenē Almanya" Heine, welatē xu heri nasyonalistē gird Hitler ra veşi welatē xu hez kerdē. Bewnē se vano hozanwan; "Hendē şima, ez zi welatē xu hez kena. Qandē a hezkerdeni mi heyatē xura 13 ser sırgun di ravēmaya."

Şairē zey dē Heine vaten u nuşē xudi raşto. Roşnavir o. Qandē çiç? Qandē ki şeno ne haqaye sistemē welatē xo tehlil bikero u ēy mehkum bikero. Tabi no zi, tehdit u merdeni ra nētersayena beno. Heine roşnavir o. Ze ki şıirē xudi çiharxetē çiharin di vano; "Lēnet biro welatē min o zurkerini rē," yanzi çiharxetē hiréyin di vano; "Lēnet biro qıralı rē - o qıral ki qandē zenginan o!" Kamcin roşnavirē mabēnē Rojawan (Ortadoğu)-şeno ciyē wunasını şer welatē xu vaco, yanzi bēters binuşno. Kes nēşeno. Şaro ki rihē cidi koletey esto, her wext koleyo. Na tipē roşnavirē koley, weletanē wunasını di, her wext merdim şeno bivino. Laberē "roşnavirē" koley, nuş u qariyērē xudi zi koleyē. Qandē ki nēy, nēsenē lingan dē xu ser vinderē. Heine, merdimē ki xurē roşnavir vano, inarē nimuneyo. Heine nimuyē roşnavireyo. Heine qıtasē roşnavirey o.

Heinrich Heine, 1827 di, bi kitabē xuyē "Buch der lieder" (Kitabē dēri) ya resa xetē xuyē ki kes nēşa cireso. Hozan, Heine be-wnē se vatē ser kitabıban; "Dort, wo man Bücher verbrennt/verbrennt man am Ende/auch Menschen" (Wuca di merdim kitabı vêşne-no/vêşneno merdim peyniyē hemē ciy).

Heinrich Heine ser 1797 di maya xura ameyo dinya u çimē xu suka Almanya, Düsseldorf di ze yahudiyē (may u piyē ci yahudiy bi) akerdo. Heine, huquq waneno u çend seri zi dēwawekiley (awuqatey) keno. Laberē o dēwawekiley verdano u aktiv dest bi nuşkarey keno. Ser 1856 di Paris di, bēbextey di, sırgun di nameyē xu kareno bēdimey u xu pey di mrasanē xu u nameyē xuyē pakı veradano.

Merdim şeno H. Heine'y bi no şıirē ciya diha weş naş bikero.

## CILAGI \*

Nē kewno hērsi, destanē ma ser,  
ma roşenē ver kursiyē hiramı, bi  
dindanē xij xijini.

Almanya, çorşmeyē to ma bi hirayına  
ginē.

Xilyayena hirē finē lēnetina, hira kena  
Ma hira kenē! Ma hira kenē!

Lēnet, o ki ma ser xu homa hesibneno,  
mayē kamcini rē isyan kenē  
serdeya zimistani di u rojē vêşanēy di!  
veng bi, ma yaremetyea êy pawit-  
o bi ma ya qırfı xu ke u huwa  
vêşanēyā ma  
Ma hira kenē! Ma hira kenē!

Lēnet biro qıralı rē-o qıral ki qandē  
zenginan o!

vêşanēyā ma zi, qesbayē ci yē wuşki  
nermi nē kerd.

Groşē mayē peynēyin zi mara trawit  
u dima, zē kutikana ma dano ver  
guleyan

Ma hira kenē! Ma hira kenē!

Lēnet biro welatē min o zurkereni rē,  
ze ki ma girēdano tenya zeydē koleyana  
wuca di viliki nēresayeyi pay kenē  
u şami yē kufkini dano bi kermaniya  
Ma hira kenē! Ma hira kenē!

Hirami veng dano, erbabē silehi  
gøyrenē

ma hira kenē, vira kēnē u rojan,  
ti Almanya yē kihani, çorşme girotey-  
ena to.

Xilyayena hirē finē lēnetina kenē  
Ma hira kenē! Ma hira kenē!

\* Cilagi: Hirami. / Neue Gedichte (Şürē newey) 1844

\* Na şıir şwēdkı ra amaeyo açarnayəni.

# KIRMANCIYA MADE

## NAMÊ ASMU ÇITUR DARİNO WE (I)

**M. AREYİZ**

### **1. Asma Ziqnawute (Zemperiye /Cele):**

Kirmanciya made asma virêne ra vanê asma Ziqnawute.

Manê ho: Na asme de jêde beno serd, iso-ni pizirnenô ra. Serd ra ison vêseno ra. Coka milet vano serdo-ziqnawuto. Namê dê na asme ki Asma Rozê Xiziri yo. Asma Rozê Xiziri, itiqatê miletê mara gore, na asme de Xizir fetelino. Her kes raa Haqiye de bariyo, Zerrê her keşî hunde vazê, hunde hirao. Jêde ki Dewrêş u Bavay na rowal ra sonê Jiaru de cele oncenê. Asma Rozê Xiziri zu leqema, namê asme niyo. Coka vanu ke wendoğî pê bizonê.

### **Zemperiye:**

Milet gegane ki vano asma Zemperiye; Tayine ra gore, namê Asma Zemperiye Farskio. Tayine ra gore ki Arabkio. Na asme de ki uncia zaf serdo, coka milet vano asma Zemperiye. Asil towaê ma na asme de çino.

### **Cele:**

Cele namê asme niyo hama, milet wertê hode vano Asma Celi. Namê ho hêvêjiyo u zonê miletî kewto'ra ser, hêv vano.

### **Kirmanciya made Cele çiko:**

Na asma Ziqnawute de iyê ke raa Haqiye ramenê, zerrê ho raa Haqiye ser vêseno, raa Oli-Mihemedi ramenê, bendê raa Haqiye derê, iyêke Dewreşeni kenê,

wayirê Uzağê; nê sonê caê ke Zargoyê (Jiargiyê), uzau de çelê (çile) raa Haqiye ramenê. Sevetunê des u di (12) İmamu na (ra) şia girêdanê. Matem oncenê, raa Haqiye de ho daznenê, ejiyat danê ho. Dinê ra vanê 'Dewreşî şiyê Çele oncenê'.

### **Cele koti oncenê, Zargo çiko, Jiari çikê:**

İslamiye ra ravê, oxtê dinê Zerdüştî de cao ke miletî tede sezde kerdo, dewresu tede cem gureto, tede qalê Haqiye kerdo, tede cay vatê, uzau têde jiari vetê. Dewreşî tede kewtê've adır, kirameti vetê. Yanê Adırgah (Dergah). Çitûr ke vame Kilse, vame Camiye; made ki vame Adırgah ya ki Bonê Uzağı. Miletî caunê henenu de raa Haqiye ramita, coka vanê 'dinê ma dinê serê dinuno'. Avesta ki destê serê deştiya. Uwo ke uzağ-oliyo, milet dinu ra vano 'uzağ-oliyo, destê serê destuno'. Na dew-rê made caê ke Çele tede ontene. İyê ke sonê cele oncenê, cao ke issizo sonê uzau. Tim u tim her serre na asme de sonê cele vezenê.

Cao ke yawano, sonê uzau minete kenê. Destasodiri cem cênê de. Qal u qirê miletî ra dür vîndenê. Zaman zaman ziyaretçi sonê diyar. Eke ke şî, ho dest de niaz tey benê.

Tâ mekan u jiarê celeontene:

Bonê Uzağı (Ocağı)

Mekanê Duzgini

Mekanê Xızırı.

### Hevzani (Demserri)

Zimuston	Usar	Amnon (Eminun)	Payiz
1. Asma Ziqnawute (Zemperiye/Çeliye)	4. Asma Nisane	7. Asma Temuze	10. A. Camusqirane
2. Gujige	5. Asma Gulane	8. Asma Kengezere	11. Asma Gevare
3. Marte	6. Asma Vartivare	9. Asma Kortqirane	12. Asma Tavare

Namê Horiu ra ki Jiari estê:

Horiya Xaskare (Waa Duzgini)  
Horiya Şirim Babay  
Horiya Buyere (Gola Buyere)  
Horiya Bağıre (Bağıra Sıpiye)  
Horiya Zêle (Jèle).

Na asma Ziqnawute de, iyê ke raa Haqiye ramenê, yi sonê na jiaru de *çele* oncenê. Des u di roji Roze cênê. Des u di roji *çele* oncenê. Sonde ke fitara ho ke kerde ra, en sifte bêçika ho nanê zonê hora, kenê hite. Dîma benê nanê çiçegê (çikêlê) wela adiri ra, benê nanê zonê hora. Vanê: *Haqo!*  
*Ma na wela adirê mara morim meke.* Fitara ho ke kerde ra, tenê ke sewe şikiye, dormê adiri de helqa cênê. Bavay demu vanê, dewreşî diwazu wanenê. Eke cos bi, eve vengo berz ra venga Haqi (Homay) danê u dewreşî kunê adır. İyê ke dorme de urzenê 'ra dare, taê cira sama sonê. Eve zerr u bas ra hêne ke venga Haqi danê, iyê ke raa Haqiye de zerrê ra tenikê; çimu na(ra) hêstiri vorenê.

Caê ke Xızırı tede kiramete veta,  
ya ki cao ke miletî Xızır tede diyo:

Hewsê Dewe (Bonê Dewe)  
Hewsê Kureşi (Bonê Kureşi)  
Mekanê Sulvişi (Bonê Sulvişi)  
Bonê Khalmemê Sirri  
Bonê Khalferati  
Jiara Kistimi (Bonê Kistimi)  
Bonê Muxindiye  
Mekanê Qelixeru  
Bonê Tosniye (Tasniye) u hona neçe caê bini estê.

Vatena miletî ra gore, Xızır niseni'ro astorê qiri, ca've ca fetêlino. Kamjiyo ke zerra xuya bele (Zerre) paka, Xızır sono çê dine.

Têpiâ vaten u itiqatê miletî ra gore, Xızır kûno thonê feqir u fiqarey na asme de fetêlino, pê miletî cerevneno. (Coka vanê, *Asma Xızırı*)

Na asme de zerrê her keşî raa Haqiye de hirao. Kês xiravinên nêkeno. Na asme de Bavay, dew- reşî, Şix u feqiri zaf fetêlinê u horê loqme kenê arê.

Loqmedaene yêno ci mana:

Loqme, made xêro ro (de) girso. Loqme ke da, vanê, "Heqa na loq- mî ma , raa tote bivêro!

Defterê tuyê xêri de qewul bivêno! Qere Qelxanê uz u uzê ma bo!"

Loqme, çiyo ke araqê çarê hora helal qezenc kerdo, dêy ra danê ke; raa Haqiye de qewul bo, bivêro. Hatta cêncê ke sonê qezenc kenê, çiyo ke yine ardo çê, dêy ra nêdanê. Çêwayê çeyi eve çiyê dine tivar nêkeno, vano belka heram tedero, deyra.

Zerê na asme de her kes wazeno ke, meyman bêrê çê dêy. Wazenê ke, nunê hó teyna nê, eve meymanu pia burê. Na asme de çefê domonuno. Çiyo çîvir zafo, domoni wenê u çef kenê. İyê ke zumini ra heredanê, na asme de yêne hurê. Ya ki anê hurê, zumini ra kernê hast.

Roze guretene:

Çitür ke ma cor vake, na asme de hirê roji Roze cênê. Her kes hora gore Röze cêno. Hata've des roji, Roze guretoğî bi. Çeu de

Roze guretene de zor çinê bi. Kêş kêşi ra nêvatene, "ez Rozeune, ti çinay rê Roze nêcêna!". Na asme de her roz, her keşî yemegê rindeki potene. Sona çê kamiji fequri so, na asme de milet zaf wayirê itiqatio.

ro, yi çilu çarmenê tira. Cao ke qurvanu kenê, uza çilu finêra ci. Sireo ke Mihemed vêjiya, yanê Roz ke vêjiya, qurvanunê ho benê vera Roji, minete kenê. Verê qurvahî çarnenê ra qulva (qibla), eve zonê ho teftîre kenê, kardia qurvani oncenê.



Kurmanciye de, milet sono jiare ser, niaz keno vila, qurvanu sarebirneno. Arzua H. Tornêcengi ra

### *Qurvanê Rozê Xızırı:*

Her serre na asme de qurvanê Rozê Xızırı kenê. Her kes quweta xora gore, çiyo ke keno qurva; çiyo ke niyet kerdo: Kel, vosn, karpêsi, bîza estewrine, nalike bena. Di-hirê asmu ra ravê, ey çêi sero cênenê, erzenê mereke ser. Cew danê ci, mir danê ci ke tawli bo. Kêş coru yi qurvanu ra xevêr nêdano, milqi nêkeno. Asma ziqnawute hefto peyên de milet qurvanu keno. Qurvan bê çilu nêbeno, gereke çilu virazê, tey berê Jiare ser.

### *Sifte qurvan danê kamî:*

Hermeta ke eve domoni nêwesa, yanê diganiya, en sifte qedê dae vezenê. Ora dîme ki hermetê ke dewe de viayê, iyê ke bêkesê, iyê ke feqirê qedê dine vezenê. İyê ke qurvan kenê vila, yi eve ho dest qedê dine benê danê ci. Qurvano ke mendo ki, dewe ra kenê vila.

Uwo ke qurvanê ho çino ki Niaz keno vila. İster niaz bo, ister qurvan bo, bê çilu nêbeno.

Manê çilu: Dina roştâ, yanê axrete de çiley raa yê wayirê çilu kenê roştâ.

### *Çiley çitûr virajinê:*

Kuraso newe ra fitil oñcenê. Na fitili kilmek kilmek bîmenê. Ru (ron) vilesnenê

Oowute (Qawute) çika.yêna ci mana:

Lozinge (Lozine) de adir kenê we, koli ke vêsay bi've tirami, diweza (dêwzan) erzenê wertê tirami, soji nanê'ro ser. Hevo genim kenê zerê soji, tede finê hurê. Kêy ke têde rind bi've bijeliki (bijériki), adiri ser ra nanê ro. Kêy ke rind bi've serdin, eve distari rinê ra, kenê ardu. Nê ardunê dae ra vanê "Qowute".

Ardunê qowute kenê tose, ya ki kenê şeniye. Tipa (têpia) na asma ziqnavute de, sewa yêniya pêyene de, na ardunê qowute benê bonê çei de (dunike de) nanê ro. Le-wê manika teverriku de ser mor kenê, nanê ro. Serê qowute nimenê tê, çilu sanenê dorme, çêver kilit kenê. A sewe kesi bonê çei nêverdanê. Yanê, itiqatê miletê mara gore, Xizir a sewe çeu na (ra) fetelino.

Itiqatê kami ke pako, Xizir linga ho fino'ra çê dine, nisanê de ho nano'ro a qowute. Her kes hora gore Xiziri cerevneno. Tayinê ra gore, linga astorê ho nano'ro ci. Tayine ra gore, linga bize nano'ro ci. Tayine ra gore ki, çileyê ke dormê qowute de vêsenê, Xizir ci ra zuyê cêno wertê ardu de nano ro, çila hên werte de vêsenâ. Sodir ke uşti ra, çêneka ozeva ke o çê de, dest-riyê ho şuna, benê çêverê boni cûre kenê ra. Tey sonê zere, çêneke serê qowute fina ra, sifte a têy niadana. Eke nisanê qowute sero di, ho çarnena muxlitê çei, circa vana. Yê ki têy niadanê. Hora çila ke wertê ardu de diye, a ki kirameta de girse saybena. A qowute ra dime na diwaza cêrene wanenê:

*Ardê ma ardê nunê genimi<sup>1</sup>  
Ma ki poti, kerdi jimetê Duzgini  
Timra ci ra dame loqmê Xiziri  
Xizir coru mara nêkuno düri*

*Na asme de Xizir fetelino  
Qelvê kami ke pako, ero dine darino  
Qurvanê Xiziri çê made girino  
Xizir pilo, coru kês ra nêhêredino*

*Dür u nêjdi dêyrê zuyo  
Hir u bereketê dêy çê mara nêvêjiyo  
Nam u namusê dêy her ca vajijo  
Kes coru raa dêy ra nêxapiyo.*

Na asme de feqiri raa Haqi de fetelinê. Milet sedeçê ho dano ci. Milet kincunê huyê paku cêno pa. İyê ke feqirê, milet yinu silayıye keno. Wertê hode loqme kenê top danê ci.

Wayir u kutikê verê çêveri:

Her kes wayirê kutikio. En dosto sadıq kutik vêreno. Adetê made vanê ke, "Haq riskê kutiki dano wayirê çei". Made kutik eve rısko. Payiz ve payiz pınağınê kutiki cia kenê. Çede ci jiafet ke pozê, bara kutiki o jiafet ra vezenê bağse danê ci.

Asma Ziqlawute ke qediyê, milet se keno:

Taê avêlik cênenê finê dêsunâ. Taê ki qurimê lozinge sanenê ro. Taê ki wela adiri erzenê zeruna.

Taê cau de ki adir erzenê meydanê çei ra, dora dime ki eve avêlik zeru runê de, a wela adiri benê erzenê vore ser. Vanê, "Çele qediyô. Uşire bijérê, ero dimenê, va çele şero, reyna nêro".

*Sima wendoğî weşîye de bimanê.  
Hata reyna Tija Sodiri de zumini vêname.*

20. Gulane, 1996

*M. Areyiz*

<sup>1</sup> Na diwaze made riia vajina. Zovina cau de ki belka zovina vajina. Na diwaze mi've zonayêna ho vata. Tede nuxsaneni belka ki esta. Wendoğî quisir de niamedê.

# ŞİVAN RÊ MEKTUVA DE ESKERAЕ

ŞERWAN BARIHAS

*H*êşarbiayis u sarewedardaêna Kurdu de xêyle fayde to bi. Tayine ti welatperver, tayne ki xayin ilan kerda. Ma her waxt hetê to guret, phoştî dê to. Paris yeno ra to viri, kami ti huykerda, kam torê wayir vejiya?

Tı amêne sewü, çesikê ho kerdene pîr henî cerene ra. Tı eve tayra amêne, ez ve makina ho, çesikê hora cereme ontene. Eve hesavê nejdi ra hot makiney 8-9 seylazar km. na rau ra mi pêmitê. Ez zerê hefti de gureune, peê hefti de ra u welağû ra viu. To lawîkê ho vatêne. Ez sodîr sonde wertê na mileti de, گeriviye de xeşir-neşir viune -hona ki henîyo. 24 serrio na rae dima ru.

Nîka cerune ra, ho dima niadanu ke honde serri simarê, namê simarê, sanê simarê, idendita simarê gureune. Henîyo ya ki niyo?

Torê tenena areze kerine: Ma ke lawîka ho vatêne, zonê hode qeseykerdêne, to ve mordemunê jê to, vatêne: 'Çaê Kurdi qeseynêkenê, çaê zonê huyo xas de nêvanîê, nêhesnenê'. Ma ke vatêne, nao ke ma qesey keme çîko? Sîma vatêne, 'o qedîyo, çinêviao'.

Baqilenia hora gore(!) Sîma ma vetene ro ho dest. Ma ve zerre-weişîye ho ve ho fikir kerdene, vatêne: Toa nêbeno, eke raştiyê ki dêl-maştiyê ki yê maê, rozê ginenê po (piro), yê ki raştiye doz kenê.

Peyhiye de ma niada ke: Welatê ma rijio, miletê ma biyo tever, zon u zagonê ma binê inkar u thomete de, vertê tada mendo. Mordemo ke vijeri vatêne, 'Dêrsim sîpê riyê mao, şan u şerefê mao', ewro lahê cira mlqi kenê. Xeta hora ders nêcenê, dismeniye Dêrsim de vinenê.

Tı vê sekena Şivanê mino delali? Sari ra lawîka ho cêna-vana, vêrena ra sona (hênio ke ma tenua bixapnê, tenena nam u hesavê simarê bigurieme). Tı lawîka dc vana: 'Koê Dêrsim warê mao, Kurdistan welatê mao'. Raşt henio? Mordemunê to xarita veta wendexamî de Coğrafya Kurdistani müşnenê, eke çi hekmata namê Dêrsimi tede çino. Raştî ki warê sîmao, ammoni râ ammoni tede bîcerê, ya ki bîçirayne!

Torê nae vajine: Dostunî marê canê ma fedao. Goyilê ma, çê ma, warê ma jê ho bizonê. Hama iyê ke Dewleta Osmani ra dima Türki de çîurre kenê, iñu ra silondê ho dahi sevekneme. Mî tora vake:

Mordem gere ke biraê huyê qiji bisevekno, cirê wayir vejio. To ve aqilê huyo pil (!) wast ke mi ho destvezê, to haqa fekê ho gurete. Dîmê ho da ra mi dest.

Na nûsawre kotira ame ra:

Mesela serê qesi qaseta tüya newiye vie. Mi qese ard ve gurê to ser, şinata to goynê. Dîma ki tora vake, qesunê hode gere ke haq-nêhaqêni têsera rind cêbare kerê, mazluniî rê wayir vejiyê. Eke haqa ho esta eve qese vo ki, haqe cidê. Qesunê tode henî yêno famkerdene ke saê ke ser sevevê û xîravîniye têde Zazaê. Reê sima hora pers kerê, na Zazaê ke hata vijeri wertê simade gureênê ewro çâê ho ciya oncenê. Ser-sevevê sima Kirdaşê ya ki Zazaê? Gorê mi 'Mertaga' çimê ho nêvinenê, muya çimê sari biya derdo pil'.

Saê ke ez amine tora pars wazemî! Ti mira vanâ Zazaki de la wîkunê rîndekî virazê-vazê beso. Cêrena ra mordemo ke lewê todero, eyra dana tastiq kerdene.

Mordemo ke şia hora dahi terseno, tastiqê molîrê ey bêlukuno. O fiqare duskino, bîmî destû dero. Mordemûnê henemî ra simade 'tîrşîkçî' vanê. Namî sari qaseta hora nêmuşnenê, emegê sari rê coru hurmeta sima esta? Semik mend ke hovîra keri Şivan! To na di qase tunê huyê peênu de name -di namey haê axiri nûsnê.

Ti ve eyra serva xatirê çêsikê ho qomunisti de qomunist, nasyonalistî de nasyonalist, sosyalistude sosyalist, elevî de elevi, suniu de suni yê. Sima çîqaşî ri-tenikê, çhond suretê sima estê Haq bizonô!

Mordemo ke fêl u emelê ho bêli niyo, ho zere de hazar-zu axsata keno. Xîziro Khal sefir fiqarunê Kurdu, Zazaî ȝezevê yîmî ra bisevekno! Mordemo ke ciranê horê, dostê horê, bîraç horê çlumşiaêni kerde, peyniye de xêrê ho ne horê, ne ki miletê horê beno. Kami ke têdu stêni, serbesteni, hasteni, zerreweşîye pêro qomu rê nêwazeno, o mordem ho xapneno.

### Şivanî Delali!

Made qesê de pilu esto, vanê: 'Her vas kokê ho sero roweno'. Ti, qomê mi mira rind nasnêkena. Zon u zagonê mi nêzonena. Na ques de ke hem fikirime; zonê ma, muzikê ma, edebiyat u şinata ma kam avêr bero? Sima nê, ma eve ho gereke avêr berime. Sima hata nîka namê mara siyaset kerd, ma berdime kerdime dîm u dimocikê ho. Nae ra têpia ki endi horê gurime. Tija ma verde mevindê, marê şîye mekerê, beso. Honde serri simarê, namî simarê gurayme, mara ke nêvanê 'Haq raji vo', bale ma dîma milqi mekerê..

# HENGURE

HEQIE MERGARIJI

Sîma xortê nikay çimemirdiê. Niade to na germ de sepete kerda pîrre hengure marê tey arda. Mî rînd tede niada, qe jûê cîra nîlewiya. Waxtê made vêsanie biye, têsanie bie. Na lastikê şiyay teyna juyo ke dewleti bi, ey kerdêne pay. Çarixê ma lon u lozin bi.

Reê, ez, beno ke vişt u dî, vişt u hire serru de biune. Rînd yêno ra mî viri; çagê velgu bi. Dariye ve torjêni ra mî eştî haqve. Ezô ke kunu 'ra rae sonu Qîsle, mî çeper serra venga maa ho da :

»Daê! Ezô sonu suke, çi wazêna? Torê Qîslê ra çi tey biarine?«

Maa mina rametie tenê vinete, peê coy vake:

»Niade, Qîsle de hengure ke bie, marê tenê hengure tey biya!«

Mî haqvê ho est ra hermê ho ser, eve esq u çêf ra kewtu rae. Rae ra Xîdê Uşenê Aliki ki kewt ra mî. Eve qese u yaranie ma şime Qîsle. Ma pia çâe simit, ustime ra. Mî darie ve torjêni ra berdi dukanê Memê Hermeni. Lewê de vinetu, hata ke ey sanay ve çerx baskerdi. U kar ke qediya, şiu furine ra çivê somie, dukanê paşı ra tenê hewla hêrnê. Amu leê henî de dêsi sero mî nunê ho werd. Uwa ho simite, ustû ra. Amika tuya rametie, na Silemanê made viari kerdêne. Mîno ke maa hora perskerd: »Daê, torê Qîsle ra çi biarine?« seweta amika tora bi. Ondêr çinebiayie bie. Çimê isoni her çi de mendêne.

Şiu dukanê Sofi. Mî horê di-hirê tutunu, çeyi rî di qalivê sovini, ju ki kiloê hengure gurete. Raa mî sero, binê Qîsli de henî bi. Leê henî de hengure amê ra mî viri. Mî vake, reê thom kerine, çîka çîwa wa? Tenê vete henî de şute. Payra este fekê ho, mî ho sana ve raa dewe. Bimbareka hengure mevaze, to vatêne belkia hemgeno!

Asma payija virene bie. Germo de wes bi. Erjiyu, amu Derêareyi. Hem biu têsan, hem ki delgê mî hengure de bi. Uwa henî Derêareyi amnoni jê cemedi ya. Heni sero hevê orosiu ra. Uwa ho ke simite, horê ciğarê kerde de. Mî ke ciğara ho simite baskerde, thomê fekê mî vuriya. Şiu henî de uwe çarnê fekê hora, tenê ki simite. Mirê hîn ame ke, thomê fekê mî hona tholo. Hora thomê fekê mî, mirê mane bi. Şiu henî, mî reyna fekê ho şut. Çi fayde! Delgê mîra hengure nîvejî. Haqve ard, goseo de qerarek cira vet, henî de şut. A, o ki mî uza est fekê ho. Ustu ra, ho ve ho mî vake, »Ez ke endi na hengure ra wenu, ciê dake burine! Ez ke jüna erzenu ho fek, mirê ci bo, sil bo! Ciê dake bo, mijâ dake bo!«

Ondêr zaf germ bi. Germ ke nêbiêne, belkia ez qesê hode vinetêne. Amu, kewtu Jiara-Paçikene, eke mî rîndek araq do. Niştu ro uza. Mavêne Jiara-Paçikene ve bonunê ma phonc deqey ra jêde nêoncenô. Ronıştene hora mî horê kerde mane u sane. Ciğarê da ho mî hervi pişte têra, simite. Qe canê mî nêwast ke, urji ra, şeri çê. Mî Haqve ra torvikê hengure vet, diane kerd ra, tede niada, eke tede letê de leti ra senik hengure menda.

Mî ho ve ho vake, »Hêñ ki rie mî şiao, nia ki! Va ciê dake burine, mijâ dake bisimine, riê mî rînd şia bo!«

1989

# TANJA

Qameri bi ya, baslê antene kerd. Na defa jü cêneki cênê xo dest Subayê SS'i. Na cêneki jü dari ra cênê, danê darida bini re. Siri çêkim di saane daa bena baxse. Subayode lesi derg cêneki di cêno pê, be zerba danu jü dari re. Cêneki xora sona, hên gina warre. Qorê xo wertê gon u gonaşerdê manê. Subay tenê tamasi sérkeno. Belyo, wazeno ki be çiyê nianena ters miletê bin diro. Pêniyidi ni subay nisenê arabeadi khani remenê sonê.

Subay ki remay şî, çardağa bananê khananna seri milet bi derg. Cêniyê khokimê ki kincê qalindi guritê pira, mordemê ki destê xo lercenê, domanê ki çimê xo ter-sênê, cênc, cênc cêni.. kotbi pençeru, teber ru sérkerdinê. Jü cênikida cênci xilbiye amê, çardaxa ki be gulana xembelnayi biye, aê ser. Porrê xuyo derg mendorosanna amenê cêr. Kincê xo u porrê xuyo khez zaf neşeşiy bî jübînu. Cênikî çardaxi ra xo kerd derg, olaşa raê di cêneki, remêrdiay diye. "Cigera mi! Vereka mi!" va; bîrre, zirçê.

Subayê ki thaldi di bi, zê vay-varîş qersuni varnay pençeran nu. Cênikî çardaxi ra remena zeri. Qi gosi xo venci tifangu ser nênanâ. Tifana ki teberdi qi thaba nébiyo, hên xo ercêna teber, yena xo dana cêneki serro. Be zirçaisa, qarraisa vana: Tanja m'! cêneka m'! rindeka m'! I zalimu çuton qemişê tu bi Tanja m'!. Vencê cênikî raê-olağı guriti xo ver.

Cênikî qi gos qersunu ser nênanâ. Teyna zirçêna u bêrrêna! Serê bini ki pençeran na xo verdaybi ro, anciay zeri. Pençerêy dai ca. Zêrria cênikî tifana biya zê polati. Qi tersê xo çinno qersunan ra. Sêne xo kerd ya, cêneki gurite wertê bajianê xo. Gonia ki cêneki ra reçê, kinc u porrê moa xuyo khez wertê gon u gonasêr di verda.

Cênikî, cêneki gurite virandia xo, sanê sêne xo ser, uşte ra u hêñ findete. Tifana qersuni karê ci nékenê. Ci esto ki, qersuni anca ercinê! Subayê SS'i ki kosi di xo

dard bi we, piştôê xo kêrd rast, nay pira. Cênikî be lesa xuya derga dêmîde hêrd ser. Porrê xuyo khez, zerê golê gonia cêneki di mand. Cênikî virandi di cêna xo, hêni hurna xodi mande.

Dür ra mordemu di khokim, dest di çogana xo vecia ama. Ama ki nejdiyê cênikî zırça, qarria: "Besso! Êndi Besso! Kerdêna sima, alçağıya sima her keşi diyê, pêro heşiyê pê. Kutuçi!... Ci waşt sima cêneka qıçkêki ra. Ci waşt sima cigera mi ra?..."

Ama lê cêneki, bajandê guret pê dardi we. Cênikî xo sas kerd. Cêneki rolê xo carverda, huyie. Hati bin ra qameraci u gorevli hêrsanê xo-ver bi zê xeğü... Şêfê yinu birra khokimi ra:

"Maynaxu budala! Tu her ci kerd xirabe! Nika baslı toyi, cêna toyi... Mau ki her ci newira biancimê. Nika ni zerari kam cêno xo ser?..."

Mordemu khokim saaki qi thaba néheşîyo pê, hêñ be berbisa miletê dormê xorê qesi-keno: "Roca nianeni di Rebaka mi kişte. Nêşikimê ki şimi cendegi (ceset) bili bicimê. Lê postalanê khanan di hêñ mande cigera mi. Xu-xodi wertê olaşa raê di poyie. Cigera m', Rebeka m'!..."

Mordemu khokimi qi xo nênapira, miletê dormi ki cirê "feqir biyo xêg" va, qesiyanê xorê dewam kerd: "Memiradiyê se beno! Kaê nianen nê bili thamiş nedon. Sima nézanê herb çiko, senino. Mi zaf deci anti cigerê mi... Çend cani verê çimanê mi di kişti. Cêniya mi, domanê mi çton olağu sero poyay. Sima nézanê verekê mi... Ax, herb kotio. Kaê herbi bili kotio!..

Adnan Binyazar-İncilâ, Özhan  
"Türkçe Dil ve Okuma Kitabı 5", Berlin.

Tırkı ra çarnoğ: **U. Pulur**

# SANIKA WEJIR DESTANI<sup>1</sup>

ARÊKER: H. Cansa

Wejir Destan lewê padisay de wejir biyo. Zaf baqil biyo. Dugelu ra ke çi qese amêne, cuabê qesi i dêne. Ni padisay wejirê bini dêkerdi, nu guret lewê xu. Pilê na wejiranê binu, kutî'be girê na wejirî. Vake, "çutîr beno ke, ma pêro caverdayme nu gureto!". Mavênenim de sersilac seytaniye kerde, wejir Destani be padisay ra verday pê.

Rozê wejir Destani padisay ra çiê pers kerd, vat:

- Padisaê m' amê biye, vêrde ra şîye, henio ke?

Padisay manê na qesi nezamît, her ke şî, kut guê na wejir Destani.

Venga celadanê xu da, vat:

- Ni berê bikisê, işliga ni goni'ro cine, mirê biarê! birey. berterwe

Hirê celadu nu guret şî. Celadu rae ra pers kerd, vat:

- Guna tu çika ke, na pasay torê na kerde?

Wejir Destan berba, vake:

- Ez sevajî! Heq zano suzê mi, ez tawê nezon!".

E, ma vake:

- Ma çiê torê kenime. Tî ki bê vad ke ke, na şundorê padisay de nevindena, ma tu verdanime ra.

E ma vake:

- Tawo ke sima mordemêna henêne mirê bikerel.. Ezî ki xora ke vinderi, bêşere-feniyal

Ninê vaştı ra teyrê kiste, pirenê niy cuna goni ro, guret şî. Padisay vake:

- Kisto?

Ine vat:

- Hiya, ma kisto.

Ine piren vet, musna padisay, padisay imu kerd.

Nu wejir uza ra şî lewê jobina ju padisaê bini. Şî schera padisaê bini, xorê boni di, boni kira kerd. Di serri tede mend, serra

hireyine dugelu padisay ra qesey pers kerd, vat:

Cuabê qesê ma dama bide, eke nêdana, cengê ma cengo!

Padisay venga wejuru pérune da. Kêş binê na qesey ra nevejiya. Nu padisa xona gina xore ke, wejir Destan ke naza biyêne, binê na qesi ra vejiyêne. Ni padisay vake, "ez se bikeri" pênyiye de venga pilê wejiru da, ardi cira vat:

- Ez nika ju male oncon qenter, don tu, bere çewres roze qaytê ci be, roza çewres u jue cena yena. Ju diram ke jêde bo, yan ki ju

<sup>1</sup> Na Sanike, 07'ê oguztoza 1992'e de dewa mara (Sansa) Aliyê Xinsiji mirê qeseykerde.

diram këmi bo, sarê tu don puro.  
Gere ke juanê vejio. *esit*  
Nu wejir wust ra şî çê. Ustina vili  
şikiya, cêniya xü vana:

- Se biyo torê hin murizma?
- Wejiro pil vake:
- Cêmki! Padisa mira vano, "ju ma-  
le donu tu, bena çewres roze qaytê  
ci bena, çewres roze ra têpia gera-  
ke uncia jê veri juane bêro". Nezon  
zerria xu kuta tu, pê mane cêreno,  
salc mi bikiso, tu bijero? Nêzon  
çibao nuu..! Wejir vake:
- Wilay ceniki, ezo sonu, tu ki se  
bena bibe.

Astorê xü, zernê xü gureti, bi rast  
si. Terefê Heqi ra uki şî súka ke  
wejir Destan teyro, şî uza de vejia.  
Oda wa ke wejir Destan teyro, nu  
ki şî nejdiyê uzay de xorê odike  
gurete. Rozê wejir Destan qewa  
wa ke herroz sono, nu ki şî uza.  
Wejir Destani niada ke, wejiro pil  
hao uzaro, xori xori vineno de.  
Wejir Destan o naskerd, iy wejir  
Destan nasnêkerd. Wejir Destan  
cira vat ke:

Ez tu teni pese vinomu, ti yê itay  
niya, senê ca ra wa?

Wejirê pili ki pêro cira vati: "Ez  
lewê padisay de serdarê wejiru  
biyuu"

Wejir Destan cira vat:

- Ca hini xori pasona, sawi kena,  
sebiyo derdê tu çiko ke?

Wejirê pili vat:

- Qalê i derdu meke! Tu derdanê  
mirê derman uêbena, pers meke!

Wejir Destan vake:

- Ala vaze, beka derdê torê çiyê  
derman vineñiime.

Wejirê pili vake, "Padisay ebe na  
biçimi ra vati".

Wejir Destani vake:

- U çiyo de qolayı yo! *10 x Khartole = 1 İerda*
- Wejirê pili vat:
- Se qolayı yo? *u + Ribig = Tewke*

Wejir Destan vat: *= qidix - 0 01/ce*

Ribigê zerni bide mu, tora vajine!

Wejirê pili ribigê zerni daybe ci,  
wejir Destan cira vake:

- So, a male bijê bionce têraji biya.  
Ebe a male rind werdene de, hêştê  
be hêştê biya baxçê hêywani de  
bifetelne. Biji, mêsini, naxiri, heşi,  
vergi, a inê bivêno. Aye ke i di; nê  
kena jede, ne ki kena këmi.

Nu wejir sono male oncenô têraji,  
cêno yêno. Çewres roze jê vatena  
wejir Destani tey niadano. Çewres  
roze ra tepia beno lewê padisay.  
Padisa oncenô têraji, niadano ke  
tawo ke da ci, çığaye biya, unca  
xunde ra. Padisa niy ra pers keno,  
vano:

- Tu na se kerde ke, giraniya xü  
uncia jê veriya?

Wejiro pil vano:

- Mi hêştê sixi dêne werdene,  
hêştê de reyê ki berdêne baxçê  
heywanu, liini giraniya xode men-  
de. Padisay wejirê pili ra pers kerd  
ke:

- Tu na sarê xora kerde, yan ki  
juyê tu salix dê?

Wejirê pili vat:

- Hiya, mordemê mira vat.

Padisay cira vano:

Sona i mordemi mirê ana biya, nêana sarê to don pure.

Ni wejirê pili, ne namê i mordemi pers kerdo, ne ki 'ti kama, çika?' nas nêkeno. Wejiro pil sono çê, cênika xora vano:

- Mi nêvake ni padisay çim verdo tu! Nu çiyo de nianeno!

Vano:

Wille ezo son!

Heqbê xu keno pirê zeriu, beno aspor tekneno sono. Sono cao verên de vejino. Reyna a qewa de rastê wejir Destanî yeno.

Wejir Destan cira pers keno, vano:

Na rayê çinay rê ama?

Wejiro pil vano:

Derdo peyên peyra tu mirê vet.

Wejir Destan vano:

Çaê?

Wejir vano:

- Padisay mira vano, "so i mordemi mirê biya, nêana sarê to don pure".

Wejir Destan vano:

Ververê mi zermi bionce têraji, ezo yomu.

Wejiro pil vano:

- Namiş serkute her çi beno.

Wejir Destan vano:

- Wejir Destano ke vanê ezune. Ti kuta mavêne min u padisay, tu pilêna

wejireni gurete!

Wejiro pil padisay rê weşeneno, vano:

- Mi wejir Destan nao dio, nejdi de uzarime.

Padisa eskeri dano arey, wejir Destani be wejirê bini ra ke yenê, padisa eskerê

xu ceno, verba wejir Destani sono, ceno ayo sarayıya xu. Niseno ro, wejir Destan unca vano:

- Amê biye, vêrde ra şije..!

Padisa vano:

- Tu na qesa vate, uzay sero mi fermanê tu vet. Tu darde kerdêne, tu şiya xeleşıya ra, ama uncia i qesê xu vana. Padisa cira vano, "ala vinde, manê na qesi çiko."

Wejir Destan vano:

- Amê biye, bextê mi (taliê) amaybi. Mordemi kuti mavêni, mi çi ke bivatêne, tu imu nêkerdêne, tu ez jureker vetêne. Coke ra bextê mi, mira kuti dür. Tu wejir Destan wast, ara tu dest nêkut. Vêrde ra şije, bi ke bextê mi (taliê mi) guuria, di serri ra têpia uncia amine. Serba tu ki, serba mi ki unca "amê biye" taliê ma bi ke, amayme reştime jubini.

(Naza de samike qediyeye. Yê sarê (qomê) ma ki "amê biye, vêrde ra şije" mebo!).



# NUN U SOLE

*Repete*

*Sindorê de se*

HESEN UŞEN

Her çira ver nae vaccine; ita de nuni (noni, werdeni, werdişi) se pocinê ra zêde, jü qilafetê dina an ra zon. Na tengiye de ki nêmanen, çarawelê nê qilafeti hona ebe sindorê dewê ki cên. Jü dewê de koy de, zerê jü çeyi de, ebe emegê dest u paa ra, ser u binê hardê dewreşî ra çi ke besar kerdo gureto, yanê çiyo ke nêhérino, ebe pera négureto, ebe déra çiyo ke poto, ita de éra qal ken.

Se ke vacino; Nun u Sole ra qal ame ra, nuni se pocinê ra zêde, jü teyna qilafetê dina ana ro zon. Ìnam ken ke hondê ke ez ita de nusnen u salix dan, hondê xêlê kesi xora zanenê. Hama vaştena mi ki xora a biye ke; no çi, reê ki ebe nuste bêro ro nustene u nustene de bêro vindarnaene. Heya, jü ki hondê ke wazen biyari ro şima viri.

Kamo ke rind nêvineno, ya ki salixê mire qailiya xo niyano, namekerdena nê nu-na/werdena de kemiye vineno, o kes na kemiye binusno, nê pelga de ya ki pelganê pêserokanê manê bina de ağme kero, rinda tewr pile kena.

Raştiye ke wazenê; mi, ma u piyê xora zo bina kesi ra çiyê pers nêkerdo. Çi ke ame ma viri, se ke cêr de nustaiyo, ma hini ard ra pêser. Hini ard pêser van ci ke, hetê salixi ra beno ke tainê rê taê biağki bêro. Ci ke qesekerdene de salixê werdene zo bina beno. Mesela, Ağwa xo gîrnêna, bulgur kena ci... Ron, piyaz, isot veşnena verdana ro ser...

Mi be xo, nê çiyê ke ita de ebe name de-kernê, jü be jü werdê, şimutê. Nika no nuste Almanya de êno nustene, hata ita ki nê nuni ênê sifre ma ser, tabi çiyo ke besar keme, ita herinemê inara van. Hama çiyê esto ke, tar u thuri ra zo bina çiyo bin xora her ca êno diyene. İsan her waxt u her ca

de şikino zerfeti poco. Xora ma ki, qal jü zerfeti sera ard ra u no nuste uca ra dime ame werte.

Heto bin ra, mordemi ke qalê werdene u şimitene ke kerd, qese ke dinara ard ra, dormê dina de taê ci estê, gere ê ki bêrê dekerneae, qalê dina ki bêro ro ra. Ma sindorê nê nusti de, jü namê mordene ra tainanê dina amê xo viri, dekerneae u viyarneme ra. Nê vacime: Khebaniye, berriye, tendure, zığe, ar-dü, saci, fıraqı (qab u qacağı), bonê çeyi, khulinda boni, yauxe, meşke, rewike, sepi, pırxanıkê khulinde, silandı, distari, dirgore, arê, tire, xonça, sıfre, astami, cite (ramitene), cün, çerçî u hona zaf çiyê bini.

Mao ke niya taê ver u pey ra da piro, vere-me ra şome!..

No, heqa werdene u şimitene de ki niyaro. Na dewê de koy de hona zaf ci weriyo, hona ki weriyo; şimiyo, hona ki şimino. Hama ma; sıfte, besar nêkeme her ci jü rae de zerê jü nusti de biyerime ra zon. Zo bini ki no karê nê nusti niyo. Onciya ki, çixa ke ma dest ra amo, ma çixa ke zanito, werdene u şimitena her waxt u her kesi ra ita de qal ardo ra. Reyna van, werdene u şimitana her kesi. Ciğa ke werdene u şimitena her waxt u her kesi vame ki, onciya ki zaf ci pêy de dame. Mesela; heb, toxim, şerbet, şorbike, ron (mal-manga), ağwdoy, çilqemast, do, mask, binê parzuni, heriş, thon, vazd, gost, pune, kırkirkir, gülê verva roci, gizeri, şinge, parike, xiloki, khaki (hela rê khaka ebe name bimorê, çixarê, mesela khakê dirike), sae, muriye, mamux !?.

Kilmek ra giredim:

Ma têde zaneme ke, serê dina ra her zon, ca be ca fekê de bin ra êno qesekerdene. No zonê ma Kîrmâncî-Zazaki de ki

T. mori

waxtqorë  
yarmak (Hans)waxtqorë  
kavatina

niyanêno. Çığa ke taê qail niyê ki, ez onciya fekê dewa made nusnen, wa qarmê çimanê dina bonê.

Namê werdena ki, geganê jükek, geganê ki xêle ra ardê zon. Çi ke zêde ra niya name benê.

Taê ci ki alaqa xo salixdaena nuni rê zêde çina, hama ma ke werdene u şimitene ser qese kerd, maa mi nê çiyê niyanêni zaf vay, mi ki gegane jüjü qesa daê ita de kerde ci.

\*\*\*

Sifte, tenê dormê werdişi ra bicerime.

### Locine

eve

Zerê bonê de caê adıriyo, waxtê veri de oda u boni ki pê kerdenê germîn, zo bin verê ra hata nika tede non pêşo, robar biyo nêzo çok u çi biyo. Zêde ra werte de, zerê dêsi dêra, kemero pur u sala ra çengê locine virazinê u xemelinê. Dormê daê de niştenê ro. Mislet amanê pêser. Binê locine de sale biye, a sale sera timi adir kerdenê we. Bicike eştenê sala surê ser, saci viroşiyê ci kerdenê, adiri ki kerdenê saci ser, o mir hini bine de pêşenê. Zo bin, na locine de hirê kuçiki bi, dina sero bîroş, quşxane, lê u qab-qacağê bini ninê ser. Tainê hurendiya kuçika de dezewan nenê ro. No ki asin ra ze kuçika hirê ningi bi, nê sero ki ze kuçika lê, bîroş, quşxane nênenê ro. Taê çêa de ki jü asin zerê na locine de berz ra veriniye ser bi, bîroş adiri sera pi ra darde kerdenê. "Daka mi se ke hewnê şewe ra qese kena!"

"Ma hewnê şewe niyo çiko! Se ke dew u locinî verday!"

Xozibê waxtê veri, isananê veri!

### Qilağe, ar-dü

Tezeko meşin û tezekê dawari ra gilor ya ki çengen qaznağ viraştenê, teberê nê qaznağı reyna ebe rixa mal u dawari süyağ kerdenê, lüyenê ra. Zere ki onciya tezeki kerdenê ci. Eke ar düyê çeyi ke vet, o waxt qaznağê qilage ca de verdene sera bine rê qilağe hazırlê biyê, reyna tezeki kerdenê ci. Qasnağê jü qilağe dirê seri hini mendenê...

Tezeko meşin gome ra ebe merê birino, dêsê sera ze dês nicnino. Tezekê dawari ki bosme de beno ro, birino.

Koli ebe maşa eştene pêser nijnêne, ya ki kerdêne hurdi, kerdêne binê, qulikê. Nê ki locine û saba de teba tezeka ra piya veşnenê.

Poten u şütene de ar-dü no bi. Kale ka nina de gone u zeliki ki nênenê ta.

### Çerçi

Dewanê made çerçi Dimlici bi, ma ninara vame Paloci ki. Nina ağıt, tüy, basmeci u tenê çimiyê werdene u parti ardenê. No çimi verva ron u pırçê mali dêne (tirampe kerdêne).

Yane mesela, çar seri tüy, serê ki ron de vurnenê.

VİROS. Verden = fers Çevirmek

### Qilaçi

Qilaçiyê ke amenê dewanê ma, ya ciranê dewanê ma bi, ya ki Dimlici, Türkî u Lazi bi. Nina, firaqi ebe pere qilayı kerdenê. Dari veşnenê komur vetenê, kerdenê korige, ebe kulfike cinitenê. Sifte qabi ebe qum kerdenê pa, dîma neşadîr kerdenê hurdi, kerdenê ze arda, lê xode kerdenê tasıkê, waxto ke qabi nênenê adiri ser biyenê sur, o neşadîr wertê di beçikanê xode şanitenê piro, leyim kerdenê pira, ebe peme soyinenê qab ra.

Fazıl



Arşiva H. Tornecengi ra

**Bostan**

Lobi, fasoli, piyaz, kartoli, kelem, silqi, tamatezi, xiyari, biberê kifta, kundire, kundirê şehera (suka), gizeri, gulê verva roci u khirkirik nê kuli boştana de ramitenê. No bostan verê çevera de, axpin, hope u lara de usar be usar nêwe raminio. Gere ke no het ra tidarekê bonê çeyi u riskê zimistani bêro diyêne.

**Tar u thur**

Xora binê asmênê khewi de jü bostanê de girs esto ke, riskê têdê me u mati rê usar be usar xemelino, marê ki heto jü ra. Ninê têdine ra vame tar u thur.

**Qatiğ**

Pendir, ron, mast, do, şit, xavike, binê parzuni, toraq no çiyê khulindo, çê her kesi de êno diyene. Werdena her waxt u her kesiya. Qatîğê çeyi destê kheba-niya çeyi dero.

Welatê serhedi de şes aşmi varê riyê hardi ra manena, o waxt kami ke amnani ci tevdir kerdo, zimistani ki werdê xo o biyo. Riskê xo khulinda xode biyo, du-kanê xo, çê xode biyo.

**Zad**

No zerfeti u girika bice, hata roneni her çiyo ke pocino **ron** kuno ci, uyo.

\*\*\*

**Nunê tire, nunê saci, nunê tendure**

Ağwa şirgerme ra beno mişte, vindarino, beno turş. Xonça sera ebe tire beno hira, saci sera, ya ki zerê tendure de pocino. Nunê tirê ra nuno labaşı ki vacino. Eke mir nêkerd turşı beno nuno eşkeba. Cêni ze çitanê serê xo nune be nune kenê hira.

**Nuno bauxki**

Haki, ardi erzinê ser çılqinê. Saci de, ya ki tawike de, zerê rono rovileşiyai de khoçike be khoçike ra benê ro, pocinê.

**Bicika gizri**

Heb distari de êno rarrdene, miştê beno, beno gilor, kuno binê saci, peşeno, cira bicika gizri vacina.

**Bicika ronune**

Ardi; ron, agrave u şit de bêmiraz miştê benê. Eke rind amay dalüne kenê gilor, kenê bicike. Kuna binê saci, binê saci de pocina.

**Bicikê toraqi**

Mir tirê beno, beno hira, nême de zerê dê toraq, piyaz, vazz kuno ci; nêmô bin ki şikino ro ser, erzinê ro saci ser, pocinê. Bicikê toraqi erzinê binê saci ki.

**Miyaz**

Bicikê de ronina, ya ki nunê de saciya ronina, zêde ra ziyar u diyara ser de, raa Heqi de beno vila.

**Goğiki**

Ardê lazuti, ze mirê bicike huşk, bêmiraz benê miştê, ron şanino ci, benê guđe, binê saci de pocinê.

Ardê bini (genim, topik, kose) ki miraz sanino ci, benê tırs. Ze goğikanê lazuti binê saci de pocinê. Nê ki zêde ra raa de ênê verdenê, çi ke niya rew kertü nêbenê.

**Zerfeti**

Mirê zerfeti bêmiraz, huşk beno miştê. Bena gilor, erzina binê saci, sala locine sera, binê adırı de pocina. Kirtukê seri gilor birino. Zerê dae ebe khoçike kînino, cira vecino. Kirtukê bini ebe do, ya ki mast şuyax beno. Zero ke cira veçiyö ebe dest beno hurdi, tepiya kuno zere. Tenê doo hest, ya ki mast verdino ro ser, dîma hemgen be ron têwerte de vîleşinê ro, kuno sera.

Taê be dest, taê be khoçika meleve wenê. To ke zana, kirtukê zerfeti ra çi vacino? Ma, xora çikonek werdê mino. Şande ra ke mendo, şodî ebe çay, vanê belka tayina weşo.

**Patila**

Patila ki, mir tire beno, kuno zerê legane. Zerê dae tuy, basmeci, zerê goza u eşkici, teba ardanê lazuti ra piya benê miştê, kuno zerê na nune. Nunê ki tire bena, erzina dae ser, teba leganê ra kuna binê saci. Zerê patila ke vet jü ron teyna kuno ser, xora werdene rê bêroni ki hazırla.

**Tirit**

Nunê tire eşkeba pocino, phari be phari beno hurdi, kuno zerê lengeriye. Ron vîleşinê ro, do kuno ci viyarino ra, taê ki isot erzino ser, henî germin werdene rê weşo.

**Siro keldoş**

Bicike miştê bena, pocina, dest ra bena hurdi, qabê de nina ro, doê siri verdino ro ser. Dae ra dîma taukê ki ron vîleşino ro, cor de verdino ro ser.

*Her kes hermanê xo şemerneno we, êno ser.*

**Siro qult**

Siro qulti ki, bıçika xo helba darene de, ya ki taphike de bena hurdi. Doê siri verdino ro ser, ebe tire, ya ki astami xincino. Vecino, kuno lengeriye, wertê dê beno çale, ron teba taê şiraniye ra kuno na çale. Ebe destä, khoçike ya ki khoçika meleve werino, no ki siro qulto.

**Sirê saci**

Nônê tire eşkeba beno miste, tenik be-no hira, saci de pocino. Lur beno, ebe dest beno hurdi, lengeriye de nino pêser. Doê siri u ron verdino 'ra ser, werdene rê beno hazır.

**Sirê lazuti**

Ardanê lazuti ra goğiki pocinê. Sirê lazuti ze siranê bina do de nê, agrave de xincnenê, kenê qab, çale kenê, ron u aqit ya ki ron u hengeni ra kenê ci, werino.

**Bulgur girenaene**

Hebo kose agrave de girino, êno rafıştene, tiji vera beno züya. Eke bi züya dingde de, ya ki dirgore de êno kuyene, pistik sera şono. Defêna êno rafıştene, reyna beno züya, vay dino, pistikê dê va beno. Lengeriye be lengeriye êno weçintene. Ebe distari êno rarrtene. Ekê rêd ra, ebe gozligê ya ki pirocinê vicino ro. Ardê dê binê ra vecinê, rîndê dê kuno meşoke/çüyale, dino we.

Ardê ke binê pirocine ra vecinê cira binê bulguri vacino. Ebe binê bulguri ki werdiş virazino.

**Bulguro huşk**

Verê bulgur, dî veri agrave de girino, eke onciya; ron, piyaz, isot têwerte de

girino, verdino ser, werdene rê beno hazır.

**Sorba bulguriya doy**

Do viyarino ra ke nêquesiyo, bulguri ki kuno ci, girino. Taê ki ron piyaz, isot kuno ci.

**Emurtoğe, Vurve**

Ron qijilino, ardi benê pêde, weşenê. Kuna qabê, bena serdin. Waxto ke germe ya ki şorba nê ser, taê cira ca kenê anê kenê tawike, defêna taina ron kenê ci, eke bibo, taê ki piyazê de bin kenê ci, agrave de kenê amar, kenê wertê germi.

**Êgni**

Goş, fasoli, lobi, kortoli, kundiri kilmek ra çiyo ke bostan de reseno kulinê ra êgni beno. Ron, piyaz, isot u goş veşino, agrave kuna ci girina, çiyo ke bostanê khebaniye de beno khewe ê ra ci ke biwaziyo o kuno ci.

**Sorike**

Ardê lazuti agrave de çılqinê, ninê adırı ser tey tev dinê, hatani ke kel amê ser, giriay. Tenê ron erzino ver, henî werina.

**Germi**

Heb dingde de êno kuyenê, eke şut, pistik ke werte ra veciya, şenik agrave de êno girenaene. Dima; ron, piyaz, vurve veşino, kuno ci. Zo bini ki hurendiya agrave de peciyo do ki kuno ci, girina bena germiya doy u werdene rê bena hazır.

Heto bin ra ki, morden şikino virende doy biviyarno, hona heb ci kero.

Germi, lazut, kose, cew u genimi ra pocina.

Germiya kengera de, kengeri benê hurdi, do de viyarinê, puno teze erzino ver.

### *Germiya des u di İmama*

Ağwe ra hatani sole des u di thama ra pacina. Sodîr nanê ser peroc pê rocê xo şiknenê. Çêa ra bena vila.

### *Toraq*

Do girenino, beno toraq kuno sinci ser. Sinciya dê parzun bena, hatani waxtawaxtê recena, pêciyo parzun ra vecino, kuno meşoke. Hatani ke waşt dino arê. Hini meşoke de beno züya, reseno. No toraço xamo.

Dêra dima, ko ra mendike ya ki so ari-na/o, na mendike ya ki no so girenina/o givişina/o ebe toraqi ra şanina/o pê. Niya beno toraqê mandike ya ki toraqê soy. Toraq nino kupê ya ki postikê ra, zimistani werino.

*Sinciya toraqi ki dina kutik u pisinge.*

### *Toraqo weş*

Maşt şirin beno amen (şenik amen kuno ci). Toraq kuno zerê meşoka kurase, darde beno, dae ra dima heroc heroc mast beno ser, eke çıxa ke waşt, hondê ke da arê, dae ra dima endi mast ser nêkuno, no meşoke de tevdino, eke ağwa xo ke rind recê, meşoke ra vecino, kuno leganê de girse, nêzdiyê nême dê ki ron şanino ci, piya şanino pê (mişte beno), nino poste ra.

*Rocê xızırı de ki beno ra.*

*Namê xo toraqo weş bi, o be xo ki weş bi. Fekê isani de heliyenê.*

*Toroqê Kewki tham u rengê de bin ardene sıfrê ma ser.*

### *Pastgan*

Do dino arê, vindarnino beno tırş, kuf-kufino we. Nino kuça ser tey viyarnino ra, girino. Eke giriya bi hest, nino ro, beno serdin, kuno parzun, rêmico. Eke rêmica vecino, sole beno. Têde piya ke ebe dest mişte bi, nino kupê ra, ya ki postê ra.

### *Paizdo*

Do kuno meşoka kurase, tede receno, beno züya. Eke rind reca, vecino, sole beno, nino kup ra, zimistani werino.

### *Terene*

Terene toraqo huşko. Amnani beno gu-de, tiji vera nino ro, bono huşk, zimistani beno pira, amari beno, do cira vecino.

*Xoro bê doy ci beno ci nêbeno şima ki zanenê.*

### *Pendir*

Şit girenino, amenê pendiri kuno ci, peciyo beno parzun, salê nina ro ser, o bine de hini phon êno. Eke ağwa xo recê, sole beno kuno qabê, ağwa gire-naiya serdine kuna ser.

### *Erişte*

Ardê genimi ya ki kosi şit u haka de mişte benê, mir huşk êno guretene, tire beno, beno labâş erzino tiji ver, tenê ke tiji verra onciya bi züya luri beno birnino. Reyna tiji vera êno rafışene, beno huşk. Amnani beno hazır, zimistani rê dino we.

Potena erişi xora bê zameta. Ağwa ke-li de erzino ver, pocino, ron kuno ci. Mordem besar keno erişi berzo verva zaf nunanê bina u ebe dinara ki poce ro.

**Bisi**

Şit haka de beno mişte. Mirê bışiya ze mirê biceke huşk êno guretene. No mir beno phon, tawike de, zerê roni de pocino.

**Gıriki**

Bulgur kuno qabê, ağwa giriaiye verdi na ser, serê qabi êno guretene, qase nem saate tede beno nerm. Dae ra dima, ardi şaniné cı, mişte benê, (lüyinê ra) phon girs u zere qulekerde gırıke virazina. Ağwe ke kel ame ser, gırıki kunê cı, girinê, vecinê benê hurdi. Kunê qabê; ron, do, sir verdino ser, werinê.

**Kiftê**

Bulguro hurdi gosto xinciya de lüyino ra, piyaz u isot şanino cı, mişte beno, zerê lape de gude be gude şidinê, erzinê ağwa keli ver, girinê. Vecinê; ron, do, sir verdino ser.

**Bilorikê ağwe**

Ze kifta ya ki ze gırıka benê hazır. Wertê dı destä de benê gilorikin. Hetê ra ki, nuki ya ki niski piyaz, ron, isot de girinê, tenê ke bi ro nerm, nê giloriki kunê cı, piya girinê, werdene rê benê hazır.

**Haiz**

Şit, tenê haki şikinê cı, şenikeki ki ardi erzinê ser, çılqinê, tawike de, rono rovileşiyae de pocino.

**Helisa**

Sekir ağwe de helino, ardi erzinê ser çılqinê, tawike de zerê ronê rovileşiyai de pocina.

**Hewla**

Ron zagal amar beno, ardi şenik şenik benê pêde, tevdinê, hedi hedi adırı sera peşana. Nêzdiyê weşaene de adırı sera nina ro, hemgen ya ki sekir beno amar, verdino ser, rîndek tevdina. Hatani ke biye serdin vindarnina, hona werino.

Hewla zaferi xerê merdanê pili de pocenê, kenê zerê nonê. Waxtê vila kardene de nonê de hewla, tasê bulgur, tasê şorbike (eğni) jü nona tire, çê be çê ra kenê vila.

**Hemgen**

Paizi ke meşi ditêne, darenê (legana) nunê tire potêne. Kam ke lê meşa ra biyamenê, bişiyenê, hamgen kerdenê wertê nunê, raa Heqi de denê cı, vatenê wa çimê xo ya ki nevsê xo tede nêmano. Waxto ke meşi ditenê tezek nênenâ ra adırı ser, berdenê verê petage, düyê tezeki ra meşi şiyenê hetê bini ser, ya ki veciyenê teber, telaq be telaq ebe astami ca kerdenê. Sere de jü defa meşi ditenê.

*Hemgenê meşanê oxila ze leçega sipyâ serê ceniya bi.*

**Sungi**

Benê hurdi ağwe de girinê, ron kuno cı werinê. Erzinê bulgur u birinci ver. Zo bina ki erzinê adırı ser, pocinê hini werinê,

Tiji vera benê huşk, zımistani rê ki dinê we.

*Ko ra denê are, koka kinkori de, mendike de, karpoxi ki de biyenê khewê. Thamê sunganê welatê ma ze gasti bi.*

**Turşî**

Kelem ya ki silqa ra viraştenê. Kelem kelxaş beno, vindarnino beno serdin. Sole beno, kuno qabê. Ağwa serdine kuna ro ser. Leymune teba sirê bacara

u sirke ra kunç ci. Fekê xo pet gire di-no. Aşmê de reseno, beno turşî u êno xercê werdene.

*Xora ağwa ma weşe biyê, her çiyê xo ki weş amenê.*

### Xosabi

Xosabi; eskice, muriye u basmeciye ra virazina. Nê girinê, taê ki şiraniye kuna werte, bena serdin, bena xoşabi.

### Qawite

Muri resenê, benê mir, ebe dest pele-xinê. Doçık u serê dina cia beno, astarê ya ki cilê sera ênê rafıştenê, benê huşk. Dingê de ênê kuyenê, dîma ki arê de ênê rarrtene. Arde dina zîmistanî erzinê ağwa serdine ser, çîlqinê, şîmina ra. Ze ağwa êmişi (nektar).

### Herire

Ağwe girina, ardi pede pede benê pêde, girina; ron, do, sir kuno ci, ebe khoçika werina.

*Nuno bêaste u békirtuk.*

### Xaşile

Bulğur girino, ardi kunê pede. Tevdinê, piya girinê. Ron kuno werte, pede ron helino, pede ki dorma ra werina.

### Roneni

Nunê saci gîlor, qalind pocino. Hirê çar nunê germini ninê pêser, roni ki kuno werte, zerê qabê de kunê têwerte, xîncinê. Heni ê nuni ron de benê sur, benê ronen u cira roneni vacina.

*Mordemi roneni ra pê damana xapitenê u pesirê xo cira xelesnenê ra. Zêde ki aleyê mi pê xapiyenê.*

### Qazloqmesi

Ron firaqê de vîleşino ro, şit be ardi u dirê haka ra têwerte de, ze şorîke çîlqinê, khoçike be khoçike wertê roni de benê ro, peşenê.

### Ketê

Şit u ron de ardi benê miştê. Ze bîcîke gîlor, hama qîçkek, benê phon, ebe khoçike kert benê, erzinê binê saci, ya ki tendure de pocinê.

*Keta ra şanikanê made zaf qal beno.*

### Keska

Doo tîrş viyarino ra, bulguri ki kuno ci. Eke tenê hest giriya, nafa ki ardi benê pêde. Rînd ke peşê nina ro kuna qabê. Ze sîri bena çale, ya ki ron cor de nino ro ser o pira pira helino, pira pira ki dorme ra werina.

### Samirê koreki

Korek dingê de kuyino, vecino şüyino. Ağwê de şenike de girino, o be xo ağwa xo oncenô, keno züya. Ze bulguri oncinô. Taê roni ki kuno ser ya ki kuno werte, werdene rê beno hazır.

### Dandane

Heb virende dingê de kuyino, ze germi şüyino. Nino adırî ser tenê zêde girino, hebê xo vîleinô ro. Dîma taê ardi benê pêde, ron kuno ci, werino.

### Dani

Heb, lazut ya ki nuki ağwe de girinê. Sole be kirkirik şanino piro, ênê werdenê. Ya ki kunê wertê doy, hini ze şorba serdine ênê werdenê.

### Bijereki

Heb, lazut ya ki nuki kunê zerê saci ya

ki adiri sera teqinê. Taê sale agrave de amar bena sanina piro. Bijerekî taê ron de zerê tauke de ki teqinê.

### Baliyê burri

Kunê wertê adiri u turamiya adiri, ninê soba ser. Pocinê, qafikê xo teqenê, benê pa, ênê werdene. Mordem pê toraqi ki şikino buro.

Payizi ke kerdêne top, caê de, zaferi ki yatiye de çalike kinitêne, kerdêne ci, wele kerdêne ser, zimistani rê hini şevkenenê u dêne we.

### Tüy

Tenê agrave de şenike de girinê. Agrave dinê bena thal, ron kuno ci, ron de benê sur, werdenerê benê hazır.

### Basmeci

Basmeci agrave de kelxaş benê, vecinê teyna ênê şütenê, kunê tawike ron de girinê. Haki ki şikinê ci.

### Lobi

Bostan ra çininê, doğikê dina şiknino, hini taê agrave şenike de girinê. Agrave ke bine de menda cira rîçnîna, ron kuno ci, lewê bulgiri de ya ki pê nuni werinê.

### Kaposka

Kelem beno hurdi, tenê bulgur de girono; piyaz, ron, isot kuno ver.

### Kelem

Bostanê çeyi de ramino, pilesino kifta ro, beno turşî, khali ki êno werdene.

*Baêy nêvatene: "Xozibê ïsmê Kheri u Mistê Kori bo nika werdê xo hero' hero' kelemo".*

### Kundire

Sala locina adiri sera, binê saci de pocina, qafik ra reç bena sole sanina piro, werina. Na **kundıra binê saci** biyê.

Kundire zo bini ki, bena lete zere agrave de girina, vecina, zerê daê reç beno, kuno zerê tasê; sir, ron, mast têwerte de verdino ser, werina.

Eke kundire ke xosera/teyna mepociyo, kuna nunanê ze germi, egni, daniya u bulguri ki ver.

### Dirike

Agrave de girina, virazina (givişina bena gude) ya haki şikinê ci, ya ki şorba de erzina keli ver.

*Dirike suzi rê ki rinda, o waxt morden nêweno, dano caê suzi ro.*

### Kardun

Waşê de wertê birriyo, tujo. Usari çinino, dino arê, arîno çê. Çê de ze laymunino, tiji vera darde beno. Eke rocê di roci bi pirike, beno hurdi, tiji vera finino ra, beno huşk. Zimistani erzino şorba bulguri ver, ya ki virazino.

+  
fi

### Helige

Usari ke vare heliye, ko de bena khevwe. Buka dae çinina, bena hurdi, tiji vera êna rafıştene, bena huşk, zimistani rê darina we.

Werdene helige tore be torewa. Pocina, givişina, ron de bena sur, haki ki şikinê ci. Zo bin, helige erzina şorba ver, kuna biceke ki. Givişin: ebe sole ki êna werdene.

### So

So, hem khal êno werdenê, hemi ki kuno wertê toraqi. Heto bin ra ki, agrave

de girino, pociya, givişino kuno ron, haki şikinê ci.

Kunê germi veri ki.

Aşê koy ra benê khêwe, turş u weşê..

### Mendike

Mendike ki khal ênê werdene, hemi ki kuna wertê toraqi. Zo bini ki pocina givişino, ron de haki şikinê ci.

### Silmastiq

No ki tarê de usariyo, ağwe de girino, givişino, kuno ron, haki şikinê ci, hini êno werdene.

### Tarê silqa

Pelgê silqanê, pîlesinê girik u tifta ro, kunê şorba ver, kunê bîcik u patila. Zo bin ke tarê silqa pociyo; xaşenino, vira-zino, haki şikinê ci.

Tarê silqa teyna nê, silqi be xo ki we-rinê. Nê ki zêde ra ağwe de ki giriyay, teyna werinê. Silqi benê turşî ki.

### Sar-xaşı

Sar-xaşı çerme benê, kunê ağwe girinê, ninê ro, benê serdin, werinê. Vere ki xaşenino, vecino, reç beno, beno pak, defêna beno hurdi, kuno wertê xaşa, werino.

### Şorba sar-xaşa

Sar-xaşı teba veri ra piya girinê, ninê ro, benê serdin. Goştê dina sera beno, teba veri ra benê hurdi. Ron, isot, salçê, piyaz têde vesino, gosto ke aste ra şe-qetno kerdo hurdi, teba goştê veri ra kuno werte, ağwe kuna ci girina, bena şorba sar u xaşa.

### Gosto huşk

Gosto nerm rişi beno, sole beno, tiji vera beno huşk, niya tawa ro pê ci nêbeno şenik şenik erzino nuni ver.

### Qepeme

Goşt ağwa xaliye de girino, ca vecino benê serdin, teba keta ra benê mislet u veyva.

### Heliz

Ağwe de girino givişino, ron de haki şikinê ci. Khali ki êno werdene.

### Zıvrık

Zıvrık usarı ke nêwe roino, çinino, dino are u êno guretene (cenê de). Kheba-niye ke zıvrıkê xo bicerô de, amnani waxtê paletiye u kari de vecena.

Zıvrıko deguretae ya ki teze u xaşiyae givişino. Hetô bin ra haki u ardi ze şorike çılqinê, benê têra. Zıvrıki ki jü be jü cinino a şorike ro, erzino wertê ronê qızılıay, tede pocino.

### Pêjekê

Potena xo, do de viyarina râ. Erzina germi u şorba ver. Khal, ebe sole ki êna werdene.

### Marsingi

Usarı wertê waşanê merg u çayira de vecina. Ebe sole, khal êna werdene.

Zaf waşê de weşo.

### Tursike

Dî cisniya, jüyê ra, tırşika ribesa vaci-na, jüyê ra ki, tırşika vareka vacina. Hurdemena ki ze namê xo tûrsê; khal, pê sole ênê werdene.

### Ribesi

Pê ya ki bê sole enê werdene.

*Qeli*

Saci pişteser nina adırı ser, gost beno hurdi kuno zerê na seci, girino thonê xode beno sur. Pê nunê saci werino.

*Qarme*

Goşt thonê xo de girino, ağwa dê bena züya, ronê xode beno sur. Kuno zerê qabê, serê dê ki ron vileşino ro, verdino ser, êno guretene. Hini xelê waxt xirabbune ra şeşekino.

*- zbi yarne* \*\*\*

## GÊRM

**KEMAL ASTARE**

Rocê dewunê mara ju dewe ra ju mordemek sono suke. Hêrdisa xu u porrê xu derg, beno. Hande ke biyê derg, sero verdinê ru, porr yeno çimu ser, hêrdise resena şene. Hama ferq nêkeno ke porrê xu u derdisa xu biya derg. Sono ju ju nonxane gêrm wazeno. Gêrmi anê verde nanê ro. Seke koçika xu tasike ra ano fekê xu, tenê beno çewt ke, merişiyo ser, u wext porrê xu u hêrdisa xu kunê gêrmi. Koçike nano ru, urcenôra. Wairê nonxaney rê vano: "Na gêrma mi ita vindero, ez son porrê xu u herdisa xu cira kon yon, gêrma xu won. Serê gêrma mi bitêmne serdin mebo!"

Mordemek vano: "Heya, tu so, karê xu bivine bê."

Tekino sono. Sono ke berber hao verê dikonê xode roniştaiyo.

Ma be xêr, xêr be silamet, berber vano: "Kurşî sero ronise!"

Niseno ro, vano: "Sifte hêrdisa mi, dime ra porrê mi cira ke."

Mordemeki ke hêrdise letê cira kerde, mordemek serê kurşî de saqunê xu ano beno.

Berber vano: "Bîra, tenê rehet vinde, jilete riyê tu birrnena."

Vano:

"Mija mi yena, cok ra saqunê xu kon jubin ra."

Berber vano: "Wurce so, mijâ xu bike, bê."

Mordemek wurcenôra, vano: "Ez serê xu ita verdan, son mijâ xu kon, yon, hata ke ez amu, tu porrê mi ki cira ke."

Berber vano: "Heya, beno."

Mordemek serê xu veceno, dano ci, sono. Sono mijâ xu keno, hama raa xu sas keno. Raa xu nêveceno. Suke de zaf fetelino, hama wencia raa xu nêveceno. Hêñ yeno meydonê heygonu(heywanu).

Reê êşino pê ke, ju kel qirreno. Keli ser sono. Tenê ke nejdiê keli sono, boa keli ceno, herdisa xu yena yi viri. Boa hêrdisa xu jê yê keli bena.

Vano:

"Kelo, serê xu bide mi, ez şieri serê xu bivini, badona serê tu torê an." Kel qirreno, vano: "Nê, ez serê xu tu nêdan. Mi ke serê xu da tu, kes mi nêhêrnenô."

Vano:

"Nê, kelo, tu ke serê xu da mi, tora boe nêna, u wext her kes talibê tu be-no, tu hêrnenô."

Kel vano: "Nê, nêbeno."

Kel miji verdano ninga xu, vano: "Bê bêçika xu mijâ mira ke, duwa xu bike, bêçika xu hewa de berz pêbicê, u wext serê tu, tu vineno, venga tu dano, tu serê xu vinena."

Mordemek bêçika xu keno miji ra, fino hewa ra, tekino sono. Zaf sono, senik sono, suke de zaf fetelino. Raş sono, veng ceno. Veng vano: "Dür!" Hetê çepi ser sono, veng vano: "Nejdi!" Hêñ-hêñ yeno serê xu vineno, cêno nano xora, sono nonxane. Wairê nonxaney yi nas nêkeno. Niseno ru. Mordemek vano: "Kerem ke, ci wena, ci simena?"

Vano: "Hala a gêrma mi bicê biya."

Mordemek: "Senê gêrma tu?.

Vano:

"Hawa ke sata bine mi dê tu ae biya."

Vano: "Yaraniye meke, ci wena -ci simena?"

Vano:

"Hele, hele yao! Mi sata bine vat 'ez son porrê xu u hêrdisa xu cira kon yon' ez uyo."

Mordemek sono gêrmi ano. Ju koçike ke beno sekê xu, tham keno ke gêrmi biya tirs.

Venga ci dano, vano: "Na gêrma mi ça biya tirs?"

Vano: "Hêrdisa tora ju muye ginay bi piro, muye ra boa keli amêne cok ra biya tirs."

Mordemek xoxode vano: "Tüüh, mi kaška hêrdisa xo cira mekerdêne."



# ZONÊ MADE NAMEY-III

## Hasan Dewran

Wendoğe maê hewli, ma simarê amorê Tija Sodiri jüyine de namê çênu/cinu, amor diyine de namê lazêku/ciamerdu day. Na amori de wazeme ke, taê namunê pey, peynamu, yanê namê çeyi (familiya), namê soy u sopi bîdime. Ewru ma ke besênekeme Tırkiya de na namu nîka hora nime, hama besêkeme Avrupa de na namu bijême, çike ita mara taê benê "vatandaşê"

Almanu, Fransizu, Hollandizu ..., u waxt ma besêkeme na namu ita bicêrime. Na serrunê peyênu de miletê ma, zonê mara namu nano domonunê hora.

Ma cêr de simarê taê misali day. Sima ke wazenê, zonê mara kelimeyê ke (çekuyê ke) gosu rê wes yenê, weçinê, serva namê pey bijêrê.

Amnon	Dêndar	Hozat, Xozat,	Roştidar, Roştardar
Antok, Antoq	Dersim	Xozatiz	Rohast
Areyiz,	Destber	Kardun	Rohast
Asmen	Destpak	Karer	Rosenik
Astare	Dewapile	Karsan,	Rozver
Avlik	Dewleti	Kemer	Rowes
Awrançi,	Dewiz	Koberz, Kooberz	Sefkan
Arewançi	Ditoğ	Koçen	Serhêga
Axpin	Dostnas	Koçêr	Serkemer
Azdar,	Dulger	Kunkor	Suredar
Azneber	Esraq	Laşêr	Şêkün
Bend	Famker	Lazvan	Şemîn
Berz	Ferat	Mergasure	Şîmşér
Bêtters	Garz	Merge	Textşen
Bevind	Gavar	Miran	Torge,
Bextşen	Gaxmud	Nalbend	Torjên
Bilusk	Gosedar	namdar,	Tulik
Cansenik	Goskar	Nazman	Vengşen
Canwes	Halen	Nerm	Vengdoğ
Cengdar	Hanedan, Xanedan	Nirebend	Vinoğ
Cîtkar	Hardşen	Omedar	Wareşen
Comerd	Hast	Ospor, Aspor	Zelal, Zalal
Çem	Hazar	Osînkar	Zemul,
Çêopil	Hêga, Pilhêga,	Pak	Zend
Çeper	Hêgaopil	Pakzad	Zengen
Çêran	Hemgen	Paygiran,	Zenger
Çermug	Hengirvan	Payiz,	Zermîn
Çewder	Heylo, Heylor	Piran, Piranız	Zerpak
Çime	Hodar	Phoştadar, Poştadar	Zerrehira
Çimerost	Hosta	Pulur	zerrepak
Darapile		Rez	Zerrewes

**DINYAY ZURKERAN****Koyo Berz**

<i>Dinya biyo dinyay zurkeran,</i>	<i>No dinya di ca esto</i>
<i>dinyay zaliman.</i>	<i>besê ma hemini keno.</i>
<i>Dinyay menfeet u xapeynayeni.</i>	
<i>Dinyay zilim,</i>	<i>Lo bena,</i>
<i>Tahda u zordessey.</i>	<i>bena</i>
<i>Nêvirdanê,</i>	<i>Zalimey u neheqeya winasini</i>
<i>zalim u şivenisti,</i>	<i>lo qe nêbena.</i>
<i>bêbext u serdesti,</i>	
<i>zureker u zordessey.</i>	<i>No dinya him ê inan,</i>
	<i>him zi ê ma yo.</i>
<i>Nêvirdanê,</i>	<i>Ma hemini rê zi beso.</i>
<i>Nêvirdanê kesna şar bo.</i>	<i>Heqê kesnay çimiyo,</i>
<i>Namey xo xoyano.</i>	<i>heqê kesi kesi ra bıqiro.</i>
<i>U namey xo yê raştı karbiyaro.</i>	<i>Vanê çimbarnêdanayey</i>
<i>Bi ê namedê xo ya bisinasneyo</i>	<i>meydan ra werzo.</i>
<i>u o nameya xo temsil bikero.</i>	<i>Heme şarê dinyay zey pê bê,</i>
	<i>zey pê heyat biramê</i>
<i>Nêdanê,</i>	<i>u zey pê nê dinyay pê ra barakerê.</i>
<i>lo willi ray nêdanê</i>	
<i>Jewna</i>	<i>Çimtengey u neheqey</i>
<i>bi namedê xo ya</i>	<i>vanê nêmano.</i>
<i>xo name kero</i>	<i>Heme heqandê dinyay ra</i>
<i>u bi ê namiya veyndeyo.</i>	<i>heme şari pay bigirê.</i>
<i>Vanê qey no dinya</i>	<i>Vanê, qe şarê nê heqan ra</i>
<i>teniya ê inan o.</i>	<i>bê pay nêmano.</i>
<i>Vanê qey</i>	<i>Heme şaran rê zey pê yo.</i>
<i>besê inan nêkeno.</i>	<i>Beso, bes keno</i>
<i>Ma qe çimê inan nevinenê</i>	<i>No dinya hemini rê bes keno.</i>
<i>him inanrê, him zi marê</i>	

**PAWIT**Koyo Berz

Pawit,  
mi pawit, bi mengena.  
Sebir kerd,  
mi sebir kerd  
bi serana.

Ha ewro, ha meşti  
do biro,  
Rojê mi do biro.  
Çiyo ki ez o pawena,  
Posena ki, ez xo ci resna.

Mengi amey u qediyay.  
Seri qelibiyay u dindeyay.  
Ne pawitemi u ne zi sebrê mi,  
Bi posanayena ame ca.

Temenê mi temam bi,  
amê u qediya.  
Çiyo ki mi bi serana pawitê.  
Çiyo ki mi xo şana bi ci ver.  
Çiyo ki ez ci vero qerisiyaya,  
pa biya kalê seran.  
Lo birayêno niyame,  
niyame.

Lo mi pawit, pawit, pawit  
willi niyame, niyame.  
Tim şo mira duri kewt.

Niyamê,  
niyame,  
niyame...

**AZIYAY**Koyo Berz

Aziyay,  
Qandê derdandê zeri,  
Aziyay u bi palaxi bedeni  
jan u weşati ver.

Jandariyay,  
Jandariyay dirbeti,  
Aziyay,

aziyay khulê pizi,  
heme têtewr aziyay,  
Jan u tewati ver,  
pêro,  
pêro girêneyay u keweyay,

Keweyay u aziyay,  
qahr u kotiki ver...

**Koyo Berz**

**KOLE NÊBA**

Şeher & Dîmî

Weşanxaney İremetî

Adresa Waşteñi: İremet Förlag, Box: 4014  
128 04 Stockholm-Sweden

# KAMİ TEZEKİ BERDÊ TAMİR?

MEMÊ KOYEKORTA

Raqasa u Segire Varto de dî

dewê, zaf ki zübini ra nezdiyê. Raqasa dewê de xormecika wa, Sêgire ki dewê de lolica wa. Piyaê Sêgire ke şiyêne suke, amêne Raqasa de niştene ereba ra u şiyêne suka Gimgimi.

Reqasa ki dî dewê; cira vanê dewa cori u dewa cêri. Dewa cori zaf dewe de khana. Hama dewa cêri hardierzê serra 1966i ra tepiya ama viraştene.

Xidê Elê Khare dewa cori de niştene ro. Rocê şodir urzeno ra, rüyê xo şuno, ara xo weno u cêniya xora vano:

- Erê hela a qazocağı biya, ez xode beri Gimgim, uja belki bidi tamirkerdene.

Cêniya dê şona qazocağı ardene, no xoxode vano:

Bêqazocağı ki qe nêbeno, nae ebe tai vengo berz vano ke cêniye ki biheşno. Cêniya dê qe şiyê nêvana, qazocağı kena zerê jü çüalê de sıpi ana verê dêde nana ro u şona karê xo ser. Xid benobe çüali ra çê ra vecino, aver de dewa cêri ser şono. O waxt dewa cori de erekê çinê bi, gere ke bişiyêne dewa cêri. Miletê dewa cori ke şiyêne suke, gege amêne dewa cêri ke erekê şiyê, gege ki reştene ereba, hama ereba de ca nêmendêne. Coka Xid ebe waştene amê dewa cêri ke bireso ereba. Amê reşt ereba, niya da ke xêle milet tedero, hama şofêr oca niyo. Miletî ra va:

- Ez nawa şon çê muxtari, hebê karê mi esto. Mist ke amê cira vacê wa mi sera vindê ro.

Bi raşt, çapık çapık şî çê muxtari. Oca torbê xo yahatê de na ro, şî oda

meyniana; muxtar oda xode nişt bi ro, ewraqa de niyadêne. È selam da muxtari u têy tai qeseykerd. Waxto ke muxtari kağıdê ê imzakerdi, teber ra vengê qorna ereba amê. Xidi tewr kağıdê xo nêgureti, ebe ecele yahate ra çüalê xo guret u veciya tever. Muxtar ê dima amê tever u qêra:

- Nenê bira Xidir qa nê kağıdanê xo ki bice.

Xid huya, va:

- Ci de aqlî mî bo, qa ez ki seba nê mîräta ra şon suke.

Xidi kağıdê xo muxtari ra gureti, kerdi cebê xo ebe vaştene şî nişt ereba ra. Zerê ereba pirê miletî bi, qe ca çini bi ke ser ra ronişo. Milet sanke jübini ser ra nişt bi ro. Taine jüvini than da u tenê ca da Xidi. Xidi ke caê xo guret, torbê xo verê xode na ro u selam da miletî.

Ereba ke amê suke, Xid verde raa tamirci gurete ke qazocağıya xo viraştene do. Va ke:

- Hetan ke qazocağı bêro viraştene, ez karê xuyo bin ken, qedênen.

Xid verba dukanê Memê tamirci hem şiyêne, hem ki xoxode qeseykerdêne. Èke tamiri rê zêde pera, bıwazo, ez nêdan tamirkerdene. No Mem ki zaf kutiko. 'Tamir mebo ki beno. Dewe de tezeki zafê, ma xorê idare kenime. Qey peranê xo fuzuli bidi. Peranê ke dana Memê tamirci, dan xorê şiyê de bn cên.' Xid ke kewt zerê dukani, selam da Memi. Fekê torbê xo kerd ya ke tezekê tede. Se kerd ya se veciya tever, qe kesi famnêkerd. Xidi nêzana ke se bikero. Nê tezeki koti ra amê? Ceniya xora bi hêrs xoxode va 'anciya a çêna kutiki, hera golige nê tezeki

day mi. Ez kerda rezil. Nêzo Memi di ya ki nêdi?

Xid zerê suke de hem cêrêne hem ki xoxode qesey kerdêne:

- Lao nê tezeki mi se ardi, ma mi qazocâgiya xo se kerde? Qazocağı ki ma xelê fiyatlî gureti bi.

Xidi ke karê xo da arê, tenê çimi mimi herina u verba qeraji şî. Ereba Misti uja biye, şî pê şoferi de nişt ro. Milet bini ki amê nişt ereba ra. Milet zaf bi, tenê Raqasa corri ra bi, tenê Raqasa cêri ra, tenê ki Segire ra bi. Misti ke ereba xo rind kerde pirê mîleti; işe pirkerdene bi, ereba fek u qene ra bibi pir, mavênen xora va:

- Şo bilêta arêde.

Mavênen Misti bîlêti kerdî top, berdi day simsari, perê xo gureti u kewti rae. Xid xaftla qera u va:

- Gelê cirananê Raqasa, phonc deqey goş mi sernê, ez şimara çiyê vana.

Milet vengê xo birna, Xidi ebe huyaiş va:

- Şima zanê ewro jû lolici se kerdô?

Qe kesi ra veng nêveciya, Xidi nafa ki ebe vengê de hurdi:

Ewro jûyê de loliji tezeki berdê Gingim ke tamirkêro.

Qerebeligê kewt wertê mîleti, her fek ra çiyê veciya. Derde kişa şoferi de nişt bi ro, ciğare fek de bi. Hetan nême kerd bi hit. Fite fita dae biye. Xidi ke qesa xo xellesnê, Derde xo pê de çarna u qaytê Xidi kerd:

- Lao lao to herdişa xo kerda sıpê, ti qey zür kena. Kamo tezeka beno tamir? No kamci hero niya keno? XO Heqi ra meke. Rüyê Xidi hebê bi sur, nêzana ke se vaco, hebê tede mend. Qaytê piyanê Segire kerd, bêçika xo dergê dina kerde u ebe vengê de tersonik va:

- Ma ti qey mira bena hêrs, qa mi teze ki nêberdê tamir, jûyê de lolici berdê.

Misti vengê Xidi birna u ebe huyaiş va:

- Nênen hela kewraa ra pers ke tezekê xo tamir kerdê, ya ki nêkerdê.

Alê Suri qaytê piyanê Segire kerd u va:

- Nênen bira şima qey niya xo nore bêvengiye. Qa şima ki çiyê vacê.

Piyanê Sêgire qaytê jümini kerd u perune piya jû veng ra:

- Bira Heq bo, Ali bo, ma bêşikime. Bira wulahi kesê ma ne şyo tamir, ne ki çimê ma gino tamirci ra.

Derde anciya kewte werte u va:

- Wiy! şima mîletê Raqasa dest...! Heq hewz u imanê isani şimara bikero. Her waxt kar u gurê şima niyaro. Ebe xo herti ne kenê, defêna ki kenê Lolicanê feqira ser.

Alê Segire:

- Waa Derde mi çîçikê to bîwerdêne, ti têyna ke cüanika. Ma qesa de ebe Raqasija nêşikinime, belki ti hêfê ma bicêre.

Derde daina biye xure u verê xo çarna Alê Suri:

- Hela qaytê mino anê alêhini darê. E ki hera xo verê çeverê xode xeneqite kerde Lola ser.

Derdê, Derdê xo Heq ra meke, ma mi qey xeneqite. Weysê Segire amê dewe ke arda bero. Hera xo dara verê çeverê mara girê dê u hera feqire xeneqite.

Hış be Alo, xo Heq ra meke, ez ki Segire ra niya, ti mi qan kena? Çimanê xo çar yake u qaytê mi ke; ez Derda.


Derde hetê Segirciya guret, hama anciya ki fayde nêkerd. Xidi son werd va:

- Qa ez zan, jûyê Segire ewro tezeki berdi ke tamir kêro.

Eke Xidi niya va, mîletê Raqasa hüya. Mîletê Segire ki sond werd, hama kesi inam nêkerd.

Ereba ke amê dewa cêri vinete, mîlet ereba ra bi piya. Her kes verba çê xo şî.

Xid verba çê muxtarî şî. Muxtarî dest de qazocağı biye, o ki verba Xidi amêne.



# MESELÊ MEMÊ BOMI

ARÊKER: X. ÇELKER

## Xêr

Rocê çê şausen beg de xêrê merda dino. Mem ki êno xêr. Pilê çêi qomê çêi ra vano;

Mem se keno bikêro kes qarşê Memi mîkero, şima ke Memi ra çiyê vacê ma keno rezil.

Qonağ girso, zaf milet êno. Pêrune rê bese nîkenê jü raa de werdene ronê, milet qor be qor non weno.

Mem ki şifre de nişeno ro, qorê ewli de non weno. Qrê didine de ki şifre ra nûrzeno ra. Qomê çêi ra jü nae vineno, hama vatena pilê çêi êna viri, vengê xo nêkeno. Mem heyan qorê hautine şifre ra nûrzeno ra. Wairê çêi damîş nêbeno Memi ra vano;

"Memo Memo to hawt qori non werd, hona ti mird nêbiya?" Na vatene sera Mem vano;

"Ero lao lao şima nonê hîrisê u şesti u şes dewa werd mird nêbi ez be hawt qori se mird bi?"

## Vilo hasnên

Lacê Memi jü de beno ortağ. Ortağê xo tai panger beno. Naê ser no lacê xora vano; "Ero nirê vilê nê niro hasnêno, ti se nêy de kuna raye?"

## Cigara

Domana pelga cigara gureta xo dest viriniye u peyniye ebe tutin, werte ebe fişqiya kerda pir, pişta têra, berda dabe Memi. Memi qilmê dide ke şimoto, cira pers kerdo, vato;

"Ap Memed cigara çitür a, weş a?"

Ê ki vato;

"Wule ke weş o

Wule ke weş o

Xerê dê astanê piye to reso."

## Qonağ u Xanımı

Rocê ki şyo dewe de Tercani. Verê jü qonağê gorsi de nişto ro ke biarêsiyo ra. Kesi cirê xizmetê nêkerda. Rüyê xo çarno re hermetanê çêi vato;

"Qonağ girso, xanımı qışkekê!"

## Çü

Verê dare de nişto ro, pişta xo azna re dare ciğare şimeno. Xorti amê lewe, hetê ra do qesey kerdene, hetê ra ki çuyê ê gureto, berdo heto ke o ebe dest pêcêno, kerdo zerê ci, ardo kişa dêde no ro. Ciğare ke qediyô nê çuyê xo gureto u uştu ra. Hayrê ci nêbiyo ke domana çü kerdo ci. Domana ra jü cira vato;

"Apo çuyê to senêno?"

Nê qaytê çü kerdo u vato;

"No çuyô.

Nowo ke pira ciyo.

Xêrê piyê tüyo!"

## Koka Ciğarı

Rocê ki Mem şono çê Alişan begi. Milet ronişte beno, o ki koşê de nişeno ro. Xatuna çêi ke lewê Memi ra vêrena ra şona, koka ciğarê xo erzena hard. Mem oca jü ra vano;

"Bira şo a qena xaturie biya ez darê ciğarê xora keri."

\* \* \*

# Veng u Vaz

## MANNHEIM:

Roza 23.02.1996 de Mannheim de "Forum der Jugend" de elifba zunê Zazaki sero jü seminar bi.

A roze zonzanoğe M. Sandonatoe u zonzanoğ C.M. Jakobsoni elifba zunê ma dê naskerdene. Problemê zoni sero mizawre kerd. (...)

Xêlê milet ame. Zazaki sero, tarixê zazaki sero persê gosdaru zaf bi. Cuabê nê persu amê dayene.

Peyniye de hunerberz u kılamdaru ra  
**Fidane ve Nuraye, Mesuti** lawiki vati.  
 Ebe reqais u teqais, ebe huyais u sabiyayis  
 sewe rîndek qedîye.

H. Çansa

## MANNHEIM:

### ZON WELATO, WELAT ZONO<sup>1</sup>

Wayenê, birayenê,  
 sima xêr amê Veyvê Kitavu, Veyvê Kita-vunê seşine. Ewro roza kitavuna, roza zunê  
 mawa, roza kulturê mawa.

Ez bon sa ke, ewro ita de welatê mara her  
 ca ra miletê ma amo: Varto, Erzingan,  
 Dêrsim, Bayburt, Bingol, Xarpêt, Diyarbakir u Soyrege ra amo. Malatiya, Maraş u  
 Şêvaz ra, ... her ca ra amo. Na roze, roza  
 hewla. Na roze, roza zon u kulturê mawa.

Zonê ma zof şireno. Waxtê pi u khaliki ra  
 hata ewro amo. Hama ewro halê ho zof  
 xiravino, ewro tengê dero, wertê adırû  
 dero.

Ma ke vame "Zone ma", teyna zunê ho  
 fahm nêkeme. Zonê ma her çiyê mao. Zonê



Universta Frankfurt'ra Prof. Gippert

ma, hardê mao, welatê mao, adet u torê  
 mao. Zon welato, welat zono. Ma ke zonê  
 hora vejime, welatê hora vejime. Ma ke we-  
 lat ra vejime, zonê hora vejime. Welat ke  
 ma dest ra şî, zon ki ma dest ra sono.  
 Ewro welatê ma ke çi hal dero, zonê ma ki  
 u hal dero. Hêgaê ma, dar u birrê ma, zon  
 u kulturê ma adırî ver derê.

Ma welat ra vejiyayme, xêyle çi ma dest ra  
 vejîya. Zalumu, zorvazu ma peqnayme, ma  
 welat ra piskitîme. Dulgerunê teveru de  
 ma ameyme ra ho. Roz ve roz zon u kulturê  
 hore, welatê hore wayir vejime. Roz ve roz  
 beme baqil, bême pêt, juminî ra haskeme,  
 dest dame ve jumin serve mesela miletê ho

<sup>1</sup> Na nuste Veyvê Kitavu de, rakerdena sewa kulturi de ame wendene.



Şinatkarê hunerberji Metin & Kemal Kahraman u alvoza xora.

Foto: H. Tornecengi

piya gurime. Karê ho, zonê ho, serbestiya  
ho raver beme.

### VEYVÉ KİTAU - ROZŞENA ZON U KULTURÊ MA

\* Ma gereke domonunê hode zonê ho qeseybikerime.

\* Ma gereke zonê hode mektevu rakerime.

\* Ma her ca de, wertê hode gereke her waxt zonê ho qeseybikeme; veyye, deniskar, cêm u cemaat, ibadet, sewa kulturi ... her ci gereke zonê made vo.

Domonê her muleti yene dina, benê pil, zon u ma u piyê ho qeseykenê. Hama yê ma? Ma zonê ho domonunê hore salix nedame! Ça? Seveyê zonê ma, mayime. Her ci ma dest dero. Ma ke wast, domonê ma musenê, mektevi ki benê, radun u televizyon ki beno. Her ci ma dest dero.

Zonê ma zof şireno, zonê bilbiliyo. Welatê ma zof şireno, germo, berzo, honiko, hirao, kweeo. Zon welato, welat zono. Hurdemine ré wair bivejime.

Veyvê Kitavu 6. esmer roza 4.5.96 de Almanya de, suka Mannheim de şen bi. Xeylê meymani amey, teyna welatê mara her cara ni, zövina suku ra, zovina mileturna ki xeyle ziyaretçi amey. Qezentunê suka Mannheim de Veyvê Kitavu sero xeverê rindi vejiyyat. Almanu ra, Türkura u Qurru ra xeylê olvaji, xeylê dosti amey. Veyvê Kitavu, vevvê zon u kulturi ma vi. Na rozşêne, esmer di parçu ra biye. Parçê jüyeni de zon u kulturê ma sero qesey bi, camat u mislet bi. Universita Frankfurt ra Prof. Gippert, tarihê zonê ma sero qesey kerd. Zonê ma koti ra amo, wertê zonunê İranu de hem waxtê vereni de, hem ki ewru caê ho kotiyo, ey sero malumat, informasyon da. Eve vatena Prof. Gippert, zonê ke ewru İran de qesey benê, wertê dine ra en jêde Zazaki zonê Partu ra nejdiyo. Ewru zonê ke Zazaki ra nejdiyê, İran de, verê Deryaê Hazari de qesey

benê. Universita Frankfurt de xêyle waxt ra nat binê dezgê Prof. Gippert de Zazaki sero ju dî sömestriyo derse dina. Çiyo ke na derse de Zazaki sero dos beno, rozê ku-no kitav, beno eskera.

Hurdemena ilimdarê zonu M. Sandonato

Dr. Gülsün Fırat, hometa Dêrsimi sero te-zê huyo doxtora kerdô hazir. Aê na festivalê kulturi de, mavênenê hometa Dêrsim u ciranunê Dêrsimi sero qesey kerd. Dr. G. Fırat Dêrsim de, wertê qomi de çike diyo, do arê, dos kerdô, a roze u ard ra zon. Ya-ne eve doskerdena karê daê, mavêne sarê



& M. Jacobson "Zazaki se beno?" sero qesey kerd. Yinê zonê made qesey kerd, meymani zof bi sa . M. Sandonato u M. Jacobson vanê, eke zerrê çeyi de teyna Zazaki qesey bi u waxt payra maneno. Hama eke zerrê çeyi de dî zoni, hire zoni koti têwerte, nu Zazaki re beno zarar. Zazaki hata nika bêmektev, bênusnayene waxto veren ra hata ewru ame. Çinayre? Çike zerê çeyi de, dewe de teyna Zazaki qif qesey bi. Dinade xêyle zonê bini ki na hal derê. Mordem ke xêyle zonu zone-no, nu rindo. Hama zerê çeyi de miletê jê ma gereke teyna zonê ho qesey bikerê, eke zonê ho qesey nêkard, u waxt zonê ho tesirê zonunê binu de maneno, beno zar, beno vind.

Sayir Memed Çapan

Foto: H. Tornecengi

Dêrsimi jêde Alewi de esto, yiye ke He-re-Were (Kırdaşki) ya ki Tirkî qesey kenê. Mavênenê miletê Dêrsimi evê Qurru ra, vi-jêri ra ewru, hetê sosyalî ra qe çino. Na mavêne eve Zazaunê sunni ki çino. Hama serenu de peyenu de Almanya de wertê cêncunê Dêrsimi u Zazaunê sunni hetê kamiye ra (identite ra) newede mavêni biyo ra. Na mavêne hama hona Dêrsim de çinê.

Dêrsim ra zovina ju mordemê ilimi Dr. K. Gündüzkanat ki tezê doxtera ho Universita Frankfurt de kerda. Giraniya karê dey, sistemê eğitimê Tirkî de (musnayene) kâmiya sarê Dîmilî (Zazau, Kîrmancu) sero-wa. Dr. Gündüzkanat, politika mektevunê

Tirku eve sistemê hoyo musnayene ("eğitim sistemi") domonê ma çituri kamiya hora vezenê, ey sero qesey kerd. Iso ke, gos narê karê dey ser, vineno ke, politika mektevê Tirku waxtê cumhurriyete ra nat ma çitür hete kulturê hora kerdime binê destu, kerdime alange.

Qeseykerdene u camat ra têpia sewa kulti-biye ra. Şinatkarê ma, Memed Çapan, Metin u Kemal Kahraman eve lawikunê khan u newu zerê miletê ma kerd wes. Sewa kulti de Almani, Tîrkiya ra her ca ra u zovina miletu ra xeyle meymani bi. Yi ki serva şinatkarunê ma, serve kalita dine hem sas bi, hem ki bi sa. Ju meymani vake, "sîma ju mîleto qiskekiyê, kes hona sîma nasnêkeno, hama şinatkarê sîma rîjiyê, zof eve kaliteyê". Zovina jü meymani vake, "sîma hem mara, hem ki tayne binu ... ra baqiliyê, sîma qiyemet danê kitavu, professoru dewatê kenê".

Veyvê Kitavu, hem ki welat ra evê resmûnê roşti (dias), evê kîlamunê/şîirunê Safiya Pak u Gagan Çar, eve lawikunê Grup Hasadi zof bi dewleti, bi rengin. Meymanê ma, her het ra bi sa. Miletê ma, Bayburt ra hata Siverek, Şevaz ra hata Piran, Varto ra hata Malatiya ... her ca ra ameyvi, tey non pot ard, tey werd ard. A roze salonê Forumê Cêncu hata peniye bivi pir.

Ma omid keme ke, sewê jê Veyvê Kitavu hem welat de, hem tever de, serre ve serre jêde vê, veyvê zon u kulturê ma vê, hem hometa ma, hem ki dostê ma sa vê.

#### H. Dewran

#### HOLLANDA:

**SEMÎNARDAWOĞ MİSTAFÂ  
DUZGİN'İ TARIXÊ DÊRSIMI'YO  
KHAN U NEWEY SERO QESEY KERD.**



Mustafa Duzgin seminarê Vakifê Dêrsimi yê Hollanda de qeseykeno.

Foto: H. Tornecengi

Vakifê Dêrsimi yê Hollanda, asma usariya wertiye de (27.04.96) Tertelê "38" sero ju roze seminar virast. Na seminar de Mistafa Duzgini tarixê Dêrsim sero qesey kerd. Sifte tarixê Dêrsimio khan -se-serra 1514e ra nat- kerd ra, ju've ju eve dokumanu kerd eskera. Waxtê Osmanij de ci ke amo sarê Dêrsimi serde, na seminar de vêjiya riyê roşti. "Osmanij ke serra 1750'e de eve Khurru (Kurd) ra amo hurê, pia verva qomunê binu dest pêkerdo; Pilonê Dêrsimi verva ci vêjiyê. O waxt ra nat, Osmanij u têde sunni u şiyâfi dismeniya Dêrsimi kerda. İyê ke vireniya na pia-gurayisê Khurr u Tirku (Osmaniju) vêjiyê, têde amê qırkerden u surgin kerdene. Sarê Dêrsimi u Elewiyê (Qızılbaşê) bini o waxt ra nat, her taw amê qırkerden. Sarê Dêrsimi rê dismeniya xo, taa waxtê Osmaniji ra hata roza ewroyêne dewam kena. Hona ki na êjiat u şiasetê dewleta Tirkî ra nêxelesiyo ra."

M. Duzgin'i dima ki "38" sero, yanê jênosidê Dêrsimi sero qal ard ra: "Dewleta Tirkî zeraro ke do've qomê ma, têsiro ke ewro miletê ma sero kervo" na seminar de rind ame vênitene. "Îsonê ma zon u kulturê xora eve zor fişto dürü. Eve politika xuya gelete, hona ki jê waxtê Osmaniji

asimile u zorbajên qomê ma sero kêm nêkeno. Roz nêbeno ke miletê ma mêt'ro kisten u qirkerdene. Roz nêbeno ke dewê ma mêt're vêsnayene. En zeraro de pili ki, qomê ma zon u kulturê xuyo humanist ra dür fitêna."

Qeseykerdena M. Duzgini ra têpia Daimi Cengizi lawîkê Dêrsimi vati. Sayirê mao pil M. Areyiz wastena mileti nêşikite; vêjiya sahne. Ey ke şuarê 38'i eve thomir ciniti u vati, tayê cêni damis nêbi, bervay. Peyniye de ki, derheqa qeseykerdene de persê gosedaru hetê M. Duzgîn'i ra amey cuavdayêne. Milet eve zerreweşîye seminar gos da. Tayine vake; "rind ke Vakifê Dêrsimi na seminaro de nia rindek gureto de. Gereke her ca de seminarê jê ewroyên bêro virastene ke, miletê ma tarixê xora xeverdar bo, kamiya xorê wayir vejiyo".

### HOLLANDA:

#### **KONFERANSÊ ZONÊ MA**

Roza 28.04.1996'e Cemâtê Zon u Zagonê Dêrsimi yê Hollandâ, ju konferansê Zonê Kirmancki (Zazaki) virast. Sifte Cemât ra ju alvoji qal ard ra vindbiyêna zonê ma ser u tenganiya ke zonê ma tedero, ju ve ju ard werte. Dima ki C.M. Jacobson zonê ma sero konferans da. Cuanike M. Sandonato Kirmancki (Zazaki) de derse dê. (î 've xo ki zonê ma zaf rind qesey kenê). İne, giramer u elifba zonê ma gosedaru rê kerde areze. İsono ke turki zoneno u wazeno ke zonê made wenden u nastene bimus, ine rê eve usilê elifbay, raa rete salix dê. Nejdiyê çewres kesi na konferans u derse gos dê u pelge sero persê zoni cuav kerdi. Milet na kon-



Roza 28.04.1996'e Cemâtê Zon u Zagonê Dêrsimi yê Hollandâ, ju konferansê Zonê Kirmancki (Zazaki) virast.

Foto: H. Tornêcengi

feransê zoni rê zaf hewes kerd, wast ke konferanso de nianen rew rew bêro virastene.

Peyniye de qeskerdoğî vake: Gereke her kes zonê xo çê xode domanunê xo salix do, zonê xo her daym qesey kero. Ma ki zoneme ke zonê ma zovina zonu ra cêra niyo. İson besekeño her tema sero zonê made vazo u binusno. Zonê xode qesey kerdene, weşiya kultur u folklorê xuyê humanisti dewam kerdene.

### FRANKFURT:

#### "WENDEN U NUSTENE ÇITUR YENA WERTE?"

Roza 24.03.96e de Frankfurt de konferansê zonê Zazaki bi. Zazaki çitûr vindbiyêne ra xeleşino? Zonê ke biyê vindî (asimile biyê), çitûr reyna yênenê 'ra xo? Na persu sero ju konferans bi. Na konferans; iyê ke Zazaki danê wenden u nustene seveta dine bi. Kanada ra perszoña alime, Prof. Davis'e amê konferans da. Ae bavêta wenden u nustene de problemê zonê qomunê bindestu sero ingilizki qesey kerd. Çarnoğ Dr. H. Çağlayan ve Merivane ra simultan çarna'ra zonê ma. A hata nika 28 zonu sero guriya, disertasyonê (doskariya) xo Peru de qomê İndiyâ sero kerdî hazîr. Zovina ki ae zaf kitavi seveta wenden u nustene vetê. Emser ki hetê Vakîfî musnayêna wenden u nustena internasyonalî ra laaqê haleta de hewle diya.

Aê ke di, ma kitav u perlodu vezeme, kîlam u saniku nusneme, vake: "Sîma literatûr sero gurinê, zonê xode nusnenê, kilañnu vanê, o waxt qomê sîma rehet besekeño wenden u nustena zonê sîma bîmuso. Bîzonime ke, dina de 66% isoni besenêkenê biwanê u binusnê.

Zonê isoni roê isoni yo. Zon mordemi ano werte... Karakterê isoni zonê isoni de be-reqino. Ju mordemi ra ke zonê dêy bicêriyo, o mordem beno seqet. Seveta ra-resnaêna mordemi zon cao de hewl cêno."



Kanada ra Prof. Davis'e

Prof. Davis'e gurê xora ju misal da, vake: "Peru de, wertê gemu de ju qom bi. Uza jêde zonê qesey biyêne. Dewlete ke ray viraşti, dima ki gemi day bîmayêne. O waxt na qomi wertê gemu ra veti tever. Caunê binu de cirê dewi sanay pê, wast ke ine asimile bikerê. İne ra vat; 'zon u zagonê sima rind niyo, bêrê yê dewlete bijêrê!' Na qomu se kerd?

Cira ju qomi zon u kulturê xo gira gira terk kerd, zon u kulturo de newe musa. Sifte vake, no kultur mebo ki, ison weşino. Dima ke xêyle waxt vêrd ra; zon u kulturê xo eskera qeseynêkerd, her ke şî o zon u kultur peyser mend u lewê zonunê binu de bi zar uwar. Peyniye de zon u kulturê xora ar kerd, vake; no taway rê nêbeno. Halbîke, her zon u kultur ju gezna wa. Peyniye de se bi? Hêñ kut halo de henên ke, oncia ki lengero cêren ra nêxelesiya ra, bê kar u bê şinate mend. Xo dara've alkhol. Hêñ bi ke cimê i binu de bi asosyal.

Hama wertê ra ju qomi vato, ma baqili me, besekeème di zonu ki bîmuşime. İ, hem zono newe musê, hemi ki zonê xo canêverdo. Ewro i hona ki estê, her tabaqâ

de ca gureto. Kamiya xora ar nêkenê, sa-reberz fetelinê. Ez ke serva son-mus-nayêne şine, mi i pêro di. Gereke sima ki zonê xode biwanê-binusnê ke wertê miletu de çiyê verde say bê. Isono ke bê zonê dakila xo mendo, hetê pisikoloji ra ki xo herdaym i binu ra cêra cêno. Karo ke iso-no bin keno, i karê berji rê hewes nêkeno, çike peyser maneno. Coru karê verê destu ra nêxeleşino ra. 1953 de Unesco ju kitav de vano ke, zon ju lizgê zonayışi yo. Heqa ju domani awa ke, o doman zonê dakila xode biwano, binusno.

Zon musayêne de gama virene, wendiso. Elîba na rae de ju zewnê sembolu no. Mordem besekeno zovina zonu ra na sembolu bijêro u tenêna ret bimuso. Hala iyê ke zovina zon zonenê, sebolunê (herfu) dine ra dayna jêde fayde vênenê. Çike o waxî mordem wendene rew fam keno. Serva wenden u musayêna zoni qomi rê qeyle pere lazimo. No ki eve destê dewlette, ya ki eve phoştariye yêno werte... Çitûr ke sima amey na welat, ita ravê zonê na welati musay, ya ki dewlete zonê xo hervi sima salix da ke, rozê faydê sima a dewlete rê zaf bo...

Eve test cerevno ke, mordem besekeno ju zon wertê di serru de bimuso. Sima ke qeyret bikerê, zonê dêka xo besekenê bimusê u musnayêne dê. Sene wendiso ke milet merax keno, vajime; jê saniku, tarix u eve taê destan (epos) u meselu, mordem hervina museno. Çiyo ke reto, gereke ey wendene dê. Ju pelge ra sima besekenê ju kitavêk virazê. No kitavêk serva domanu zaf rindo..."

Gosedaru na meselawa ke Prof. Davis'e vake, aê sero raştiya qomê xo rind diye ke, miletê ma çâê kuto na hal. Roz've roz diyaspora de çitûr beno ağme sono, rind ame çimu ver. İ, nika wazenê ke dormê xode miletê xode qesey bikerê, serva wenden nustena Kirmancki(Zazaki) hover bidê. Haq nayine têdine ra raji bo. Na ki mara gore gama de hewla.

## MORGEN

Freitag, 10. Mai 1996 / Nr. 106

### Kultur vom oberen Euphrat

Neckarstadt: 6. Zaza-Bücherfest im Forum

Wer bisher dachte, Zazaki sei eine japanische Autostadt oder gar eine kulinarische Spezialität Griechenlands, der

ein Fest rund um eine Sprache und deren Kultur zu veranstalten. Mit Matthias Franz, einem Mitarbeiter des Forums für Kultur und Zusammenarbeit der nun bereits

### Feratê Cori ra Kultur

Neckarstadt: Veyvê Kîttavunê Zazau 6.

Kam ke hata nika vatenê, Zazaki \* Japonya de namê ju firma otomobiluno (makinu) yaki Yünanistan'de namê ju werde \* milliyo, u biamene Forumê Cêncu de, rind bimuse. Zazaki ju zono de rezo, ju zonê Hintavrupao. Serva payramendena u raveramayena na zoni coka Veyvê Kîttavunê Zazau bi.

Na festivalê zon u kulturi de kitaveke, kasetê muzikiyeke, pêsesrokeke (mecmuay, pêlodi) Zazau yaki persê (mesela) Zazau ser vejiyê, a roze de ocade rafîstîvi ra u jumini de vumenê. "Ma wazeme ke, zovina kulturu de, zovina zonude mavenê ma, dialogêc ma rabo, hemki serva payramendana na zonê binedeşti tene faydê ma bivo", manê na sênroza kitavu Mannheimra ju şair Hesen Dewran, uyo ke hem ki Zazaki de nusneno/nêşkeno, henî anora zon. Ewe Matthias Franz ra, belediya Mannheim de, Forumê Cêncu de ju gurenayoğ, piya na defa yê şesine kerd şen.

Yê milletê Zazay hata nika ne welatê hode (Turkiya veroji de, hardê Feratiyo coreni de) ne ki dulgerunê teveru de enstituyê huyê zoni, kulturi, soziali estê. Hama nufusa ho reseni devadêv 6 milyoni, nine ra 250 000 Almanya de xeyle cau de ağmebiaye weşiné; nine ra taê bi wayirê imkani na peyê hêşti de amey pêseramayisê edebiyati u muziki.

Parç programê vireni de zonê, kulturê u kamyena (identiteta) Zazau sre qesey bi (misliye biye), Universita Frankfurt ra ilimdarê zoni Prof. J. Gippert, naskerdoğe na mesela, tarix u ravêştiyâna Zazaki sero qesey kerd. Qorâ qeseykerdene ra dûme sewa kulturi biye ra. Eve programe hewl u dewleti salono gîrs pirkerdene qe çeuñ nevi. Zazaki de nustey, şîtri (kilami), Anatoliya veroji ra resmî roşti (dias), eve gitâr, eve qırmata asa ke, muzik u kulturrê Zazau xeyle canseniko, eve hareketo. Nia sae ke, kulturê Oryenti ame Neckarstadt.

Stuttgart ra Memed Çapan, tayinerê Pavarottiye Zazauno, eve lawikunê khanu (klasiki). Berlin ra Metin u Kemal Kahraman, Mannheim ra Grup Hasad eve lawikunê xelki (etnik) meymani kerd sa. Kultur u zonê Zazau cênc u roval o, nu teyna eve programê kulturi ispot nêhi, hem ke eve domonunê ke (qiskeke ke) sewe de ver, pey u serê sahne de til biyenê, reçeşiyenê, ispot bi.

Mannheimer Morgen, 10.05.1996

# Mektuvê Wendoğu

Embazê ereciyayê!

Verê hemê ci serkewtena "Tija Sodiri" u  
vernî şiyaena şima wazen. Na vernî  
şiyaen u sere hewadaêni zi qandê  
pêhet ardaena şarê ma Zazayan, ê  
hemê pêserok, roşnaviri Zazayan bo.

Çorşmeye jew adiri di pêhet amayen,  
jew mil bibiyaen wazena.  
Bimanê weşeyê di, bi selamanê germiya.

Faruuk Íremet

Xêr ama Tija Sodiri.

emegdarê delali, ez sebeta na gama  
hewla ke şima eşta, şima berxudar ken  
u na rae de şimarê destberêni wazen.  
Albazêne, waştena mi awa ke, şima na  
raa raşte de xo ravêr berê u nê fikranê  
raşta wertê qomê made bidê nasker-  
dene, bidê heskerdene. Verba disimeni  
metensê qomê ma bê.

Çike na çend serriyo ma vineme ke, ne  
wertê qomê hukimdara ra, ne ki wertê  
qomê verba hukimdareni ra, ne fikrê de  
pak, ne ki kerdena de pake nêveciye,  
nêvecina ki. Ma zafine de guriyayme,  
hama heqa mî qe caê néamê re zon.

Coka ke Tija Sodiri gere ke ebe na za-  
naiş xo ver bido u xo ravêr bero, wertê  
qomê xode şewle bido.

Diyar Gän

Ma'be xêr di hevalênenê.

Mi "Tija Sodiri" qezeta de diye, şimarê  
di-hirê kilamu rusnor, Mirê birusnerê  
hepisê Meletiye. Nika ez von ke:  
Milçiki zonê xode wanenê  
(... fam nêbi)

Serva vengê xo dina sero ki hepişinê  
Her kes zonê xo qesey kero  
Lawikunê xo vazero

Vengê xo sêro dina u dare reso.  
Qe çimê kêsi iştir ra pirr meberê  
Na dina de no welat welatê mao  
Serê kounê welatê made vengê tifan-  
gonê biraunê ma êno  
Goni sona çhemê Muziri de  
Derê Laçi ra vengdanê ciniyê khokim u  
cuanikê Dêrsimi.

Zaf ke dür kume juvini ra, uncia vengê  
ma êno juvini; eve mektuve, eve kilamu.

Teysel Y.  
S-Tipi Cezaevi, Malatya

Candoğê Tija Sodiri.

Waxto ke ma ilanê Tija Sodiri qezete wê  
ke Tirkiya de vêjinê, ine de ke di, zaf bi-  
me sa. Zaf re ci cêraime, hama ci fayde  
ke caê nêdiye. Pêydêna şime ser ke na  
Tirkiya de vecina, hama Welatunê te-  
veri de vena vila. Naerê ki zaf kotime  
ra xo ver, çike destê ma ci nêreşt. Ma  
nazeme ke na kemasiya xo ebe yardımê  
şima werte ra wedarime. Şima ke per-  
ioda xo biresnê ma benime şa.

Ma guman kenime ke wendene u nu-  
stene, zonê xo ravêr berdene de marê  
bena şewle.

Ma namanê xo nênuşnenime, çike ma  
emegaarê musnaişime. azaâ 'Eğit-  
Sen'ime

### Düzce ra, emegdarê musnaişî

Gurekarê Tija Sodiri.

Ma wazenime ke ûpere abonê perioda  
simâ vime. Eke destbera simara ke  
eno, ma ke kenê abonê xo, zaf benime  
sa.

Nika ra simara vanime berxudar bê.

Hepisxanê Sakarya ra  
Ibrahim Bingöl

Ma be xêr redaksiyonê periode,

Emegdarê delali.

Verê coy wazen ke simarê sebeta  
xizmeta kultur u qomî vaci berxudar bê.  
Simarê weşîye u ravêrşiyene wazen.  
Mi waşt ke amora jüine ae şimade piya  
bi, hama ci fayde ke periode nêkewte mi  
dest. Nika ancax bese ken ke adresâ  
simarê binusni. Naye ra tepiya ke mire  
birusnê, ben berxudar.  
simarê çapê periode de destberêni  
wazen.

Cenevre ra, Alaz Yılmaz




Star Müzik, Tel: 0203-405529

卷之三

# *Ware*

Persische Zivilisationen und Kulturen  
Dimili-Kirmanç-Tara Dökümlü Değerlendirme  
Dergisi



Digitized by srujanika@gmail.com

Ware: Postfach 1369, D-72258 Baiersbronn

**Desmala Sure** Wengé Désirée

— Moonie Atc —



**1990** *Journal of the American Ceramic Society*, Vol. 73, No. 10, pp. 2453-2460, 1990  
© 1990 by The American Ceramic Society, Inc.  
0002-7807/90/102453-08\$04.00/0  
Published quarterly by The American Ceramic Society, Inc., 300 N Zeeb Rd, Columbus, OH 43214-2014, U.S.A.  
Editorial office: 300 N Zeeb Rd, Columbus, OH 43214-2014, U.S.A.  
Subscription office: 300 N Zeeb Rd, Columbus, OH 43214-2014, U.S.A.  
Postmaster: Please address all correspondence to 300 N Zeeb Rd, Columbus, OH 43214-2014, U.S.A.  
Second-class postage paid at Columbus, OH, and at other mailing offices.

“Także nie przesadź. Któż wie, co będzie z nimi po tym, co się stanie? Wszystko będzie w porządku, ale...” — mówiąc to, zatrzymał głos i zerknął na mnie. — „Czyżby... Czyżby...” — zaczął ponownie, ale nie dokończył zdania.

**Desmala Sure:** Postfach 1904,  
D-33049 Paderborn

# DERSİM

Journal of Health Politics, Policy and Law, Vol. 35, No. 4, December 2010  
DOI 10.1215/03616878-35-4 © 2010 by The University of Chicago



# **“Terket! Nereye Gidersen Git!..”**

Dersim: Gençtürk Cd. Defter Emini Sk. No: 2,  
Kat: 3/8, TR-Laleli-İstanbul

# KORMISKAN

Amor: 3 Zivun & kulturë Zaziyin




SEYİT RIZA

Kormışkan: Sterihagsväg.233,  
752 66 Uppsala- Sweden.



Pir: Litos Yolu, 2.Matbaacilar sitesi,  
B-Blok ZB-24, TR-Topkapı-İstanbul.  
Pir: Postfach 210712, D-47029 Duisburg



İremet Förlag, Box: 4014,  
12804 Stockholm-Sweden



Tija Sodiri	IPA	Kırmanckî/Zazaki	Türkî
Aa	[a]	ap	amca
Bb	[b]	bîze	keçi
Cc	[dz]	cîle	yatak
	[dʒ]	ciran	komşu
Çç	[tsʰ]	çim	göz
	[tSʰ]	çite	başörtü
Dd	[d]	dest	el
Ee	[ɛ]	des	on
Êê	[e]	dês / çê	duvar / ev
Ff	[f]	fek	ağız
Gg	[g]	ga	öküz
Ğğ	[ɣ]	ȝezale	ceylan
Hh	[h]	hard	yer
Iı	[i]	bîlbîl	bülbül
İi	[i]	isot	biber
Jj	[ʒ]	jil	filiz
Kk	[kʰ]	ko	dağ
Ll	[l]	linge	ayak
Mm	[m]	manga	inek
Nn	[n]	nun	ekmek
Oo	[o]	osin	demir
Pp	[pʰ]	puç	çorap
Qq	[q]	qatır	katır
Rr	[r]	ri / her	yüz / eşek
Ss	[s]	soe	elma
Şş	[S]	şêr	aslan
Tt	[tʰ]	tire	oklava
Uu	[u]	ustûne	direk
Üü	[y]	lüye	tilki
Vv	[v]	verg	kurt
Ww	[w]	ware	yayla
Xx	[χ]	xılık	çömlék
Yy	[j]	yabu	tabiat
Zz	[z]	zarance	keklik

# WELAT ÇIQA ŞİRİNO

(LAWIKA USÊ SEYDİ)

Way de biye biye, way lemin Begê min biye!  
Daê alay ontê ma ser, taburi berdê serê Bor, iniye.  
Sey Uşê teslim biyo, khêlêka Dêrsimiya osnene rijiye,  
Sey Uşê berdo-nêberdo, khêlêka Dêrsimi owe de şije.

Sey Uşê vano, "Duzgi çinay rê veng nêkeno!  
Aşiri kotê tufong, erzenê, way lemin phosta Asm u Jicru ra"  
Sey Riza vano, "Sey Uşê ma zerrê Haq xori dazno,  
Jiaru verê ho çarno hetê mara".

Vano, "zerrê mi tersêno, yê min u to na difa sicimo, dara".  
Sey Uşê teslim biyo, qomo kerdo duzê Şêganki,  
Yel-qom dorme de amo pêser,  
Vano, "Bira ezo sonu, -way limin- xatir've sima!,  
Ma kerdime mératê vilê Sorpiyani, ondêr Welat mara asa.

Dayê Welat şirino,  
hata roza merdene, coru destê isoni cira nêbeno!".

Qemer ağa vano, "Pirê mi, neçe Sultan Süleymanê jê tu  
amê na dina ondêre, şiyê.  
Endi min u tu dest nêkuno,  
-way leminê- mérat rında Kirmanciye!".

Qemer Ağa cêriyo,  
Qomo, ma ardime mératê na Xarpeti,  
Vist u çor saat tamam nêbiye, nisanê idami kerd ma vera,  
Vist u çor saat tamam nêbiye, nisanê idami kerd ma vera.

Ağlerê ma, -qomo- idam kerdê,  
Way lemin, zalim cendegu ma nêdano.

Çifte doxtori amê cendegunê ağlerunê ma kefs kênê;  
Aqlîe Sey Uşen des u di derecey aqılı ra girano.  
De lemin, zalim cendegu ma nêdano.

YIMISKAR: WELÊ USÊ İMAMI

VATOĞ: BEDRÎ BAVA

ARÊKER: DR. H. ÇAĞLAYAN